

2000

5—6

69-йил чиқиши

Адабий-ижтимоий журнал

Таҳририят ҳайъати раҳбари
Ўткир ҲОШИМОВ

ТАҲРИРИЯТ ВА ЖАМОАТЧИЛИК КЕНГАШИ

Хумоюн Акбаров
Асад Дилмуродов
Бахтиёр Карим
(муҳаррир ўринбосари)
Исфандиёр Латипов
Қосимжон Мамедов
Қуронбай Матризаев
Холмуҳаммад Нуруллаев

Абдулла Орипов
Икром Отамурод
Ботир Парпиев
Иҳтиёр Ризо
Юсуф Файзулло
(масъул котиб)
Рустам Қосимов

**МУАССИСЛАР:
ЎЗБЕКИСТОН ЁЗУВЧИЛАР УЮШМАСИ,
ЎЗБЕКИСТОН ОММАВИЙ АҲБОРОТ ВОСИТАЛАРИНИ
ДЕМОКРАТЛАШТИРИШ ВА ҚЎЛЛАБ-ҚУВВАТЛАШ
ИЖТИМОИЙ-СИЁСИЙ ЖАМГАРМАСИ**

**ҲАММУАССИС:
«ТАСВИРИЙ ОЙНА» ИЖОДИЙ УЮШМАСИ**




МУРАББИЙ

Халқимизда «Устоз кўрмаган шогирд ҳар мақомга йўргалар», деган мақол бор. Шунинг баробаринда, ағабиёт ёки санъат соҳасига «бевосита устоз», «бивосита мураббий» деган тушунча ҳам мавжуд. «Машқларимизни ўқиб, фикр билдириган, керак пайтда суюб-кўллаган улуғларимизни «устоз» деб ардоқлаймиз. Яна бир қатор улуғларимизни ўзимиз кўрмаган бўлсак ҳам асарларини ўқиб, ўрганганимиз. Уларни ҳам «устоз» деб шарафлаб, дуолар қиласиз. Мен «Шарқ юлдузи» журналини ҳам устоз; аниқроқ таъриф этсан, меҳрибон мураббий деб биламан. «Шарқ юлдузи»да ҳеч бўлмаса тўрт қатор машқи чиқшини кўриш ҳар бир ёш ижодкорнинг орзу-армони бўлган. «Шарқ юлдузи»да илк марта кичкинагина машқи эълон қилинган бошловчи ижодкорнинг қувончи, турори орадан йиллар ўтиб кўп жилдлик китоблари чиқсандаги хурсандчилигидан авлороқ бўлган, деб ўйлайман. Устозларимиз Ҳамид Гулом, Шукрат домлалар хизмат қилишган даврда болаларга мўлжалланган хаёлий ҳикоям нашр этилгандаги қувончимга тенг келадиган хурсандчиликни кейин ҳис қиласиз. Мирмуҳсин домла, Носир Фозилов, Суннатулла Анорбоев, Ҳайдарали Ниёзов, Шукур Холмирзаевлар хизмат қилган даврда эса «Шарқ юлдузи» журнали фантастика, детектив тарзда машқ қиливчи ёшлар учун чин маънода мураббийлик қиласи. Гап шундаки, ўша даврда фантастика ва детектив бадиий ағабиёт эмас, деб ҳисобловчилар ҳам бор эди. Айрим ерларда «бу нарсаларни тушунмаймиз», деб қўлэzmани ҳам олишмас эди. Айнан шу журнал ағабиётимиизда нисбатан-янги ҳисобланган бу жанрларнинг туғилиши, оёққа туриши, вояга етишига мураббийлик қиласи. Камина ҳам, дўстимиз Ҳожиакбар Шайхов ҳам, яна бир неча биродарларимиз ҳам бу мураббийлик меҳридан баҳраманг бўлдикким, умримиз охирига қадар миннатдор кўнглимиз билан ардоқлаймиз. Бир неча йил аввал журнал ҳақида сўз кетганда «Шарқ юлдузи» инсон юрагининг ҳаракатини тасмага тушурувчи электрокардиографга ўхшайди» деган эдим. Чиндан ҳам журнал дунёга келган кундан бошлаб, то ҳозирга қадар ағабиётимииз юрак уришини кўрсатиб турибди. Мураббий журналимизнинг ўтмиш фаолиятини ўйлаб туриб, яна бир фазилатини эсладим. Биздан аввалигни авлог ҳам, биз ҳам, кейингилар ҳам журнал саҳифасига жиддий танқидга учрамабди. Ҳолбуки, ҳар бир ёш ижодкорнинг асарида танқидга лойиқ жойлар бўлгади. Журналда танқидий мақолалар кўп босилған, баҳслар кўп бўлган. Лекин ёш ижодкорлар эҳтиёт қилинган. Камчиликлари айтилганда ҳам уни янчиб ташлаш мақсадига эмас, авайлаб тарбиялаш нияти устун турган.

Инсонга берилган ҳар қандай меҳр-мурувват ҳам насия ҳисобланади. Яъниким, вақти келиб одам бу меҳрга, мурувватга жавоб қайтарishi керак. Шунга кўра, мураббий журналимиздан меҳр кўрган бизлар учун ҳам оқибат қилиш вақти етди. «Шарқ юлдузи»дан қарзимиз кўп. Уни ҳар томонлама қўллаб-қувватлаш эса бурчимиздир.

Яна ўтилиз йилдан сўнг «Шарқ юлдузи» ўзининг 100 йиллигини нишонлайди. Бугун журнал саҳифасига илк машқи чиққан ёш шоир ёки асиди у шарафли кунга дунё танигандаги улуғ ёзувчи бўлиб етишса не ажаб! Шубҳа ўйқу, журналнинг юз йиллиги нишонланаётган кунларда улар ҳам «Шарқ юлдузи»ни меҳрибон мураббий сифатига эъзозлайдилар.

«Шарқ юлдузи»нинг меҳр булогидан сув
ичган шогирди **ТОҲИР МАЛИК**нинг
умиди шудир.



Бүкуннин гати

Эрталаб йўлим тасодифан, Урганч шаҳри туғуруқхонаси устидан тушиб қолди. Олди кўкаламзор, шимол ёққа қарата очилган эшикка яқин шинамгина манзилда қариқартанг, ёш-яланг, хуллас, турли хил одамлар йигилишган. Бир йигит иккинчи қаватдаги ёш жувон билан овозини баландлатиб гаплашяпти. Хар иккаласининг чеҳралари гулгун. Кимдир сабрсизлик билан ниманидир кутмокда. Ўн икки-ўн уч яшар лўплигина қиз таксафон орқали сўзлаяпти, унинг ҳам овози баланд пардада:

— Бувижон, суюнчи беринг, кеннойим ўғил тұғдилар! Тўрт ярим кило дейишяпти! Акамга айтинг, зудлик билан етиб келсинлар. «Нексия» билан, ха, ха, «Нексия!»

Қиз севинчини бошқа яқинлари билан ҳам баҳам кўришмоқ учун шекилли, телефон ракамини яна тера бошлаганида, ёшгина норгул йигит унинг қўлини тути:

— Синглим, кўрмаяпсизми, қанча киши навбат кутиб турибди. Ҳамманинг ҳам шошилинч суюнчи гаплари бор. Иложи бўлса...

Қиз телефон гўшагини йигитга тутқазди:

— Кечирасиз, ака...

Бир жувон, оғзи кулоғида (у ҳам телефон орқали суюнчи етказиш учун навбатда турган шекилли) ҳамроҳи — отага сўз қотди:

— Қаранг, худди шу манзилга телефон ўрнатишиб яхши иш қилишибди-а, отаҳон?

Ота ҳам миннатдор:

— Яхши ишгина эмас, савоб иш қилишибди, қизим, савоб иш.

Шу орада навбатдагиларни кузатиб, телефон «кирими»ни олиб ўтирган 55 ёшлар чамасидаги опа гапга аралашди:

— Биласизми, бундай таксафонлар шаҳарнинг катта кўчалари бўйлаб ҳар икки километр масофада, тайёрагоҳ, меҳмонхона, деҳқон бозорлари, хуллас, одамлар гавжум жойларда ўрнатилган. Бунинг иккинчи томони ҳам бор. Факат шахримизнинг ўзида салгина фурсатда юзлаб киши иш билан таъминланди. Менингдек неча одамнинг қозони кайнайди шундан. Вилоят электр алоқаси корхонаси бошлиги Махмуджон Собиров ташаббуси эмиш бу амаллар...

Навбатчидан телефон гўшагини оларкан, чол деди:

— Ким бўлса ҳам отасига раҳмат шу кишининг.

Чол телефонда гапиряптию соҳ кулади, соҳ кўзларида ёш:

— Кампир, эшитяспсанми мени? Худога шукур, уйимизда алла товуши чиқадиган бўлди. Невара муборак, невара!..

Шу куни кечгача кайфиятим кўтарилиб юрдим.

Хафта ўтмай, янги ўқув йилига қандай тайёргарлик кўрилаётгани билан танишиш максадида, шаҳардаги 16-сон мактаб остонасига қадам кўйдим. Бир томони шинамгина ўйингоҳ, турли мевали ва манзарали дараҳтлар ўртасида кўғирчоқдай ясаниб турган даргоҳ кишининг ҳавасини келтиради. Ичкарига оёқ кийими билан ўтишга кўз қўймайди, ёғ тушса ялагудек озода, ҳамма нарса таҳт, саранжом. Ичкарида жамоатчилик «комиссияси» юрган экан кузатиб. Улар ҳам қилинган ишдан мамнун.

— Июн ойдаёқ мактабни тайёрлаб қўйган экансиз, тадбиркорлигингизга оғарин, — дедим тўлқинланиб мактаб директори Тамараҳон Абдуллаевага, у билан рўйбарў келарканман.

НАЗФИНГ

АДАР

ҲАЛҚА

БЕШАК

ЭРУР...



ҲОҚ

— Офаринни менга эмас, вилоятдан депутатимиз Махмуджон Солаевич бошлиқ электр алоқа идораси жамосасига айтинг, — деди опа ҳам темирни қизигида босиб. — Ошхона, спорт зал, кабинетлар, ўқув хоналари — барини юз фоиз бўёқдан чиқариши ёрдам беришиди. Бунинг устига, Махмуджон ака кам таъминланган оила фарзандларининг 150 дан кўпроғини янги дарсларликлар билан таъминлаша, 30 га яқин ўкувчи, ишчи-хизматчига мoddий ёрдам кўрсатишига сўз бериб, уларнинг рўйхатини олиб кетди.

Мен таажужбадани-ҳайратдани, елка қисдим.

— Нега таажужбланипиз, бу ёгини эшитинг, — дэя гапни улаб кетди «комиссия» аъзоси, вилоят «Камолот» жамғармаси раисининг ўринбосари Зумрадхон Матчонова, — шахримиздаги 11, 23, 25-мактабларга ҳам бундан кам кўмак бераётгани йўқ Махмуджон ака. Вилоятда бу кишига ўхаш меҳр-шафқатли, жасоратли, саҳоватпеша депутатни биринчи бор кўришим, шу одамга беш кетдим!

«Текширувчилар» орасида маҳаллалардан фаоллар ҳам бор экан.

— Сиз бу кишининг ишларини билмоқчи бўлсангиз, «Оби-ҳаёт» кўчасига қадам ранжида қилинг, — деди кўча боши Бобоҷон Машарипов. — Айниқса, кечалари кўчаларимиз «Жалолиддин Мангуберди» майдонидан қолишмайди. Ёп-ёруғ, таҳти равон, кетгинг келмайди...

— Сиз у киши ҳакида ёзмоқчи бўлсангиз, 25-мактаб ёнидаги 80 квартирали «дом»да яшовчилар билан бир сұхбатлашинг, — кўшиб қўйди шу мактаб ўқитувчиларидан бири. — Йиллаб ишламай турган иссиқ-совук сув күвурлари, канализация — барини ишга тушириб берди...

Атрофимдагилар депутатнинг фазилатларини қалашиб кетдилар. Албатта, бу гап-сўзларни бирданига «ҳазм қилиш» осон эмас эди. Шу боис, фидойи Инсон билан учрашиш истаги туғилди мэнда...

Вилоят электр ишлаб чиқариш корхонасига кириб борганимда, у киши йўқ эканлар. Бош мухандис Оллаберган Матниёзов билан учрашим, раҳбар ҳакидағи фикрларини сўрадим.

— Махмуджон Солаевич ҳакида сўрагандан кўра, унинг қилган ишларини кўрсангиз яхшироқ бўлармиди, — деди Матниёзов ака қатъй.

Мен гапимда туриб олдим.

— Бўлмаса, эшитинг, — дэя сўз бошлади у, — Республика Вазирлар Махкамасининг 1995 йил қабул қилган «Ўзбекистон телекоммуникация тармогини 2010 йилгача бўлган даврда реконструкция қилиш ва ривожлантириш дастури тўғрисида»ги қароридан хабарингиз бўлса керак. Катта аҳамиятга молинг ана шу кўрсатмани вилоятимизда амалга ошириш учун янгиликка ҳавасманд, билимдон ва тажрибали мутахассис раҳбар зарур бўлиб қолганди. Шу йили октяброда корхонамизга бошлиқ этиб тайналган Махмуджон Солаевич худди ана шундай, ҳар бир ишга тўғри ва аниқ ечим топабиладиган салоҳиятли, тадбиркор раҳбар бўлиб чиқди. У ишлаб чиқариш ва молия иқтисодиёт соҳаларини ипидан иғнасигача биладиган киши экан! 1995 йилга келиб корхонамиз асосий воситаларининг бироз кисми ўз муддатини ўтаган ва шаҳар, туман марказларида хизмат қилаётган телефон станциялари ҳам жаҳон андозаларига тўла жавоб бермай қолган эди. Буни қарангки, ҳукуматимиз Япония хорижий иқтисодий ҳамкорлик жамғармаси билан тузган битимга асосан Хоразм вилоятига узоқ муддатли (иккى миллион иен) қарз берилди. Натижада 1996 йил бошидан вилоят алоқа тизими тарихида чинакам юксалиш даври бошланди. Янги раҳбар тезкорлик билан смета лойӣхаларини тайёлашга киришди. Чет эл технологиясини ўзлаштириш мақсадида бир гурух алоқачи мутахassislar: Р. Янгибоев, Б. Мадаминов, И. Жабборов, К. Ҳамроев Япония; Ф. Янгибоев, Ш. Жуманиёзов, О. Самандаровлар эса Куряга бориб малакаларини ортириб кайтдилар. Бугунги кунда Хоразм улар билан фахрланади!

Хоразм замонавий телекоммуникация жиҳозлари билан таъминланди. Урганч шаҳри ва 7 та туманда ернинг сунъий йўлдоши ёрдамида ишлайдиган рақамли АТСлар ишга туширилди. Тошкентда ўрнатилган йўлдошли антенна Хоразмни пойтаҳт билан улади. Эндилиқда вилоятимиз бевосита жаҳон билан алоқа боғлаш имкониятига эга бўлди. Бугунга келиб, вилоят аҳолиси хоҳлаган маҳалда уйда ўтириб дунёнинг исталган жойи билан боғланиши мумкин.

Шуни ҳам айтиб ўтиш лозимки, Қорақалпоғистон Республикаси, Хоразм, Бухоро, Навоий вилоятларини боғловчи шиша толали линиялар тортилди. Эндилиқда вилоятлар ўртасида биринчи видео конференция ўтказиш имконияти яратилди. Иқтисодий ва маданий ришталарни боғлаш учун Хоразм дунё билан мулокотга киришди десак, бугунги кунда муболага бўлмайди.

Жаҳон андозаси талабларига мос келадиган бундада технологияни ишга туширишда Махмуджон Солаевич раҳбарлигида вилоят алоқачалирларининг барчаси иштирок этишид...

Бош мухандис билан сұхбатимиз тугаб, унинг ҳузырудан чиқарканман, ҳассасини тўқиллатиб қабулхона томон ошиқаётган 60—65 ёшлар чамасидаги кўзи ожиз отаҳонга рўбарў келиб, саломлашиб ўтаётувдим, у мени тўхтатиб сўради:

— Махмуджон бормикан хонасида, биродар?

— Йўқ, эканлар, нима эди, отаҳон? — қизикдим.

— У киши бизга ҳомийлик киладилар. Якинда жамиятимиздаги 2 мингдан кўпроқ якка-ёлғиз ногироннинг ҳар бирига беш минг сўмлик қимматбаҳо радио аппаратидан ҳадя қилган эди. Роса севинишдик, дунё ҳабарларидан огоҳ бўлиб турипмиз. Шунга миннатдорлик билдиришга келгандим...

Энди у кишини кўришига бўлган истагим меҳр-муҳаббатга, соғинчга айланди.

Ва ниҳоят, у билан дийдор кўришидик!

Тасаввур мени алдамаган экан: тўладан келган бу одам бир кўришида сұхбатдошини ўзига жалб этадиган, истараси иссиқ, камтар, дилижон инсонлиги сезилиб турди. Сўзлари оз-соз, кўйиб галиради. Мулокот давомида шуни аниқладимки, оғиз очмасидан сұхбатдошининг ўпкаси ни кўради. Бошқа идоралардан келган «нотаниш» кишилар билан сал бафуржа, гапнинг «эга», «кесими»ни жой-жойига қўйиб галиршиш, ишхонадагилар билан «ҳа» ёки «йўқ» таковулида қисқа, лўйда қиласи гапни, оғиз очмасданоқ бир-бирини тушунадилар...

У Хонқа шаҳар ижроия қўмитаси раиси лавозимида ишлаб юрган кезларда шундай қизик воқеа содир бўлган:

Ўзбекистон Республикаси Олий Кенгашига муқобиллик асосида икки киши (шу пайт райкомнинг биринчи котиби вазифасида ишлаб турган раҳбар шахс билан шаҳарда кичик бир идора МСО бошлиғи) номзоди қўйилганди.

«Олий Мажлисга райкомнинг биринчи котиби сайлананини керак. МСО бошлиғи ўз номзодини қайтариб олсин» деган мазмунда Махмуджон Солаевичга турли томондан «таклифлар», буйруклар, ҳатто тазийиклар бўлди. Аммо ижроқўм раиси, «ким бўлишидан қатъи назар, халқнинг ишончини қозонган, яхши хизматлари билан эл муҳаббатига сазовор бўлган кишигини сайланади» — деб ўз сўзида туриб олди, қатъият кўрсатди.

Худди унинг айтганидек бўлди. Райкомнинг биринчи котиби қолиб кетиб, Олий Мажлис депутатлигига оддий МСО раҳбари сайланди!

Одамнинг қадри-кимматини унинг килган хизматлари белгилайдиган кун етиб келганинидан далолат эди бу! Бу гап Махмуджон Солаевичнинг ҳаёти-фаолиятида ҳам ўз исботини топди.

У киши Хонқа шаҳрида фаолият кўрсатган қисқагина муддатда шаҳар кутимаган дараражада ўзгариб кетди: юзлаб янги турар-жойлар тикланди, кўчалар обод бўлди, 1200 дан ортиқ аҳоли ер участкалари билан таъминланди, янги «Хонқаобод» шаҳарчаси бунёд қилинди...

Ана шунга ўҳаша хизматлари уни элга таниди, вилоята етаклади, катта бир идора раҳбари дарајасига кўттарди, ноиблик мартабасини берди.

Сұхбатда у менга ўз фаолияти ҳақида гапирмади. Бошқалар орқали билиб олибсиз-ку, шу етарблар бўлса керак, деди қисқагина.

— Маъқул кўрсангиз, уч-тўрт саволим бор эди сизга, — дедим юз ёриб.

— Жавоб бериш кўлимдан келса, майли.

— Вилоят кенгаси депутати экансиз. Ноиблик хизмати ишингизга ҳалақит бермайдими? — дедим.

— Аксинча, ёрдами тегади.

— Тушунмадим. Ахир, бу мансабнинг ўзига яраша...

У сўзимни бўлди:

— Депутатлик мансаб эмас, лавозим ҳам эмас. Халқ ишончи, тўғрироғи, хурмати. Мартаба. Менимча, бу ишонч кишининг кўйиб-ёниб, ташаббус билан ишлаши учун бир туртки, ўзига яраша масъулиятдир. Мен шу баҳонада мактабларга, катта-катта ташкилотларга, маҳалла-кўйига учрашувларга бораман, одамлар билан сұхбатлашаман, қисқаси, ҳаёт билан ҳамнафас бўламан. Бу мулокотлар зиммамиздаги давлат ишларининг ечимини топишмiga кўмаклашади.

— Мен бошқа бир нарсани сўрамоқчи эдим. Ахир, сиз мактабларга, маҳаллаларга, айрим ташкилотларга хайрия ёрдами қияпсиз. Идора-ташкилотлар иқтисодий «ўтириб қолган» бир даворда бу ҳаражатлар (чикимлар)ни сиз бошлиқ идоранинг чўнгатиги кўтарармикан. Масалан, аҳолига бепул газ ҳисоблагичлар ўрнатиб бераётганмишсиз?

Раҳбар мийифида кулади:

— Чўнтақ ҳақида гап очдингиз, майли, битта сирдан огоҳ қиласай: Биринчидан, мен иш бошлиганимда (яъни, 1995 йилда) бир йиллик даромадимиз 192 миллион сўм, ишчи-хизматчиларнинг бир ойлик маоши 780 сўм бўлган. Ҳозирги кунда эса, бир йиллик даромад бир миллардга, ойлик маош эса ўртача 22 минг сўмга кўпайди. Ҳозирда телефонлаштириш бўйича республикада етакчи ўриндамиз, телефонлар сони 90 мингдан ошиб кетди. Бу даромад дегани! Иккинчидан, биз бераётган ёрдамларнинг кўпчилиги факат хайрия эмас, балки қайтими бор. Газ ҳисоблагичлар тўғрисида сўрадингиз. Биз буларни сотиб олишга имкони бўлмаган хонадонларга муддатли кредит тарзида ўрнатиб беряпмиз. Булар қайтиб чўнтақ тушади-да. Ҳозирча 250 дан кўпроқ хонадонга ана шундай ҳисоблагичлар ўрнатдик. Ҳар бир хонадон бундай аппарат ўрнатилимасдан олдин газдан фойдаланганилиги учун йилига ўртача 40 минг сўм тўлашаркан. Энди эса бу ракам саккиз мингга тушиб қолди. Бундан ташқари, биз ҳисоблаб чиқдик, агар вилоятдаги барча хонадонларга шундай асбоблар ўрнатилса, икки миллиард сўмга яқин маблағ аҳоли чўнтағида қоларкан ва ҳалқ ҳўжалиги учун анча микдорда газ тежаб қолинаркан.

— Мен асосан мактабларга, кам даромадли оиласаларга бераётган ёрдамингизни назарда тутгандим?

— Бунинг ҳам қайтими бор! Ахир, ана шу мактабларни битказиб бизнинг ўрнимизни оладиганлар ҳам шу болаларимиз-ку! Бу қайтим эмасми? Президентимизнинг гапини эсланг. Фарзандларимиз биздан кўра билимли, доно ва бакувват бўлишлари учун ҳар ким кўлидан келган яхшилини қилиши лозим ва шарт деб биламан.

— Раҳбар киши қандай фазилатларга эга бўлиши лозим деб ўйлайсиз?

— Ишнинг кўзини билиб, аниқ ҳулосалар чиқара оладиган, фаросатли, дадил ҳаракатли, ўзининг ва бошқаларнинг вақтини қадрлай оладиган, тўғри сўзли раҳбарларни ёқтираман.

— Дарвоке, вакт ҳақида фикр билдиридингиз. Шанба ва якшанба кунлари дам олиш ўрнига, масъул ҳодимлардан унумли фойдаланиш мақсадида, уларни ишга жалб қиласадиган раҳбарлар ҳақида нима дея оласиз?

— Уларга ҳавас қилмайман, улардан ўрнак олишни ҳам тавсия қила олмайман.

— Максадингиз, дилингиздаги армон?

— Ҳусайн Воиз Кошифийнинг шундай сўзлари бор: Умрни дўстлар хизматига багишилаш, факат яхшиликни ўйлаб, яхшилик қилишдан чарчамаслик... муҳтожларга ёрдам бериши, пири устоzlар, дўст-биродарларномуси, шарафини ҳимоя этиш, зоҳирлан ва ботинан пок юриб, поки-за инсонлар сұхбатида бўлиш... Мана, менинг қалбимдаги гаплар, Оллоҳ таоло инсонни муқаддас ва мунаvvар килиб яратди. Кўёшдан, Ердан, табиатдан фойдаланингиз, ҳаводан нафас олингиз, дея шу унсурларни пайдо қилди. Ватан улгайтади, ўстиради, одам қиласди, бағридан жой беради! Лекин буларнинг барини мен қараш деб тушунаман. Буларни қайтариш зарур. Шарт. Факат ана шу фалсафа менинг ҳаёт йўлимни белгилайди...

Мен бу гўзал қалбли инсонни тинглар эканман, унга ҳавас қиласаман. Унга эзгу истаклар билдиригим келади.

Курбон Муҳаммадризо



УСМОН АЗИМ,
Ўзбекистон халқ щоири.

КИЧКИРИКЛАР ВА СҮКУНАПЛАР

* * *

*Шамол,
ўтиб кетаверамизми,
бир иш қилсак-чи?
Бу дунёга ўзимизни қолдириб кетсак-чи,
шамол?!*

* * *

*Боғ,
бу дараҳтни нега қуритдинг,
сигмадими бу шўрлик шундай кенг
қуюғинга?
Қўлимдаги болтани эса
энди ўзинг овут, боғ...*

* * *

*Дала,
шундай ҳам ҳувуллайсанми,
шундай ҳам куз бўласанми?*

* * *

*Яна қайтиб келадими,
баҳор дегани,
дала?..*

* * *

*Уй,
бунча ғамгинсан?*

*Осмоннинг тагидан нари бор –
ўзингни унга осиб қўясан,
уй...*

* * *

*Тоғ,
даштни ҳурмат қил.*

*Сен даштга айланганингда,
тоғ бўлади
дашт...*

* * *

*Тоғ,
сен қандай тоғ бўлдинг
бир жойда туравериб?*

*Юрганингда
нима бўлар эдинг,
тоғ?..*

* * *

*Тоғ,
менинг тоғим!..
Бир тошингчалик сабр бер менга.*

*Бағрингда ётай тош каби
Бойсунга термулиб.*

Денгизга шайланган булоқقا
кўксимни босиб,
юракни ютиб тош ичимга,
бошимдан
турналар ўтганда,
жимжит,
ийнлаб ётай, тог...

* * *

Эй!
Ким бор?
Гаплашадиган ким бор?
Юракни тушунадиган ким бор?

Бир-биримизни тушунишишимиз учун
бизни Худо яратган эди, ахир!..
Эй!..

* * *

Гапимиз
қолмаган бўлса,
сукунатимиз
қолгандир, ахир!..

* * *

Ганимларим ҳам ўладими,
у дунёга борадими улар ҳам?

Оббо!
Яна овора бўлади улар,
нариги дунёда ҳам
мени
ўлдиравериб.

* * *

Бошимга
тош ёққан кечаси
тош ёққанини билмай ўлтираверибман.
Бошимга
тош ёққан кечаси
бошимга ёмғир ёққандай
юраверибман
осмоннинг тагида бемалол.

Қўшиқ ҳам айтибман бунинг устига,
яна севгилимнинг лабларидан ўтибман
ўзимни унтиб,
(бунинг устига) ҳадис ўқибман
Парвардигордан қўрқиш ҳақида...

Тошлар ёғаверибди,
мен эса қалдирғоч уясини
илондан қўриқлабман ўша маҳали.
(Деразадаги гулларга
сув қўйганим ҳам эсимда).

ЎЗ ДУНЁНИ СИРГА КЎМИБ ЯШАШ КЕРАК..

... Усмон ака эллилка тўлибди. У кишига айтар гапим, шуни ният қилдим:

Ака, мен ҳеч қачон бу Усмон Азимнинг олдининг шеърлари, буниси кейинги йилларда ёзгани, деб қарамаганман. Сиз доим ўз куч-қурдатингизни сақлаб қолган шоирсиз. Илҳом кутиб, ҳолат ва кайфият истаб шифтта термулиб ўтирамайсиз. Эҳтирос, ботиний оғриқ, руҳий исён — ҳаммасини юракка жойлаб, юракка азоб бериб сил-сил тўкилиб ёзасиз. Сиз илҳомга пешвоз чиқасиз. Уни ўз юрагингизга киргизасиз — юракни ишлатасиз. Ўзбекистонда дардни пиллалоя қилиб юқсаладиган, Сиз каби баландда туриб шеър ёзидиган шоирлар кам. Заминни юксакка олиб чиқиши, куйлаганда осмонни ёриб куйлаш, қалам ушладим деганларнинг барисига ҳам насиб қилавермаган.

Бизнинг улуғ шоир боболаримиз, кейин биз билган руснинг Пушкин, Маяковскийси, Лермонтов, Есенини, ўзимизнинг Абдулла Орипов билан шеър йўлида қисматдош бўлганлигингиз бор гап. Буни барча муҳлислиарингиз эътироф этади.

Мен оддий муҳлисингизман — шеърни тушунадиган муҳлис! Шу боиски, Усмон Азим шеърияти олов, яқинлашсанг ҳаяжон уммонида қолишинг, юзингни эҳтирос алангаси куйдирб, чарсиллаган кўнгул чўғи сараб севги оташида гарп қиласи, деган фикрга келганман.

Ўзида йўқ шоир, ичи бўш шоир ёлгон ёзди. Ёзган нимарсалари музга ўхшайди. Этинг жунжикади — ўқиёлмайсан. Севги билан, кўнгул билан, қалбнинг ҳайқириғи билан яшаш эвазига шоирнинг ўзи шеър бўлади. Сиз шеърга айланган шоирсиз!

— Шеърни севган Усмон Азимни севади, шеърни англаган шоиримизни ўз қалбida олиб юради, — деганди дўстларимдан бири.

Ака, Сизнинг навқирон қалбингиз гуллаб, эллигинчи баҳор билан юзлашмоқда экан. Сиз шаҳд билан келмоқдасиз. Ортингизда миллион-миллион ихлосмандлар:

Ҳали бутун рўйи замин шеър бўлажак,
Фақат бекор билаб ором қучогини.
Бу дунёни сирга кўмид яшаш керак,
Қалба санчиб шебъиятнинг пичогини!

— Нақадар ширин, лаззатли азоб.

Эҳтиром билан:
Қўчқор НОРҚОБИЛ.

Энди, ҳамма тошлар
ёнимда—
дўст каби меҳрибон
кезарлар.

Мен қўшиқ айтсан,
жим эшишлар
ичларига чўкиб.

Улар тошликтан хафалар.
Бир нимадир бўлгиси келар уларнинг...
.. мени ўлдиrolадиган.

* * *

ToF,
сен оғирлик қилимаган
заминга,

мен
оғирлик қилипман,
тоF...

* * *

Балиқ,
ерда нима қилиб юрибсан?

Бир пасда
оловда ўртанганинг нимаси,
бир пасда қоврилганинг?..

Менинг жонимга балли,
эллик ийл яшадим
ерда.

* * *

Осмон,
сен ҳам
сал кўтарил,
озгина баланд бўл!..

Мен
бўйимни
неча марта кесдим,
ахир?

* * *

Осмон — тиник.
Ҳаво — ҳарир.
Ийманиб милтираган қуёшининг
нурлари вазмин.

Қийғир — вазнини йўқотган,
фалакда муаллақ.
Мезонлар —
телба Лайлидай беҳуш
тентириларлар.

Товушлар — қузакнинг сукунат
тилига кўчган,

хаслар энг баланд,
тошлар энг узун «оҳ» урадилар бу тилда...

Мен бир тепада
ўқ теккан қушдай ўлтирибман.
Вазнум оғир —
чўкиб бораяпман ерга.

Юрак эса жим —
сүхбат қуролмайди дунё билан,

чунки,
ҳали хаслик мақомига етгани йўқ;
айлангани йўқ
тошлиқ мартабасига...

* * *

Ёлғиз-ёлғиз милтирап юлдузлар.

Меҳмонга борай десалар,
осмоннинг ўўллари куйиб кетган.
Эҳтимол,
юлдуз бўлиш учун
ёлгизлик керакдир уларга —

шу сабаб ўзлари ёндиргандирлар
йўлларни.

Сомон йўли каби чангид кетмаслик учун
йўллардан воз кечгандир улар.

Сизларга
«юлдуз бўлиш оғир» десам,
ишонмайсизлар.

* * *

Булут, ёмғир, майса, дарахт
ва ҳоказолар
такрор-такрор яралар.

Денгиз, тупроқ, ҳаво, тоғу тош
ва ҳоказолар
эҳтимол тақрор-тақрор яралгандирлар.

Бу яралишда
инсоннинг алоқаси йўқ.

У — яшаса бўлади.

У — халақит бермаса, бас.
Чунки, жуда ақлидир инсон.

Ақл эса
бу яралишнинг қаршисида
жуда бесабр,
жуда нодон,
жуда очкўздири.
Ахир,
вақт дарёсига қарши сузуб бўлмайди.
Тез ҳам сузуб бўлмайди
ундан.

Инсонга эса «оҳ» урмоғи учун
бир савол қолган, холос:

— Парвардигор,
не учун дүнёга келтирдинг?

Эҳтимол,
бу савол
нажот учун ҳамдир.

* * *

Юрагимга юлдузлар экдим.

Юрагим совуқдан ўлмаса,
юлдуззор бўлади
юрагим.

Даста-даста
юлдузлар териб олади
юрагимни кезган ҳар кимса.

Мен севган аёл
юлдузчамбар тақади бошига
ва осмонимда учади
юлдузларга ўралиб.

Мени рақиб билгандар
кўрмасликка олиб ўтар юлдузларни.

Юлдузларни
пошналари билан эзғилаб ўтади
душманларим эса.

Ёвнинг одати шунақа
осмонни тепкилаш
хуш ёқади унга.

* * *

Осмон,
жафоларинг жонимдан ўтди.

Мен сени кўтариб турибман, ахир!

Зўриқиб турибман.

Мана, қўлларим
елкаларимдан узилиб чиқиб кетди...

Нега қулаб тушмаяпсан, осмон?..

* * *

Дүнёда ҳаяжон йўқ.

Япроқ ҳазонга айланмоқда беҳаяжон.
Сув булутга,
булут ёмғирга,
дарё денгизга...

Беҳаяжон кечмоқда
бу айланишлар.

Фақат сен
тинмайсан, юрак,
тўлғонасан
ҳаяжонга тўлиб!
Тошиқинлама!
Бу дүнёда сир йўқ —
тупроққа айланасан, сен,
юрак,
тупроққа.

Юрак эса
тупроқдан ташқарига
бир «оҳ»ни
экиб кетмоқчи —
инсон шу «оҳ»дан
қайта яралади деб.

* * *

Тун ярим.
Ҳамма ухлаган.

Деразамга
қўнди, бир қуш.

Кўзлари безовта.
Тумшуғи билан
ойнани уриб-уриб қўйди
Морзе алифбосида.

Тушундим,
қушларнинг шоири экансан,
дори берайми
юрагинг оғриган бўлса;

ёки митти юрагингга сигмадими шебринг —
шу сабабдан
уйқу ва қўрқув тарқ этдими сени?
Энди яшамоқчимисан
мен каби —
учишини
ёдингдан чиқариб?

* * *

Кузги даشت —
томоққа тиқилган йиғи.
Турибман — юракни ўқрикка йиғиб.

Ҳасрат. Чексиз ҳасрат.
Тушуниксиз ҳасрат.
Беҳад кузак бўлдим. Куз бўлдим бевақт.

Турибман —
сарғиш оғриги жондан
ўтади. Юлгинлар баргида қонман.

Кузак тушунади —
боқиб қўзимга —
менинг айтимаган ҳамма сўзимни.

* * *

*Бу дарахтга
бир нима бўлди.*

*Бўлмаса,
нечун қуш
тун бўйи йиглади
новдасида?*

*Бўлмаса,
нечун юлдузлар
айлануб юрди
дарахтнинг тенасида
тун бўйи?*

*Бўлмаса,
нечун мен,
кечаси ўрнимдан туриб,
дарахт билан
узоқ мунглашдим?*

*Бу дарахтга
бир нима бўлган.*

*Бўлмаса,
у нега:
«Сенга нима бўлди?» деб,
сўрагани-сўраган мендан.*

* * *

*Шувоқ иси келди
шамолдан.*

*Бойсундан келдингми,
шамол?*

*Шошмай тур,
мен ҳам ҳозир
Бойсунга бораман.*

*Шошмай тур,
озгина қолди
шамолга айланишимиға!..*

* * *

*Қичқириқдай
окиб тушди ёш
кўзингдан.*

*Уни юзингдан
сидириб учди,
шамол.*

*Энди шамол бу кеча йигладиди
сенинг овозинг билан
деразам тагида.*

*То ёшга айлангунимча
йигладиди энди.*

*Фақат қўрқма,
мен тарафда шамоллар
ўлиб кетган —
қўрқма!..*

* * *

*Қоронгуда
дарахтга
суяниб
турганим йўқ эди.*

*Иккаламиз
сайр қилаётган эдик —
гурунглашиб.*

*Фақат мен
үйимнинг деразасига
қараб қўярдим.
— Борақол, дерди дарахт,
борақол,
илдизинг халақит беряпти
дунё кезишишимизга...*

* * *

*Шамол.
бағрингда бир бор учирмадинг, шамол!..
Ёки
булутлигим ёғонмиди шундай осмонда?..*


*Энди хайр!
Энди дара ичига
тош каби ҷўкаман*

*сенсиз!..
Югурib ҳориганингда
менга суяниб мудра,
шамол!..*

*Учиш тарк этса,
тош бўл сен ҳам ёнимда —
дунёнинг энг оғир сұхбатини қурайлик
иккимиз.*



Шойим Бўтаев



БИР ҚУНЛИК МЕҲМОН

Кисса¹

Кўча қоронғу эди.

Меҳмон пайласланиб, туртиниб-суртиниб юрди.

Кайфи тарақ, эканлигига қарамай, Дўхтир бова ишонч билан қадам ташларди.

— Аҳмад подачиям нокас-да! — деди у. — Назар чўпон ният қилиб нақ пойттахтдан артист опкептими, кўй, ўз билганича айтишаверсин.

— Номи чиққани билан мазаси йўқ, артистлар экан-да, — деди Холмўмин. — Ўзимизникинг улардан ўлса ўлиги ортиқ.

— Э, ўқимаган, оми одамнинг гапини гапирасиз-а! — деди Дўхтир бова ўзини ўқиган кўрсатиб. — Ахир, улар ҳаддини олган.

— Ўзимизнилар экиб қўйишид-ку уларни!

— Барибир ҳам уларни ҳурматлаш керак эди-да! Мана, ёнимиздаги Чўпариқдиклар тўй қилишса райондан нарига ўтишмайди. Ароқни уриб, овқатни еб ўтираверишади. Ҳар замон беш-ён сўм артистларга қистириб қўйишмаса, ўз холларига қўйиб беришади. Энди шулар районга ҳам тушмай қўйишишти. Битта кароватни бадастур этишиб, магнитафон қўйиб қўйишаркан. Яна бошига дўпли кўндирилган бир қубошни ҳам ясантириб қўйишарканки, кўрсангиз тирик артист дерканисиз. Азбаройи худо, тирик артистнинг қубошдан, қубошнинг тирик артистдан фарқи бўлмаскан. Ҳатто лаблариям қўшиқча мос қимирлаб туаркан.

— Лаби қимирламаса керак, — ишонкирамади Холмўмин.

Дўхтир бова «қимирлайди» деб енгмоқчи эди, ошнасининг уйига ётгани бораёттани ёдига тушиб, ён берди:

— Лекин шу нарса аниқки, тўйчининг яқинлари атаганларини ана шу қубошнинг чеккасига қистириб кетишавераркан. Чеккаси тўлиб кетса, бирор чиқиб пулларни йигиб олар ва артистларга деб тузатиб қўйилган бўш кароватта ташлайвераркан. Охирида тушган пулларнинг ҳаммасини тўй эгасига беришаркан. Қалай?

— Бу аҳвода тўй ўтказаёттан чўпариқдикман деганинг бари артист бўлиб кетади-ку! — деди ҳайрон қолиб Холмўмин.

Меҳмонга чўпариқдикларнинг тўй ўтказиши тартиби ёқдан-ёқмагани билинмади.

Уйга етишиди.

Холмўминнинг аёли қатор қилиб, учта жой солиб қўйган экан.

Дўхтир бова Холмўминга гуноҳкорона тарзда иршайиб қаради:

— Қиттай-қиттай қимаймизми?

Холмўмин эриниб ўрнидан турди ва қўлини тахмондаги сандиқ, ёнига сукиб, устини чанг босган шишани олди.

Дўхтир бованинг кўзи чараклаб кетди:

— Энди битта пиёзми, ярим кося чаккими бўлса, бас.

Холмўмин оғзига талқон согландай индамай чиқиб кетаётувди, Дўхтир бова сўраб қолди:

¹Давоми. Бошланиши ўтган сонда.

— Миймонни уйғотайми?

Холмўмин бир текисда нафас олганча пишиллаб ухлаёттган меҳмоннинг юзига бир зум боқиб турди-да:

— Э, йўқ, — деб кўл силтаб қўйди.

• • •

Меҳмон қандайдир шовқин-сурондан уйғониб кетди.

Қаерда ётганлигини эсломлай, анча муддат талмовсиради.

Электр ўчиб колгани учун лаби учган пиёлага солиниб, ёқиб қўйилган шам хонани гирашира ёритиб турарди. Меҳмоннинг ёнидаги ўринларнинг тахи ҳам бузилмаган, сал пойтакроқда ёзилган дастурхон устида шиша, тўғралган пиёс, иккита пиёла бор эди; шиша бўшай-бўшай деб қолган, шунинг учун эгалари уни аяб, янгисини кидириб кеттанга үхшарди.

— Сўпиникига ўт кетиптими? — ҳовлида Холмўминнинг шанғиллаган овози эшитилди.

— Ҳа-а, ўт кетипти, — бу товуш узоқда, эҳтимол кўчанинг у бетида эди.

— Шўри қурсин сўпининг! — Холмўминнинг аёли ҳам пиқиляёттандек бу воқеага ўз муносабатини билдирарди. — Темиртироқ бўлиб, йигиб-терганлари ҳавога учибида-да!

«Об-бо, буларда на кечаси, на кундузи тиним бор экан-ку!» — ўйлади уйғониб кеттан меҳмон, туриб ҳовлига чиқишини ҳам, бошига кўрпани ёпиб ухлайверишини ҳам билмай.

«Кетди-ик, ҳо-ов, юрмийсиларми!» — узоқдан бирор дэзват этиб чақириб бораради. Лекин бу даъватдаги хотиржамлик юзта сўпининг уйини ёндириб, кул қилишга етарли эди.

— Миймонни турғазиши керак, миймонимиз қолиб кетмасин, — Дўхтир бова ғўлдираган товушда зўр бериб у ҳақида ғамхўрлик қилмоқдайди.

— Қўйинг, дамини олсин, чарчаган, — деди Холмўмин.

— Ухлаб олди-ку, мана биз мижжа қоққанимиз йўқ, — деди қайсаарлик билан Дўхтир бова.

— Биз биз-да! — деди Холмўмин. — Уларга нормадан кам бўлса, бўлмайди.

— Ўлмаган биззин жонимиз, — Дўхтир бованинг ўзига ачиниб гапиришида қандайдир мақтаничоқлик зухурланиб турарди. — Аммо-лекигин барибири уни турғазиши керак. Бирорвинг уйига ўт кетиши қанақа бўлишини бир кўриб қўйсинг-да. Бунақа томошани кейин ё кўради. Мен армияда хизмат қилганимда курол-яроғлар сақданадиган обмборҳонага ўт кетган. Биз пажарний мошинлар борлигини билар эдиг-у, пажарний вертолётни кўрмаган эканмиз.

— Самолёти ҳам бўлади.

— Балли, самолёти ҳам бўларкан, — Дўхтир бова Холмўминнинг кифтига қоқиб қўйди. — Ўшанда ёнғин бир томон бўлганди-ю, ора-чира портлашлар бир томон бўлганди. Бунақа ўт кетишилар одамнинг эсида қолади, миймонни ҳам турғазиши керак.

Бу гап-сўзлар деразанинг таккинасида бўлаёттани ва меҳмоннинг қулоғига кириб тургани учун у ортиқ чидолмади, устидаги кўрпани иргитиб ташлаб чиқиб борди.

— Ўт кетипти деб тургунча тезроқ етиб бориш керак-да, — деди меҳмон аччиғини яширомай. — Ярим соат бўди эзмалашиб турбисизлар. Қойил-е...

— Ҳа-а, бўладигани бўлди, — тасдиқлади унинг сўзини Дўхтир бова.

— Лекин, на алнга кўринди, на куйинди иси чиқди, — ажабланди Холмўмин.

— Борайлик-чи, кўрамиз. Балки, бу гапларнинг барис ёлғон чиқар.

— Кетдикми?

— Кетдик, — Дўхтир бова йўл бошларкан, меҳмонга ғамхўрлик қилишини ҳам унутмади. — Сиз, миймон, манаву таёқни ушлаб олинг. Олдингиздан чуқурча-пуқурча чиқиб қолса, аскотади. Мабодо, битта-яримта ит акилласа тумшуғига туширасиз.

— Бирга борамиз-ку, — деди меҳмон, кўнглига ваҳима тушиб.

— Тўғри, билла боришга билла борамизку-я, энди... санқи итлар бебилиски яқинлашса, шунақа қиласиз-да!

Меҳмон бош ирради.

Улар йўлга тушиди.

ИККИНЧИ ҚИСМ

Меҳмон ёттан хонага беҳудага шам ёқиб қўйилмаганди.

Ярим тунда қишлоқда электр чироқлари шартта ўчириб қўйилар, шу билан эртаси куни кечурунгача ёнмасди.

Улар йўлга тушишаёттанди ҳўйхир бова меҳмоннинг қўлига таёқ бериб қўйиши шундан, кўча зим-зиё эди.

Икки киши тўқнашиб қолиб, бир-бирининг овозидан танимаса ёки қўлидан ушлаб, «кимсан» дей, обдан сўраб-суриштирмаса, танимайди.

Меҳмонни ажаблантирган нарса шу бўлдики, қоронғилиқдаги одамлар бир-бирларини шар-паларидан илғашгандек, «ҳо-ов, фалончи қалайсан?», «э-ҳа, кўринмай кетувдинг, юрибсанми?» қабилида сўзлашиб-сўрашибди, бир кўча наридан таниб олишарди. Уларнинг бир-бирларини шу тарика, кундуз кунидагидек таниб олишлари, эмин-эркин, бемалол сўз қотишлари зулмат ваҳмини бироз камайтираёттандек туюларди. Бундан ташқари, бу одамларга кеча билан кундузнинг у қадар фарқи йўқдек эди.

Меҳмон тусмоллаб қадам ташларди.

Кўзини очиб юраёттани билан кўзини юмби олгани... барибири эди.

Унга меҳрибончиллик қилиб, ўнг қўлтиғидан ушлаб олган Дўхтир бова чап томондаги Холмўмин томон энкайиб, пишиллаёттандек шипшиди:

— Қаранг-а, бир оёғи ерда бўлса, бир оёғи гўрда бўлган Нурмат ҳол ҳам кўчага чиқиб олипти. Кундуз кунлари чиқмайди, тўй-ҳашамга ҳам бормайди, бундайчанги вақтда эринмаганини. Ҳассага ҳам таяниб олипти яна. Бирон жойга туртиниб-нетиб йиқилса, асфаласофилинга жўниса, яна иннайкейин маломатни кўринг. Фалон қишлоқнинг фалончи қарияси томошаталаб бўлиб қоронгида кўчага чиқипти, туртиниб йиқилипти, қарайдиган одами бўлмапти... Барча қишлоқларнинг оғзи катталари чакқаларига зўр беришиди.

— Қани Нурмат ҳол, мен кўрмаяпман-ку? — деди Холмўмин теварак-атрофга аланглаб, ҳолбуки, теварак-атрофни кўмур девори қуршаб олгандай эди. Аксига олгандай, тепада ҳам на мийт этган юлдуз кўринар, ой ҳам қаёққадир гумисиё бўлган эди.

— Ҳў-ӯв ана-а! — Дўхтир бова қўлини олдинга чўзиб ишора қилди, аммо ҳеч нарса кўринмади.

— Қани-а?! — Холмўмин ҳовлиқди.

— Ана-а, муюлишдан ўтиб одамларга қўшилиб оди. Одамлар унга эътибор бёришгани йўқ.

— Кўрдим, кўрдим! — деб хитоб қилди Холмўмин. — Бир тўп одамларга қўшилиб оди. Ие, кимдир унга четланиб йўл берди-ку? Ким экан? Қавму қариндошимикан? Йўқ, бегона экан. Бу маслиққа ярим тунда нима бор экан, деган хаёлда йўл бериб, энди уни кузатәтиби. Нурмат ҳол унга бошини кўтариб қарамади ҳам.

— Раҳмат ҳам айтмади.

— Ўзини худди шуңдай бўлиши керақдай тутди.

— Дадиллашиб қолди.

— Жа-а бир оёғи гўрда одамга ўхшамайди. Ҳеч кимдан қолишмай юряпти-ку.

— Йўл берган одам уни ичидан болохонадор қилиб сўкаётиди.

— Нурмат ҳол эшигиб-эшигтасликка олиб кетяпти.

— Ҳаммаям эшигиб-эшигтасликка олиб кетяпти.

— Сал-пал қовоқдарини очишига бўларди, жа-а хўмрайиб олишипти.

— Уйқулари ҳаром бўлгани учун хафадирлар-да.

— Уйқу дезисми? Ҳи-ҳи-ҳи. Уларда уйқу нима қиласди? Ухлашмайди улар.

— Ҳаммалари сўлининг яқинлари шекилли, а?

— Шунақа, шунақа.

— Етиб келишипти-да.

— Етиб келишипти.

— Уларнинг орасида Нурмат ҳолга бало бор эканми?

— Жога-жума қилиб ётиб эди.

— Ётаверсин эди-да!

— Чол билмасдан аралашиб қолди-ёв!

— Ажрим қиломади, шекилли.

— Шўрлик!

— Анаву ичидан сўкаёттан одам унга йўл бермаслиги керак эди-да!

— Тўғри, шу ишни чакки қиласди.

— Бу қилиғи учун ҳали дақки ҳам эшигта керак.

— Эшигади, эшигади.

— Ё айтиб қўйишганмикан?

— Нурмат ҳол кўринса йўл берасан деб-а?

— Ҳа-да.

— Балки.

— Мана кўрасиз, тайинот бўлган.

— Бизга коронги.

— Тўғрику-я, беҳуда йўл бериш... ҳеч тушунолмай қолдим.

— Ўзиям Нурмат ҳолнинг иситмаси кўтарилиб, кўчага билар-билмай чиқиб кетаверган кўринади-ёв!

— Эҳтимол, эҳтимол.

Дўхтир бова билан Холмўмин меҳмоннинг иккى томонига турив олишганча бу гап-сўзларни бир-бирларига айтишарди. Уларнинг пишиллаб нафас олишлари айтиётган сўзларидан-да зўрлик қилмоқчи бўлаёттандай яққолроқ эшитиларди. Лабларини чапиллатишлари кишининг ғасинин келтиради; энди улардан кун бўйи ичилган ароқларининг ҳиди эмас, занглаған темир иси анқиёттандек эди. Улар бир-бирларига қандайдир имо-ишоралар ҳам қилаёттандек бўлишарди. Шу даражага етдики, қандайдир сирли тарздаги бу сұхбат асносида ақалли бир сўз ҳам кўшмаган меҳмон уларнинг кундуз куни кўрган қиёғаларини секин-аста унута бошлади, хотирасида тиклашга қанчалик уримасин, бунинг удасидан чиқолмади: аксига олгандай кундуз куни ҳар иккى гапнинг бирида меҳмонга мурожаат қилиб туришган мезбонлар — иккала оғайнай шу чоқда кўнгил учун бўлса-да, унга бирон сўз айтишмасди ҳам, ўзларнинг алмойи-алжойи фикрларини тасоддикатиб олишни хәёлларига келтиришмасди ҳам. Айни чоқда уларнинг узоқ-узоқларни кўра олишлари, одамларнинг майдо-чўйда хатти-ҳаракатларигача илғашлари шубҳалироқ эди. Улар баъзан жуда паст овозда шивирлай кетишар, баъзан панг товуцда вагиллай бошлашар, сўзлаш оҳанглари ҳам ўзгариб келгандай эди; бу ҳодан меҳмоннинг юрати ваҳима олиб, ўзини коронги дунёнинг қок ўртасига тушиб қолгандай хис этарди. Бу дунёнинг қиёғасию манзаралари қалин парда остида яшириниб олган, ўзини кўрсатишни истамас эди; умуман олганда, меҳмон бирон нарсани тасоддифий тарзда бўлсинг-да, кўриб қолиш умидидан тамомила воз кечганди. Энди у қулоқларини динг қилганча теварак-атрофдан тараляёттан сас-сабарларни илғашга уринарди. Дарҳақиқат, у эшигаёттан товушлар шу қадар ранг-баранг, хилма-хил эдики, одам беихтиёр ўзини овозлар оламига тушиб қолдим, дея хис этиши мумкин эди. Меҳмон мезбонлардан узоқни қандай кўраёттандикларини сўрашга чоғланганда, ана шу оламга маҳлиб бўлиб индамади.

Қоронғилик бағрани учар юлдуз тилиб ўтгандаидай бир талай аралаш-куралаш ҳириңглашлар, ғажир-түжур гап-сўзлар кесиб ўти. Мехмон бы тувшуларнинг қаердан чиқаёттанини англол-мади: қаёққа қулоқ тутса, ўша томондан келаёттандай бўлиб туюлаверди.

— Тўйдан кейин ёш-яланглар яхши ухлашомайди, — гўлдиради Холмўмин. — Кўча-кўйларда шаталоқ отишади, деворлардан мўралашади, келинчакларнинг ўйларидан чиқаёттандай исларга маст бўлишади, ўйғонишганда кундузлари бошларини кўтаролмай юришади.

Даврадан бир йигитчанинг ҳуштак чалаёттандай чинқиргани эшитилди. У бўғизланаёттандай хишиллаб ҳам қўяди, нималарни чинқираёттанини англаш мушкул эди.

— Босинқирайти, — деб қўиди Дўхтир бова. — Ўзи уларнинг сўпининг уйи ёнганидан хабарлари бормикан?

— Ёнганидан, ёнганидан дейсиз, — Холмўмин тез-тез сўзлай кетди. — Балки, ҳамон ёнаёт-гандир...

Уларнинг ёнларидан ўтиб кетаёттан кимдир:

— Ёки энди ёнмоқчиdir, — деб сўз кўпди.

— Тўғри айтасиз, жаноби ойиллари! — Дўхтир бова аллақачон ўтиб кеттаган товушни эшитиб қолганидан беҳад шодлангандек бўлди, зулмат оламининг қаисидир пучмоғида адашиб юрган овоз эгасида юйидан меҳр-ла мурожаат этди. — Энди ёнмоқчилиги рост, лекин, барибири энди кеч, оддини олиб бўлмайди. Сўпига айтиб қўйиш керак эди, жила курса, шипшиб қўйиш керак. Пешонасида борини кўраверади-да.

— Уйига ўт тушишидан ўзининг хабари бормикан-йўқмикан? — сўраб қолди Холмўмин.

— Ким билсан. Айримлар хабари бор, яна бир хиллар хабари йўқ дейишиди.

Аллаким мөғор босгандай панг овозда:

— Сўпининг раҳматли отаси бир куни туш кўрган экан,— деб тушунтириш бера бошлади.— Тушида ҳаммаси аён бўлган. Ўйрониб, шундай-шундай, қаро кунларининг бирида бўлажак ўғли-мизнинг уйи ёнгин ичида қолмасайди деб айтган. Воеан, у вақтларда сўпи ҳали дунёга ҳам келмаган экан.

Мехмон қулоқларини динг қилганча, қанчалик синч солмасин, товушнинг қаёқдан келаёттанини ажратса олмади. Совуқ шамол теракларнинг учларида шовуллаб оқиб ўтарди, худди ўшалар сўзлаб ўтаёттандай эдилар. Алоҳа, улар ҳам эмас, ҳаммаёғи уваланиб тўкилиб тушган қадим бир девор ўз-ўзича гўлдираёттандай эди; бироқ, бу деворнинг қайдалигини ҳам билиб бўлмасди.

Ўша-ўша мөғор босгандай панг овозда қадим дунё ровийлари сингари сиполикда давом этарди:

— Ҳозир сўпи уйидаги чорпояда болишини қучоқдаганча ухлаб ётипти. Унинг оқ, иштон-кўйлаги кафана ўхшаб кўринади. Ҳовлиси тепасидан ой мўралаб туритти.

Шу маҳал бир талай кўршапалаклар уларнинг устидан шифиллаб ўтиб кетищи.

Мехмоннинг юраги энтиқди.

Панг овозди қанакқадир пичир-пичир товушлар, аридай гўнгиллашлар далдалаб тургандаиди:

— Сўпи уй-жойини, ҳовлисини жуда-жуда бадастур тутаркан-а?!

— Ҳа-а, нимасини айтасиз. Гўё ҳеч вақт ўт кетмайдигандек...

— Ўзи шунақа жойларга ўт тушади-да!

— Берилискигина...

— Пайқамай ҳам қолишиди.

— Чориоянинг остида қандайдир маҳлук, думини ликиллатиб юрипти.

— Итмикан?

— Йўқ-йўқ. Бошида шохи бор.

— Эчкимикан?

— Йўғ-э?! У зўр бериб сўпининг тушига киришга уринмоқда. Лекин, сўпининг шомда олган таҳорати советдай уни тўсиб туритти. Сўпи сал-пал безовталаңгудай бўлса, у ҳам ўзини қўярга жой тополмай, сўпи кўраёттган тушларни ағдар-тўнтар қилиб, у ердан ўзига жой изламоқда...

— Сўпи кўраёттган тушлардан нина сиққулик ҳам жой йўқ-ку?

— Шунақа, шунақа. Сўпи тушниям жуда бадастур кўради-да.

— Сўпига кўз тегди-ёв! Тегирмони ишлаб туриб эди. Унинг ўзи, мени тегирмоннинг гардиям боқади, дейди. Капсан деб, одамлар тортиргани олиб келган бугдойнинг нақ учдан бир қисми-ни уриб қолади. Илгариги тегирмончилар мунақа қилишмасди.

— Шунақа, шунақа. Илгариги тегирмончилар мунақа қилишмасди.

— Бошқача эди-да улар.

— Сўпининг ўзиям уларни бошқача эди, деб айтади.

— Айтади-ю, билганидан қолмайди.

— Менинг тегирмоним шахсий, дейди.

— Қайси вақт қишлоқнинг хў-ўў чеккасида яшовчи тул хотиннинг бир пуд буғдоидан нақ ярмини уриб қолипти.

— Кампир ўлиб кеттган-ку!

— Ҳа, шунинг учун сўпини эслагисиям келмайди.

— Шунақа, шунақа.

— Ўшандан бўён сўпининг тегирмонида барака йўқ. Ўша буғдоӣ, болалар кампирга зояқдан йигиб беришган буғдоӣ эди.

— Шунақа, шунақа. Болалар негадир кампирни жонларидан ҳам яхши кўришарди. Ўз уйларида иш деса минг чакирим қочадиган валакисаланглар кампирнинг юмушларига жон-жон деб қарашишарди.

— Кампирнинг кўзи ожиз бўлсаем болаларнинг ҳар бирини қадам товушидан таниб оларди.

— Сўпини тушига киролмайтган маҳлук, энди уни алдамоқчи бўялпти, ўзини қандайдир таъвия эмас, Абди қиёфасида кўрсатгиси келяпти.

— Во-ой, айёр-ей! Абди сўпининг ишонган қўшниси-да!

— Сўпи билан Абдининг ҳовлиси битта деяверинг!

— Ана-а, ана-а, маҳлук сўпининг тушига Абди бўлиб кириб олди. Фақат унинг юзи ёйилиб кеттан, тишларининг ҳаддан ташқари сўйлоқлиги сўпини ҳайрон қолдирмоқда. Тушида ҳадеб, шунчага йил қўшиничилик қилиб, афтига тузукроқ назар солмаган эканман-да, деб ўйлаяпти.

— У маҳлук Абдининг қиёфасига кириб олгани билан ҳақиқатдә уччалик ўхшамаяпти-да!

— Бу нима деганинг? Нега ўхшамас экан? Жуда-жуда ўхшайди-да! Сўпи Абдига тузук-куруқ синч солиб қарамаган эканман-да, деб тўгти ўйлаяпти.

— Ўзи бу оламда ким кимнинг юзига тузук-куруқ синч солиб қаратпи. Ана-мана дегунча бўлмай, энди-энди бирорни танимас у мардум кетиб бораётиди-ку! Бир кун келарки, ўшанда одамлар бир-бирларини астойдим таниб, «ҳа-а, фалончи-писмадончи мана шу киши экан-да!» дейишар, пардалар кўтарилилар, ниқоблар йиртилар, унгача... таниб танишмайди, билиб билишмайди. Ҳатто, оталар ўқтин-ўқтин «наҳотки, менинг зурриёдим-фарзандим шу бўлса», деб, қаршиларида вужудга ҳайрон-ҳайрон бокишида; фарзандлар ўз падарларининг юз-кўзларини оқараган-оқармаган соқол-мўйловларини фарқлашомлади.

— Бу дунёда ҳаммаям бир-бирига чала-чулпа назар ташлаб, ишини битириб кетаверади-да. Сўпиям тегирмон қуриб, рўзгорини тиклаб, муңда-ай одамбашара бўлиб олгани билан ўша-ўша илгариги сўпи. Қаердаки, майдада чуйда нарса кўрса, қулай қилиб кетаверади, каттасига тегишмайди.

— Каттасига тегишса, билиниб қолади-да.

— Билиниб қоладиган нарсалар ҳамиша ниқоб.

— Шунақа, шунақа. Сўпи қулай қилиб кетган нарсаларни ўғирлатган одам билсаем сўраб олишга уялади.

— Баъзан кўча-кўйда ҳам баъзи бир нарсани топиб олади-я.

— Бекор юрмай дейди-да!

— Ие, ие! Сўпининг тушида Абди унга нималарнидир кўрсатаётиди.

— Шунақа-шунақа! Синган тақа, айил, тўқум остига қўйиладиган латта-пугталар, яна қанадир тизимча...

— Сўпи росаам босинқирайдиган бўлди-да!

— Абди ашқол-дашқолларини сўпининг олдига ташлаб, ўзи унинг тегирмони томонга кетмоқчи бўялпти. Имо-ишоралар қияпти, сўпини масхараёттандай, унга қутқу солмоқчи.

— Сўпи буларни ўнгига эмас, тушида кўраёттанини пайқаб қолди. Бироқ, ўйғонолмаяпти...

— Шунақа, шунақа. Сўпини тупроқ босиб қолган.

— Қанака тупроқ?

— Сўпи ёшлигига деворлар остига яшириниб олиб, капалаб-капалаб тупроқ еяверарди. Уни қанчалик уриб-сўқмасинлар, бефойда эди, тупроқ ҳар қандай лазиз таомдан ҳам лазизроқ туюлаверарди унга.

Шу маҳал кимнингдир томоқ қиргани эшитилди.

— Ё нотўрими?

— Тўғри, тўғри, — бир талай овозлар қўшилишиб, ягона товушни ҳосил қилгандай бўлди.— Бола эканида сўпи тупроқ ерди, ҳали-ҳали кўнгли суст кетади тупроқча. Унинг ичидаги кемтиги бор эди-да. Кимнингки ичидаги бўлса, ўз-ўзидан тупроқ егиси келаверади-да. Айниқса, қадим деворларнинг осталарида, дам олиб, кучайиб ётган тупроқлар унинг иштаҳасини бехад қўзғаб юборарди. Бу тупроқларнинг шўртак таъми, тиш остида гичиралаёттандай чайналиши сўпини девона қилгудай бўларди. Кўмик чайнаёттандай маза қиласди у. Кимдир бирор атай унинг учун милён йиллик сүякларни сақлаб қўйгандай эди гўё.

Ногаҳоний пайдо бўлган ва шу заҳоти зулмат бағрига сингиб кетган кўршапалаклардай ўртага сукъилган овонзинг сўзлари зин кетди.

— Ана-а, айтмовдикми, шунақа, шунақа деб, — пичир-пичир сўзлашаёттандарнинг товушлари учловлонинг ортидан таъқиб қилиб келаёттандай на олишашар, на яқин келар эди.

Мехмон ҳам ўзини зулматнинг фуқароси каби хис эта бошлаган эди.

Унинг лаблари, ким билар, тун кечада зимзиё чоқда, нима ҳақиқиу нимадир соҳта,¹ деб пичирлади. Юрагини чулғаган ваҳимаю кўркув аста-секин чекилиб, ўрнини унинг ўзи англамаган кувонч, шодумонлик эгаллай бошлади. Мехмон қалбининг энг номъялум пучмоқларида ҳам аллақандай қўтаринкилик пайдо бўла бошлади. Дунё аввал-бошда зулматдан иборат бўлган ва шу зулмат бағрида жуда ингичка, жуда ожиз бир нур пайдо бўлиб, аста-секин улар тенглашган, барибир гоҳида униси, гоҳида буниси бир-бирининг устидан ғалаба қозониб туради, ҳозир зулмат тантанасида юрган экансан, шунга кўнхики боравер, деган гапларни кимдир унинг кулоқлари остида шипшиб тургандай эди.

— Шу тун менинг бошпанам,² деб минирлади у ва бу гапни қайси асарда ўқиганлигини хотирламоқчи бўлди.

Эслолмади.

Мийигида илжайиб:

— Зулмат менинг уйимдир! — деб секингина шивирлади.

Дўхтир бова билан Холмўмин бу шивирни эшитишмади. Эшитишганда ҳеч вақони англамай, ҳайрон бўлишар ёинки меҳмонимиз ақддан оздимикан, деган гумонга боришарди. Бироқ, мис баркашга тушган тилла жарангидай бу шивир атрофга сочилиб кетди, йўл-йўлакай урилган

¹ Мехмон Жётенинг «Фауст» асарида император сўзларини такрорламоқда.

² У. Шекспирнинг «Ромео ва Жульєтта» асаридан.

нарса-жисмларда ожизгина шуъла таратди, мужассам сиё милёнлаб овозларга айлангандаи бўлди ва улар нукул меҳмоннинг айттагларини такрорлай кетдилар:

- Зулмат менинг уйимдир!
- Зулмат менинг уйимдир!..

Меҳмон эътибор берид эшитса, бу товушлар етти томондан етти хил оҳангда тақрорланиб келарди. Бир хил овозлар жон берадиганда хириллаб-хишиллаб чиқар, баъзилариники бўғзи-даги қон билан фаввора-фаввора отилаётгандай туюлар, айримлари қарсиллаб синаётган суюк-ларига малҳам суроётгандай шу сўзларни айтишар, жонхолатда бақиришар, оғизларига томаёт-ган томчиларни тамшангача шу гапни видо ўринида дунё юзига улоқтирмоқчидаи бўлишарди.

Туйкусдан айтиб юборган бу сўзларини теварак-атрофидаги кўринмас борлик бу қадар баҳамжиҳатлик билан тақрорлаб, кўллаб-куватлаши меҳмонни ҳайрон қолдирди. Шу ҳол унинг зулматта бир қадар кўникишига сабаб бўлди. Ҳеч вақони кўролмаса ҳам кўзларини атроф-жавонибга йириб-йиртиб тикканича, бари бир кўраман, кўраман дер, тасодифийдек туюлган акс-садо унинг ўзи билан бутунлай бегонадай (аслида, бегона эмас!) кўринган зулмоний олам ўргасида кўз илғамас мустаҳкам алоқа борашиб кўйган эди. Қоп-қора чодир остида яшириниб олган ёруғлик ўқтин-ўқтин тешик-теликлардан мўралай-мўралай, ташқаридаги ҳодисотлар билан қизиқаётгандай, мободо мени тутиб олишиш бир балоларга гирифттор этишмасмикан, дегандай бўларди. Қутурган қора тун остида эзилиб-мижғиланган, лекин, юракчининг уриши ҳамон эшитилиб тургандай эди.

Меҳмон нимагадир туртаниб кетди.

Хаёли ўзига келди.

Пичир-пичир, ғўнғир-ғўнғир товушлар яна қулогига чалина бошлади.

— Сўпли энди тушуда Абди нега менинг тегирмоним томон кетаётиди экан, деб ўйламоқда.

— Шунақа, шунақа. Тушуда ҳам унинг ҳарислаги тутди. Ҳойна-ҳой, тегирмонимга у ўғир-лика бораётгипти, кечак хотини бир тогора ун сўраб чиққанида бермовдим, деб ўйламоқда.

— Тегирмонида бўлса ажиналар базм қуриб ётишипти.

— Абдининг хотини ун сўраб чиққанида сўпли очиқдан-очиқ йўқ демаса-да, уни-буни баҳона қилиб, гапни олиб қочувди. Кайси бир мамлакатда дараҳтда нон пишиб ётармиш-а, деб боёкиш аёлнинг устидан кулгандай бўлувди. Ана энди сўпининг тушуда ҳовлиманинг четидаги тегирмонхонани ўғри босгандай, гардигача супириб кетадигандай бўлиб туюлмоқда.

— Сўпининг ўзиниям ажиналар билан алоқаси бор деб эшитаман.

— Э, ўзи шу ҳовлидагиларнинг ҳаммасиям ажинаю алвасти-да.

Шунақа, шунга ўхшаш олди-қоҷидек туялган, эшитган одамнинг қулогига ажабтовур эши-тиладиган гап-сўзлар шу тарзда давом этаверди.

Бу туннинг ўзига хос жиҳати шунда эдик, баъзан Дўхтир бова билан Холмўмин эшитишган товушларни меҳмон эшитмас, меҳмоннинг қулогига чалинган сасларни мезбонлар илғамасди.

Бирок, тун барини ёриб, туйкусдан янграган ўқирикни уларнинг ҳар учаласи ҳам эшитмай қолмади.

Тақа-тақ тўхташди.

— Ким у жонхолатда бақираётган? — сўради Дўхтир бова.

— Ҳа, ким у? — деди Холмўмин.

Бундай сўроқ кўркитиб юборгандек бўкираётган одам нафасини ичига ютди.

Жимлик тўқди.

Кейин:

— Ме-ен... — деган яланғоч овоз эшитиди.

— Ки-им? — дағдага қилди Дўхтир бова.

— Ки-им? — дағдага қилди Холмўмин.

— Ме-ен... Элчи.

Дўхтир бова чапак чалиб юбориб, хитоб қилди:

— Элчи бова??

— Ҳа-а.

— Элчи бова-ку жонхолатда бақираётган, — деди энди Дўхтир бова «элчи» аталмиш кимсанинг азобидан роҳатланаётгандек.

— Ҳа-а, элчи бова-ку, — тасдиклади Холмўмин ҳам.

Бу чоқда «вой белим, вой оёғим, вой қўлим, вой елкам» деган оҳ-воҳлар шу қадар кўпайиб кетдикли, соғ аъзоси қолмаган бу одамнинг шунчалик азобларга бардош берид ўтириши шартмиди, деган хаёла ҳам бориши мумкин эди.

Оҳ-воҳлар орасида элчи деб таърифланган зот элчилик шаънига шундай ҳақоратомуз сўзларни, бўлмағур бўхтонларни ёғдиардики, мободо, борди-ю, мана шу зулмоний зулматнинг ўзи қамоқ-хона вазифасини ўтаб турмаганида, унинг тан аъзолари нечоғли шикастланганига қараб ўтиримай, тилига берид юборган эрки учун қамаб қўйиш лозим бўларди. Бундай адолатли хукмни кўкрагида ёли бўлган барча мардлар кўллаб-куватларди. Зулм, зулмгоҳ, қамоқ, жабр, жазо — барни-барни мана шу зулматда мужассам бўлгани учун кўкрагида ёли бор мардларни безовта этишга хожат қолмади.

Бундай ҳақоратларни эшиттач, ҳар қандай ватанпарвар элчи ҳам лаш-лушларини йиғишишиб, бегона юртларни елкамнинг чукури: кўрсин-эй, деганича ҳар қандай жаннатий масканни тарқ этиб кетишга тайёр турарди. Яна ким билсин, тепса тебранмас, ота қарғиши теккан

элчилардан бўлса, балки ўзларини овсарликка солиб эшитмагандай бўлиб кетаверишармиди? Қаерда дуруст яшасанг, шу ер ватан-да, деб кетавериши ҳам мумкин бўларди. Асиш Ватан ҳам ачингандай бош чайқаб, қоратол остидаги тақир ерда дехқон бова билан чала қолган турунгини яна давом этираверарди.

Энг ажабланарлиси шунда эдики, элчи бованинг ўзлари ҳам узундан узоқ ҳаётлари мобайнида бундай ношоён сўзларни биринчи марта айтмоқда эди, тилини тийишга ҳарчанд уринмасин, уддасидан чиқолмай гаранг эди, айтиб юбораёттганлари кўпининг маъносини тушунолмай ҳалак эди.

У нуқул:

— Тилимни боғланглар, тилимни боғланглар! — демоқчи бўларди-ю, буни айттолмай, ўрнига ўрин сўкиб юбораверарди.

— Элчи бова ҳам сўканишни биларкан, — деди Дўхтири бова қувонаёттандек.

— Уям одам-да! — деди Холмўмин.

Шу билан жимиб қилиди.

«Элчи бова» чет элларда ишлаб келган, манаман деган подшоҳларни бир-бирига учраштирган, жанжалу тўс-тўполонларни босди-босди қилиб юборишга устаси фараг бўлиб кеттан эди. Шунақа вақтлар бўлардики, жанжаллашаётган ҳар икки томоннинг ҳам олдига похол солиб, ўзи бошқа савоб ишларни излаб кетарди.

Тенг-тўшлари соқол қўйиб, ҳассага таяниб қолган бўлсалар-да, у ёш йигитлардек ҳар куни соқол қиришлар, ўзига атири сепар, шу қадар ғайрат-шижоат, балаңд руҳ, билан юрардики, кўрган одам ёқа тутамлаб, ё товба, бу дунёда ҳам қанака муҳим ишлар, катта ташвишлар бор-а, деб кўярди. Бош чайқаб, хаёл сурibi кетишидан ўша муҳим ишлар, катта ташвишлар нималардан иборатлигини бовар этолмаёттани аён бўларди.

У бот-бот:

— Элчилик буюк иш, — деб қўярди.

Бу гапга одамлар агарайиб қарашибарди.

Айтайлик, одамлар норозилик кўтариб ҳокимиятта боришиша ҳам у аскотиб қоларди. Хонасига қамалиб беркиниб олган ҳокимнинг олдига элчи юбориши зарурати туғиларди. Кўпчилик унга ройиш билдиришмаса ҳам, у ўзини орага сукуб, бунақа ишларга омил бўлиб кетганини айтиб, уч-тўртта вакилнинг бошида турарди. Ҳар қандай кеккаймачоқ, ўзининг соясидан ҳуркадиган ҳокимни халойиқ олдига олиб чиқиб, суйган иборасини такрорларди:

— Элчилик буюк иш...

Хозир унинг элчилик устига ахлат ағдариши, бу юмушни паствкашлигу қабоқат билан тенглаштириб туриши ғалати эди.

— Элчи бова сизга нима қилди? — Дўхтири бова зулмат бағрига савол ирғитди.

— Элчи бова сизга нима бўлди? — Холмўмин унга қўшиди.

— Вой, вой! Қовургамни синдириб юборишиди лаънатилар.

— Кимлар?

— Сўпининг Андарваштдаги қариндошлари-да!

— У-ху, Андарвашт узоқда-ку!

— Элчилик курсин, элчилик! Боришига мажбур бўлдим-да!

— Ким юборди сизни? Сўпининг ўзими?

— Йўғ-а? Сўпи қаёқдан билсин уйига ёнгин тушишини. Оқсоқоллар юборишиди мени, оқсоқоллар

— Улар нима дейишиди сизга?

— Элчи бова, шунақа-шунақа, сўпининг уйи ёнадиган бўлиб қолипти, дейишиди. Сўпининг Уташанда, Андарваштда, Андархунда қариндошлари бор эди. Балки, уларниң ўзлари ҳам эшишишган бўлишса керак. Шуңдайм майли, биздан домангир бўлиб юришмасин, бир-бир хабардордor килиб қўйсан юзимиз ёргу, дейишиди.

— Оқсоқоллар қайдан билишипти?

— Тусмол қилишганда. Яна ким билсин. Уларга ҳам бирор айтганми?

— Бирор айтган чиқар.

— Уташанга тўлин ой маросимига етиб бордим.

— Қанака маросим дедингиз?

— Тўлин ой маросими экан. Ўзим ҳам қанча давлатларда элчилик қилиб, қанча маросимлардан хабардор бўлиб, бунақасини эшитмагандим. Мен борганимда, ярим тун эди. Ҳамма ухлаб қолган бўлса керак деб ўйлагандим. Йўқ, қайда, аксинча бўлиб чиқди. Ҳамма том бошига чиқволиб, тўлин ойга қараганча қарсак чалишар, ғалати овозлар чиқаришар, бўридай улиёттана ўхашашарди. Уларнинг баъзилари ҳатто гира-шира қоронгилиқда бўрининг ўзгинасидай бўлиб кўринишарди. Айтишларича, бундай одат бўрилар орасида ҳам бўлармиш, улар ҳам бепоён даштларда тўлин ойга томон тумшукларини чўзиб, узоқ-узоқ улишармиш...

— Элчи бова, Уташандаги гафдан галиринг.

— Ҳа-я. Во-ой, бошим-еъ. Калтак зарбидан эсим ҳам кирди-чиқди бўлиб қолган кўринади-ёв. Гапимнинг бошини ўқотиб, бошқа ёқларга ўтлаб кетаётиман-а. Хў-ӯш, Уташандаги гаплардан гапирсан, ҳеч гап бўлмади. Осмонга ой тўлиб чиқса, улар умрларининг бир ойи ўттанини эслаб қолишаркан. Айниқса, ярим тунларда вақтнинг ер тагидан, ер устидан шовуллаб, дарёдек оқиб бораёттани яққол эшитилиб тураркан. Бу дарёнинг қайдан келиб, қайга кетишини ҳеч ким билмас, фақат унинг гулдуросига ўзларининг ҳаётининг маззини ташкил этувчи сас-сабарлар ҳам қўшилиб бораёттанини англаб чорасиз қолишаркан, йўқ, бу сас-сабарлар уларнинг ҳаётини маззи эмас, балки, ҳаётнинг ўзи экан.

— Уташандан гапиринг, Уташандан!

— Во-ой бошим-еъ! Нима бало, сизларнинг ҳам эсларингиз кирди-чиқди бўлиб қолганми?

Ахир, Уташандаги гаплар-да шулар ҳам. Ойнинг у гулдуросга, у сас-сабарларга алоқадорлиги шунда эканки, ҳар замон-ҳар замонда эслатиб тураркан, масалан, бир ойда бир марта. Улар энди мана шунақа вақтда шу қадар меҳрибон, самимий ва одамижон бўлиб кетишарканки, мен ярим тунда етиб борганимни ҳам унтиб кўйдим. Улар мени хўп сийлашди, еб-ичиришиди, кўнглимни кўтарадиган сўзлар айтишиди. Улар сўпини эслаша олмади. Шундаям, қайта-қайта сўрайверишиди. Ахийри, бир кексароқ одам гира-шира эслагандай бўлди. Кечирим сўраёттандай бўлиб, бизнинг Уташандаги сўпининг уруғ-қаёшидан урвоғ ҳам қолмаган, деди. Қачонлардир у ерда сўпининг қариндошлари яшагани рост экан. Факат, бир воқеа бўлиб... во-ой бошим-ей, сўзлаганим сайн лўқиллаб кетаётир.

— Қанақа воқеа бўлган экан? — Дўхтир бова ошириб савол берди.

— Қанақа воқеа бўлган экан? — деди Холмўмин ҳам.

— Эсимда, эсимда, — элчи бова уларнинг саволларини эшитса-да эътибор бермагандек ўз-үзича сўзлай кетди. — Уташандан икки-уч чақирим нарида олтин кони бор эмиш, деган гаплар болалигимиизда ҳам қулогимизга элас-элас чалиниб қоларди. Буни қаранглар-а, буни қаранглар-а, ахволим бундайчанг-ю, эсимга тушган нарсани қаранглар-а! Мана шу қоп-коронги кеча менга шу қадар қадрдан туюлиб кетяптики, сизларга бунинг таърифини қандай англатишга ҳам ҳайронман. Қанчалик тушунтирмай сизлар балониям англамасликларинг турган гап, нега деганда, сизлар мендан қарийб икки баравар ёшилизлар-да, агар икколовларини ёшинизни кўшсангиз, менга базур етиб оласизлар, ҳи-ҳи... Ёнларингизда яна аллаким ҳам борга ўхшайдими? Ким у, ким? Ҳа-а, миймонми? Бизнинг қоронги тунларимизни би-ир айлантироқчи бўпсизлар-да; майли, кўрсинг; кўриб қолаверсинг: ҳозир унга ҳеч нима кўринмаёттандек бўлиб туюлса-да, аслида, кўраёттандлари ана шу кўринмаёттандек бўлиб туюлишида эканлигини эси бўлса кейин англаб олаверади.

— Уташандаги олтин конини айтинг.

— Ҳа, Уташандаги олтин конидан гапирирга.

— Ўшанда... ер супада чордона қуришган катталарнинг гап-сўзларини киприк қоқмай, эшитиб ўтирадик. Супага тушган ой ёргу даврага қандайдир сирлилик, абадийлик баршилаёттандек бўларди. Супадан пастга тушдингми, тамом, чексиз олам сени ютиб юбораёттандек туюлаверарди. Ўшанда... шундай туюлгани рост экан-да! Болалик супасидан тушдингми, бас, зулмат сени бағрига тортиб кетади. Оҳ-оҳ, қанчалар айш-ишрат, кайф-сафо, заҳар-закқумлар жо бўлган экан-а, бу бағрига! Сен шунда боладан фарқи ўлароқ қўрқмай қўяссан, нега деганда, ўзинг ҳам зулматига айланасан. Зулматийнинг роҳат-фароғатиям, айш-ишратиям, ҳаётиям, мақсадиям зулмат. Ана шунда у супага абадул-абад қайтиб чиқолмайсан. Ҳаётингни фақатгина хотиралар ёритиб туради, шу боис, хотираларни ҳам қўргани кўзинг йўқ. Ишқилиб, ўшанда, ўша супадаги давраларда қулогимизга Уташан деган жойининг тепаликларида олтин кони топилганилиги, ҳукумат апил-тапил қазишга киришганини эшитар эдик. Кейин-кейин матьум бўлдики, олтин борликка бор-у, жуда оз миқдорда экан. Мехнатига арзимас экан. Тепаликлар бағрини ағдар-тўнтар қилганча улар жўнаворишиган. Уташанликларнинг ўзлари қазилган чукурликлардан қоп-қоп тупроқ олиб чиқишиб, қўлбола йўсундан унинг ичидан олтин зарраларини ажратиб ола бошлацибди. Оз-мозгина тўплаган олтинлари тирикчиликларига яраб қолипти, босар-тусарларини билмай қолганилари ҳам бўлгипти. Бир-бирини кўролмай ҳукуматта чаққанла-риягъ топилиши. Ҳукуматнинг нима иши бор экан дейисизларми? Эҳ, лодонсизлар-да, лодонсизлар, кўзларингизнинг эмас, каллаларингизни ҳам зулмат қоллаб олган экан! Ахир, ер ҳукуматта қараидими? Ер ҳукуматга қараганидан кейин унинг остидагиям, устидагиям жамики бойликлар ҳам ҳукуматта қараиди-да! Ўшанда Уташанликлар зарралаб йири бошлашган олтин зарралариям ҳукуматта тегишли бўлган-да. Дарров текширувчилар келишипти, қоғоз-қалам чиқаришипти. Уташанликлар уларнинг билакларига ёпишипти, жо-он акалар, жо-он укалар, дейишипти; шу нимабалолаларнидир ёзиши кўйинглар, дейишипти; биз хатдан балодан қўрқандай кўрқамиз, дейишипти; хатта туша-туша юракларимиз эзилиб, туппа-туппа бўлиб кеттан, дейишипти; қанча хизмат бўлса, ўзларингизга қиласберайлик, дейишипти. Қоғоз-қалам ушлаганлар ўйланиб қолишипти, ўйланиб қолишигани сабаб шу эканки, улар ақли эканлар-да! Майли, дейишипти улар ҳам ақмилликлари туфайли рози бўлишиб, энди бизга топган даромадларингизнинг ярмини бериб турасизлар, қоғозга туширмай қопчиғимизга солиб кетаверамиз, агар қоғозга туширсак, ўзларингиз биласизлар... мол-мулжаларингиз мусодара қилиниб, сарсону саргардон бўласизлар, чунки, сизларга ҳеч-ҳеч алоқаси бўлмаган ернинг остини ўйиб, етмагандай, олтинни ҳам йигиб олаёттанилникларингизни ҳеч ким кечирмайди, дейишипти. Уташанликлар кўрқиб кетишипти, уларнинг айттандларига дарров рози бўлишипти, ҳукумат одамлари эса-да инсофлари бор экан, дейишипти, алқашипти; агар мол-мулжаларимизни мусодара қилишиб, бор-будимизни тортиб олишасям қаёқда бораардик, додимизни кимга айттардик, айттан билан нима наф кўрардик, дейишипти. У дейишипти, бу дейишипти — ахийри кўнгилларига сув уриб ишга киришипти. Энди аввалгида ҳам қаттикроқ ишлай бошлашипти, нега деганда, ҳам ўзлари учун, ҳам уларни балой қазодан асраб қолганлар учун ишлашлари керак экан-да! Шу қадар қизишиб кетишиптики, ўйиб бораёттанд жойларинишибалаб, устунлар қўйиб, чўкмайдиган қилиб бориш ҳам ёдларидан кўтарилиб кетипти. Ана шунда фожеа рўй берипти, олтин изладб қаламуздай ер қазиб кеттан бир гуруҳ уташанликларнинг устидан тупроқ босиб қолипти, улар орасида сўпининг қариндошлари ҳам бор экан. Уларни амаллаб тупроқ остидан қазиб олиб, қабристонга дағи этишипти. Хабар еттанига қарамай, сўпি дағи маросимига бормалти; кейинчалик ҳам бирор марта дуюи фотиҳ ўқишига қадам босмалти. Шунга қарамай, агар сўпининг уйи ёнадиган бўлса, уташанликлар унинг раҳматли қавму қариндошлари иззатни қилишиб, қўлларидан келадиган ёрдамни аямасликларини айтишипти.

Элчи бова қизишиб, кўп гапириб юборганидан зўриқди, шекилли, яна «оҳ-воҳ»лай бошлади.

Холмўмин ҳам, Дўхтир бова ҳам бу оҳ-воҳларга бепарво қарашди, улар ҳатто индамай ўтиб

кетмоқчи ҳам бўлишганди-ю, элчи бованинг Андарваштда қандай калтак еганини билишга қизиқиб туриб қолиши.

— Кейин нима бўлди? — элчи бовани сўзлашга қистаётгандек сўради Холмўмин.

— Кейин нима бўлди? — Дўхтири бова ҳам дўхтирилгини эсидан чиқарип юборгандай, унинг пўла жойларини бир қараб қўйишни хаёлига келтирмасди.

— Андархунда ҳам одамлар тўпланадиган жойга бориб, шундай-шундай, мени оқсоқоллар юбориши, эртадан кейин сўпининг уйига ўт тушаркан десам, оқсоқолларинг энди хабар топишти-да, биз буни билганимизга бир йилдан ошиб кетди, неча марта хабар ҳам олиб келдик, дейиши. Уйига ўт кетишидан бехабар сўпининг хотиржамагини бузгумиз келмади, чунки, айтсан-айтмасак, бўладиган иш барибир бўлиши керак эди, шунинг учун индамадик, дейиши. Сўпига ичимиз ачиди, аммо, илож қанча, бизнинг қўлнимиздан фақат ачиниш ва томошалаб ўтириш келади холос, дейиши. Андарваштдагилар бўлса бошқача кутиб олиши.

— Улар эшитишмаган экан-да?

— Ух-х...вой белим-эй! Ўзиям ҳеч қандай хабар етиб бора олмайдиган, тоғнинг қулласидаги бир қишлоқ экан-да!

— Шунақа.

— У ерга етиб борганимда қуёш ботаётган эди. Қишлоқ аҳли бир тепаликка йигилишиб, давра қуриб ўтиришганча қуёшнинг ботишини томоша қилишаётган экан. Шафақнинг қизарishi, лахтак-лахтак булуғчаларнинг қонга ботириб олингандай бўлиб туриши уларни маъюслаштириб-маҳзунлаштириб юбораркан. Улар нега бундай ҳолатта тушиб қолишларининг сабабини ўзлари ҳам билолмай ҳайрон қолишаркан. Шундай маҳалларда битта-яримта бегона одам пайдо бўлиб қолса, ёлғизоёқ йўл билан пастан тикка ўша тепаликка қараб чиқиб борар, аслини олганда, бундан бошқа йўлнинг ўзиям йўқ экан. У нобакорлар пастан чиқаётган одамнинг барча хатти-харакатларини, қадам олишларини кузатиб туришаркан. Ўнлаб нигоҳларнинг ўқдек қадалиб туриши чиқаётган кишига таъсир қилмай қолмаскан, у ўзи ҳам билмаган ҳолда ўзини йўқотиб кўяркан, қора терга тушаркан. Уларни қизиқтирган нарса пастан чиқаётган одамнинг ранг-туси, ёши, жинси эмас, қандай хабар келтираётгани бўларкан. Эҳ, шунақалигини билганимда борми, пастан турибоқ, сўпининг уйи кўймоқчи дердим-да, изимга қайтардим. Мен уларнинг ҳурмат-иззатларини жойига қўймоқчи бўлибман-а! Кўпчиллик экан, оддиларига чиқиб борай, элчига ўлим йўқ, дебман-а. Энди нима бўларкин, дез қизиқсиниб, қуёш ҳам ботмай туриб қолгандай эди. Мен ўтириб нафас ростламоқчи бўлдим, бироқ, уларнинг айт, айт, деб туришган нигоҳларидан ҳайқиб ўтирамдим. Шунақа-шунақа, мени фалон-пистон қишлоқнинг оқсоқоллари юбориши, индин ёлғон тонг маҳалида сўпининг уйига ўт кетармиш, дедим.

Улар индашмади.

Даврадагилар орасидан тарашадай озгин, бурни суппайган, кўзлари чақчайган дароз бир йигит ажralиб чиқиб:

— Ким айтди? — дея қайталаб сўради.

— Оқсоқоллар, — дедим пинак бузмай.

— Ҳалойик! — хитоб қиди Дарозбой сарғайиб кеттан тишларини кўрсаттанча одамлар томонга юзланиб. — Бизнинг сўпига қариндошлигимиз борми?

— Бор, бор! — даврадан ари учгандай фўнгиллаган овозлар чиқди.

— Тўғри, бор, — хишиллади Дарозбой. — Лекин, бу қариндошлигикнинг боридан йўғи яхши.

Даврадагилар қалқиши.

Кимдир норозилик билдириб:

— Ҳо-ой, оғзингга қараб гапирмайсанми, нега ундай дейсан? — деди-ю, шу заҳотиёқ, уни ўчди. Чунки, бу гапга бирор эътибор бермади.

Шундай бўлса-да, воизни бироз ранжитди.

У кафтини қулогига туттганча, шабдада яъниши товушлар келтиридими-я, дегандек қилиқ қилиди. Сўнгра тантанали маросимда сўзлаётгандек балаңдларвозлиқ билан ваъзини давом эттириди:

— Дуруст, бу сўзларимни тасдиқламайдиганларнинг орамизда учраб туришлари ҳам дуруст. Аммо, улар шуни яхши билиб қўйсинарки, узоқ қишлоқдаги қариндошимиз ҳисобланмиш сўпини биз танисан ҳам, болаларимиз танишмайди.

— Болаларимиз танишмаса сўпидан нима гуноҳ? — деган овоз эшитилди.

— Чунки, на тўй-ҳашамларда, на маърака-маросимларда сўпи тутул, сўпининг арвоҳиям кўринмайди. Мана, ўтган ийли ўзим уй қурдим, ҳашарда сўпи кўриндими?

— Кўрингани йўқ.

— Хабар топмагандир, — дедим базўр, нафасим ичим-ча тушиб.

— Нега хабар топмас экан, нега хабар топмас экан? — тутақиб кетди Дарозбой. — Ўзим атай одам юбориб айттирганман. Ҳо-ов, Дархонбой! Дархонбой шу ердами?

— Шу ерда? — деган гулдираган овоз эшитилди.

— Ўзинг айт...

— Нимани айтай? Борувдим.

— Эшигининг рангини айт...

— Эшикдақа эшик-да! Ранги-тусиниям ажратиб бўлмасди, таҳтадан қилинган...

Дарозбой мен томонга «ана, кўрдингми?» дегандай қараб қўйиб, сўзида давом этди:

— Эй, ҳалойик, буни мен бир мисол тариқасида айтдим. Бунақа гаплар кўп бўлган. Фақат, шунақа майд-чўйдалар бўлганида айтиб ўтирамдим. Энди тилимни қизитиб оддим, айтай, у — сотқин!

Шу охирги сўз яраларига тегиб кеттандай элчи бова яна инқиллай бошлади. Унинг ҳикояси-га азбаройи қизиқиб кетишганидан бўлса керак, Дўхтири бова билан Холмўмин баҳамжиҳат:

— Э, инқилламай тезроқ, айтсангиз-чи! — деб юбориши.

Уларнинг бу гали тегиб кетди, шекилли, Элчи бова жимиди-қолди.

— Нега фик, этмай қолдингиз, бир бошлаган гапни охиригача етказиш керак-да, сизни беҳудага калтаклашмаган-ов, — деди Холмўмин шафқатсизлик билан.

— Айтмаса айтмасин, — Дўхтири бова мугомбирилик билан Холмўминга мурожаат қилди. — Қани, кетдиқ. Сўпининг соткинлиги ҳақидағи гап Элчи бованини бўйиб қолаверади.

Дўхтири бованинг бу мугомбирилиги Элчи бовага кутилганидан ҳам зиёда таъсир қилди.

У тўйкусдан жонланиб:

— Йўқ, йўқ, кетманлар, — деди эланаёттандек товушда. — Тўхтаб туринглар, бироз нафа-симни ростлаб олай, ҳозир айтаман.

Улар шусиз ҳам силжишни хаёлларига келтиришмаганди.

Элчи бова қашқатеёқ қилинган маҳбусдек «сирни фош этиш»да давом этди:

— Дарозбойнинг «сотқин» деган сўзи одамларга шу қадар қаттиқ таъсир қилдики, улар ўринларидан туришиб, уни ўраб олишиди. Бирори, бунақа гапларни одам худа-беҳуда гапиравермайди, исбот керак, исбот, деди Дарозбойнинг ўзига таҳдид солаёттандек.

Дарозбойнинг кўзлари аланг-жаланг бўйиб қолди.

Теварак-атрофга тез-тез назар ташлади.

Четроқда, уч-тўртта хотин-халажнинг орасида бир кампир ҳам бор эди. Кампирнинг этни-даги кўяллаги униқиб, тўклиб тушай-тўклиб тушай деб колган, қатма-қат ажинлар юзини буришириб-тиришириб юборган, сўник кўзлари бўлаётган гап-сўёларга заррача эътибор бер-мәттанини ифодалаб туради.

Дарозбойнинг кўзи унга тушиб, диркиллаб кетди.

Кампирнинг енгидан ушлаб, уни давра ўртасига олиб кирмоқчи бўлди. Бу ҳаракатдан кампирнинг ўтакаси ёрилаэди, дарров рўмолининг бари билан юзининг ярмини тўсиб оди, иккинчи кўли билан ўзини Дарозбойдан химоя қилаёттандай тислана бошлади.

— Эй эна, кўрқманг, одамлар олдида биттагина сўроғимга жавоб қилинг, — дерди Дарозбой.

Кампир тилини ичига ютиб юборгандай миқ этмай ўзини ортга ташлагани-ташлаган эди.

— Келинг, эна, келинг, майли, эшишиб кўринг, қанақа саволи бор экан, — чугурулашарди одамлар.

Хотин-халажлар ҳам бу машмашадан тезроқ қутулишни исташаёттандай, боринг эна, бора-қолинг, сизни еб қўймайди-ку, дейишарди.

Ахийри, кампир ноилож қолиб:

— Ҳе саволинг қуриб кетсин, айт, нима дейсан? — деда вариллаб берди.

— Бўёқка келинг, бўёқка, — чорларди Дарозбой яна унинг енгидан ушламоқчи бўлиб. — Одамлар эшитишсин.

— Ол қўлингни, ол қўлингни! — шанғиллади кампир. — Одамларинг билан ишим йўқ, ҳозир кетаман, саволинг ордона қолсин!

Кампир кетмоққа тараффуд кўриб эди, Дарозбойнинг жон-пони чиқиб кетди.

— Чолингизни ким сотганини айтиб кетинг эна, сизни ким бева қолдирганини айтиб кетинг, эна! — дед бақириб юборди.

Кампир бир зум саросималаниб қолди. Бироз юмшагандай бўлди.

— Қўй, шунақа гапларни, — деди оҳисталик билан. — Ўлган ўлди кетди-да. Раҳматлик чолим ҳам қайсар эди, ичиди алламбало гапларни йигиб юради, тилгинасиям заҳаргина эди, ўша гапларни айтимаса ҳам бўлар эди, — деди қандайдир мавҳум гапларга ишора қилиб.

— У гапларнинг бизга кераги йўқ, ўшаларни кимга айтганини, ким етказиб, ким исботга ўтганини айтинг, эна! — қисталанг қила бошлади Дарозбой.

— Қўй-э! — енг силқиди кампир.

— Айтинг! — Дарозбойнинг овози энди йиғламсираб чиқди. — Мени балога қолдирманг, эна!

— Сен балога қоладиган бўлдингми? — кампир Дарозбойга ажаблангандаи қаради. — Йўқса, айтай. Айтадиганим шуки, у гапларни сўпига айтиб эди, ана-а!

— Кейин-чи, кейин? — шошигарди уни Дарозбой.

— Кейин нимаям бўларди, — деди кампир энди одатий бир ҳол тўғрисида сўзлаёттандек хотиржамлик билан. — Сўпининг уларга яхши қўрингиси келганми, совға-салом олганми — невлай, эшиштанларини ҳаммасини айтиб берган.

— Ана-а! — деб тантана қилди Дарозбой.

— Сўзи кейин исботта ҳам ўтиб эди, — минғирлади кампир сўзини узил-кесил тутатиб ва тўсатдан йиғлаб юборди.

— Йиғламанг, эна, йиғламанг! — тасалли берди унга Дарозбой. — Сизнинг чолингиз мард, тантин одам эди. Кўйиб кўрмасликка, билиб билмасликка олиб кетавермасдан — бошингита қилич келсаем тўғри сўзни айт, дегич эди; афсуски, қилич ҳам тўғри сўзли бошни кесаркан.

— Қилич ўзи шунга чиқарилган-да, — деда кимдир лукма ташлади.

— Сўпининг уйи кўйисин, деб қарғабмидингиз? — сўради Дарозбой кампирдан.

— Қарғайман, ҳамиша қарғайман, ҳозир ҳам қарғайман: илохи, уйига ўт кетсин! — шундай деб, кампир иккала тиззасининг кўзига муштлай-муштлай, уввос сола бошлади.

Энди унга хотин-халажлар ҳам қўшилиши.

Айримлар рўмолларини тескари ўраб олишиди.

Дард эскирмас экан-да. Уларнинг ўнлаб йиллар аввалги дардлари қайта қўзиганди. Аёллар бир-бирларининг елкаларига қўл ташлашиб, давра қуриб йиғлашарди.

Айтиб-айтиб йиғлашарди.

Саннай-саннай йиғлашарди.

Аёлларни ўз ҳолларига қўйишишиб, эркакларнинг ўзлари яна давра қурища.

— Ана-а, сўпининг қанақа сотқиңлик қилганини эшигтанлар яна эшиди, эшитмаганлар ҳам эшиди, — Дарозбой овозини бир-икки парда баланд кўтарди. — Унинг нима учун тўй-ҳашамларимизга, маърака-маросимларимизга, ҳашарларимизга келомаслигининг сабабини энди билгандирсизлар? Андарваштга кўринишга унда бет йўқ! Қавму қариндошига кўринишга унда бет йўқ! Лекин, биз унга хабарчи жўннатаверамиз, хабарчиларимизни кўрди дегунча унга сичқоннинг ини минг танга бўлиб қолаверади. Элчига ўлим йўқ дейдилар. Тўғри. Бироқ, сотқин бир одамнинг элчи-хабарчиси қанақа одам бўлишини биласизларми?

— Эшагига яраша тушови-да! — деган овоз чиқди.

— Қуёш ботиб бораётган шундай дамларда бизнинг кайфиятимизни яна-да тушириб, сўпидай лайндан хабарчи бўлиб келган бундай одамни жазоламай кўйиб юбориш бизнинг шаъни-мизга тўғри келадими? — сўради Дарозбой теварақ-атрофига қушназар солиб.

— Тўғри келмайди! — устимдан ҳукм ўқиб юбориши даврадагилар.

Ўтакам ёрилаэди.

— Кўл-оёғини кесиб ташлаш керак, — деган чийилдоқ товуш эса мени адойи тамом қилганди. — Токи қуёш ботар маҳалида бу ҳаммага маълум хабарларни кўтариб юриб, одамларнинг бошини қотирмасин, кимдан қаёққа элчи бўлиб боришини билсин...

Шу онда уфқда нимадир учиб ёнгандай бўлди.

Қуёш бир юмалаб кўздан паналади.

Шафақнинг тўқ қизил ранглари булултлар этагига сачраб, қон юқи қолдиргандаи таассурот уйғотди.

Фурсатни ранимат билдим.

Урра қоча бошладим.

Улар ҳай-ҳайлаб, нима гап-сўзлигини англаб еттуналарича мен пастта қараб ўқдек учиб борардим.

Пастта қараб югуришдан худо асрасин экан!

Ҳаттоқи, жониворлар ҳам ҳеч вақт пастта қараб чопмасликларининг сабабини энди билдим.

Ўзингни жаҳаннома қаърига отгандай бўларкансан-да!

Андарваштиклар қувшини ҳам, қувмасликни ҳам билмай қолдилар.

Кияликнинг ярмига етар-етмас мункиб, умбалоқ ошиб кетдим.

Энди тамом, дедим.

Энди ўлдим, дедим.

Туртиб чиқиб турган тошларга урилиб, суякларимдан суяқ қолмади, аъзои баданим тўкилиб тушгандай бўлди. Бироннинг аравасига мингашиб, амаллаб етиб келган жойим. Аравакаш, Андарваштикларнинг кўлидан омон чиқибсиз, худога шукр қиласверинг, ўзи эси йўқ, одам тоғликларга рўпара бўлади, деди.

Элчи бова ҳикоясини тутатгандан сўнг Холмўмин қаёқдандир таёқ, топиб келди ва Дўхтир бова билан икковлашиб уни ўрнидан турғазишиди.

— Мана бу таёққа суяниб олинг, — Дўхтир бованинг дўхтирилик қасами эсига тушгандек, Холмўминнинг кўлидаги таёқни олиб Элчи бовага тутқазди. — Секин-секин юриб уйга кетасиз энди. Кўргилик-да кўргилик. Сизни ким айтиб эдики ўша ёқларга борсин деб. Ёш-яланг қуриб кеттанимди?

— Тарки оdat амри маҳол эмиш-да, — деди Элчи бова таёққа суяниб олгач. — Элчилик касбимиз мана энди панд берди. Бу ишдаги бари гуноҳимизни йигиб-йигиб бир чиқарди-да, майли, худодан кўрдик.

— Чиқармаса кўймайди, — Холмўмин нимагадир ишора қилганча ғўнғиллади. — Эртами-кечми, барibir чиқариб олади, вақти-соати бор ҳаммасининг, дақиқама-дақиқа саноғлиқ, хисобга олинган ҳаммаси.

— Майли, мен борай, — деди Элчи бова.

— Майли, боринг.

Улар ажрашишиди.

Эндиғина уч-тўрт қадам юришган эди ҳамки, ортларидан Элчи бованинг овози эшитилиб қолди:

— Оқсоқолларга ўзларингиз айтиб қўярсизлар.

— Кўрсак, айтамиз.

— Кўрасизлар, кўрасизлар. Ўша ёнғин чиқадиган жойда бўлишади. Шунақа, шунақа экан, Элчи бова айттанингизни бажо келтирипти денглар.

— Айтамиз, айтамиз, матонат билан бажариб келиптилар, деймиз.

— Сизларга ишондим-а?

— Ишонаверинг.

— Тағин эсларингдан чиқмасин-а?

— Айтдик-ку.

— Хўп бўлмаса.

— Хўп, хўп.

Элчи бова кетди.

Жимлик.

Зулмат баттар қуюқлашгандаи бўлди.

Унинг ҳикояси атроф-жавонибни сал-пал ёриштириб тургандаи эди.

Яхшими-ёмонми, сўзида қандайдир нур бор эди-да!

Холмўмин ўзига-ўзи гапираётгандек:

— Гўрингга мармартосх қўйишиади, — деди.

Дўхтир бова англамаганликка олди:

— А, лаббай!?

— Элчи бовани айтаман-да, оқсоқоллар, оқсоқоллар дегани деган.

Дүхтири бова мәхмон томонга ўтирилиб, тушунтириш берди:

— Элчи боваям катта шаҳарларда ишлаб келган-да, миймон. Ўрганиб қолган. Хизматчилик, дейди. Хизматкорлик десаям бўлади-ю, сўзининг думини тараф кўрсатади. Сиз, миймон, хафа бўлманг-у, одам ўрганиб қолса, ёмон бўларкан. Бир Райим жинни деганимиз бор. Мансабидан бўшаб жинни бўлиб қолган. Тавба, дейиш керак. Қубошни биласиз-а? Чучело-да! Шуни биз кубош деймиз. Райим жинни бир қубош ясатиб, уни безантитрган, бўйнига бўйинбоқдача тақтирган, ҳовалисининг ўртасига қўйиб қўйилти. Нима бўлти, дейсизми? Фирт томоша. Райим жинни ҳар куни эрталаб ўша қубошга узоқдан туриб таъзим қиласди, қабулингизга кирсанм майлими, хўжайин, дея ундан рухсат сўраган бўлади. Майли, майли, кутиб турман, дейди ўзича овоз чиқазиб. Ярим соатлар қаққайб туради. Ҳеч қаёққа қараш йўқ. Ўтириш йўқ. Киприк қоқиши ҳам йўқ. Тураверади. Кейин секин қубошга яқинлашади. Лаббай хўжайин, бутун бизга қандай хизматлар бор, дея қўл қовуштиради. Ҳадеб бош силкийверади, бош силкийверади — гўё мулоқот кетяпти, гўё хўжайин гапирияпти-ю, у маъкуллаяпти. Кейин қубошга беш-олти марта хўп, хўп, дейди-да, жиннилик қилгани кўчага чиқиб кетади.

Энди-и Элчи бовага қаранг-а! Ўзи ўйай десаям оқсоқолларнинг топшириғидан келади. Бизнинг шаҳар кўрмаган одамларимиз унақамас-да. Оқсоқол-кўксоқолингта қўйдим, дейди бунақа вақтда, келиб ёқасидан олади, мени қаерга юборувдинг, деб.

Дүхтири бова мәхмонга гап маъқуллатмоқчи бўляпти-ю, мәхмон бўлса... ичиди зил кетиб боряпти.

У ўзини ўйлайди.

Айтилган одамларга беихтиёр ўзини чоғишитиради.

Унинг ўзи ким?

Айта олса, айтсан.

Ўзига-ўзи тўғри баҳо бериши учун бундан ортиқ имкониятни қидириб ҳам топиб бўлмайди. Зулмат ниқобидан бўлак барча сохта ва ясама ниқобларни кўнгилаудан олиб ташлаш керак. Юздагиси ўша кўнгилаудагисининг сояси, холос. Кўнгилаудагиси кетса, юздагиси ўз-ўзидан сидирилиб тушади. Бу зулмат зулмат эмас, одамнинг ўзини-ўзи кўриши, ўзига-ўзи назар ташлаши учун юборилган ёруғлик-нурдир. Сохта ниқобларнинг-да ҳожати йўқ бундай чоқда.

Бу чоқда бошқа бир одам рўпарандган чиқиб:

— Сен ўзи кимсан? — дея ҳар лаҳзада сўрайвериб ҳоли-жонинигта қўймайди.

У фақат тунлари юради.

Кундуз кунлари қорасиниям кўрсатмайди.

Чунки, у зулмат боласидир.

Ёлриз бўлгани учун унга исм қўйишмаган.

Бўлган-тургани шу — зулмат боласи.

Дўхтири бованинг сўзлари баҳонасида ўша зулмат боласи зулмат бағридан чиқиб келиб, мәхмоннинг рўпарасида туриб оди. Унинг қулоғи остида пицирлаб, қани, айт, кимлагингни билиб олайлик, бироннинг уйи ёнепти, деб кетяпсан-у, балки, ўзингни хонумонинг ҳам қўйиб кеттандир, дейди. Мәхмон, бу бегона бир жой бўлса, ке, қўй, бошқа бирор вақтда бафуржа гаплашармиз, деб ўзини олиб қочмоқчи бўлади.

Зулмат боласи жуда хира чиқиб қодди.

Мәхмон ундан қочиб кутулиш мумкин эмаслигини пайқади.

Ён берди.

Зулмат боласининг:

— Қани, айт, кимсан? — деган ёғоч арралагандай овози мәхмоннинг қулоғини шанғиллатиб юборди.

Мәхмон ўйлаб кетди.

Нимаям дейди?

Қадди коматини, қош-кўзини, кийган кийимини бу зулматда кўрсата олмаса.

Ишдан гапирсынми?

У ишлайдиган вазирлик пойтахтдаги энг катта идоралардан бири ҳисобланади. Янги таъмирланган беш қаватли бинода жойлашган. Минглаб одам кириб-чиқадиган ана шу вазирликнинг битта бошқармасида, кичкинагина бўлимчада оддий ҳодим бўлиб ишлайди.

Хона тўрида бўлим бошлиги ўтиради.

У тепакал, қаншарига кўзойннак кўндириган юмaloққина бир одам.

Юзининг териси шу қадар сиљиқки, бирон бир ифода оёқ қўя олмай, сирпаниб тушиб кетаверганга ўшҳайди.

Унинг калта-калта кўлчалари ҳамиша стол устида нималарнидир тимирскилайди, қўл қўяди, ёзди, вужудининг қолган аъзолари стол ортида дам олишади.

Мәхмон энг пастдаги стодда ўтиради.

Йигирма йилки, шу. Бўлим мудири сабрли одам. Ўзидан-да сабрли одам борлигидан ғашла-наётгандай ўқтинг-ўқтинг.

Хонада яна иккита аёл, пенсага яқинлашиб қолган эркак ҳам бор.

Ному бору ўзи йўқ иккита ҳодимнинг столи ҳамиша бўш.

— Булар қачон келишади? — деган савонли бўлим мудири ёқтиримайди, юмшоққина оҳангда:

— Ишингизни қилинг, — деб қўяди.

Аёллар аёлликлари учунми, пенсага яқинлашиб қолган ҳодим пенсага яқинлашиб қолгани учунни, ёинки бошқа сабабларга кўрами, кеч қолишсаям барвақт кетишишсаям мудир индамайди.

У сал кечикса ёки иш чиқиб барвақтроқ кетмоқчи бўлса, мудир пасттина овозда ўйиб олгудек қилиб:

— Сайдмуродбек, бу аҳволда ё сиз ишлангиз, ё биз ишлайдик, — дея уни ўтқазиб қўяди.

У миқ этолмайди.

Зулмат боласи безовталаниб, ўзини тутолмай қолди.

— Э, башарасига тупурмайсанми? — деди у меҳмоннинг кўнглига кутқу согланча.

— Йўқ-йўқ; бу... нима десамикан... маданиятсизлик ҳисобланади.

Зулмат боласи ҳиринглади, у кулмасди, бироннинг устидан масхара қиласди гўё.

— Ана-а, яна битта никоб! — деди у тантана қилгандай. — Одамлар билимсизларини, журъатсизларини хаспўшлаш учун маданияни деган никобдан фойдаланишар экан!

Шу чоқ, меҳмон, бўлим мудири уни «Саидмуродбек» деб атаганида «бек» қўшимчасини аллақандай истеҳзо, киноя билан талафуз этишини эслаб қолди.

«Саидмуродбек» эмас, аслида «Саидмуродқул», деб ўйлаб, тилининг учидагини ўзгартириб айтар экан-да.

— Тўғри, тил учида... — мингирилаб қўйди зулмат боласи.

Меҳмон ўзидан-ўзи нафрлатлиб кетди.

Ўтираса ўпок, турса сўпок, бўлим мудири, ахир, унинг хаёlinи бутунлай эгаллаб олмаганми?

Нимаки иш қилмасин, хаёлида ўша турмайдими?

Нима деркин?

Қандай ўйларкин?

Унга тегиб кетмасмикан?

Унинг режаларига мувофиқ келармикан?

Бундай саволларнинг чеки йўқ.

Шундай бўлса-да, унга ичи ачиб, унинг тарафини, ҳатто хаёлан ёқлаб юрмайдими?

Унга қийин. Битта ўзи шунча ишни эплаяпти. Унинг ўрнида бошқа одамни тасаввур этиб бўлмайди. У бор, биз ҳам юрипмиз-да. Биз ким бўпмиз.

Бундай хаёлларнинг чеки йўқ, эди.

— Санам! — зулмат боласи қашфиёт қилгандай қичкириб юборди.

— Нима? — меҳмон ҳеч балони англамади.

— Санамга айлантирибсан, — деди зулмат боласи афсус чеккандек.

— Нимани?

— Нимани эмас, кимни! — деди зулмат боласи савонни тўғрилаб. — Ўша бўлим мудирингни санамга айлантириб олибсан.

— Ахир, йигирма йилдан бўён мен унинг қўлида ишлайман-да.

— Нима бўпти? Йилларнинг нима аҳамияти бор? Эсиз... Бизнинг зулмат ҳисобимиз билан қаралганда, сенинг йилларнинг лаҳзалик қадри қолмайди.

Меҳмон бошини ҳам қилди.

Бу зулмат бағрида қочишга жой тополмаёттандай эди.

Кейин, зулмат боласи зулматта сингишиб кетди.

Меҳмон анг-танг бўлиб қолганди.

У, ўзи учун қандайdir жуда-жуда муҳим туюлган нарсанинг аҳамиятсизлигини, унинг йўқолиб бораёттанини хис эттач, чукур жар устида муаллақ осилиб қолгандай бўлди, даҳшатдан кўкси қаттиқ тепиб:

— Йўқ, бўлиши мумкин эмас, — деб юборди.

— Юринг, миймон, — унинг қўлидан тортди Дўхтир бова. — Индамасак, индамай тураверасиз. Юрайлик ҳам демайсиз, алаҳсиб қолганга ўхшайсиз-а?

— Узр... — гўлдиради меҳмон нима деярини билмай. — Кўзимга алланимабалолар кўрингандай бўлди.

— Ҳеч киси йўқ, — тасалли берди Холмўмин. — Қоронгида ўзи шунаقا бўлади. Одамнинг ён-атрофида қандайdir шарпалар изгиб юргандек, номаълум кучлар устига бостириб келавера-дигандек бўлади.

— Шунаقا вақтда иложи топилса чироқ ёқилгандек осмоннинг ўртасида шартта қўёш пайдо бўлса, у шарпалардан ном-нишон ҳам қолмайди, — илиб кетди Дўхтир бова.

— Ваҳимаям йўқолади, — қўшимча қиди Холмўмин.

— Устингта бостириб келаёттандек туюлган номаълум кучлар ҳам ин-инига уриб кетади.

— Шунча шарпалар бир лаҳзанинг ичиди қаёқда йўқолишаркин?

— Одамнинг ичига. Яшириниш учун энг қулақ жой одамнинг ичи-да! У ернинг зулматгоҳлари қаршисида бу коронгиликлар нима бўпти? Дўзах ўтида ёнаётган милёнлаб иллатлару разолатнинг, қабоҳатнинг нега чеки йўқ? Чунки, уларнинг трилён-трилёнлари одамнинг ичини ўзларига қўналға қилиб олишган, бири ёнганда ўрнига юзтаси, мингтаси чиқиб боришади. Ҳар қандай қотилликтининг, зулмнинг, фаҳшанинг энг сўнгиги қочиб борадиган манзили ҳам одамнинг ичи, бу манзилда улар ўзларининг уруг-қаёшлири билан топишиб, дориламон яшашади. Одам кар — қинғир ишларга ичидаги даҳшатли манзараларни ҳеч қачон эшитолмайди, одам кўр — ичидаги даҳшатли манзараларни ҳеч вақт кўролмайди, одам шол — ўз ичига боролмай, кераксиз жойларда мутакаббirona одим отиб юраверади. Тимсолий ёруғиллар унга хотиржамлик ато этади, шу боис, ичидагилардан бехабар, осмон узилиб тушсаем иши йўқ.

— Қоронги тущдими, ичидагилар олдига чиқиб келишади.

— Хўш, қалайсан, дейишади.

— Шундайам, барин бирданига чиқиб келмайди.

— Битта-битта-да! Ана иннайкейин одамни секин-аста ваҳимага солаверади.

— Одамнинг қоронгиликдан кўркишинининг сабаби шу экан-да.

— Шу, шу.

Холмўмин билан Дўхтир бованинг суҳбатларини зулмат боласи билан тўқнашмасдан аввал эшитганида меҳмон ҳайрон қолган бўлар, булар нималарни ваддирашайти-я, дей боши котар, бири тоғдану бири боғдандай туюлган бу гап-сўзлардан заррача маъно тополмасди.

Ҳозир эса... улар ўз сұхбатлари асносида мәхмөннинг күнглига қутқу солиб, унинг бор-йүғини ағдар-тұңтар қилишаёттандай әдилар.

Ахийри, уни ҳоли-жонига күймай сұроққа туттан зулмат боласи илгарилари ҳам мәхмөн күнглигининг бир чеккагинаса миттигина қора нұқтаса бўлиб ётар әди-да. Мәхмөн унинги мавжудлигини ҳаммавақт англаб турар әди-ю, жиддий эътибор бермасди.

Мәхмөннинг энди ёргуларка чиққиси келмай қолди.

Мезбонлар ўртасыда тусмоллаб қадам ташлар экан, энди ўзини бошқача ҳис этар, ҳар қандай сас-сабарларни илгашга уринарди.

Бир гала кўршапалаклар уларнинг пешонасига тегай-тегай деб кўндалангига кесиб ўтишиди. Бу ўша, устларидан шигрілаб учеб ўтишган кўршапалакларми ёки бошқаларими, номаълум эди.

Олис-олислардан бойўғли овози эшитиди.

Улар тўхтаб қолишиди.

— Анча вақтлардан бўён бойўғли овозини эшиитмагандим, — деди Дўхтир бова.

— Қабристон томондан келаётibi, — деб хўрсиниб кўйди Холмўмин.

Мәхмөннинг қулоғига яна шивир-шивир, пичир-пичир товушлар эшитила бошлади. Бу товушлар кўхна деворлар остиданни, дараҳт шоҳларида изриёттан шабада туфайлими, қаёқдан келаёттани мәхмөн учун ноанидигича қолаверди.

— Шунақа, шунақа, — манқаланиб чиқаёттан овоз ниманидир тасдиқлаёттандай бўлиб, давом этди. — Ҳамма гап сўпининг келинида.

— Келин қиласман, деб, ўзим сўни кирмаган эшик қолмади-да.

— Шунақа, шунақа; сўпига бироннинг қиз бергиси келмади.

— Ўсли бўш-баёвигина эмасми, хотинни эпломайди, деб қўркишган.

— Ким билсан, тагин. Бошқа сабаблари ҳам бордир.

— Бўлса бордир.

— Сўни келин қидириб бошқа юртларга чиқиб кетди-да ўшанда.

— Одамларга, тижоратта кетаётibман, деб айтувди.

— Шунақа, шунақа; кейин кела солиб, тўй ҳаракатига тушувди. Аввалдан борди-келиди қилиб юрган бир ошнамизнинг қизини келин қилиб келдик, оғайнничилигимиз узилласин деб, унинг ўзи айтгіб қолди, юзидан ўтолмадим, деди.

— Номард.

— Куда бўлгич одамни шундай пастта урадими денг.

— Сўпининг бирор билан ошначилиги борлигини ҳеч ким эшиитмаганди, ҳамма ҳайрон бўлуви ўшанда.

— Шунақа, шунақа; кейин қишлоқда чўл томондан икки йигит соттани бир мошин қовун олиб келишиди. Ўзиям ҳаммаси дум бериб пишган оқ қовунлар эди-да. Йигитлар нархини тортишиб ўтиришмай, бизники деҳқончилик, инсоф қилиб бирор нарса бериб кетаверинглар, дейишарди.

— Эсимда бор. Теша мирохур божаси Илаш чиноқнинг уй ҳашарига иккита қовунни хуржуннинг иккига қўзига солиб борувди. Лой қораёттан Илаш чиноқнинг ўғли хуржунни эшакнинг устидан базўр тушириб олувди. Ана қовун мана қовун, деб ҳамма гапиравуди.

— Йигитлар бир-икки кун чойхонада ётиб юришиди.

— Қишлоқ, аҳди навбатман-навбат уйларига чақириб, мәхмөн қилмоқчи бўлишаёттанди.

— Шу орада сўпининг келини бу йигитларга қариндо чиқиб қолди-ку.

— Бари ёлғон экан-ку.

— Йигитлар сўпиникида ётиб юришиди. Баъзи-баъзида сўпининг ўзи, ўсли, ҳатто, келиниям чиқиб қовун сотишиди.

— Ўшанда ҳаммаям ўша йигитларнинг сўпининг келинини акалари эканига ишонувди. То-парман-тутарман, меҳнаткаш акалари бор экан-да, деб ҳамманинг ҳаваси келувди.

— Гап бошқа ёқда экан.

— Сўпининг келинини ўзида экан ҳамма гап.

— Шунақа, шунақа; ўйнингга ўт тушгур сўни шуни билмаганми?

— Билган, билмай қаёққа бораради. Билган-у, қовун сотиб чўнтағига ураёттан пулларни қизғаниб индамай қўя қолган.

— Ўл-а.

— Йигитларнинг ҳам эси йўқ, экан-да!

— Ҳа, энди, йигит-да.

— Сўни ўзи соттани қовунларнинг пули билан кифояланмай, келини билан тил бириктириб, уларнинг ҳам пулинин ўмаришган экан.

— Йўғ-э?

— Эшиитаним-да! Биласиз-ку, мен қимир этмай ўттанинг ҳам, кеттанинг ҳам гапини эшиити ётаман.

— Улар, деворнинг ҳам қулоғи бор, дейишади-ю, бунга ўзлари ишонишмайди.

— Эшиставериб, эшиставериб, ҳаммәғимиз гапга тўлиб кеттанини билишмайди.

— Шуни айтинг. Ўхшатмаса учратмас, деганларида, сўни билан келини жа-а мос тушиб қолишибди-да.

— Йигитлар ҳам сўкина-сўкина бу қишлоққа этак силкиб кетишуви.

— Ўзларидан кўришсин.

Мәхмөн мингир-мингир, шивир-шивир бу гапларнинг барчаси гийбат, гийбат бўлгандаим сўни ва сўни атрофида бўлаёттан гийбатлигини фаҳмлади.

Намунча, ҳаммаси сўпига ёпишиб олишмаса, қишлоқда бошқа одам йўқмиди, деб ўйлади.

Ажабланди.

— Сўпи ҳақидаги гап-сўзлар анча аввал бошланувди, — деди Дўхтир бова меҳмоннинг кўнглидан кечган фикри пайқагандек. — Лекин, ҳеч ким эътибор бермовди.

— Эътибор бериш керак экан-да, — қўшилди Холмўмин. — Мана, келиб-келиб, сўпининг ўзига жавр бўладиган бўлди-да.

— Ишқилиб, жони омон қолсин.

— Ким билади, ҳали нима бўлишини.

— Ўзи ундай-бундай деймиз-у, сўпининг ахволи бундайчанги бўлиб кетишида ҳаммамиз-нинг айбимиз бор, — деди Дўхтир бова ўз гуноҳини бўйнига олаёттандек.

— Бизга нима? — Холмўмин «чирт» этказиб тулурди.

— Усадиган эл бир-бирини ботирим дейди, — донолик килди Дўхтир бова. — Кўллаб-куваттайди, камчилигиниям юзига айттиб тузатади. Сўпининг ўғли бўш-баёв бўлса нима бўпти, унисиям, бунисиям уйидан ҳайдаб чиқаравермай, эллашиб, битта-яримтаси қизини берса бўларди...

— Ўслини сийиб қўяркан, дейишади...

— Ёлғон! — уни кескин рад қилди Дўхтир бова. — Мунақа касали бўлса мен билардим.

— Сизга билдиришмаган-да.

— Хўш, уйида қари қиз бўлиб ўтириб қолганлар қанча? Сўпининг ўслини олдида жа-а ойимтила бўлиб кетибида-да ўшаларингиз.

— Э, менга нима? — Холмўминнинг жаҳди чиқиб кетди. — Сўпининг бошқа кўргиликлари ҳам кўп дейишади-ку.

— Балки, шунда кўргиликлари бироз озаярмиди...

— Ўзининг бошига тушган қорни ҳар ким ўзи кураши керак.

— Шунақа деймиз-да.

Бошқа гап тополмагандек, икки орайни жимиб қолиши.

Ниманингдир сой шовуллашига ўхаш шовуллагани эшлитилди. Фақат, бу овоз пастдан эмас, тепадан келарди.

— Нима у шовуллаёттанд? — сўради меҳмон.

— Эшиятисими овозини, — жавоб бериш ўрнига чиқаёттанд товушдан фахрланаёттандек деди Дўхтир бова. — Ажойиб-а!

— Ҳа, ажойиб. Фақат...

— Ҳа, яшанг. Бу чинорнинг шовуллаши. Бундан каттароқ чинор йўқ бу яқин-атрофда. Шовуллагани шовуллаган. Нимага шунақалигини биласизми?

— Нега экан?

— Кушларни чакиради. Шовуллайверади. Чакираверади. Лекин, қушлар қуруқ симёочта қўнса қўнадики, унинг шохига асло яқин келмайди.

— Ажабо.

— Ҳайрон бўлманг, миймон. Кўр ҳассасини бир марта йўқотади. Улар зада бўлишган. Уларга ҳам жон керак.

— Нимадан зада бўлишган?

— Ҳозир тушунтираман сизга. Бу чинорнинг шохларини илгари қушлар шаҳри дейишарди. Минг турлик қушлар келиб ин солишар, чутур-чугури билан чинорниам, одамларниам хурсанд қилишарди. Уч-тўрт ийл бурун иккита олаҳакка пайдо бўлди. Тонг отар-отмас шоҳдан шоҳга ўтиб, қагиллашгани қагиллашган эди. Овозлари кулоқларни тешиб юборай дерди, шунақа ёқимсиз, шунақа одамнинг асабини ўйнатадики, асти қўяверасиз. Тош-кесак отиб уни ҳайдамокчи бўлишиди, қайди, баттар қилишади. Ахийри, қўлбола рогатка билан болалар бир амаллаб иккаласиниям уриб тушириди. Чала ўлик бўлганча қанотлари шалпайиб ерда ётиби-ю, шундайм «қиғғ, қиғғ»лашни қўйишмайди. Иккаласиниям бошларини тош билан янчишиб, ўликларини ахлатхонага итқитиб юборишиди. Уларнинг овозлари-ку ўчди, бирор, негадир кундан-кунга қушларнинг сайрашлари ҳам камайиб бораверди. Ахийри, қушлар шаҳрига ўт кеттандек ҳаммаёқ тинчиди-қодди. Бир куни чинорнинг шохидан каттакон қора илон судралиб тушуб келёттанини одамлар кўриб қолишибди. Тошбўрон қилиб илонни ўлдиришибди, ўлигини ёқиб юборишиди. Ўша илон қушларнинг кўйган тухумларини, жиши полапонлариниям лиққа-лиққа тушираверган, уларни қийратиб бўлгач, емиш қидиғиб пастга тушаёттанд экан.

— Олаҳаккалар илондан хабар беришган экан-да, — сўз қўщди меҳмон.

— Ҳа-да. Улар одамларни илондан огоҳ, этмоқчи ёинки уларни ёрдамга чақирмоқчи бўлиб қагиллашган экан. Одамлар бўлса... бемаҳалда қичқирган бехосият қушларнинг овозини ўчирсангиз-чи, деб...

— Ҳақиқат жарчилари, — кесаттанчча қўшиб қўйди Холмўмин.

— Олаҳаккаларни ўлдиришгач, илонга яна худо бериб қолган. Энди у қушларни бемалол қийратаверган.

— Ўзи шунақа бўлади-да! — деди Холмўмин нималарнидир назарда туттанча.

— Ўшандан буён бу чинор қушларни соғиниб шовуллагани шовуллаган. Баъзан увлаёттана ҳам ўхшаб кетади. Ҳатто, оддий чугурчик ҳам бу дараҳтнинг шохига келиб қўнмайди.

Шовуллаган товушлар баттар кучайди. Ҳақиқатдан ҳам, бу шовуллашлар тўлқинининг алла-қаерларида улий-улий, ҳолдан тойганлик, ингроқ-сингроқлар мужассамдай эди.

Чинор ортда қолди.

Меҳмон яна сас-сабарларни илдай бошлади.

— Илгарилари бу қишлоқнинг ўрнида бир работ бўлган экан-да!

— Шунақа, шунақа; хў-ўўв тоғ қишлоқларидағи одамлар катта шаҳарларга қўй ҳайдаб ёинки бирор кори хайр билан тушмоқчи бўлишса, кечкурун мана шу работга етиб келишарди. Шу ерда тунаб, дам олиб, субхи қозибдан работ эгасига «хайр, яхши қолинг» деганча кетаверишарди. Работ эгаси ҳам уларни кузатиб қўяркан, яхши боринглар, савдо-сотиқларингизнинг, хайрли ишларингизнинг худо баракасини берсин, қайтища, албатта, кириб ўтинглар, дерди.

- Бирорнинг бирон нимасига тамаъ кўзини тикмасди.
- Шунақа, шунақа; работ эгасининг мулоzиматию работнинг файзиям бўлакча эди-да.
- Энди у работ йўқолиб кетди. Ўрнида бир чодевор қолди.
- Кайси вақт теладаги қишлоқларнинг биридан бир одам анча-мунча кўй ҳайдаб тушитти.
- Юзга деб эшигувдим.
- Ана-а, ана-а, эшигтан экансиз.
- Сўни кўярда-кўймай уни уйига олиб кирибди. Улар работнинг йўқолиб кетганини таас-сүф-ла эслашибди. Работ йўқолиб кетган бўласам, биз бормиз, дебди сўни. Борликларингизга шукр, дебди кўй ҳайдаб тушган одам, яхши инсонларнинг садагаси кетсанг, арзиди, дебди. Бемалол ухлабди. Эрталаб ўрнидан турса, бошида сўни ошпичоқни қиличдай кўтариб турганмиш. Ҳа, сизга нима бўлди, дебди кўй ҳайдаб тушган одам ўтакаси ёрилаёзид. Келинимга нега тегищдинг, дўй уриви сўни. Ўлимдан хабарим бор, бу гапдан хабарим йўқ, деганича куруқ тухмат балосидан кўй ҳайдаб тушган одам қалт-қалт титрабди, тўртта болам бор, хотинимдан бўлак аёлнинг юзига кўзимни кўтариб қарамаганман, деб қасам ичибди. Сўпининг қасамга неча пуллик иши бор?
- Мақсади бошқа бўлгандан кейин.
- Ҳа-а, яшанг. Мақсади чатоқ экан унинг. Қишлоқ аҳлини айтиб келиб, кирдикорингни очиб ташлайман, дебди. У, бечора, мусоғир эмасми, тамоман эси оғиб, сўпининг оёғи остига ўзини ташлабди. Тўртта боласини ўртага солиб, ялина бошлабди. Ахийри, йигирмата кўй ташлаб кетиб, кутулибди.
- Тўғри, тўғри. Сўни ўша қўйларни сотиб, пулинни иморатига ишлатиб юборувди, мана, энди ҳаммаси ёниб кетадиган бўлди.
- Энди-да, ёнмай қайга борарди. Бирорвга тухмат қилиб, бирорвни норози қилиб топилган мулкнинг холи шу — бир кунмас бир кун лов этиб ёнди-кетади.
- Шунақа экан-да.
- Шунақа, шунақа.
- Мехмон туйкүсдан қандайдир одамлар тўдасига қўшилиб қолганлигини пайқади.
- Кулоги остидаги шивир-шивирлар мурвати буралган овознигорникдай йўқолди-қолди.
- Тўда дақиқама-дақиқа катталашиб, ҳам эгнига, ҳам бўйига кенгайиб бораёттандай эди, одамнинг нафас олиши борган сайин оғирлашаверди.
- Зулматнинг поёнсиз бағридан икки-уч кишилашиб, тўрт-беш кишилашиб чиқиб келаёттандар ўз-ўзларича тўдага қўшилишиб қолишарди.
- Сағнинг бошида ким боряпти? — фўнгир-фўнгир товушлар орасидан шундай саволлар ҳам эшитилиб қоларди.
- Ҳали ҳеч ким олдинга ўтгани йўқ, — кимдир илондай вишиллади. — Ҳозир ҳамма оқсоқоллар тенг кетишяпти, бирорви бир қадам орқадаям қолмади, бир қадам олдингаям ўтиб кетмади.
- Ҳали анча йўл бор экан-да.
- Йўқ, яқинлашиб қолдик, шекилли.
- Яқинлашсак, оқсоқоллардан бирорви саф олдига ўтарди-да.
- Ўтади, ўтади; ана-а, кимнидир ўтказишяпти.
- Одамлар орасига саросималик, парокандаликка ўхшаш нимадир соя солиб ўтди. Улар бир-бирларини итаришиб-сурисишиб, сағнинг олдига кимни ўтказишганини кўрмоқчи бўлаёттандай ҳаракат қилишар, бефойда уринишшарди.
- Бу талатўпда меҳмон шериларидан ажралиб кетишига бир баҳа қолди. Хайрият, уларнинг енгидан қаттиқ ушлаб олгани, йўқса, шўри курирди.
- Аравага йўл беринглар, аравага йўл беринглар, арава ўтсин, — ҳудайчи жар солди.
- Оломон иккига ажради.
- Ёкоч арава гупчагининг гичир-гичиридан, димоққа чанг-тўзон келиб урилаёттанидан одамлар арава ўтаеттанини ва ниҳоят, ўтиб бўлганини билишди. Оломоннинг иккала палласи бирлашиб, бир-бирларидан сўрай кетишиди.
- Қанақа арава экан?
- От кўшилганми, эшакми?
- Кимники экан?
- Одами бормиди?
- Савол кўп эди.
- Барча саволчи эди.
- Жавоб-чи?
- Оломон ожиз эди.
- Оломон лол эди.
- Оломон бир-бираидан мадад сўрарди.
- Мададга келмиш-да йўқ эди.
- Алоҳа, қайдандир нур ингандай бўлди.
- Алоҳа, тахмину тусмоллар аралашди.
- Улар аралашган жавоблардан шу нарса аёнлашди, бу арава сўпининг ўлиб кетган бобоси-ники экан!
- Бобоси Қўйоннинг манаман деган аравасоз усталарига ясаттирган экан, ҳамиша бойрозилик қилиб миниб юрган экан, донғи кетган экан. Бу араванинг эвазига сўпининг бобоси аравасоз қишлоғига қойилмақом кўприк солиб берган экан; сўпининг бобоси устаси фаранг кўприккоз бўлган экан, тархиниям ўзи оларкан, ёрочиниям ўзи ташларкан, ўша ўзи курган кўприкларни ўзи қуриб ҳам ётавераркан; шу боис, аксарият кўприкларга унинг номи қўйилган экан.
- Арава нега айни дамда етиб келди?

— Ким ҳайдаб келди уни?
— Қаердан топиб чиқишидийкин?
Барча сўрайди.
Жавоб-чи?
Ноаёнлигича қолаверди.
— Пўшт; бочкаларни ўтказиб юборинглар, бочкаларни ўтказиб юборинглар, — жар солиб ўтди худайчи.
Яна иккига ажраб, йўл бўшатиши.
Ҳамма даранг-дурунг товушларга қулоқ солиб турди.
Нечталиги, номаълум бочкаларни кимлардир юмалатиб бораёттани аниқ эди. Бу ёнгинни учирашига қаратилган чора-тадбирлардан бирин бўлса керак. Бирок, бочкалар шу қадар қаттиқ овозда дурунглаб юмалашардики, уларнинг ичидаги сув тутул, сувнинг томчисиям йўқлиги аниқ эди. Уларнинг тўзиттан тўзонлари араваникидан ҳам ошибиб тушиди, шу боис, чучкиришлар бошлини.
Оломоннинг иккала палласи бирлашди.
Бир-бирларидан сўрай кетиши:
— Бу бочкалар қаёқдан чиқди?
— Кимлар юмалатиб ўтиши?
— Нечта экан, нечта?
— Ичидаги нима бор экан?
Савол кўп эди.
Барча саволчи эди.
Жавоб-чи?
Ноаёнлигича қолаверди.
— Аравага йўл бўшатинглар, йўл бўшатинглар аравага, — деб худайчи жар солиб ўтди.
Энди буниси қанақа арава бўлдийкин, деган қизиқсинашда оломон иккига ажралиб турди.
Чамаси, бу оддий эшакара ва эди.
Аравакашнинг хириллаб:
— Их, их! — дегани ва эшакка урилаёттани хипчиннинг «тарс-тарс» эттани эшитиларди.
Намойишдан ўтиб бораёттандай ҳаяжонда бўлса керак, эшакнинг қадами ҳадеганда кўпаймасди.
Оломон бирлашмай туриб ҳам аравакашга ҳақоратлар ёғдира кетиши:
— Аравага бало бор эканми шу маҳалда?
— Оёгинг синганми номард, ўз оёгинг билан юриб келсанг ўласанми?
— Далага сомон йиккани бораётгиман, деб ўйлабмидинг?
Бу иддаолардан аравакашнинг тоқати тоқ бўлди, шекилли, хириллаганча бақириб юборди:
— Энамни олиб кетяпман!
Одамлар хоҳолаб қулиб юбориши.
Аллаким:
— Энанг уйда ўтирсин эди-да, — деб эди, аравакашнинг ўзи ҳам шунинг тарафдори эканми:
— Мен билмайман, ўзига айтинглар, — деб эшакка қаттиқроқ хипчин торти.
Одамлар бир-бирларига гал бермай «эна»га сўз қота кетиши:
— Энажон, уйда ўтириш эди-да.
— Бемаҳалда овора бўлиб нима қилардингиз?
— Қариганда ёнгин томошасини нима қилардингиз, ҳадемай катта-катта аланталарни кўрар-дингиз-ку!
Шунгча гап-сўзларга жавобан аравадаги «эна»дан миқ, эттан садо чиқмасди.
— Хой, аравакаш, қара, энанг ўлиб-нетиб қолмадимикан? — деб, яна аравакашга ёпиша кетиши.
— Энамнинг қулоги том биттан, — тушинтириди аравакаш, — қулоги остида бомба портлатсангизлар ҳам эшифтмайди.
Оломон бирлашиб олгач, аравакашни ҳам ўз ҳолига қўйишиб, қулоги том биттан кампирнинг сўпини уйига ёнгин кетиши ҳақидаги хабарни қандай эшитиши мумкинлигини муҳокама қила кетиши.
Қанча муҳокама қилишмасин, бу масаланинг моҳиятига етолмай гарант бўлиши.
Шу тариқа сўпининг дарвозасига яқинлашиши.
Ёлон тонг ҳадга етди.
Одамлар бир-бирларини таний-билиб бошладилар.
Барчанинг туси учган, лаблари гезарган, айримлар совқотишиб қалт-қалт титтрашарди, кўзларда зулмат акси ҳамон соя солиб турарди.
Сув қўйгандек тинчлик, хотиржамлик эди.
Йўл бўйида тунаган сап-сарик дайди бир ит одамларга кўзи тушгач, думини қисганича аллақайга жўнаворди.
Айримлар, шунчча гапларнинг бари бекор экан-да, дегандай тумшайишиб, кимларданdir хафа бўйдилар.
Кўпчилик, мана-а, кўрдик, тинчлик-хотиржамлик экан, энди ўтириб пича нафас ростлайлик, кейин қайтиб кетамиз-да, дейишиб, дуч келган жойга — йўл бўйидаги саррайиб кетган ажрико-зор устига, пахса деворлар остига учта-учтадан, тўртта-тўрттадан бўлволиб ўтириши.
Суҳбат куриши.
Бу суҳбатларга қулоқ солинса, одди-қоҷди гаплардай туюларди бир қарашда, бирок, тузукроқ назар солинса, ҳаёт учун зарур гаплар эди.
— Сигирингни буқага қўйдинми? — юзини тиканақдек соқол қоплаган бир киши бит кўзларини жавдиратиб, ёнидаги шеригининг бикинига турти.
Шу тонда унинг учун негадир бундан-да муҳим гап йўқдай эди.

- Ўзинг-чи, ўзинг? — саволга савол билан жавоб қайтарди шериги қулогини «қирт-қирт» қашлаб.
- Бизнинг сигиримиз бир ой аввал ўлиб қолувди, — ҳасратидан чанг чиқди сўз бошлаганинг.
- Ие, нима бўлди?
- Далада қандайдир ёмон ўт еб қўйган экан, подадан қайтибоқ, чўзилиди-ю, турмади-қўйди, сўз бошлаганинг кўзлари йилтиради.
- Ҳалолладингми, ишқилиб?
- Ҳа, пулини туғиб қўйдим. Энди янаги йиллар бирорта бузоқча оларман. Кўриб-билиб олмасам, бозордагиски қандай чиқади, одам билмайди. Шунга сендан сўраяпман-да... Яхши сигиринг бор, дейишади.
- Туф де, — деди униси сигирига орқаворотдан кўз тегиб қоладигандек. — Ҳали буқага кўймадим, тузукроқ буқаям йўк.
- Артуряннинг буқаси-чи...
- Э! — кўл силтади сигир эгаси. — Жа-а қиммат қилиб юборипти нархини?
- Қанча дейди?
- Бир сакраганига икки пуд бугдой берасан дейди.
- Йўғ-э?
- Кўчага ташлаб қўйган буқам борми, дейди.
- Буқаси-чи, буқаси?
- Занжирни узгудай бўлиб пишқириб турипти.
- Ноинсоф-ей, бир пудга туширсаям бўларди.
- Бир пуд, бир пуд, дейсан, ўша бир пудни қайдан топаман, — жаҳли чиқиб кетди сигир эгасининг. — Нима, бутун сакрагани билан эртага туғиб беряптими бу жонивор. Ҳали нима бўлади, нима йўқ, Худонинг ўзи билади...
- Тўрику-я. Энди-и... Артуряннинг тириклигиям ўша буқанинг устидан-да. Ҳеч қаерда ишламайди.
- Э! — кўл силтади сигир эгаси ноиложлиқдан. — Бизнинг сигирига подадаги жайдари новвосчалар ҳам бўлаверади.
- Рост, сизга бир коса сути бўлса, бас-да.
- Шу-да.
- Бошқа бир даврада бундан-да қизиқроқ гаплар бўлаёттан эди.
- Картишка қалай, Норвой?
- Э, падарига лаънат картишкасининг.
- Ие, ие, нима бўлди, бу юйл картишка зўр бўлади, деб мақтаниб юрувдингиз-ку.
- Жук¹ босиб кетибди.
- Териб ташлаш керак-да жукни.
- Терган билан тамом бўлмаскан.
- Дори сепиш керак-да.
- Сепдим.
- Кимдан олувдингиз?
- Артуржукдан олувдим, ўзи ўйлаб топган экан.
- Артурян шу жук туфайли Артуржук бўлиб бойиб кетди-да. Хўш, сизга берган дориси қалай, таъсир қилдими?
- Ўзимга таъсир қилди.
- Ие??
- Артуржукнинг дорисини оғиз-бурунни боғлаб сепиш керак экан, падарлаънат айтмабди.
- Ўзи билади дегандир-да.
- Ўзи билади, ўзи билади, — деди Норвой деганлари аччик қилиб.
- Ўзи нимани билади? Норвойнинг ота-боваси жук териб юрганмиди?
- Ҳа-а, энди-и, жук деганлари яқинда чиқди-ку? Кейин нима бўлди?
- Кейин нима бўларди, бир икки пайкалга дори сепиб бўлмасимдан ўзим ҳушимдан кетиб қолибман.
- Ана холос!
- Дорининг таъсири-да, — деди кимдир кашфиёт қилгандай.
- Шўрлик Норвой, ўлиб-нетиб кетмаптиям, — пиқиллаётгандаи овоз кўнгилларни бўшаштириб юборди.
- Кўшнимиз Йўлдошвой ака дори сепа бошлаганимни кўрган экан, — ўлиб-нетиб кетмаганинг сабабини тушунтира бошлади Норвой. — Ичда кўшниминг картишкапоясидаги жуклар доридан қочиб бизнинг картишка-пояга ўтадиган бўлти-да, деб ўйлаб ҳам қўйган экан. Бир маҳал мундок қараса, биз йўқмиз-да! У ёқни қарабди, бу ёқни қарабди, ҳеч қаерда қорамизни кўрмапти. Ё, товба, ерга кирдимикан, осмонга чиқдимикан, деб ўйлабди. Шундок, ўйлабди-ю, оғиз-бурнимизга латта тутмай дори сепа бошлаганимиз ёдига тушиб қолипти. Ютуриб келиб қараса, оғзимиздан кўпик чиқариб ётипмиз-да, — Норвой деганлари фахрланаётгандаи теварак-атрофа роз қараш қилиб қўйди.
- Э, Артуржукнинг топган дориси одамнинг оғзини кўпигини чиқараркан-да, — аллаким шундай деб, ўз-ўзича нималарнидир хаёл суриб кетди.
- Бошқа даврдагилар ҳам шунга ўхшаш, ҳатто, янама қизиқарлироқ воқеаларни бир-бирлари-

¹ Жук — Коларида кўнгизи. Асосан, картошка пояси билан озиқланади. АҚШнинг Коларида штатидан келиб чиқсан, дейишади. Минтақамизда 90-йилларда тарқаган.

га вақлашар, тонг саҳардан нега бироннинг дарвозаси олдига келиб ўтиришганини бирори хаёлигаям келтирмайдигандек кўринишарди.

Шу чоқ тарақлаган овоз эшитиди.

Абдининг дарвазасини бир табакаси зарб билан очилиб, яна ўз шиддати билан жойига қайттан экан.

Бу орада Абдининг акаси ташқарига югуриб чиққан, кўйлагининг олди очик, оёқ, яланг, бош яланг ҳодда вожоҳат билан турар эди.

У одамларни тариқчалик менсизмади.

Ёхуд одамларни кўриб, атай қилди.

Кўрсаттани каромати шу бўлдикни, кўлини сўпининг уйи томон чўзиб, дохиёна бир қиёфа олиб, сўкина кетди. Сўпининг онасиям қолмади, хотиниям қолмади, сийнисиям қолмади, қизиям қолмади — бари-барини қаторасига сўкиб чиқди.

Уч-тўртта боақ, бофаҳм одамлар Абдини акасининг олдига югуриб боришиди.

Ақлсизга ақл, фаҳмсизга фаҳм бўлиб:

— Ҳо-ой полвон, сизга нима бўлди, ўзингизни босинг, — дейишиди.

Абдининг акаси ўзини уларга тутқазмади.

Бирор, сўпи томонни бир зум тинч қўйиб, одамларга юзланди.

Нима воқеа рўй берганини уларга тушунтира кетди:

— Эй, халойик, кириб кўринглар, Абди укамни, укагинамни нима аҳволга солишганини. Сўпию қайниси ярим кечада чақириб қолишиди, шундай-шундай, уканг Абди тегирмонга ўтирилка тушитти. Олиб кет, дейишиди. Ичимда кулиб қўйдим. Укам тегирмонга ўтирилка тушармишими, мени укам-а, гиройнинг ўғли-я! Ҳаҳ, қутилмаган-а, яна сўпининг келинини қўйнига кириб, билиб қолишгандан кейин ўзини тегирмонга ўтирилка тушгандай қилиб кўрсатибди-да, балки, маст-пастмикан, деб ўйлаб, майли, деб, опичлаб чиқибман. Йўқ, ичмаган экан, қоронгида кўрмай ётқизиб қўйибман, ҳозир қарасам, соғ жойини қодирмай калтаклашган экан. Халойик, ишонмасаларингиз ўзларингиз кириб кўринглар. Мен буни шундай қўйиб қўяманми, мен-а, кимсан, гиройнинг ўтли-я...

Очиқ қўксига Абдининг акаси мушти билан «тарс-тарс» ура кетди.

Йигилганлар мўъжиза бир нарсани кўришга ошиқкандек, ўзларини гувва Абдининг дарвазасига уришиди.

Пешайвонда, сўри устида хунгарқоб бўлганча Абди ётарди.

Ҳаммаёни момоталоқ бўлиб, шишиб кеттанди.

Келган-кеттан билан иши йўқ эди.

Хириллаб базур нафас олар, инкилаб оғриқни енгиллаштираради.

— Инсофин кириб ўл-а, сўпи, йигитни шу аҳволга соласанми-я! — деб, ҳамма бир-бировига гап маъқуллатарди.

Лекин, йигитнинг бу аҳволга тушишига нима сабаб бўлганлигини бирор суринтирумади.

Алоҳа, кимдир шу ҳақда эслаб қолди.

Бошқа гаплар қолиб кетди шундай.

Ёппасига шу масалада фикр алмашилар бошланди.

Сўз тешаси билан воқеалар кудугини қавлай кетишиди.

Алал-оқибатда, шу нарса аёнлашдики, ярим тунда сўпининг қайнисининг хотинини тўлғоги тутиб қолипти. У, опамни айтиб келай, деганича сарпойчан сўпиникига чопиб келипти. Дарвоза очик экан. Хайрият, деб ичкарилабди. Дарвозанинг ён томонидаги уйда шитир-шитир овоз эшитилгандаи бўлгитти. Жияним уйроқ, шекилли, деб эшикни очиб қараса... уйнинг ўртасида кимдир пиш-пишлаб, нимадир қилипти. Сўпининг қайниси гуттурт чақипти, кўрилтики, уй ўртасида баданини ёввойи одамнидек жун босиб кеттан Абдивоғлини шимини киймоқда экан. Шир яланғоч келинчак бўлса кўрпанинг остига кириб кетипти. Келинчакнинг эри, яъни жияни... бурчакда, ортини ўтиришганча хуррак уриб ёттанимиш.

Абди кўйлагини қўлига олиб, ўзини ташқарига урипти. Ўзини йўқотиб қўйган сўпининг қайниси унинг йўланин тусолмалти. Кейин эса ўзининг тўлғоқ тутиб ётган хотиниям ёдидан кўтарилипти, қўлига илингандар нарсани олиб, қўлига илингани кетмон экан, Абдининг ортидан қувипти. Абди деворга тирмашган пайтда унинг елкасига кетмон билан айлантириб солипти. У гуппа қулатпи. Абдини устунга боғлаб, сўси-ю опасини ўйготипти, кўрган-билгиларини оқизмай-томизмай бирма-бир айтиб берипти. Ҳаммалари бир бўлволиб устунга боғлоқлик Абдини ур калтак-сур калтак қилишипти, қорақалтак қилишипти. Уни ўбдан сулайтириб ташлашгач, маслаҳатни бир жойга қўйишиб, акасини чақирайлик, олиб кетсин, тегирмонга ўтирилка тушитти деб айтийлик, бу воқеани ҳеч кимга билдиримайлик, номусга қолмайлик, дейишипти, шундай қилишипти, ҳеч кимга билдиришмапти бу воқеани, ҳеч ким билмапти бу воқеани.

Абдининг бундан кейин одам бўлиш-бўлмаслиги ҳақида тортишув бўлиб ётган пайтда, унинг акаси қўлида чеълак билан сўпининг ҳовлисига кириб кетди. уни ҳеч ким кўрмай қодди. Йўқ, кейинчалик маълум бўлишича, анча-мунча одамлар кўришган экан-у, эътибор беришмаган экан. Мободо, сўпининг чеълакини олган бўлса, ма, матоҳингни бошинингга ур, дебон қайтариб бермоқчи бўлиб олиб кириб кетди, деба ўйлашиб, индашмапти.

Аслида, чеълакдаги бензин экан.

Абдининг акаси нариги томонидаги қўшнисининг пат-патини бакини қоқлаб чиққан экан.

Уч-тўрт дақиқадан кейин Абдининг акаси сўпининг дарвазасидан чиқди.

Қиёфасидаги хотиржамлиқдан отасининг ишини такрорлагани аён эди.

У кафтларини бир-бирига уриб, қоқди-да:

— Бўлди! — деди.

Сўзга хитоб кўйиб айтди.

Сўзга нуқта кўйиб айтди.

Барча ишини шу сўзга жам этди.

Ҳамма эшиди.

Дарҳол фаҳмига етишди.

Ўринларидан туриши. Барчанинг нигоҳида ташвишли-таҳликали ифодалар зулукдай ўрмаб қолди: «Наҳотки? Наҳотки, шу рост бўлса?! Йўғ-э? Бўлмаган гапдир?!»

Шу лаҳзада сўпининг уйидан гувиллаб ёнгин чиқди.

Теварак-атрофни шовқин-суронлар, ваҳимали овозлар босиб кетди:

— Ўт кетди!

— Ўт кетди!

— Ёнги-ин, мусулмонлар, ёнги-ин!..

Занчилиш бир овоз:

— Эҳ худойим, нима гуноҳимиз бор эди, ўзинг мағфират айла, нима гуноҳимиз бор эди, — деяр, овоз эгаси хўрсинган хўрсинган эди.

Сўпининг уйи тутунга бурканди.

— Сўпини кутқаринглар, сўпини! — эсига тушиб қолди кимнингдир.

Уч-тўрт йигит ўзларини ичкари уришиди.

Худога айтганлари бор экан, лаҳза ўтмай, сўпини оила аъзолари билан тўқис-тугал ташқарига етаклаб чиқишиди.

Улар уйқисираб туришгани учунми, нима бўлаётганига фаҳмлари етмаётгандек карахтланиб қолгандилар. Сўпининг аёлени эсига сандиқдаги латта-путталар тушиб қолдими, уввос тортганча тутун ичига ўзини урмоқчи бўлганди, беш-олти киши амаллаб ушлаб қолишиди. Шундан бўлак ортиқча ҳаракатлар бўлмади.

Уларнинг чиқишини кутиб тургандек, тонгти шамол туриб қолди, ёнгин гуриллаб шифтга уради, шифрлар қасур-қусур синиб туша бошлади.

Кайвонилар тилга куч бериши.

Ишбилармонлар зир-зир югуришиди.

Ёш болаларни оталари қидириб қолишиди. Оловга яқин боргандарининг қулоқлари остига шавла қайнатишиди.

Ҳеч ким тиниб-тинчимади.

Офат барчани яқдиллаштириди.

— Ҳо-ой, юргур!

— Тупрок ташла!

— Бўлсанг-чи, тезроқ!

— Чим кўчириб бос!..

Фидойиликнинг чеки йўқ эди.

Қўлларидан танга мирилик иш келмади.

Барибир, яқдиллигу фидойилик яхши эди!

Аввалидан кутилган ёнгин тобора, тобора тепага ўрлар, тутун осмонда тумаңдай тарқарди.

Сўпি телбаваш:

— Ўйим кўйди, хонумонига ўт тушди! — деганича ҳамманинг кўриб-билиб турганини оламга ошкор қилмоқчи бўлгандай дод солар, негадир ёқасини тутамлаб тортгани тортган эди, бундан кўра бўғилиб ўлсам яхшироқ эди, демоқчи бўларди, шекилли.

Ўзун-узун гудоклар, сигналлар берилди.

Ўт ўчирувчи машиналар етиб кеди.

Ўт ўчирувчилар ўзларига иш қолмаганини кўришиб, келтирган сувларини қоп-қора деворларга, ўйларга сепа кетишиди.

Кайвонилардан бири:

— Халойик, тарқалинглар, халойик, тарқалинглар-ар! — деб бақираверганидан кейин, кўпчилик қаққайиб тураверишни ўзларига эп билмай, бу ерни тарк этишиди.

Дўхтир боза ҳам негадир кифт қисиб кўйиб:

— Илож қанча, кетдик! — деди.

Ўзи йўл бошлади.

Холмўмину меҳмон унга эргашиши.

Тонг оқаришиб, кутилмаганда ёмғир шивалай бошлади.

Муюлишдаги чойхона пешайвонида оппоқ, иштон-кўйлақдаги озғингина бир чол намоз ўқиб ўтиради.

Ўқтинг-ўқтинг унинг ширали овозда айтатёттан калимаси атроф-жавонибга таралиб-ёйилиб кетади:

Ва мин шарри ғосикин иза вақоб...¹

Чол сужуд қилди.

Яна сужуд қилди.

Сужуд...

Шундан сўнг қоматини дадил тиклади.

Намозни тутатди.

Жойнамозни қоқиб, теварак-атрофга разм солди.

Ўзига-ўзи сўзлаётгандек:

¹ Зулматли тун ёмонлигидан, вақтики унинг қоронғилиги барча нарсани қопласа, паноҳ сўрайман. Куръо ни карим. Фалақ сураси.

— Мансур чол омонатини топшириди, — деди. — Жойи жаннатда бўлсин, кўп азоб чекди, пешинга жанозага...

Унинг сўнгти сўзларини одамлар бир-бирларига етказиши:

— Пешинга жанозага!

— Пешинга жанозага!

— Пешинга жанозага!

ХОТИМА

Меҳмон кўзини очганида кун пешин бўлганди.

Дўхтир бова билан Холмўмин ҳам эндигини ўринларидан туришиб, кўрпа устида чордона курғанча, бошогриғига юз-юзни уриб олишганди.

Меҳмон, шаҳардан чиққанида тор ҳавосидан тўйиб-тўйиб нафас оламан, деб, бир ҳафта-ўн кун шу ерда қолишни мўлжаллаганди.

Кўзини очди-ю... тўйкусдан кеттиси келиб қолди. Ортиқ ярим кун ҳам туролмаслигини ҳис этди. Юз-кўлини ювоб келадио, йўлга тушади.

Томоқ қирди.

— Э, миймон, турдингизми? — Холмўмин негадир саросималик билан ўрнидан қўзғаларкан, кўшиб кўйди. — Қалай, калла пищдими?

Калла пищдими эмиш...» дея малолланиб кўнглидан ўтказган меҳмон:

— Жа-а ухлабимиз-ку, — деб, кўйлагини қидирди.

— Кўйлакми? — Холмўмин югуриб тахмон одига келди. Тахлоғлик кўрпалар устидан унинг кўйлагини олиб бераркан, тушунтириди. — Кир бўлмасин деб олиб қўювдим.

Меҳмон тунги воқеаларни гира-шира эслади.

Тушимми, ўнгимми дегандай ҳаросат ичра турувди, Дўхтир бова:

— Шу кеча сиз дам олиб ётаверсангиз ҳам бўларкан, бекор безовта қилибмиз-да! — деб, масалани ойдинлаштириди.

Ўнги экан.

Ўнги...

Дўхтир бова иягини қаший туриб:

— Энди бугун бизникига, миймон, — деб таклиф қилди. — Биз Холмўмин билан «ғир» этиб Мансур чоннинг таъзиясига кириб чиқамиз, унгача сиз уйда ёнбошлаб ётасиз, кейин қолган жойидан давом эттираверамиз.

— Раҳмат, мен бугун қайтаман.

— Қаёққа?

— Шаҳарга. Уйга.

— Қаҷ-он? — Холмўмин, нималар деяпсиз ўзи, дегандай меҳмонга кўзларини катта-катта очиб қаради.

— Сизлар таъзияга бораверинглар, мен ҳам секин йўлга тушаман.

— Э, таъзия бўлаверади, — таъзияга ўтамиз, деганимни кўнглига олди, шекилли, дея ўйлаган Дўхтир бова кўл силтади. — Майли, бормай ҳам қўяверамиз.

— Йўқ, йўқ; мен барibir ҳозир кетаман. Зарур ишларим бор эди. Туман марказигача этиб олсан, у ердан кечки поездга чиқаман.

Меҳмон бир тараф, Дўхтир боваю Холмўмин иккинчи тараф бўлишиди. Аввалига жавоб йўқ, деб туришиди. Меҳмон икки оёқни бир этикка тиқиб олгандан сўнг, ён беришга мажбур бўлишиди.

Холмўмин овқат буюриб, ароқ, келтирмоқчи эди, меҳмон, бир пиёла чой ичамиз, бас, деб бунгаям қарши туриб олди.

Дўхтир бова кифт қисиб:

— Тушунмай қолдим, ўлай агар, тушунмай қолдим, — деб қўйди; нимани тушунмай қолганини очиқ, айтмагади.

Меҳмонни Холмўминнинг аёли, келини — оила аёзлари жамул-жам бўлиб кузатиб қолишиди.

Унга анча эллашиб-ўрганиб қолишгани учун:

— Яна бир айланиб келинг, янгамизни, жиянларимизни олиб келинг, — дея қайта-қайта манзират қилишиди. — Кўкламда кела қолинглар, кўкламда ҳаммәёқ кўм-кўк бўлади, ям-яшил бўлади — чумомолар очилади; қип-қизил бўлади — лолақизғалдоқлар очилади, ҳаволар ҳам мулоийм бўлади, кўкламда кела қолинглар...

Меҳмон, албатта, келишга ваъда бериб, улар билан хайр-хўлашди. Шошиб-пишаёттани аён кўриниб турди.

Холмўмин билан Дўхтир бова меҳмонни асфальт йўлгача кузатиб боришиди. Туман марказигача бориб, поездга солиб келайлик, дейишганди, меҳмон қайсаарлик билан қаршилик қилиб туриб олди.

Ҳадеганда мошин бўлавермади.

Улар мошин кутиб туришаркан, ёнларидан бир қирчанғининг сағрисига қамчи босиб, Мутал жарчи жар солиб ўтди.

У кафтларини оғзига карнай қилганча гоҳ, ўнг томонига, гоҳ сўл томонига қараб жарсоларди:

— Одамлару одамлар, боғда биттан бодомлар, эшитмадим деманглар-ов! Эртага сўни бованикidan уй ҳашаридан қолманглар-ов! Топган-топганини, туттган-туттганини олиб бораверсино-ов! Ҳо-ой, офтобда исиниб ўтирган Мазбут бова, эшитдингизми? Дарвозангиз олдида босиб қўйган ёғочларингиздан тўртта синчлик ажратиб олиб бораверинг, шунча ёрочни нимаям килар-дингиз? Ҳо-ой, Умар бова, ўзингизни олиб қочманг, сиздан қамиш бўлсин; одамлару одамлар,

эшитмадим деманглар, сўпи бованинг уй ҳашарига қамиш Умар бовадан бўлди; ҳа-а, яшасин, ҳа-а, яшаворсин Умар бова-а!..

Мутал жарчи жар солиши асносида кимнинг ҳашарга нима олиб боришигача бирма-бир айтиб чиқарди, унга буни айтишни оқсоқоллару кайвонилар ўргатиб қўшишганди.

Мутал жарчи бир ижрочи эди, холос.

Сут ташидиган бир мосин кеди.

Туман марказига кетаётган экан.

Ҳайдовчи кабина эшигини очди.

Мехмон, мезбонлар — Холмўмину Дўхтири бова билан қучоқлашиб хайрлашди.

У, мосин кабинасига чиқаркан, қулоғига узок-узоклардан Мутал жарчининг овози жаранг-лаб эшитилди:

— Одамлару одамлар-ов, боғда биттан бодомлар-ов, эшитмадим деманглар-ов, эртага сўпи бованикига уй ҳашарига-ёв, эртага ҳашарга-ёв!..

Туман марказидан, меҳмон ўзи айттанидек, кечқурунги поездга чиқди. Ўз купесига жойлашгач, вагон ойнасидан кўкиш туманликлар орасида оғиркарвону сипогина бўлиб туришган тофларга қараб қолди. Узок-узок қаради, кўзларини узолмай термилди. Тофлардан тепага, осмонга аллақандай оқиш бир буг, ҳовур кўтарилиб бораётганда, булар ана шу тофларнинг хўрсинишидан ҳосил бўлаётганда туюларди.

Поезд ўрнидан жиҳди.

Мехмон ҳамон кўзларини узолмади.

Тарақ-турук, тарақ-турук қилганича учиб бораётган поезд лаҳза ўтмай туман марказини ортда қолдирди. Тоғлар томонидан секин-аста қоронғилик эниб кела бошлиди ва кўп ўтмай жамики борлиқни ўз бағрига тортиди. Ҳар ёқ-ҳар ёқда милт-милт эттан чироқлар кўринар, улар кора кийимга тикилган жез тутмалардай ялтилагани билан, кийим остида нималар борлигини на кўрсата олар, на-да ундан хабар бера олардилар.

Мехмон, ҳамон деразадан кўз узмай, зулмат бағрига тикилган тикилган эди. Вужудини аллақандай лоҳаслик чулғаганча хеч қандай туйғусиз, ўй-фикрсиз тикиларди, холос; шуниси яхши эди, чунки, унинг хис-туйғулари-ю ўй-фикрлари бу зулмат қаршисида сарик, чақага арзимасдек, уларнинг ҳеч қанақа аҳамияти йўқдек туюларди.

У чарчади.

Кўзлари толди.

Ўринга чўзиди.

Бошига чойшабини тортиди.

Негадир, хеч кутилмаганда, қулоқлари остида тўсатдан Мутал жарчининг ҳайқириги эшитилиб кетди:

«Одамлару одамлар-ов, боғда биттан бодомлар-ов, эшитмадим деманглар-ов, эртага сўпи бованикига уй ҳашарига-ёв, эртага ҳашарга-ёв!..»

Қулоғи остида янгарган бу овоз негадир унга кутқу солиб қўйди.

У ўзини ўйлади.

Келажагини тасаввур этмоққа уринди.

Эртага поезддан тушибоқ қилажак ишларини ўйлади.

Аввалдан тузуб кўйган режалари шу қадар арзимас, бачкана, баҳри муҳит тўзонида хасчалик аҳамиятсиз эдики, ўйлашнинг ўзиёқ қалбидан даҳшат, кўркув уйғотар эди.

У кўзларини чирт юмб обди.

Ухломади.

Баривир, кўзларини очмади.

Кўз очишига-да недандир, нимадандир кўрқарди.

Кўрқувини ўзининг овози билан ҳайдамоқчи бўлди.

Аввал:

— Ўт кетди, ўт кетди! — деб сўзланиб, бу хабарни каттаю кичик, ёшу қари — ҳаммамага етказишим керак-ку, деб ўйлади, аланга ичиди қолганда тани қизиб, боши айланди. Устидаги чойшабни ҳаросат ичра улоқтириб юборди.

Терга ботди, кўрқуви-да баттар ошди. Ўз танининг қайсиdir пучмоида ўт кетадигандег-у, қолган барча хис-туйғулари, сезгилари уни шундан огоҳ этаётганда эдилар. Бироқ, ўзидағи, ичиндаги зулмат туфайли бу хабарларнинг қайси томондан келиб, қаёққа ишора қилаёттанини у билолмасди.

Мутал жарчидай жар солди.

Мутал жарчидан фарқи шу бўлдики, ўқдек учиб бораётган поезднинг овоз тутул, додлаб бақирганини ҳам бирор эшийтмайдиган катақдек купесида ўзига-ўзи жар солди:

— Эртага ҳашарга-ёв, эртага ҳашарга-ёв!..

1998 — 99 й.й.



* * *

*Бир дарахт бор дунёда,
Минг турли самар боғлар.
Олма, анор, шафтолу,
Қанд боғлар, шакар боғлар.*

*Бир дарахт бор дунёда,
Биттагина, яктиодир.
Бир меваси бол бўлса,
Бир меваси ҳалводир.*

*Бир меваси тун бўлса,
Бир меваси саҳардир.
Бир меваси қуёшу
Бир меваси қамардир.*

*Бир меваси сут эрур,
Бир меваси қаймоқдир.
Бир меваси ўт эрур,
Бир меваси чақмоқдир.*

*Бир дарахт бор дунёда,
Мевалари гўзалдир.
Юсуф биридан тотган —
Хижронидан — ажалдир.*



Юсуф Жумаев

КОШИНГДАЙ

ЕПЛАЙИН

КАРОКЛАРИНГДАЙ



*Қошларинг етгунча қароқларингга,
Камондек, ҳилолдек, эглиб кетган.
Зулфларинг етгунча ёнокларингга,
Бир эмас, минг карра букилиб кетган.*

*Белим қошингдайин эгилдику, ёр,
Белим зулфингдайин букилику, ёр.
Қошингдай етайнин қароқларингга,
Зулфингдай етайнин ёнокларингга.*

*Не-не ботир, не-не ёвқурлар,
Якка-ёлгиз жангга кирганлар.
Сотанида юртдош манфурлар,
Юрагини ерга берганлар.*

*Не-не мардлар сафдошлигини
Ёвдан бурун дўстлар қирганлар.
Тўка-тўка кўзёшларини,
Юракларни ерга берганлар.*

*Яраланган хешлар ўқидан
Ёвни нишон олган мергандар.
Дардларининг ўчмас чўғидан
Юракларни ерга берганлар.*

*Ёр бегона, қондош бегона,
Ғаним билан базм қурганлар.
Замин — Ватан, заминдир — Она,
Шундан дилни ерга берганлар.*

Ердан ўзга дард олгувчи йўқ,
Бошимда минг бало кўраман.

Багримда ўқ, юрагимда ўқ,
Юрагимни ерга бераман.

* * *

Дараҳтни болта эмас,
Болта урган йиқади.
Дараҳтни олов эмас,
Гугурт чаққан ёқади.

Фанимим болта бўлса,
Болта урган қондош, мор.
Фанимим олов бўлса,
Гугурт чаққан хеш, дўст, ёр.

* * *

Бир ҳафтадан буён кўринмас қуёш,
Ёрсиз кулбадай нурсиз самолар.
Омадсиз ошиқдай осмон тўкар ёш,
Шоир кўзларидаи сернам ҳаволар.

Сув остида қолган қоядайин руҳ,
Кул остида қолган оташдайин дил.
Булутлар бошимдан сочгандай андуҳ,
Кеч куз япроғидай нотавон кўнгул.

Шамсга бепарводир армони йўқлар,
Абрлар уларга соялар солмас.
Мурод қуёшига имкони йўқлар
Булутли кунларни кўтара олмас.

Бир ҳафтадан буён кўринмас қуёш,
Ёрсиз кулбадайин нурсиз самолар.
Омадсиз ошиқдай осмон тўкар ёш,
Шоир кўзларидаи сернам ҳаволар.



Олимжон Бўриев

БЕРАР БАХИТ ЖАВОБИН

ҲАР САВОЛИМДА

ЎЗБЕКИСТОНИМ МЕНИНГ

Кўп эди ушбу жаҳонда орзу, армоним менинг,
Етди давримни сурай, дўстларки давроним менинг,

Бўлди юртим мустақил, кўп миллату ҳалқлар аҳил,
Истагим тинч бўлсин энди еру осмоним менинг.

Тан олиб аҳли жаҳон, ўзбекни қутлар шодумон,
Юксалар Темур бобомдек шуҳрату шоним менинг.

Бир ҳилол, ўн икки юлдуз байроғингда ҳилтирас,
Қайга борсам бошим узра Ўзбекистоним менинг.

*Мен Навоийнинг тилида меҳр изҳор айладим,
Хур Ватанни севдирувчи дину иймоним менинг.*

*Минг шукур етдик шу кунга, дилда бир армон яна,
Ҳаққа етмоғлик улуг бахтдор Олимжоним менинг.*

ИШҚ ЭРДИМИ БУ?

*Ишиқ эрдими бу ва ё ҳавасдур,
Бечора кўнгул ёнувчи хасдур.*

*Чобук мақоми ул дилоро,
Мен шамъ, у гўгириди ўтнафасдур.*

*Бой ўғли десин гар оғзи қийшиқ,
Нотиқлик иши анга ҳавасдур.*

*Тентакка амал тегибди, хўп де,
Ҳар курси баланд жойи наҳедур.*

*Бедона юриш қилур у жонон,
Мен новчага лек у бўйи пастдур.*

*Хушқадларининг бўлиб асири,
Ишқи майидин кўнгул аласдур.*

*Кўндири гуноҳим ва лек Олим,
Нафсинг демагайки, энди басдур.*

*Келдиму кетишга ихтиёр ийқ,
Оlam беэшик ажисб қафасдур.*

ШУКРОНА

*Оллоҳ шукуҳ берсин истиқболимга,
Ўн икки юлдуз жуфт бир ҳилолимга.*

*Хумодан туғ тутиб баҳтиёр ҳалқим,
Берар баҳт жавобин ҳар саволимга.*

*Елкамда йўқ энди бироннинг юки,
Эгаман ўз фикру ўз хаёлимга.*

*Ҳеч кимса бўйини қисиб юрмагай,
Ё ҳақин едира бирор золимга.*

*Мана минг шукурки, мен ҳам беармон,
Умид-ла боқяпман эрк ниҳолимга.*

*Парилар куйласа қўшиқларимни,
Девлар ҳасад қилди истиқболимга.*

*Барибир қарғалар узоқ яшайди,
Ўлслам ачинмайди менинг ҳолимга.*

*Амалу бойликмас Раббим, минг шукр,
Гўзал сўз мулкини бердинг Олимга!*

МУХАММАС


*Хашак кўпу дон-дун доим кам бўладур,
Йиглаганда одам кўзи нам бўладур,
Қуёш акси бир заррада жам бўладур,
Гоҳ шод кўнгул, гоҳи тўёла ғам бўладур,
Бу ўткинчи дунёси бир кам бўладур.*

*Кўкка қараб интилганда кетма тубан,
Пастдан кулма, юксакларга берсанг ҳам тан.
Ҳеч таъбингга мос тушмаса ҳар анжуман.
Қиёс этиб барчасини шукур эт, юпан,
Инсон умри милтиллаган шам бўладур.*

*Кўнглунгдаги сирларингни қилма ошкор,
Ғанимат бил ҳаётингни, юрма бекор,
Зуғум қилма, бирорга ҳам чекма озор,
Унуммагил сўнгги борар жойинг мозор,
То етгунча тик қоматинг ҳам бўладур.*

*Ҳар бир ишининг бу оламда бор жавоби,
Лоқайдликдан эзгуликнинг кўп савоби,
Қўлларингда бўлсин доим ишқ китоби,
Йўлларингни ёритгайдир Ҳақ офтоби,
Нафсадан кечган энг баҳтили одам бўладур.*

*Бемаъни сўз айтгандан соз жим турса тил,
Бировларга заҳар санчиб этмай хижил,
Оқибатни ўйлар кимки бўлса оқил,
Ким не қилса ўзи учун қилгайдир, бисл,
Олим Бўри эзгу сўз «алҳам» бўладур...*



Одил Ҳотамов

ЮРАГИМНИ ОЙГА БЕРГАЙМАН

* * *

Хаёлингда хазонлар қалқыр,
Түйгуларинг сарғайған, ҳароб.
Тұнларингни тұзғитар балки,
Юрагимдан томган изтироб.

Күзларимни тұсар дағытап,
Товусларнинг рангдор патлари
Шамол эмас йұлым ҳатлаган,
Сочларингнинг мунгли ҳатлари.

Хұрсинақлар үйкемоги тайин,
Бахт мұлқини чақын тиляди.
Сендан ишроқ кетеганим сайин,
Исминг шұнча яқын келади.

От қүйғанча сароб, рүёга,
Саҳроларга шеъримни битсам.
Үт кетмасми, ахир, дүнёға,
Юрагингга урилиб кетсам?!

* * *

Лаҳзаларнинг ёнар зар бағри,
Зар қанотли шұыла шаклида.
Еллар өзінде күй томчилари,
Сувсирайди ғүнчә лабида.

Англанмаган қүрғошин залвор,
Елкамдан юқ бўлиб босар — фарз.
Нур ичмаган нигоҳимга зор
Ғунчалардан узилмаган қарз...

* * *

Күнглумга хуш лаҳзалик мәхмон
Видо айтған мезонлар рақси.
Сокин сұвда жимиллар бир он,
Кетаётған турналар акси...

Алдадимми, алдандимми ё,
Хиёнатта бердимми ё бўй?
Балки, голиб келгандир рүё,
Қарға, зөвлар шўх бадиҳагўй...

Шамолларга совурдим балки,
Түғёнларим, армонларимни.

Балхитутлар кетгайлар қалқиб,
Қалам тұқса фармонларимни.

Телба-телба чалиб чапаклар,
Бош устимда кулганда дунё,
Фасллардан голиб шафақлар,
Дилга таскин бергайлар гўё.

Мен ҳам Одам Ато зурёди,
Ишқдан телба-телба юргайман.
Орзуларнинг мангу фарёди —
Юрагимни ойга бергайман.

Дарёларга тўқилар жисм-жисм,
Турнапарниг тилларидан байт.
Қалам — тақдиримга мунажжим,
Ишқим ўзинг ишқисизларга айт.

...Ранглар чўккан маҳзун наводан
Тирилади исёнкор акраб.
Ёмғир тўккан намчил ҳаводан
Томоқларим кетади қақраб...

* * *

Тун қаърига чўккан шарпалар,
Тин олар тун кўлкаларида.
Аччиқ тутун оғир юксалар,
Яланғоч боғ йўлкаларида.

Юлдузчалар айларми чил-чил,
Тўлқинларниг тиниқ бағрини.
Ой теради озурда кўнгул
Кўзгусининг синиқларини...

* * *

...Бу дунёда ҳаттоказ тикан,
Тинглаб алқар гуллар сасини.
Лекин вужуд тушунармикан,
Қалбни — олам хуласасини?

...Ноқис йўлда тўёнолар жсангу —
Жадаллардан ошиб ўтиб нур —
Қоғоз билан қовушар мангу,
Рұҳ пайғоми шуъла, тафаккур.

Хаёл булутларга ошён, кўшк,
Күёш ўқири сардафтарини,
Бу дунёда фақат меҳр, ишқ,
Қучар кўнгул сарҳадларини...

... Капалакдай зар қанотлари
Куйган улуғ лаҳзаларап уйғоқ —
Ўз-ўзини англамоқ сари,
Давом этар азалий тўлғоқ...

* * *

Дарахтга сўйлар эртак,
Илгода бутун олам.
Кўпларга бўлар эрмак,
Ишқдан маст юрган одам.

Деманг, дунё, ғам қолиб
Кувончларга тўлади.
Ахир, Машрабга толиб —
Ишқисизлардан кулади...

* * *

Кизғалдоқдай бир қиз хаёлин,
Хаёлингга ҷоғламиш булбул.
Оловланиб ёлқинли ёли,
Ё раб, қанот боғламиш дулдул!

Андишадан тўсилган сарҳад,
Сароб янглиғ уфққа сингар.
Минг ишларким мерос муҳаббат,
Ифорлари сени ҳам енгар...

Бунча гўзал бўлмаса дунё,
Бунча майин эсмаса шамол?!
Ғофилликдан уйғондингми ё,
Ўйғотганда ул соҳибжамол?!

Адо бўлиб ишқининг қасидан,
Оҳларингни тошларга битсанг.
Энг ёруғ бир юлдуз остида,
Дунё билан бир бўлиб кетсанг...

* * *

Үйларингни тилади чақин,
Кўзларингда ёнади малол.
Юрагингга шунчалар яқин.
Муҳаббат деб атамган савол.

Бош устингда юргизар ҳукм.
Муҳаббат деб атамган қутқу.

Ёруғ тушлар қолади муқим,
Кипригиндан тонади уйқу.

Чақин тилган хаёлинг парвоз
Қилганида чекинар сароб.
Саволингга чиқади пешвоз
Муҳаббат деб атамган жавоб...

Муқаддас бир хилқат юрагидан урган инсонда таъмасиз вафодорлик, бедоф бир мубталолик бўлар экан. Шеърга, адабиётга нисбатан бу саҳиҳ муҳаббатни шоир Одил Ҳотамовда мен йигирма бир йилдан бўён кузатаман.

Ҳар бир шоирни қисмат яратади. Ҳар бир шоир қисмати бошқаларникига ўҳшамайди ҳам. Шеъриятимизни янгилаш илинжида асримизнинг 70-йилларида адабиётта кирган жангари авлод қаторида Одил Ҳотамовнинг ҳам илк изланишлари мухлисларда умид ўйғотган эди. Шеърият бир қадар янгиланди. Одил Ҳотамов эса киндик қони томган замин — Карманага қайтди...

Йиллар давомида Одил Ҳотамов шоир сифатида довруқ таратмаган бўлса-да, руҳиятида шеърга, сўзга нисбатан ихлос асло камаймади. Балки шу боис у ташвишлар ичига ўзини йўқотмади, топди. Мен қаттиқ ишонаманки, Одил Ҳотамовнинг энг яхши шеърларидаги камсукум самимият, ёник дилбарлик, руҳият рангинлиги, фикрчан ташбеҳлар, меҳрли дард қисқаси, юраги бор санъат қайсики кўнгулга, қаҷон кириб борса, энг маъсум чоқлардаги шаффоғ орзуларни ўйғотади. Ҳаётни севдиради ва ўзи ҳам ҳеч бир акс-садосиз хотирдан учиб кетмайди.

Вафо Файзулло



* * *

Сен менга бегона эмассан,
Мен сенга бегона эканман.
Дилимда яшар ҳур нафассан,
Ишқингда ягона эканман.



Умида Абдуазимова

*ДИЛИМДА
ЯШАР ҲУР
НАФАССАН*



Бир ёруғ кун менга меҳрингнинг
Шуъласин банду банд бойладинг.
Йўлимни йўқотиб, сеҳрингнинг
Мавжиди сарбадор айладинг.

Бўйнимга тош осиб қоядан
Сувларга сакраб ҳам чўкмадим.
Паноҳим изламай соядан
Жабрингни сипкордим — тўймадим.

Ярим баҳт, ярим дард — ҳавассан,
Яшайман хаёлга дугона.
Сен менга бегона эмассан,
Мен сенга бегона, бегона...

Бу бошим не кунни кўрмади,
Кетишам сўрайсан самимий.
Кўзларим шунчалар кўрмиди,
Мен сенга қайтишим табиий??

Кетарсан — чўғ қолар бу танда,
Келарсан — аслингдан оҳ, йироқ!
Кўзларинг кузатар қадамда,
Сўзларинг чорлаган қўнгироқ!

Яшарман бежавоб бу ишқининг
Ишидан ичикиб, ҳайронা.
Охири тугамас қўшиқнинг
Оҳанги аро маст, вайронা...

Сен менга бегона эмассан,
Мен сенга бегона эканман.
Сен менга орзусан, ҳавассан,
Ҳижронга дугона эканман...

* * *

Мен сени орзиқиб кўп кутдим,
Кўзларим йўлингда қолдилар.
Ҳаммага арз қилиб хўп кутдим,
Дардим ўнг-сўлингда қолдилар.

Юрагим қўлимда турибди,
Истасанг гижимлаб отаман.
Истасанг қуёшдек тик чиқиб,
Яна тик пойингга ботаман.

Юлдузлар йироқда, ой етим,
Совуқда мунғайиб турибман.
Мен сенинг васлингдан бой эдим,
Ҳажрингда қийналиб юрибман.

Айт, нима ёмонлик қилдим мен,
Билдим-ку дардингда куймоқни.
Метиндек қаддингга йиқилдим,
Билмадинг менингдек суймоқни,

Билмадинг менингдек күтмоқни,
Кўрмайди кўзларинг менингдек.
Ургандим гапимни ютмоқни,
Бўлмайди сўзларим сенингдек.

Менингдек туйгуни тотмаган
Вужуддан мен нима ҳам кутдим?
Мен кетдим, кўзёши етмаган
Ўзга бир дунёга мен ўтдим?

* * *

Сени беҳад телбадай суйдим,
Эшитмадинг оҳ, ингрокларни...
Сўнгги пайт мен хат кутмай қўйдим,
Кутмай қўйдим қўнгироқларни.

Менга жуда оғир, билмайсан,
Ошиқ юрак оғир, билмайсан,
Юрагимга боғлиқ ҳар оним,
Жон-жаҳоним, ахир, билмайсан!

Ёнверимда ивирсиб юрган
Оломонга қўшилиб олдим.
Бўйра бўлиб мунгайиб турган
Хўжрасига тўшалиб олдим.

Билмайсан сен, ёлғизлик — даҳшат,
Ўттиз ёшда даҳшат — ёлғизлик!
Яхшиям бор ёзгиршилигу
Ўзни яниб турмоқ — чалғишилик...

Ой, қуёшни кўрмай ўтсам ҳам.
Энди умрим узоқ бўлади.
Оlam ҳолин сўрмай ўтсам ҳам,
Үй, хаёлинг тузоқ бўлади.

Хўрсинади олмалар тунда,
Яшириниб барглар қатига.
Бизлар етишиши-чун ўртада
Битта девор турар атиги...

Эртасидан умид, илинжисиз,
Кечасидан қарздорлик сезмай,
Сехрингдан қул каби иложисиз,
Бўйра бўлиб ётибман бездай.

Орзу бўлиб бири-бирига,
Керак бўлсак яхши қанчалик.
Муҳлат беруб бир бўқ эрирга
Күёш қорга қараганчалик!..

Бундай жимлик бағримни эзар,
Дўсту душман аҳволим сезар.
Нега жимсан, сен нега жимсан,
Шу жимлигинг умримни беззар?!

Бўйра бўлиб янглишганим йўқ,
Қовуриб ўт биринч-биринчи!.
Туш пайтида кўзинг қилиб чўф,
Боқкан қуёш, билдим сирингни!

Үй, хаёлинг ҳаётим дови,
Юрагим тошбагирнинг ови.
Синган юрак, тонган тилакнинг,
Ахир, бордир бир кун сўрови?..

Ва шамолга айтдим, оқ булут
Воқиф бўлиб хўмрайиб олди.
Дараҳт эса дер сақлаб сукум:
«Олмаларим фурбатда қолди!..!

* * *

Баҳор келаяпти сул сепини ёйиб, қаранг,
Субҳидам шудрингига юзини чайиб, қаранг.

Қор кўрпасин ётинган она ер уйғонмоқда,
Бир илинжеда ҳовлиққан орзиқши бор тупроқда.

Баҳорой бор қушларнинг қўшиқларин авжида,
Кувонч ташиб югурган жилғаларнинг мавжиди.

Тоққа қочган лоланинг алвонланар юзлари,
Дараҳтларда бир имдод тўкин, тўлин куз сари... .

Одамларга бир боқинг: кўзларида шуъла бор,
Севгини севинтирган ҳис ила ашула бор.

Ашулага жўр бўлинг, ишқли дилга қўр бўлинг,
Муҳаббатда қулоқ кар, майли кўзи кўр бўлинг.

Майли Фарҳод мисоли Чинга боринг Ширин деб,
Майли чўл кезинг билай Лайли, Мажнун сирин деб.

Бўлса фаслу фироқли, ҳаёт беҳад мароқли,
Эртанги кун умиди билан кўнгул чироқли...



Тўлқин Ҳайит

ҳаловат

Кисса

Шу кунларда Кодир раис азобда қолди: томоғданми? Йўқ, томоғдан қийналмайди: егани олдидা, емагани кетида; чол-кампир иккиси учун ўн беш сотихли томорқада етиштирилаётган ҳосил етиб-ортади. Хўл, унда нимадан қийналади? Ўғил-қизданми? Йўқ! Ўғил-қиз ҳам ўзларидан тинган: бола-чақали, ували-жували! Ҳамма нарса мўл, ҳамма нарса бор. Аммо у қийноқда! Аникроғи, у эмас, руҳи қийноқда. Қаёқдан ёпишди бу дард? Қаёқдан келди? Билмай қолди, билолмайди! Нафақага чиксам, қолган беш кунлик умримни роҳат-фароғатда ўтказаман, деб ўйлаган ҳам у; бир кун катта ўғлимни-кига, бир кун кичкинасиникига, яна бир кун бошқасиникига бориб, невара-чеваралар билан чақчақлашиб кунларни қаритаман, дея кўнглига туккан ҳам у; эй банда, эй нобабкор инсон, қачон бандасининг айтгани бўлган? Қачон у ўйлаган ҳамма орзулас рўёбга чиқкан?

Кодир раис бир тутам оппоқ соқолини силаганча ўйга толди, кўзларидаги баҳор ўрнини кузга берди, корачиқлар хира туман ичидаги қолди, ёноқларида қил томирлардек кичик-кичик ажинлар болалади. Ҳорғин нафас оларкан, руҳини яна ўша тиканли оғриқ

безгақдек қақшатди. Балки, бирор касалликка йўлиққандир, нохос оёқдан йиқитмасайди ишқилиб!

— Ассалому алайкум!

— Ваалайкум ассалом ва раҳматуллоҳ!

Чоғроққина хона. Иссик. Ҳали коронғи тушган бўлмаса-да, чироқ ёқилган. Чоратроф сутдек ойдин. Қодир раис Бозор имомдан ҳиммат кутаётгани йўқ; ёқтираслигини яхши билади. Раислик йилларида мачитни ёпиб, уни хайдаб юборганди. Калласи қаёқда эди ўша пайтларда?! Мачитнинг унга оғирлиги тушганмиди?! Ёпилсин, йўқ қилинсин, бузиб ташлансин, деган ҳам ўзи, қилғиликни қилиб, бугун пушаймонда қолган ҳам ўзи! Бирор унга шундай номаъул ишни қиласан, деб пичоқ тираганмиди?!

Бозор имом тик боқиб сўраши:

— Эсонмисиз, тақсир?

— Раҳмат! — Қодир раис дув қизарди. Раҳмат эмиш. Раҳмат эмас, шукр дейиш керак эди. Қовун тушириди.

— Ўзингизнинг тани-жонингиз соғми?

— Шукур, Оллоҳ таолонинг паноҳида насибамизни териб юрибмиз.

Қодир раиснинг чакка томирларида игна санчган каби оғриқ турди. Пичинг қиляпти. Ҳалиям омонмиз, ўлганимиз йўқ, биз ҳам яшаяпмиз, деганими бу? Яшайверсин! Ҳеч ким унга таъна қилмаяпти! Ўтган ишга саловат: ҳаётда кимдир хато қилади, кимдир яхшилик.

— Бемахал ташрифингиздан бир мақсадингиз борга ўхшайди, тақсир?

— Худди шундок! — Қодир раис ютинди, томоги, шиша зарралари ёпишгандек ачишиди. «Худди шундок, Бозорвой!» — демоқчи эди, аммо номини тилга олишни истамади, назарида номини тилга олса, ўзини камситилгандек сезди. Яна ютинаркан, дудукланиб, зорланиб деди: — Уч-тўрт кундирки, танам олов бўлиб ёнади. Буни бехосият, деб эшитганим бор.

Бозор имомнинг бирор туки ҳам қимирламади.

— Шундай, тақсир, шундай! — деди «баттар бўл» деган оҳангда.

Қодир раис Бозор имомнинг бежирим мовий салласига ҳавас билан тикилди. У доимо бежирим салла ўрайди. Доимо мовий. Доимо бир хил. Қўлининг доғи тегмайдими?! Қандай тоза сақларкин?

Қодир раис сўзида давом этди:

— Дўйтирга бордим, бир қоп дори-дармон ёзид берди. Ичувдим, баттар бўлдим, аъзойи-баданим эзилиб кетди... Маслаҳатга келувдим олдингизга!

Бозор имом оппоқ қўлидаги ола-була донали тасбехни иддао қилгандек силкитиб-силкитиб ағдарди:

— Ҳм-м. Дори ичиб, ёмон бўлдим денг!

— Ха, ёмон бўлдим.

— Бу ҳам бехосиятдир, тақсир!

Умрида факат мақтов гулчамбарлари остида сийланган Қодир раис учун бу гап совуқ хабардек оғир туюлди. Нуқул совуқ гапиради-я, оғзинг тупроққа тўлгур, нима ёмонлик қилувдимки, бунча тепкилайри.

Бозор имом бояги совуқ оҳангда давом этди:

— Куръони Каримда айтиладики, тақсир, ҳар банданинг ихтиёри ўзидадир. Яратган эгамиз яхши ва ёмон йўлларни кўрсатиб қўйгандир, ким қайси йўлдан бориши ўз ихтиёридадир. Ихтиёр — эркинлик, банданинг иймон-ихтиёри ўзида бўлмас экан, унинг ҳар қандай ҳалол иши ҳаром ҳисобланур, лекин Оллоҳ таоло кишининг кўнглига солмаса, у бирор нарсага сажда қилолмайди. Худо денг, тақсир, кўнглингиз покланибди. Энди ўзингизни поклашингиз даркор.

Қодир раиснинг бўғзига нимадир тикилди, у бундай қўпол муомалага ўрганмаган, унинг ҳар ерда, ҳар жойда соясидан кўркишган, ҳамиша, ҳар доим қуюқ сўрашишган, ширин муомалалар қилишган. Бу зот эса уни ерга уриб ўтирибди. Нима деса бўлади унга? Сўксинми? Бақирсинми? Лекин... лекин буни карангки, ҳозир кўнглидагини айтишга қўйналяпти. Шундай қўйналяптики, умрида бундай нокулай аҳволга тушмаган!

У ҳарчанд ӯзини зўрламасин, тили айланмади, гўё музлагандек тақقا тўхтаган.

Бозор имом аста минғирлади:

— Олинг, чойдан ичинг!

Қодир раис буқчайган қаддини кўтарди. Яхшиямки, ўзбекона урф-одатларимиз бор, бўлмаса, шуниям айтмасди.

Бозор имом лутф қилди:

— Шириналлардан олинг, тақсир. Бухорои шарифдан келтиришган. Мозорбосди.

Қодир раис печак қанддан бир дона олиб оғзига солди: тилида қордек эриди, таъми шириноқ экан, чой хўплаган эди, анбар хид димоғини қитиқлади. Яқин орада бунақа чой ичмаганди, чойга нимадир аралаштирилган: Бозор имомнинг муриллари кўп, келтириб туришади кучоқ-кучоқ совға-саломларни.

— Гап шуки, тақсир, — давом этди Бозор имом, — энди мачитга қатнанг. Мана буни,— у қизил ёстиқ остидан яшил муқовали юпқа китоб олди, — мана буни ўқинг, ёд олинг — енгил тортасиз.

Қодир раис хўрсинди. Қанийди, енгил тортса. Жони қийналиб кетди, оловда ёнсанг, бунчалик азобланмайсан.

У ўрнидан турди.

— Куллук, тақсир, — чўнтағига қўл тикаркан, ийманиб сўради: — Бунинг ҳакини...

— Э-э, қизиқмисиз! — Бозор имом юз ўғирди. — Мен сиздан пул сўраяпманми?

Қодир раис эрта пишган олчадек қизарди. Бекор сўради. Сўрамаслик керак эди. Ҳомкалла. Сендеқ ҳамма пул билан ўлчамайди ҳаётни.

У китобни бағрига босди. Аъзойи бадани яна безгак тутгандек қақшади, оёқларида жон қолмади. «Эшикка етмай ийқилсан керак». Бу ўй қоронги қалбига даҳшат оловини пуркади, пешонасидан қайноқ тер куйилди. У умрида биринчи марта тепага ёлворди: «Ё Раббим, ўзинг шарманда қилмагин!»

Бозор имом қайта тайинлади:

— Эртага, тақсир, мачитга келинг, Иншооллоҳ гуноҳингизни ювсангиз, дарддан фориг бўласис!

II

Мачит маҳалланинг қоқ ўртасида жойлашган; олди кунчиқарга қараган, қиш кунларида, офтоб чиқиб кун илиган файзли дақиқаларда ичкарида ўтириб намиккан чоллар айвондаги қатор турган тахта каравотларни банд қилишади: ҳазил-мутойиба, бир оз дилкаш, бир оз ғамгин гурунг бошланади.

Қодир раис тириклик моҳиятини бугун тушунганга ўхшайди. Бу моҳият хулоса, балки сўнгги тўғридан-тўғри қарор шуки, шарти кетиб, парти қолган чолларнинг ҳеч бўлмаганда суюнчиғи, овунчоғлари бор: ҳаммалари аҳил-инок, бир-бирларига суюнишади, бир-бирларидан мадад олиб яшашади.

Бир кам дунё!

Қодир раис нимадан қисилади? Нимадан озор чекади? Ўзига шу саволни берса бўлармикин? Қисилади, озор чекади — бу нимаси?! У бирор нарсадан зориқдими? Одамлар қама-қамалар даврида тик этган товушдан «қалт-қалт» титраган лаҳзаларда, у колхозда оёгини узатиб яшади, душман, қулок, босмачи деганинг уйини кўйдирди. Шўрга шу маъқул экан, уни кўйнига олди, уруш даврида ҳам қийналмади, ҳамма эрқаклар урушга кетиб, қишлоқнинг ягона хўжайинига айланди, эҳ-хе, қанча ожизалар... Бугун шуни эсласа, бадани музлайди, юраги увишади: гуноҳ-гуноҳ, қанчалар гуноҳ! Тирноғидан сочиғача гуноҳга ботган; кўчада унинг қорасини кўрган борки, эгасидан таёқ еган хўқиздек тирқираб қочарди, у бундан мағрурланар, мен қанчалик қудратлиман, қанчалик зўрман, савлатимдан от ҳам хуркади, дея ўзича осмонларда юарарди. Энди ўша кунларни эсласа, уятдан эти ловуллаб ёнади. «Худойим, ўзинг кечир!» Эртакеч шу калима оғзидан тушмайди.

У чоллар билан қўшқуллаб кўриши. Ҳеч ким уни масхара қилмади, бирор унга олайиб қарамади. Қизик-а, биринчи маротаба бу ерга келяпти, биринчи маротаба мачитга қадам босаяпти. Чоллар мени кўриб ё кулишади, ё мазах қилишади, ё ҳайрон бўлишади, деб ўйлаганди. Буни қарангки, манови гапдон чоллар пинагиниям бузишмайти: гўё ҳеч гап бўлмагандай!

Унинг тик туриб қолганини кўрган Бозор имом, нарироқ сурилиб, ёнидан жой кўрсатди:

— Келинг, Қодирвой, улуғ даргоҳда ҳаммага жой етади.

Қодир раис умрида биринчи марта ёш боладек нокулай аҳволга тушди. Бозор имом қўлидаги олачипор тасбехни ўгира туриб деди:

— Аҳли жамоага маълум бўлсинким, бугундан эътиборан Қодирбой бандай ғофил ҳам руҳларини поклаш мақсадида сафимизга келдилар.

Чоллар бараварига унга разм солдилар. Нигоҳларда фақат бир ҳайрат — қуёш қаёқдан чиқдийкин, деган ўй зохир эди.

Қодир раиснинг аъзойи-бадани жимирлади. Эримни қулок қилманг, фарзандимни фронтга жўнатманг, Сибир сургунига юборманг... Эҳ-хе, қанчадан-қанча кўз ёшлар, дард-фарёдлар, бақар-чақирилар олдида килт этмаган вужуд бугун кўлидан бир иш келмайдиган, шарти кетиб, парти қолган чоллар олдида ниҳол баргидек титраб турса-я!

Ҳамиша тагдор гапибувчи Донаев пичинги килди:

— Одамни акли кетмасдан инсофга келгани яхши!

Эси кирди-чикди бўлиб юрадиган Мош тентак бобо:

— Аҳмоқ қариса сўли бўлади денг, — деди хириллаб.

Бозор имом уни жеркиб ташлади:

— Тили-забоним бор деб валдираш гуноҳ! Мен сизга неча марта айтдим, ҳар гапга аралашманг, деб. Сатқай одам кетинг-е!

Мош тентак бобо ўзини оқлашга тушди:

— Шунчаки гап-да бу! Бирогва... бирорга тегинтирганим йўқ.

Чоллар пиқир-пиқир кулишди.

Уларга мазза, хоҳлашса кулишади, хоҳлашмаса йўқ. Рухлари эркин. Енгил. Уникичи?! Уники икки дунё юки остида.

Сутранг жигули мачит қаршисида гийқиллаб тұхтади... Колхоз раиси Самад Курбоннинг ўғлинини шекилли. Оқ күйлак, кизил галстукли, қора чарм күртка кийган, узун бўйли йигит машинадан тушди. «Ўша, ўшанинг ўзи! Олифатигини қаранг!» Қодир раис хўрсинди: у ҳам уч ўғлинни эркалаби ўстириди, нима дейишса, муҳайё этди. Одамлар қотган нонга зор бўлган лаҳзаларда, улар кўй гўшти, ширмон нон едилар. Э, Худо, топганининг ҳаммаси ҳаром экан: ўғилларининг биронтаси ҳам одам бўлмади, тўнги-чи — Азамат, отини ўзи кўйганди, азамат йигит бўлсин, дея ният қилганди, афсус, ҳозир аллақаёқларда — Оренбургми, Шоренбургми, гўру балоларда тентирааб юрибди. Икки йил бўляпти. Ота-она, қишлоқ ёдига келмайди. Ўртанчаси Содик наша билан қўлга тушиб, ўн йилга қамалиб кетди, бурунги йили. Қенжаси Санжар ичгани-ичган, колхозда тракторчи, ўтган ойда авария қилиб, бир балодан қолди. Тракторини тузатишни хаёлига ҳам келтирмайди. Эшикма-эшик юради, бир шиша ароқ эвазига одамларнинг юмушини бажарди.

Қодир раиснинг сим-сим оғриб турадиган хаста юраги, она қорнида безовталанган хомиладек, қаттиқ тепди. Э Худо, шу азоб ҳам бор экан-да! Нима деган одам бўлди! Эл-юрт олдида нима обрўй қолди?

Самад Курбоннинг ўғли ҳамма билан кўришида-да Бозор имомга қараб деди:

— Бобо, худойи қилувдим, шунга юрсайла!

Бозор имом ўрнидан қўзгалди.

— Мошинингга сифамизми, ўғлим!

— Сифасизла!

Қодир раис ҳаммадан сўнг ўрнидан турди.

Олдинга ўтишга уяди. Бурунги замон бўлганда, биринчилкни ҳеч кимга бермасди, қарими, ёшми — унга барибир эди, ўйлаб бош қотириб ўтирмасди, ўзидан бошқани тан олмас, ўзидан бошқани одам ҳисобламасди. Ҳозир уялгани, тортингани ўзига нашъя қилди: аслида одам шундай бўлиши керак, орқа-олдига қараган адашмайди.

Беш нафар бобой мошинни тўлдириди. Мosh тентак бобо билан Қодир раисга жой қолмади.

— Мен пешком бораман, — қўл силтади Мosh тентак бобо.

Қодир раисдан сўраб ҳам ўтиришмади, борадими, йўқми. Машина ўрнидан зув қўзгалди-да, кетди-қолди.

Қодир раис оғир нафас олди; бир неча ҳафтадан бўён руҳига азоб бериб юрган номсиз оғриқ аввал бошини оғритди, сўнг жигарини тирнаб ўтди, кейин юрагига чанг солди. Ах, бу нима азоб-а? Бу нима азоб?

Мosh тентак бобо қўлини белига ташлаб йўлга тушди.

Қодир раис, кўчада ҳеч ким бўлмаганды, ҳозир дод солиши тайин эди. Кимларга тенг қилиб қўйди уни? Кимларга?

III

Дарвозадан кириши билан юраги қисилди; ҳовли тўла хазонбарг, файзсиз, нима бало, бу уйдан ўлик чиққанми?

Кампир — бақалоқ, бурни катта, чўтири юз аёл сандал ёнида чўзилиб ётарди.

— Ҳа-а-а, бугун кеч қолдингиз, — деди бошини кўтариб, — чой-пой қип қўювдим, зорманда совуб-нетиб қолгандир.

Қодир раиснинг ачичи чиқди. Кўчада Mosh тентакка тенг қилишса, уйда совуқ муомалага дуч келса. Нима ўзи бу? Яшашми? Ит ётиш, мирза туришми? Аёл бўлгандан кейин «келдингизми» деса, ўрнидан туриб тагингга кўрпача солса, орқангга ёстиқ қўйса.

— Қайларда санғиб юрувдингиз?

Қодир раис истар-истамас жавоб қилди:

— Худойига борувдим.

Оёғини сандалга тикиди: муздек, совуқ! Олов ёқиб, чўғ қилиб солса, ҳақи кетадими бу зангарни!

— Ҳа-а-а, намунча тирсайган-пурсайгансиз?

Қодир раис, «ҳаммасига ўзим айборман» — дея эзилиб, ҳаёлга бериларкан, кампир билан «сан-манга» боришни истамай:

— Ўзим, — деди секингина.

Кампир бир нимадан хавотирлангандай сесканиб сўради:

— Бирор жойингиз оғрияптими?

Қодир раис ҳорғин овозда жавоб қилди:

— Йў-ўқ, оғриётгани йўқ ҳеч жойим!

Кампир, «хайрият-э» дегандек, енгил тин олди, гўштдор елкалари кўтарилиб тушди.

— Боққа кириб хабар-пабар олмадингизми? Мол-ҳол кирган бўлса...

Қодир раис киноя аралаш деди:

— Аввал чой-пой олиб ке, суғун сўрарсан-пўрарсан! Ундан кейин тезда жойнамоз тайёрлаб-паёрлаб қўйгин.

Кампир унга ғалати тикилди.

— Салла-малляям тайёрлаб кўй, дерсиз.

Қодир раиснинг бир тутам мошкичири соқоли тик қотди:

— Э-э, минифиллама кўп, пашша-машшага ўхшаб.

Кампирининг жаги очилса, бир соат сайдайди. Сайрамаса, кўнгли жойига тушмайди.

— Вой-бўй, бу эркакка гап қотгину қоч, бир оғиз гапириб ҳам бўлмайди-я, савил колгур!

Қодир раис оғриниб ўрнидан турди. Кўча — азоб, уй — азоб! Қайси кунларга қолди боши! Келиб-келиб қариганда шу ахволга тушадими?

Бокқа борсинми?

Боғда хузур-ҳаловат борми?

Санжарникидан хабар олгани маъкул эмасми?

Тўқ кўк рангга бўялган ҳовли дарвозаси ёнидаги қийшайган, бир қулочли тахт ўриндиққа мук тушиб ўтирган Қодир раис ўзини кўярга жой тополмас, қаёққа боришини-ю, нима билан овунишини билмасди. Эй, одамзод, эй, ғофил банда, охиратниям ўйлаш керак экан. Шунча гердайганинг билан топганинг шуми? Қаёққа борасан: қайда умидхонанг бор? Ўғилларми? Биттасиям ярокли чиқмади. Биттасиям-а?!! Шуниси, шу Санжари, жилла қуриса, учаворига қўшилса бўлмасмиди? Бунинг ишларини қаранг. Ўтган йили топганини елга совурди. Боғдан... яхшиямки, боғи бор. Қишлоқ шўроси раиси бўялган йилларида, бир кунимга яраб қолар, деб ўн беш сотих ер олиб қўйганди. Тайёр ер, нон-ош сўраётганий йўқ, анор эккан эди, уч йилда ҳосилга кирди. Ҳар йили яхши ҳосил беряпти. Ўтган йили икки тонна анор олди. Килосини икки сўмдан пуллади: кўли пул кўрди. Қанча кўп топса, шунча кувонади. Лекин бадбаҳт ўғил совурди барини: у ёғидан ўтди, бу ёғидан ўтди, энди ичмайман, дада, тракторимни тузатаман, дея ҳол-жонига қўймади. Ишонди, чиппа-чин ишонди унинг галига: Эҳ, Санжар, Санжаркон! Отангни алладинг-а? Отангни-я?

Қодир раис тақир ердек тиришган кенг пешонасини силади. Бунча шўр бўлмаса бу пешона! Яна ўша оғриқ хуруж қилиб, оёқлари, кўкраги ва бошини қаттиқ зиркиратди. Қайдан келди бу оғрик?

Қодир раис беихтиёр туриб кетди. Қандайдир илохий куч уни ўрнидан турғазди. Қаёққа боради? Битта умидхонаси ўғлини! Яхшиямки унга муаллимани олиб берган: уни тергаб, эплаб юрибди. Кўз тегмасин: ақлли ожиза. Борса, ер-кўкка сигмайди, топган-тутганини дастурхонга тўқади. Туғишганингдан минг марта яхши. Санжар-чи? Санжар уялмайди:

— Бобой, мазангиз йўқми?! — дейди беҳаёларча. — Пулдан қарашибмайсиз, бобой! Чиритиб нима қиласиз қофозларни. Ё момошкадан кўрқасизми?

Қодир раис «тавба» қиласди: унга қаттиқ гапиришдан ҳадиксирайди, «Худоё худован-до, ўзинг кечир», — дейди ичида.

Келини Наргизаҳон жонига ора киради: «Уялмайсизми, Санжар ака, — дейди ранжиб, — пул сўрайсиз-а, кап-кatta одам бўлиб!»

Санжарга гап уқтириш осонми: хотини оғзидағини бўғзига тиқади:

— Тийил, узун соч, тумшуғингга тушиб қолмасин тағин!

Қодир раис энсаси қотиб ҳомузга тортади. Бир пайтлар қишлоқларида ўрис печка-чи бўларди. Эр-хотин уйма-уй юриб печка қуришар, тутун тўлғанларини тузатишарди. Шу ўрис хотинини шундай кўпол уришарди.

Қодир раис илон изи ариқ бўйлаб тепага юрди. Йўқ, Санжарникига бормайди, ўғли яна пул деб ҳархаша қиласди.

Дараҳт барглари чирт-чирт узилиб, оёқ остига тушади. Барглар эмас, гўё унинг юраги тўклиётганга ўхшайди. Умр кетяпти. Азоб ўтида кетяпти. Шундай ёниб тугайдими, нима бало?! Қариликнинг гашти бўлади, дер эдилар, қани ўша гашт, қани ўша хузур-ҳаловат?

Қодир раис зиркираб оғриётган бошини силади. Бу бош тақ этиб деворга тегди, кўр кўзлар ярқ этиб очилди: ҳаётни, тириклини англади!

Уруш йиллари эрсиз қолган ожизаларни қақшатгани, бегуноҳ одамларни хўрлагани... барча золимликлари ўзига қайтаяпти. Қайтар дунё бу!

Қодир раиснинг кўз ўнгидаги озғин, заъфарон юзли аёл — Мұҳаррам гавдаланди. Ўшанда бригадир эди. Мұҳаррам икки кун ишга чиқмади. У пайтларда ишга чиқмаганин жаозолаш шарт эди: кўл остингдагини урасанми, сўқасанми, шўро бунга бемалол йўл берарди. Мұҳаррамнинг боласи касал экан. «Ошпазсан, икки кундан бери колхозчилар иссиқ овқатсиз қоляпти, эртага ишга чиқмасанг, кўчиритириб юбораман», — дея дағдага қилди. Ҳаммаси эсида. У пайтларда ўзи хон, кўланкаси майдон эди, айтгани-айтган, дегани-деган эди. Фалончи, кўчингни кўттар, деса бас, кўчмай кўрсинг-чи: онасини Учкўрғонда кўрарди. «Кўчиритириб юбораман», деган гапдан Мұҳаррам кўрқди ва эртаси ишга чиқди. Касал боласи билан. Ўн кун ишлади. Эрталаб боласи шийпонда узилди. Шўрлик эзилиб кетди: бутун шийпонни бошига кўтариб дод солди, бунга чидолмай кенг дала титради, беозор күшлар чирқирада кўкка кўтарили.

Қодир раис уҳ тортди. Ўшанда кўзини парда босиб, Мұҳаррамга нотўғри зуғум килган экан. Муштипар аламзада она билан бевақ ҳаётдан насибаси узилган гўдак-нинг охи энди уни кон қақшатяпти, энди уни турли азобларга соляпти.

— Қодирвой, ҳо-о-о, Қодирвой!

Қодир раис бошини кўттарди: Мош тентак бобо, елкасида нимадир солинган унхалта. Олдинда Бозор имом кетиб боряпти. Қаердандир келишапти. Кимнидир «куф-суф» килишган кўринади.

Бозор имом қўлидаги оқимтири заранг таёғи билан «юринг» дегандек ишора қилди.
— Хуфтон намозига яқин қолди, Қодирвой.

IV

Қодир раис фақат бир нарсадан — чолларга калака бўлишдан чўчиганди. Лекин ҳеч ким ундан кулгани йўқ, аксинча бир-иккитаси: «Яхши ўйлабсиз, Қодирвой, кўп савоб иш бўпти», дея уни мақтади. Бошка бирови: «Оллоҳ денг, гунохлардан соқит бўласиз», деди. Ҳарқалай, ёмон одамсан, деб кўкрагидан итаришмади, шунисига шукр!

Аммо, ўзга дунёга тушгандек, ўзини нокулай сезяпти, юраги қисиляпти, гўёки қалб мамлакатига тун чўккан, зулмат ҳукмрон, у катта-катта минбарларда гапириб ўргангандан одам. Қурултойларда бутун зални ларзага келтирган, мухтасар айтганда, уч-тўрт одам йигилган жойда жиловни кўлга олган. Бу ерда-чи? Бу ерда у соқов. Гапирай деса хато килишдан кўрқади. Билмаган соҳага бурун суккандан ёмони йўк.

Намозга келган чоллар Бозор имомни кутиб туришганди. Уни олдинга ўтказишиди. Бошқалар ёшига қараб бирин-кетин мачитга кира бошладилар; Мош тентак бобо қўлини кўксига кўйиб, ҳаммани олдинга ўтказмоқда, Қодир раисга келганда, пихилаб кулди-да, оёғидаги еттинчи калишини ешиб, ўзини ичкари урди.

Қодир раис тарсаки еган одамдек дув қизарди. «Ҳаҳ ярамас, — деди хасратдан ёниб, — шу тентак ҳам мени менсимади. Бу қандай ҳўрлиг-а?!»

Мачит ичи жуда кенг, оёқ остидаги Хоразм, Сурхон нақшинкор гиламлари оловдек товланади; икки қатор опоқ устунлар таъмир қилинибди. Қодир раис колхозга раис бўлган йили бу ерни зотдор отлар бўқиладиган жойга айлантирганди. Эсида, ўша йили саман-бедовдан йикилиб, қўли синди. «Фалокат оёқ остида», дея ўзини юпатганди ўшанда. Бугун ақли кириб, дунё таниганди, бу ҳодиса шунчаки «фалокат» эмаслигига, ҳар қалай, фахми етяпти.

Тепадан келган майнин садо Қодир раис хаёлинини бўлди. «Ўзбек бўлганингга шукр қил, ғофил банда: ён-атрофингдаги ўз тилингда сўзловчи бандаларнинг андишли, мулоҳазали эканлигига шукр қил! Ҳалқингнинг бағри кенглигига шукр қил!»

Қодир раис беихтиёр бошини лиқиллатди. «Шукур қиляпман!»

Бозор имом жамоага ҳар кунги гапини такрорлади:

— Таҳорат йўклар учун иссиқ сув тайёрлаб қўйилган. Таҳоратхонага ўтаверинглар!

Қодир раиснинг мияси автомат ҳисобчидек тез ишлади: «Хузур-ҳаловат топаман деган киши ҳар лаҳзада таҳорат олмоғи лозим». Лекин у таҳорат олишни ипидан-игнасигача билмайди: колхоз, пахта деб юраверибди, дунёнинг бу ишлариниям билиб қўйиш керак экан пайтида.

Кишилар кўз ўнгига таҳорат олса, рисоладагидек ўринлата олмаса, шармандаю шармисор бўлмасмикин?

МОШ ТЕНТАК БОБО УНИ ТУРТДИ:

— Таҳорат боми? Ҳе-ҳе-ҳе, йўқ бўлса, пашли!

Қодир раис таҳоратхонага кирмаганди. Мощ тентак бобо орқасидан судралиб борди. Пастаккина, узунчоқ бу бинони тиши тўкилган чолларнинг ўзлари бундан тўрт йил олдин ҳашар йўли билан қуришганди. Ўзбек дегани ўта савобталаб ҳалқ. Қулоғига чалинган эди: биттаси шифер, яна биттаси таҳта, бошка бирови сомон келтириб бергани! Мажалла-кўй ёшлари ҳам қараб туришмаган: ишдан бўш пайтларида пойдеворини қазишган, бетон кўйиб беришган. Курилишга битта Қодир раис келмаган. Келса бўларкан! Энди пушаймонда!

Қодир раис таҳорат учун алоҳида-алоҳида жой ажратилганини кўриб енгил торти: айбини бирор кўрмайди.

МОШ ТЕНТАК БОБО:

— Бўла қолинг! — дея овозининг борича бақирди.

Шошилиб қолган Қодир раис орқага тисариламан деб офтобага қоқилди; сув қил-қиллаб тўкилди.

МОШ ТЕНТАК БОБО БОБИЛЛАБ БЕРДИ:

— Э-э-э, кўзингизга қарамайсизми? Қанақа одамсиз ўзи? Худога ёқмади шекилли ташрифингиз!

Қодир раиснинг юраги бояни гўё чақириканлар босди. Лабига қўнган пашшани ҳайдаёлмайди-ю, зарда қилишини қаранг. Ўргилдим сендан. Худога ёқмади эмиш! Сув тўкилса — ойдинлик! Сендақалар вайсайверишида-да билмасдан!

Меш тентак бобо мачит эшиги олдида унга иззат кўрсатди — уни ўзидан олдин ўтказди. Қодир раис мийигида кулди. Хурмат қилса бўларкан-ку! Офтоб қаердан чиқди? Тентак! Чин маънода тентак чол!

Унинг жойнамози йўқ эди. Нима қилишини билмай андак туриб қолди. Юрак мамлакатида яна зилзила бошланди: бу ерга тайёргарликсиз келмаслик керак. Эвоҳ, ҳар қадам азоб, ҳар қадамга бир муаммо! Нега бундай бўляпти!

Бошқа мачитларда гилам устига оқ бўз ташлаб қўйилади: жойнамоз кўтариб юрмайсиз. Бу ерда эса ҳар ким ўзига жойнамоз олиб келиши керак, бу қатъий анъанага айланган. Бозор имом ҳам шунинг тарафдори, унингча намозни фақат пок мато устида ўқиш керак. Бу биринчи, иккинчиси шуки, соғлиқниям ўйлаш лозим, мингта одам бош қўйган жойга табаррук пешонани тегириш ақлли одамнинг иши эмас.

Бозор имом унинг қаршисида тўхтади.

— Тақсир, беҳол кўринасиз!.. Манавини олинг! — қўлтиғидаги оқ матони унга узатди. — Сизга насиб қилган экан, Маккан Мукаррамадан олиб келган эдим. Эҳтиёт қилинг, макруб тегмасин!

— Раҳмат сизга, катта раҳмат! — Қодир раиснинг юзи тонгда очилган лоладек яшнади.

Бозор имом:

— Яратган эгамизга шукур денг, тақсир!

Энди Қодир раис ўсал бўлди.

Бозор имом ундан ўзгаришни сезиб, нима гаплигини фахмлади шекилли, фикрини тушунтира кетди:

— Мен ҳам сиздек бандаман, тақсир! Сиз бандасига раҳмат деманг, Оллоҳга шукр десангиз, савоби ҳаммамизга тегади.

Қодир раис оқшомги қўёшдек лов қизарди. Џўр банда! Џўрлигини яна намойиш қилди.

V

Қодир раис уйга кириши билан кампири жаврай кетди:

— Шунақа қарийдими киши дегани! Кўчадан бероф келмай қолдингиз. Уч кундирки, уйда совун-повун йўқ, киримни ювмаяпсан, деб кулогимни еганингиз ортиқча!

Чарчаган кишига гап ёқмайди. Бу ёғи қарилик. Бир оғиз аччиқ сўз ҳам оғир ботади. Аммо Қодир раис ўзини қўлга олди.

— Нервингни бузма, кампир. Совун бўлса, ҳозир гатоп қиласман.

Кампири ҳайратланди.

Қодир раис буни сезди, сезди-ю, мийигида кулиб қўя қолди. Рост-да, кундан-кунга юмшаяпти, бирор қаттиқ гапирса, ўзига олади-ю, лекин сиртига чиқармайди. Боя Мош тентак бобо ўлардек масхара қилди, бир нима дедими?! Демади! Ўша билан баробар бўлишдан не фойда?! Айтди-қўйди-да.

Қодир раис, кампирига қараб, эрка оҳангда деди:

— Онаси, битта аччиқ чой домлагин, иккаламиз бир мириқиб ичайлик.

Кампири синик кўзойнагини оларкан:

— Кундан-кунга гўдак-пўдакка ўҳшаб боряпсиз, — деди аччиқланиб. — Куёвлиқда айтилмаган гаплар энди эсингизга тушаяптими?

Қодир раис гапни ҳазилга бурди:

— Ҳалитдан қарип қолдик деб ўйлаяпсанми? Энди баҳорга етиб келдик! Ҳали олдинда ёз бор, онаси!

Кампири кулди:

— Кимдан юқди, ҳазил-пазил қилиш?

Қодир раис, ҳазилни эплолмаса-да, кампири олдида изза бўлмаслик учун бор бисотини ковлаб, бир сўз топди:

— Ҳазилнинг этагидан тутдик, онаси, энди қоп-қоп афанди эшитаверасан.

Кампири қовоғини уйди. Ёқмади шекилли. Қодир раис пар ёстиққа ёнбошлади. Хаёлга толди. Ёшлик — олов давр. У пайтларда елиб-югуриб чарчамасди: белда кувват, билакда куч етарли эди. Далани бир айланса юзтаси суқланиб қаради. Худонинг ўзи кечирсинг: гуноҳлари кўп, жуда кўп! Аёл — шайтондай гап. Ўзиям колишмасди. Қош қокчанин кўрса, ўзидан кетарди. Ҳамма ухлаганда, шийпонга келарди. Тагида гижинг-лаган от. Ҳассаннинг хотини... О-о-о, пари эди, оғат эди. Отининг пишқирганини эшитса, бас, югуриб келарди. Момик белидан даст кўтариб оларди-да, сой томон еларди. Шовуллаган сой, ёз кечаси... Нобакор бандангни Ўзинг кечир, Тангirim, Яратган эгам! Шарманда қилма дўст-душман олдида.

Кампири дастурхон ёзди, чой-нон келтирди.

— Вараннинг йўқми, онаси?

Кампири тутикағб кетди:

— Варанни қолдими? Қизил жомадонга жойлаб бўлдингиз!

Қодир раис кесатиб деди:

— Фақат биз жойлабмизми?!

— Ади-бади айтиб ўтиришга ҳоли-жоним йўқ, чол бўлиб сиз ҳам совун-повун, гурунч-мурунч топиб кела қолинг!

Қодир раис их-ихлаб кулди.

У кўчага чиқди-ю, ўйланиб қолди. Кейинги вақтларда чўнтағида барака йўқ; кампиридан сўрашга уялди, пул бўлганда жавраб ўтирмасди, инқилаб-синқиллаб бўлса-да, ўзи бориб олиб келарди. Кимдан қарз олса?

Дўйон олдида одам гавжум: бир гурух эркаклар ўзаро гурунглашмоқда, баъзилари бурқитиб тамаки тутатишяпти, симёғоч остида ўтирган ёшлар қарта ўйнашяпти. Пулга бўлса керак, бақириб-чақириклари оламни бузади. Ёш-яланг, хотин-халаҳ дўконга кириб-чикиб туришибди. Қодир раис илҳақ бўлиб чор-атрофга кўз югуртириди: кимдан қарз сўраса?! У беихтиёр дўконга кирди. Лекин дўкондор кўринмасди, ёрдамчиси савдо билан андармон.

Қодир раис бирордан қарз олмаган шу пайтгача. Ҳозир битта-яримтадан сўраса, қишлоққа достон қилмасмикин?! У яна одамларга кўз югуртириди. Кимдан сўрайди. Кимдан?

У дўйон мудири ёрдамчиси — олакўз Шерконга яқин бориб сўради:

— Үглим, пенсиягача у-бу қарзга бериб турмайсанми?

Шеркон фаҳм-фаросатли йигит, у хам шивирлаб деди:

— Текин акам ҳозир келадилар, менсиз ҳеч нарса берма деганлар.

Қодир раис «тушунарли» дегандек бош силкиди-да, ортга қайтди. Дўйон эшиги олдида Муҳаррам кампирга тўқнаш келди. У озиб-тўзиб қолган, қовоклари бўртиб чиқкан, букилиб-судралиб юради. «Кўзим сен бадбахтга тушмасин», дея кўк фаранг рўмўли билан юзини ёпиб ўтиб кетди.

Қодир раиснинг юраги узилди. Қайтар дунё! У фарзандини йўқотган бўлса, Қодир раиснинг уч ўғли ўлик жон. Уларда на иймон, на эътиқод, на фаҳм-фаросат бор! Қодир раис оғир хўрсинди.

Текин дўйондор пилдираб келмоқда. У хўппа семиз, пишиллаб юради, юзи этик мой суртилгандек ялтирайди. Бунақа одамдан яхшилик чиқармикин? Қодир раис кўл силтади. Бу шунчаки бир гап-да! Ҳар нарсага ишониш керак эмас!

Текин дўйондордан ароқ ҳиди анқирди. Қўланса ҳид чолнинг кўнглини оздирди. Конъякми, виноми бир бало ичган. Бунча сасимаса!

Қодир раис ишончи билан оғиз жуфтлади: сўраса, йўқ демайди, бир томони қишлоқчилик, юз-юзга тушади, шаҳар эмас-ку бу ер, алдаб кетса!

— Үглим, бир илтимос бор эди, — деди у бироз ҳаяжонланиб. — Пенсиямни олганим йўқ, қарзга у-бу берби турсанг!

Текин дўйондор унга ўқрайиб қаради, юзи куя теккандек бўғриқиб қорайди.

— Ҳамманг бир хил гапиравсан: пенсиямни олганим йўқ, ойлигимни олганим йўқ. Бу давлатни дўкони бўлса, рас, бир кун комиссия келиб ривизия қиласа, суғун бўйнимга отти калласидай штрафни урса, рас, а, биз виноват бўлиб қоламизми, рас! Сендақа сассик чоллар камомад қип мелисага тушибди, дейсанларми? Рас шундай экан, тамом, қарзга ҳеч нарса бермайман?

— Инсоф қилгин, болам, бу кунлар ҳам ўтади.

Текин дўйондор иршайди:

— Инсоф? Бе-е-е! Инсофни сиздан сўраш керак. Эркаклар пронтга кетганда, хотинларди иштони ичида юрган одамдан инсоф ҳақида эшитиш хотиндан тарсаки еган билан тенг эмасми?

Чучтўрт ҳангоматалаб йигитлар пиқирлаб кулишди. Гурунглашиб турган эркаклардан бири — яшил бўйинбоғ таққан зиёлинома эркак уларни жеркиб ташлади:

— Яхшимас, йигитлар, отангиз тенги одам-а?

Муқаррам кампир дўйондан чиқаркан:

— Дунёнинг хисоб-китоби бор, — деди шангиллаб. — Кўрсатиб қўйди бу бемаъни одамга. Бизларни не қўйга солмаган бу ноинсоф!

Қодир раис кўрдики, расво бўладиган, ўзини четга олди-да, дўйон ёнидаги йўлдан уйга томон шошилди. Шармандаси чиқди. Расво бўлди. Эҳ, хом сут эмган банда! Сўраб нима қилардинг? Бир пайтлар дўйондорнинг отасини бир парча қоғоз учун олти ой югуртирганими?! Ўша заҳоти кўл қўйиб берса бўларди, аммо, нодон банда, ундан бир нима кутди, бекордан-бекорга томорқа олиб кетаверадими, атаганини берсин-да, деди ва шу йигитнинг отасини, Қайтмас чўлок — ногирон бир одамни роса қўйнади.

Қилма — толарсан! Отган тошлари ўзига қайтаяпти. Қариликниам ўйлаш керак эди, Қодирбой!

У судралиб келарди. Уйга киришга юраги бетламайди, кампири бобиллайди, еру кўкнинг зорини қиласди. «Сиз ҳам одамми», дейди, «Ландавур, латтасиз», дейди. Бу замоннинг кампирлари... биз эркаклар айбормиз, ўзимиз сабабчимиз уларнинг шу қўйга тушишларига! Улардаги ифратни, латофатни тортиб олдик, йўқ қилдик, натижада, энди улар бизни қўйнашмоқда.

Муюлишда кампири қўшни аёл билан сухбатлашиб турарди. Қодир раис саломлашиб ўтди.

— Мазалари йўқми? — сўради қўшни аёл. — Бобо ўзларини анча олдириб қўйганга ўхшайдилар.

Кампири ҳали бу таънани дастак қилмасайди: гавдангизни кўтариб юрсангиз бўлмайдими?! Сизни деб изза бўлдим, демасмикин?

У уйга кириб сандалига оёқ тикиди: хайрият чўф солибди, иссиққина! Ёстиқни олиб, ўнг ёнга чўзилди, боши айланиб кўзи тиниб борарди.

— Хов, Азамат! Хой, сизга нима бўлди? Касал-пасалмисиз?
 Кодир раис чўчиб бош кўтарди. Ҳозир жаврайди: совун қани, гуруч қани, бало қани?
 Аъзои-бадани қакшаб, юраги саниб турган бўлса-да, Кодир раис ночор ҳолатини дастурхон килишни истамай, совуқкина деди:

— Шунчаки кўзим илинибди, онаси!
 — Дўконда совун бор эканми?
 Кодир раис қалтиради.
 — Боракан, онаси, қарзга сўровдим, бермади.
 Кампири рўмоли учидаги тугунни еча бошлади.
 — Ўзимга айтмайсизми? Уч-тўрт сўм пулим бор!
 Кодир раис сандалдан чиқиб, ўрнидан туришга чоғланди.
 — Бўлмаса, бориб кела қолай.
 — Қўйинг, Азамат, кўчага чиқиб бирор бола-молани топиб юборарман. Аччиқ чой ичиб, бирпас дам-пам олинг, мазангиз бўлмабди, юзингиз кул сепгандай.

Кодир раис ўзича суюнди. Ким жағ-жағ кампири қалбига яхшилик уругини сочдийкин?!

Кодир раис битта-битта қадам босиб, зўрга юриб кетаётган кампирининг ортидан қараб қоларкан, яхши муомала қилса бўларкан-у, дея хаёлидан ўтказди. Қанийди, танасидаги оғриқдан тезда кутилиб, баҳтли, тахтли чоллар каби кўча-кўйни тўлдириб юрсайди. Текин дўкондор, пиёниста нима деб ҳақорат қилди? Хотинларни иштонни ичиди юрган одамдан инсоф ҳақида эшитиш... Ҳах, ярамас-ей, юзинг-кўзинг демай шарманда қилди-я! Бетовфиқ экан. Расво экан. Қелиб-келиб шу алкашдан, шу сассиқдан қарз сўрайдими? Кампирида бор экан-ку қўргур пул дегани! Сўраса бўлмасмиди?! Эҳ, Кодирвой, нуқул хатога йўл қўйиб, ўзингизни-ўзингиз шармандаю шармисор қилиб юрасиз-а! Етар энди шунча гап-сўзлар!

— Кодирвой-й! Хо, Кодирвой!

Мош тентакнинг овози.

Кодир раис шошиб ташқари чиқди.

VII

Мош тентак бобонинг катта ўғли Ўқтамбек, узун бўйли, ияги каттароқ, чукур кўз йигит, уч йил бўлди, қандолат корхонаси очган, бутун туманни қанд-курс, новвот билан таъминлайди.

Кодир раиснинг унга ҳаваси келади. Ўғилларидан бири шу йигитга ўхшаганда, бунчалик армон қилмасди. Мош тентак — ўз номи билан тентак, болаларини тўйдириб, едириб-ичиргани ўйк ёки ҳар куни қозон қайнатган эмас, лекин фарзандлари бугун одамларнинг оғирини енгил қилиб, дуо олиб, обрў-эътибор топиб юришибди. «Қаркуноқдан булбул чиқибди». Ҳалқ — доно. Ҳалқ билиб сўзлайди.

Ўқтамбек кизил дастурхонга ўралган тугунни ичкари олиб кирди, чоғроққина хужра хушбўй зирао ошнинг ҳидига тўлди.

Мош тентак бобо ўғлини дуо қилди:

— Умринг узун бўлсин, болам, ошни ман заказ қилгандай пиширган кўринасан. Бай-бай-бай. Ҳидини қаранг, ҳидини!

Ўқтамбек ташқари чиқиб, офтоба, дашнов олиб кирди. Даствлаб, Бозор имомнинг одига борди-да: «Қани, бува, марҳамат!» — деди паст товушда.

Бозор имом эгнидаги оқ желакнинг енгларини ҳафсала билан қайирди, оёкларини орқароқ олиб эгилди-да:

— Бисмиллоҳир... Қўйинг, ўғлим, — деди жилмайиб, — умрингиздан барака топинг, болам. Кам бўлманг. Топганларингиз яхши кунларга буюрсин, — қўлини ювиб бўлгач, яна дуо қилди: — Отангизга раҳмат, болам, тупроқ олсангиз, олтин бўлсин!

Ўқтамбек қўлга сув куйиш қоидаларини тўла ўзлаштирган кўринади: ўнг қўли офтона дастасида, чап қўли билан жўмрак остидан тутган, сувни шариллатмасдан секин куяди, атрофга сачратмайди. Сачратса макруб бўлишини яхши билади. Қўлни уч марта ювдиригач, елкасидаги сочиқни тутади. Сочиқ оппок, топ-тоза.

Кодир раис қўлини ювиб бўлгач, ўзига тегишини сезса-да, тили учидагини айтди-кўйди:

— Ҳар кимнинг ўғли сизга ўхшасин!

Иккى катта сирли товоққа ош солиб, ўртага қўйдилар. Гўштни Бозор имом тўғраб, иликли сұякни Кодир раиснинг олдига қўйди.

— Буниси сизга! Қани, марҳамат!

Кодир раис унинг раъини қайтармади. Қайтарганида маъно йўқ, иззат қиляпти, шунисига шукур!

У не-не давраларни кўрмади. Ман-ман дёғанлар билан еб-ичиб кетаверарди. Шароб чинни косаларда истеъмол килинار, ҳурилиқолару ҳофизлар хизматида шай туришарди. Бир имоси, бир ишорасига муҳтож эди улар...

Қодир раис ошдан бир чимдим олиб оғзига солди, лекин ютолмади. Гүё томогига сук ятилиб қолгандек эди. Боягина иштахаси карнай бўлиб турувди. Энди бу нимаси?

VIII

— Ош жуда зўр бўлти, мазза қип едик, — Бозор имом оппоқ сочиққа кўлини артаркан, Мош тентак бобога қараб деди: — Отангизга раҳмат, тақсир, ўғлингизнинг диди баланд экан!

Мош тентак бобо:

— Ош бўлсин, ош бўлсин! — деди жилмайиб. У беҳад хурсандлиги юз-кўзидан билиниб турарди.

Бехосдан мачит деразасига тош тегиб, чил-чил синди.

Бозор имом чўйиб сўради:

— Нима гап? Нима бўлди?

Мош тентак бобо ташқари қаради:

— Болалар бўлса керак!

Яна тош отилди: деразанинг иккинчи кўзи ҳам чил-чил синди.

Бозор имом:

— Қаранглар, ким экан у? — деди ўрнидан тураркан.

Ҳамма ташқари чиқди.

Текин дўкондор мачит дарвазаси олдида тебраниб турар, жигар тусли костюмининг ўнг ёнига лой теккан, қизил бўйинбоги қийшайган, оқ кўйлагининг ёқаси ичига қатланниб қолганди.

Мош тентак бобо уни тергаган бўлиб деди:

— Ўйингга кета қолгин. Эртага гаплашамиз.

Текин дўкондор оғиздан кўпик сачратиб сўкинди:

— Сан манга... манга начайник эмассан, тентак Мош!

Бозор имомнинг жаҳли чиқди:

— Уялмайсанми азиз даргоҳнинг деразасини синдиргани?

Текин дўкондор довдирай-довдирай уларга яқин келди:

— Сан... сан сассиқ чоллар, нега мани фийбат қиласан-ла?! Мачитда ўтириб... ҳикъиқ... фийбат қилишга уял... уялмайсанларми?! Ундан... ундан кўра, кампирларингни овутиб... овутиб ўтирайла бўлмайдими?!

Бозор имом:

— Ҳай, ҳай, тақсир, ким сизни фийбат қипти? — деди аччикланиб. — Бу ерда фийбатчи йўқ!

— Ўзингни гўлликка солма, имом! — ўдағайлари Текин дўкондор. — Сени яхши биламан, сен ҳам бойвачалар минан иш кўрасан. Куф-суфга айтишса, биринчи бўлиб чопасан.

Қодир раис, сабри чидамай, ўттага тушди:

— Ҳов, ука, иззатингни бил, бобонг тенги одамларни ҳақорат қилиш — гуноҳ!

Текин дўкондор ердан лой олиб унга отди.

— Хотинбоз, ўргилдим сендақа намозхондан. Биринчи бўлиб, сени қуритиш керак бу ердан!

Икки йигит Текин дўкондорнинг қўлтиғидан олиб, кўчага судрашди. Қодир раис енгил тортиди. У ёқамдан олади, дея чўчиган эди. Бу дунёда яхши-ёмонни тушунадигандар бўлмаса, нима қилардик? Шуларнинг борига шукр!

Текин дўкондор йигитларнинг қўлидан чиқишига уринди.

— Тўхта, ушлама мени! Кўйвор! Ман... ман бу ювиқсиз намозхонларга кўрсатиб қўяман. Мачит-пачити билан йўқотиш керак. Кейин... кейин гийбат қилишмайди.

Бозор имом ичкари кирди, қолганлар ҳам унга эргашди.

Узоқдан Текин дўкондорнинг бақиргани ҳамон эшитилиб турарди.

Бозор имом:

— Оллоҳ таоло гуноҳларимизни кечирсин, — деди оппоқ соқолини силаб. — Текин дўкондор бизни беҳудага ҳақорат қилмади. Кимдир уни фийбат қилган. Мачит — фаришталар макони. Жинтай ёмонлик уларнинг қаҳрими келтиради.

Яқин-орада Бозор имомни ҳеч ким бунчалик ҳақорат қилмаганди. Оппоқ ўсиқ қошлиари пир-пир учуб турар, юпқа лаблари чўччайган эди. Аввал ўнг томонидагиларга, сўнг чап ёнидагиларга назар соларкан, «оғоҳ бўлинг» мазмунида деди:

— Кўнглингиз мендан ранжимасин, тақсирлар, кимда-ким фийбат истаса, бу ерга қадам ранжида қилмасин, камолат сари кетяпмиз, Ҳаққа етмокчимиз, бу йўлда гуноҳга йўл бермайлик. Ақли-хушимиздан айрилиб, одамларга кулги бўлишдан Худонинг ўзи асрасин!

Қодир раис унинг кўнглини кўтариш учун деди:

— Эртага мен худойи қилсан, йўқ демасангиз!

Бозор имом «маъқул» дегандек бош иргади.

— Кўнглингизда яхшилик юз очаётган бўлса, унга қарши бориб бўлмайди, тақсир!

— Намунча ташвиш-пашвишга тушиб қолдингиз? Бунчалик жонсараксиз, чол? — сўради кампири унинг олдидаги қофозга, ундаги рақамларга кўз югуртиаркан.

— Мачитга ош қилиб бермоқчиман, онаси, — жавоб берди Қодир раис. — Ҳисобкитоб қилсан, яхшигина бозорчилик зарур экан. Кўй думбасидан керакми? Керак! Нўхатчи? У ҳам керак. Зиравор ҳам зарур. Хулоса шуки, масаллиқ етарли бўлса, қулинг ўргилсан ош бўлади.

Кампири тўнғиллади:

— Пенсияга чиқиб, тиниб-пиниб қолармидингиз, деб ўйловдим!

Қодир раис заҳрини ичига ютди: қариганда ҳам зиқналиги йўқолмади! Букрини гўр тузатади, дейдилар, бу мижғов кампир ҳам гўрда тузаладиганга ўхшайди. Илгари бир оғиз тўнғилласа, терисини шилиб оларди, энди навбат унга келганга ўхшайди: кўзига кўрсатялти. Ҳозир оғриниш ўрнига маслаҳат берса бўлмасми?

— Кампир, кўпимиз кетиб, озимиз қолди, — узокдан гап бошлади Қодир раис, — бугун бормиз, эртага йўқ. Нафас пух чиқиб кетса, чўбир от тайёр, обориб тикишади.

— Эзмаланманг кўп! Нафасингиз курсин!

Қодир раис кампирининг бу зарбасига ҳам чап бериб, уни четлаб ўтишга ҳаракат килди.

— Сан мани тушун, кампир, оғир дард танамни кундан-кунга кемириб боряпти. Қаердан ёпишди бу бало, ҳайронман. Ҳабаринг бор, дўхтирга учрадим, дори ичдим, фойдаси бўлмади, дардим баттар зўрайди. Чоллар даврасига қўшилдим, ҳар қалай, ўзимни ўзим овунтирияпман. Қолаверса, кампир, чолларга қўшилмасам, моховга ўхшаб ҳаммадан ажралиб қоламан.

— Ман ош қиласман, мosh қиласман, дейсиз, пулни қаердан топасиз. Озроқ ҳаражат-маражат керакми?

Қодир раиснинг кулгиси қистади. У ҳам ҳазил аралаш деди:

— Ҳаражат-маражат чол-полингизнинг елка-пелкасида!

Кампири бу гал:

— Киноянгиздан айланай, гап-маптиям қотирасиз, — деди кулиб.

Қодир раис чарчаб келиб аччиқ чой ичгандек хузур қилди.

— Гап-лапти биз қайтармасак, ким қайтаради?

— Яна эзмалик қиласиз-а, чол! Ман боғдан келсам, сиз тоғдан келасиз!

Қодир раис яна ҳазиллаши:

— Ман тоғдан келганман-да, кампир!

— Хай, хай, кўпам эзма-пезма бўлаверманг! Ошингизни пулидан гапиринг!

Қодир раис кампирининг олдидаги паст кетишини ўзига ор билиб деди:

— Бундан сан ғам ема, кампир! Чолингни ўзи ҳазина эмасми?

X

Оқшом борлиққа ним қора рўмолини ёпмоқда: ғадир-будир ўркачли Ҳисор тоғлари шудгорланган кенг далаларга, жажжи қўлчаларини осмонга узатиб турган яланғоч даражатларга мунфайиб қарайди. Ҳуфтон ёки шом рангларини тоғлар ҳам хушламайди, қорли тепалари доимо офтоб нурида олтиндек жилоланиб туришини ёқтиришади улар ҳам!

Қодир раиснинг назарида бугун қуёш марра сари тез югурди. Намозшомга яқин қолди. Эй, Ҳудойим-еъ, энди етсин мақсадига — ошни вақтида етказиб бормаса, шарманда бўлади.

Бир корсон ош. Оғир. Ҳовли дарвозасидан чиққунча Қодир раиснинг нафаси бўғзиға тикилди. Кучдан қолибди. Қани у кудрат? Қани у куч-куват?

Дарвоза олдидаги тахта ўринидекка корсонни кўйиб, енг учи билан пешонасидаги терни артди. Мачитгача анча масофа бор ҳали. Корсонни кўтариб боргунча она сути оғзига келади. Ҳазил эмас бу иш. Энди нима қилди-я?

Қодир раис кун бўйи елиб-югуриб туз татигани йўқ, қорни нофора чалаялти. Зигир ёғ димогини қитиқлайди. Ўрни бўлганда, корсонни очиб, бир ошам оғзига ташлаб олган бўлар эди. Иложи йўқ-да, бу ер кўча, битта-яримта кўрса, уят қилади. Ҳалиям акли кирмабди бу чолнинг демайдими?

Қодир раис катта кўча томонгандаради. Кўча тепадан пастлаб юқори кетган: уйдум-чукур асфальт, ўнг томондан ариқ оқади, ариқ бўйлаб симёғоч ўрнатилган, ора-оралаб чироқ осиб чиқилган. Лекин зоғ ҳам кўринмайди. Зўр келганда, лаббай ҳам топилмайди-я!

Ош, зигир ёғ ҳиди яна димогини қитиқлади: сўлаги оқди, тамшаниб ютинди. У ошни пахта ёғида тайёрламоқчи эди, кампирни уришиб берди. «Уят, — деди зориллаб, — уят, кимсан фалончи хасислик қилибди, деса яхшими? Бундай ўйланг-да».

Қодир раис ўйлаб кўрса, кампирининг жаврашида жон бор! Шу гап баҳона бўлди-ю, беш литрлик каталокни олиб районга тушди. Жалол ошнаси уйида экан, унинг обжуви бор, зигирёф тайёрлайди, алдамайди, ишончли одам; ҳозирги кунда зигирёф деб

олифни содатиган қаллоблар борки, уларнинг қилмишларини эшитиб ёқа ушлайсан киши. Кўшни қишлоқдан бирори зигирёғ ўрнига олифни ишлатиб куйиб қолди. Олифни қозонга соглан заҳоти пух этиб алланга олган ва чолнинг соқолига ёпишган. Бетов-фіклар, Худодан кўркишмайдиям!..

Қодир раис мачитдан хуноб бўлиб қайтди. Уйга кирган заҳоти кампири ахволини сезиб, хавотир аралаш сўради:

— Яна нима бўлди, дадаси?

Қодир раиснинг соқоли, киприклари, ҳатто қошлари йиғлади.

— Шарманда бўлдим, кампир, шарманда!

— Ошдан тош-пош чиқдими?

Қодир раис кампирининг оғзидағини юлиб олди:

— Тош чиқса майлига эди. Лекин...

— Нима лекин?

— Эшиқдан киравериша, ош тўла корсон қўлимдан учуб кетса бўладими?

Кампири қурушган лабини тишлади.

— Ошни...

— Ошни ейишолмади. Лой билан битта бўлди.

Қодир раис сандалга оёғини тиқди. Унинг юраги увушиб турар, кўл-оёклари қалтираётган эди. Бу яхшилик аломати эмас. Уни аллақандай ҳадик кўркувга солди. Бунча азоб, бунча уқубат! Кўтара олмаса-я!

— Чой-пой ичасизми?

— Шу пайтда томокдан чой-пой ўтармиди? — Қодир раис ич-ичидан эзилди. — Бу азоблар охири гўрга тиқмасайди.

XI

Эрталаб. Қор ёқкан. Ташқари совук.

Кампири сандалга чўг солди. Қодир раис йўталди. Ўпкаси ғижирлади. Бир неча кунки, у ётиб қолди. Афтидан, уша куни бўлган ноҳушликни кўтаролмади. Устига устак, мачитда кимдир: «Фалончининг луқмаси ҳаром экан, ёқмади», дебди. Бу таъна унга оғир ботди, юрагини сел қилиб юборди, жон берадигандек тўлғонди, уша кечаси, тикан устида ётгандек, безовтланиб чиқди. Боши игна санчилгандек азоб берди. Ошқозони, жигари оғриди. Энг ёмони «шарманда бўлдим, шарманда бўлдим», деб ўзини-ўзи қийнади. Тонгга яқин кўзи илиниб, туш кўрди. Катта олчипор илон бўйнидан бўға бошлади. «Тамом, тамом! — ўйлади кўркувга тушиб. — Энди ўламан! Ажалим шундан экан!» У жон аччиғида бўйнидаги илонни итқитиб ташлашга ҳаракат қилди, аммо кучи етмади.

— Хай! Хай! Хай, дадаси!

Кампирининг овози эшитилди.

Қодир раис алаҳсираб кўз очди. Кампири бошида турар, ранги девордай оқарган эди.

— Одам ҳам шунақа бўладими? Ўтакамни ёрдингиз. Қилингиз курсин!

Қодир раис оғир нафас олди, ўпкаси ғижирлади, кўзлари косасидан чиққудек олайди, юзи бўғриқди.

— Бундан кўра ўлиб кетсам бўлмайдими?

— Унақа бемаза ният-пият қилманг, чол, ҳали кўрмагандай бўп кетасиз.

— Ахволим оғир, онаси! Омад мендан юз ўигрганга ўхшайди. Анча вақтки, танамни номаълум дард эзиб келади. Шу кунлардаги азоблар ҳиқилдогимга келди. Бозор имомни чакиртири, ёсин тушириб кўйсин.

Кампири бу сафар уни жеркиб ташлади:

— Совук нафасингиз курсин, илойим.

Қодир раис бошини сараклади.

— Хех, нодон кампир! Бир умр мени тушунмадинг. Лоақал боқий дунёга кетишимдан олдин бир оғиз ширин сўзингни аямасанг-чи!

Дарвоза гийқиллаб очилди.

— Қодирвой! Хо-о, Қодирвой!

Мош тентак бобонинг овозини эшитган кампири деди:

— Шу тентак-пентак бўлсаям, сиздан зўр! Қаранг, эрталабдан уйма-уй изғиб юрибди...

XII

— Касаллик ҳам меҳмон, Қодирвой, — деди Мош тентак бобо уни юпатиш ниятида. — Худо денг, ўзи шифо беради. Кечаги воқеадан хапа бўлманг. Бозор имом айтдиларки, ошнинг ерга сочилгани катта ризқ-баракадан нишона эмиш. Айникса, гурунчнинг мачит ҳовлисига сочилиши яхшилик аломати эмиш.

Қодир раис янга ўша галини такрорлади:

— Бозорвой келиб ёсин-посин тушириб кетсин! Бир бало бўлса...

Мош тентак бобонинг пучук бурни керилди:

— Қанақа одамсиз, Қодирвой, ҳеч киши ҳам ўзига ўлим тилайдими?
Куюқ яшилга бўялган дераза табақалари тараклаб ёпилди, ташқаридан кучли шамол турғанди.

Кампири, кўрс эмасми, бирдан шангиллади:

— Мияси айниб қолган бу чоннинг! Шундок қор-бўронли кунда ўлишни хоҳлаб қоптилар. Тавба!

Кодир раис ингради:

— Бедаво азобдан кўра, дунё асалга тўлган бўлсаям, ўлган маъқул!

Мош тентак бобо қўлинин пахса қилиб деди:

— Битта ошни деб шунақа кулгили ахволга тушиш уят эмасми?

Кампири яна шангиллади:

— Бу киши уят-путнни биладими?

— Агар шу нарса жуда зарур десангиз, Бозор имомни етаклаб келганим бўлсин, — деди Мош тентак бобо кескин оҳангда.

Кодир раис эзилиб деди:

— Хе-е, мияси айнинг кампир, ман ўлай дейман-у, сен...

Мош тентак бобо:

— Икки кари бир-бирини шундай bemaza гаплар билан савалаб турса, уят эмасми? — деди уларни изза қилмоқчи бўлиб.

Кодир раис оғринди,

— Мен ўлай деяпман-у, сизлар гўдаклардек устимдан куляпсизлар!

Кечга бориб қор гупиллаб ёға бошлади. Кодир раиснинг ахволи ҳийла оғирлашди: ўзининг ҳам, кампирининг ҳам бир ташвишига ўн ташвиши қўшилди.

Мош тентак бобо сўзининг устидан чиқди. Бозор имомни олиб келиб, ёсин туширитди. Бу томондан Кодир раиснинг кўнгли хотиржам тортди.

— Санжарни чакирдингми? Каерларда юрибди? — сўради у хавотирланиб.

Кампирнинг жаги очилди:

— Булар бола бўлмади, бало бўлди. Эрталаб айтиб юборувдим, ҳалигача дараги йўк!

— Келса айт, Азаматга хабар берсин. Содикга ҳам хабар юборинглар. Балки жавоб беришар!

— Ўша аристонга-я! Жавоб-павоб беришмайди. Илҳақ-милҳақ бўлиб ўтирган!

— Охириг кунларимда фарзандларим бошимда бўмаса-я, бу нима кўргилик?! Бу нима азоб-а?!

Кодир раис кўзини чирт юмди. Ёнокларидан ёш думалади.

— Мени-ку кўмарсан, кампир, — Кодир раис ух тортди. — Аммо сенга ким соҳиблик қиласкин? Ҳеч бўлмаса, битта қиз топсанк бўларкан. Балки қизимиз сан билан манга меҳрибон чиқармиди?

— Унақа хомхәёлни миянгиздан чиқариб ташланг!

— Йў-ўк, кампир, энди беларво бўлолмаймиз. Энди бу ёғи оз қолди. Эл-юрт, маҳалла олдида шарманда бўлмайлик: пулни нима қиласми?

— Бироз йиққан-тиққаним бор. Олиб берган билакузугингизни сотсам-потсам дейман.

— Майли, кампир!

— Ким сотиб бераркин?

— Мош тентак бобонинг катта ўғли жуда ақлли йигит. Ўшанга ишонса бўлади.

Кампирни бу сафар инжилик қиласми.

— Майли, чол, сиз эркак кишиносиз, биласиз яхши-ёмонни! Тентак бобо келса, масла-ҳат солинг, билакузукни сотиб, пулини йиғиб-пиғиб қўйай!

XIII

Ташқаридан тап-тап оёқ товуши эшитилди.

— Кимдир келяпти, — деди кампирни ва ўрнидан туриб сандали устини тузатди.

— Қодирвой! — Мош тентак бобо овоз берди.

Кампирни эшикни очди:

— Келинг, кираверинг.

Остонада, Мош тентак бобо билан, бошига эски пахмоқ телпак, эгнига пахталари чиқиб турган фуфайка кийган Санжар сўрайиб турарди.

— Кирсанг-чи, — деди Мош тентак бобо уни туртиб. — Сут совиб қолди.

Кодир раис бошини кўтарди. Ўғлининг озғин, қорайган юзига, тиришган пешонасига бокаркан, юраги бир орзиқди.

— Ўғлим, — беихтиёр чиқиб кетди оғиздан, — қани, кел!

Санжар онаси билан сўрашди:

— Яхшимисиз, момошка?

Кодир раис ўғлининг совуқ қотган қўлидан тутаркан, уни ўзига тортиб, бағрига босди: солярка, солидор ҳиди димогига аллақандай хуш ёқди, ҳарқалай, ўғли ёнида, ҳеч бўлмаса қабрга қўяётганда бошида туради-ку!

Мош тентак бобо қўлидаги бир литрли банкани сандал устига қўйди.

— Иссиқ сут. Совумасдан қуйиб беринг!

Қодир раис соқолини силади.

— Раҳмат сизга! Мендан қайтмаса Худодан қайтсан.

— Дурустмисиз, Қодирвой? — сўради Мош тентак бобо.

Қодир раис қурушган лабларини тили билан ҳўллаб деди:

— Соат сайин мадор кетяпти.

Мош тентак бобо унга шифо тилади:

— Яратганинг ўзи мададкор бўлсин, Қодирвой!

— Айтганингиз келсин!

— Хай, ман мачитга борай, Қодирвой, қайтишда кираман. Хизмат-пизмат бўлса тортигинанг.

Қодир раис кампирига қаради: «Айттайми?»

XIV

— Кампир?

— Нима дейсиз?

— Оғзим тахир бўляпти. Олма ё анор йўқми?

— Анор-панор ҳам, олма-полма ҳам йўқ!

Қодир раис юзини девор томон ўгири. Бемор кўнгли ҳар нарсага сув кетади. Мева-чева егиси келади кўпроқ, Эрталаб узумга кўнгли кетган эди. Энди бўлса анор-олмага интиқ: Э, Худойим-е, не кунларга қолди-я?! Бирорни касал дейишса, бутун маҳалла, қишлоқ хабар олиб турарди. Неча кунки, кўрпа-тўшак қилиб ётиби, на қариндош-уруг, на ёр-дўстдан хабар бор. Мош тентак бобо қайтишда кираман деган эди, нима бўлдийикин?! Ё уни ҳам йўлдан урдиларми?!

— Мош бобо келмадими?

Кампир энсаси қотиб сайдоради:

— Юргандир-да қайларда Бозор имомнинг думи бўлиб! Сиз билан нима иши бор.

Вақтида сариқ чакалик ёрдамингиз теккан бўлмаса!

Қодир раис соқолини силади.

— Келаман деган эди, ўшанга сўрайаман.

— Кў-ўп жаврамай жим ётинг. Бош-шимни оғритманг, ўзим ҳам гавдамни зўрға кўтариб юрибман.

Кампирининг шарттакилиги, олди-орқасига қарамай жавраши Қодир раисни ўсал қилди. Касал ётиби, кўнгли яримта, деб ўйламайдиям! Ҳеч бўлмаса кўнглини ўкситмаса садағаси кетадими?! Тушунган кампир бўлганида, бир дона олма, анор топиб келарди. Кўни-кўшни, қариндош-уруги йўқми?!

Қодир раис кўрпани бошига буркади. «Шу кунимдан кўра ўлганим яхши». Қаердан-дир бир садо келди: «Ўзингга ўлим эмас, соғлик тила».

Қодир раис титраётган кўллари билан қулоқларини беркитди. Ҳеч қандай гапни эшлишига тоқати йўқ. Дод, бу дунёдан!

Кампир зинқиллаб сўради:

— Чой ичасизми?

Қодир раис бехол ғўнфиллади:

— Йў-ў-ў-

Зарб билан эшик очилди.

Қодир раис кўрпадан бошини чиқарди. Мош тентак бобоми? Йў-ў-ў, Санжар экан!

— Она, топдим. Хўп дейишиди.

Қодир раис ўғлига қарамади. Кеча она-бала ташқарида анчагина гивир-ғивир қилишганди. Нималарнидир маслаҳатлашдилар. Унга оғиз очишмади. У ҳам ота, у ҳам одамку!

Қодир раис кўл силтади... «Э-э-э!»

Эшик тарақлаб очилди.

Қодир раис яна умид билан бошини кўтарди. Она-бала ташқарига чиқиб кетишаётганди. Қодир раис хўрсинди. Майли, билғанларини қилишсин! Мош тентак бобо келса, олма-анор келтириб беришини илтимос қиласи, унинг қўлидан ҳар бало келади, йўқ демайди. Унга бир гап бўлганга ўҳшайди, кимдир йўлдан урган шекилли. Кўнгли сезяпти. Ўшанда... очарчилик йиллари эди. Шу Мош тентак бобо укаси билан машоқ тергани чиққанди. Иккаласи ярим қопдан буғдойни кўтариб келаётганда, олдидан чиқди. Укаси кўрққанидан қопини ташлаб қочди. Мош тентак эса кўкрак кериб турарди. Қодир раис унинг башарасига қамчи солди. Мош тентак ўқ тегиб ярадор бўлган шердек ўкириб юборди.

Қодир раис туриб ўтири. Ўшанда бекорга номаъкулчиликка йўл қўйган, халқни, бечораҳол кишиларни бехудага қийнаган экан. Бугун тушуниб туриби. Маҳалла-кўй уни ажратиб ташлади, якка мохов бўлиб ётиби кўрпа-тўшакда! Кўнгли сезяпти, охироқибат бир фалокат юз беради.

— Ана, эшитдингизми? Ана! Билувдим-а! Айтишибдики, Мош тентакка айтишибдики, ахмок-пахмокмисан, ўша Қодирни орқасидан уйига борасан. У хотинбоз мохов-похов бўлиб ётавермайдими, дейишибди.

Қодир раиснинг аъзойи-бадани титради. Аччиқ гап кимга ҳам ёқади?

— Ха, ўл-е, совук! — бақирди қақшаб. — Ундан кўра ўлдириб кўя қол! Олмами, анор топиб ке десам, садонг чиқмади. Бу менга совғангми?

Кампири инқиллаб-синқиллаб ташқари чиқди.

Қодир раиснинг юраги қаттиқ санчди, боши айланди. «Шум кампир бошимга етмаса гўрга эди». Шу лаҳзада кўнгли ширин чой қўмсади. Эҳ, ўша йиллар, раислигида бир оғиз бўйргуга мунтазир бўлиб турганлар қанча эди, ширин чой нима, анқонинг уруғини деса ҳам топиб келишарди.

Қодир раис хавотир аралаш эшикка қаради.

Кампири қаёққа кетди, шу ҳолда ўлиб қолса, нима бўлади? Эл нима дейди? Ишқилиб, сабр берсинг! Ўғиллари келиссин! Уларга насиҳат қилсин. Болаларим, элдан қолмангалар, элдан ажралиб, менинг ахволимга тушмангалар. Эл-юртдан айрилишдан оғироқ ташвиш, оғирроқ ғам йўқ, дея уларга панд-насиҳат қилсин, тўғри йўлга бошласин. Бу елкасидаги ҳам қарз, ҳам фарз!

У яна эшикка қаради. Девкампир қаёққа кетди? Бир қарасанг, ҳалимдек юмшоқ, бир қарасанг ундан заҳар аёл йўк! Ишқилиб, қаттиқ гапирмадими?

Қодир раис оёкларидан жон кетаётганини сезиб, яна безовталауди, умри хунук нимоя топмасмикин! Э, Худо, ўзинг сақла бу ташвишдан!

— Чол? Чол? Ҳай, кўзингизни очинг! — Кампирининг хириллаган овози элас-элас қулоғига чалинди. — Тинчликми? Одамни юрагини ёриб юбордингиз-а! Қилиғингиз курсин!

Қодир раис инқиллади.

— Ман ўлай дейман-у, сан қарғадай қағиллайсан!

Кампири унинг зардасига эътибор бермади.

— Олма, анор олиб келдим. Туринг, чол.

Қодир раис ҳайратланди.

— Гулдек очиляпсан, кампир.

— Ҳазилек-пазилниям биласиз-а, чол.

— Олмадан арчи. Оғзим тахир бўлиб кетди.

Кампири унинг орқасига иккита ёстиқ кўйди.

— Қаерингиз оғрияпти, чол?

— Оғриган жойимнинг тайини йўқ, кампир. Боя юрагим санчиди, бошим айланди, энди бутун баданим қизияпти. Болаларни чақириш керак. Кўзим очиқлигида уларга айтадиган гапларим бор. Мабодо, бу дунёдан кетсам, уларга айт, маҳаллага келиб қўшилсин. Яна айтки, мен кеч тушундим. Ҳаммасини айт. Неча кунки касалман, аммо хеч ким хабар олмаяпти. Тушуниб турибман, кампир, эл олдида гуноҳларим кўп. Чолларга қўшилиб, гуноҳимни юваман, деб ўйлагандим. Оллоҳга ҳам, одамларга ҳам бу нияти ёқмади. Қаерга бормай, пешонам деворга тақ урилаяпти. Мачитга қатнаб, салдардимни унугтаётгандим, буни ҳам кўп кўрди Худо!

Кампири олма узатди.

— Манг, енг, иштаҳангиз очилади.

Қодир раис муштдек олмани бир-икки тишлади-да, қайтарди.

— Ўтмаяпти, кампир.

— Есангиз-чи!

— Йўқ, кампир, кўнглимни бехузур қилди.

Кимдир йўтади.

— Бирор келяпти, — деди Қодир раис ташқарига нигоҳ ташлаб.

«Оиладан омад кетса, қайтиб келиши қийин. Ҳар кимни, ҳар оиласани бундан Худо арасасин!» Қодир раис эшикка илҳақ бўқди. Азаматни ҳам, Санжарни ҳам соғинди, жуда соғинди. Қўриб қолса, армони йўқ эди.

Эркак кишининг овози эшитилди. Кампир:

— Вой, ўлмасам, вой ўлмасам! — дея йиғлаб товуш чиқарди.

Қодир раис сергакланди: «Яна нима бўлдийкин?!

Дарвоза гийкиллаб ёпилди.

Бир оздан сўнг бир нима гурс қулади, қарға қағиллади. Қодир раис бор кучини жамлаб оёққа турди. Хабар олай-чи, нима гап?!

Қодир раиснинг ўйлагани рост чиқди. Оиладан омад кетса, қайтиб келиши қийин. Фалокат устига фалокат рўй беряпти, бугун учинчи кун, кампири ётибди, ҳали ўрнидан қўзғалгани йўқ.

Қодир раис уҳ тортди.

— Шу азоб ҳам бормиди-я, кампир!?

Ўша куни ташқари чиқса, кампири айвонда чўзилиб ётиди. Ҳай, Қодирвой! Ҳай, баҳти қаро одам-а! Унинг юраги чиқиб кетди. Нима бўлди? Келган ким? Нега бирдан кампири йиқилиб қолди? Кампирини бир амаллаб уйга олиб кирди. Судраб, худди ўлиқдек! Олиб киргунча, терлаб пишди, жони ҳиқилдогига тикилди. Юзига совуқ сув сепгач, кампир ўзига келиб, қўзини очди. Қодир раис хавотирланиб сўради:

— Нима бўлди, кампир? Ўтаками ёрдинг-ку!

— Санжар, Санжар! — деди кампир гўлдираб. — Билакузук, пулни олиб... олиб кетувди. Сотиб-поти...

Қодир раис тушундикси, ўша куни она-бала гапни бир жойга қўйган: ўлиқликка йиғиб қўйган пулени ҳам, билакузукни ҳам Санжарга берган. Ҳамма бало Санжарда! У онасини авраган, алдаган, кўндириган-да, пулни олган. Маълум бўлдикси, уйини мелиса босиби: ҳамма ёқни тинтиб чиқишибди. Келини йиғлаб айтиб берди. Санжар вокзалда қора дори билан кўлга тушибди. Московга жўнаб турган экан. Ўша куни уйга келган участковой экан; кампирга воқеани айтгану кетган. Ҳам ўлиқлигидан айрилган, ҳам хунук воқеани эшитган кампир тўсатдан келган зарбани кўтаролмай таппа йиқилган.

Наргиза овқат олиб кирди.

— Бува, бу сизга! — чинин косани узатди у. Уйнирайхон ҳиди тутди. Қодир раис хушбўй, қайноқ шовладан бир-икки қошиқ татиб кўрди.

Наргиза пиёлада зардоли шарбати олиб кирди.

— Бува, холам ичмасмиканлар?

Қодир раис қўлидаги косани сандал устига қўйди-да, кампир ёнига бориб, унинг бошини кўтарди.

— Онаси, бир хўплагин.

Кампир беҳол инқиллади.

Қодир раис зўрга бўлса-да, шарбатдан кампирига бир-икки қошиқ ичирди. Лекин, орадан бир дакиқа ўтар-ўтмас, кампир қайт қилди. Наргиза қўлидаги оқ рўмоли билан қайнонасининг оғзини артди.

Қодир раис лўк-лўк оғриётган бошини ушлади.

— Не кунларга қолдим-а, қизим. Ишқилиб қайнонангга бир гап бўлмасин. Санжар юрагимга дод солиб кетди.

— Ҳасан носфурушнинг ўғли йўлдан урди уни, — деди Наргиза. — Уйга келавериб қўймади. Олтмиш минг топгин, йўл пули бўлади, қорадорини Московга сотиб келамиз, уч-тўрт миллион ишлаймиз, депти.

Қодир раис бошини чанглалди:

— Воҳ, хом болам-а! Воҳ, тентак болам-а!

XVII

Тизза бўйи қор тушди. Бу яқин-орада чол-кампир бундан қалин қор кўрмаган эди. Кампир оғир уҳ торти.

Қодир раис пиёлада турган пахтани олиб, унинг оғзига сув томизди.

— Онаси, кўзингни очсанг-чи, кўрқитиб юбординг одамни.

Кампир лабларини ялади, бир нималар деб пичирлади.

— Эшитмаялман, онаси, қаттикроқ айт! Ҳаҳ, қариллик курсин-а!

Қодир раис ташқарига қаради. Дераза ойнасидан осмоннинг бир парчаси кўриниб тура, ҳаво очилиб кетган, юлдузлар чараклайди, демак, қаттиқ совуқ бўлади, ишқилиб шундай кунда...

Кампир яна лабларини қўмтиди.

Қодир раис унинг оғзига яна сув томизаркан, аъзойи бадани қалтираётганидан хуноби ошди, йиғлагудай бўлиб деди:

— Ҳаҳ, ғофил банда-я, кўр қўзларинг энди очилди. Одамларни қийнаган, бирорвага яхшилик қилмаган гуноҳи кўп бандага қариллик роҳат-фарогати насиб этмас экан. Буни кеч тушундинг, Қодир, кеч!

Эшик очилди, Қодир раис бошини кўтарди. Олдинда Бозор имом, орқада Мош тентак боб кўринди. Улар ортидан келини Наргиза сариқ идишда бир нима кўтариб келарди. Эсли аёл, овқат бўлса керак, буғи чиқиб турибди.

Қодир раис ютинди. Кечадан бўён туз тотигани йўқ. Худо етказди: мадад келди. «У дунёю, бу дунё қасамки, шу балолардан ўтиб олсан, хеш товариму маҳаллам ахли оёғини ўпид хизмат қиласман!»

Ташқарида шамол изиллайди.

— Қишлоғини қилгани маъқул, — деди Бозор имом Мош тентак бобога қараб.— Бу эл-юртнинг ризқ-рўзи, дон-дуни, таксир.

— Тўғри айтасиз, имом бува, — Мош тентак бобо қўлидаги тугунни чап ёнидан ўнгига олди, — шу ризқ-рўз Қодирвойнинг ҳовлисига ҳам насиб бўлсин!

Бозор имом оппоқ соколини силади.

— Иншооллоҳ, таксир!



Ҳамид Норқул

ШУ ВАТАННИНГ ТОМИРИСАН

ХУРЛИК

Құлларини қовуштириб
тиклиады ҳурликка.
Томолмаган томчидайин
хайрон боқар борлиққа.

Әгарланған от сағрида
қотиб бўлди оққан тер.
Тангрим, энди бу ёғига
ўзинг улкан мадад бер.

Эркка елка тутган элни
ботирлари қўлмагай.
Бирлашмасанг, эй элдошим,
бириң икки бўлмагай.

Шу Ватаннинг томирисан,
үтмишинг бор аксингда.
Дараҳтлардай уйгоқ бўлсин
хурлик сенинг кўксингда.

ЎЗБЕКШОХ ҚИЗЛАРИ

Эртак эрмак эмас кимки тушунса,
Жавоб бор замоннинг сўроқларига.
Бу кўхна дунёни чархлаган кунлар
Суяниб яшайди чироқларига.

Қай эртак ўқиманг, шоҳнинг қизлари
Шартсиз теккан эмас куёвларига.
Қанчаси чидолмай осилиб қолган
Синовга боғланган аёвларига.

Сиз, асли ўзбекнинг шоҳ қизларисиз,
Қўл етмас юлдуздай нурланинг, порланг.
Бу юртнинг мард, жасасур йигитларини
Синовга чақиринг, майдонча чорланг.

Юз қадам наридан нишонга ол денг,
Кўзга кўринмаган юртфуруш кўзин.
Улуғ боболарнинг руҳин кўрсатиб
Сўранг, танирмикан шундан сўнг ўзин?!

Ким сизни деса гар Ватан сўзидан
Оловдек чарсилааб кўкарсин айтинг.
Элини таниса, кимлигин билса,
Кўзини кундадан кўтарсин айтинг.

Чиройи, касбию молу дунёси,
Ҳаммаси насибдур алқаса тақдир.
Белида белбоги маҳкам йигитга
Малика бўлмоққа арзийсиз, ахир!

Авлодлар келмоқда, ёшлар ўсмоқда,
Ёруғ кун иўлларга нурлар илади.
Мардларни аслида оналар туғиб,
Сиздек маликалар ботир қиласди.

МАНЗАРА

Мен кундузнинг ҳалол қизи —
шу қуёшини севаман.
Ерга тушган нурларини
китригимда юваман.

Кўзларимга яшираман,
қорачигим чўғдайин.
Ниятинига ўқ узганга
қайтиб борган ўқдайин.

Ҳар тонг гўё отилади
болам бўлиб бағримга,
Булут унга осилади
кумилганча қаҳримга.

Кечалари юлдузлардан
қўйдим унга қўриқчи.
Оидан унга ёқа кесди,
бидирмай тун — бичиқчи...

БУ ҚАДАҲНИНГ...

Бу қадаҳнинг заҳари бор,
Юрак, кўрқма, бўлгин таҳт.
Ўтиб олсанк бу кўприкдан
Нарёғида катта Бахт!

Бу қадаҳнинг шакари бор,
Юрак, шошмай ичавер.
Ўтиши шартмас кўприкдан ҳам,
Суви саёз... кечавер.

ЮЛДУЗЛАРИ...

Юлдузлари увол бўлди,
Кунлар эди қандайин?
Мендайини сен топмагин,
Мен топмайин сендайин!

Хотиралар - тифи ўткир,
Пічоқ тутган қиндайин.
Мендайини сен топмагин,
Мен топмайин сендайин.

Ўт ичиди қоврилади,
Муҳаббат бир жондайин.
Мендайини сен топмагин,
Мен топмайин сендайин.

Кўнгулга-ку тош отсанг ҳам
Кўтариликан тундайин.
Мендайини сен топмагин,
Мен топмайин сендайин.

Ҳижрон ўзи шеъру аммо
Сўзи ўлган ундаин,
Мендайини сен топмагин,
Мен топмайин сендайин...

МЎҶИЗА

Душман отган оғир сўз нақ
кўйкайимга осилди.
Юрагимнинг тубидаги
тош тагига босилди.'

Юрагимни дарё қилдим,
бу дарёдан йўл чиқди.
Мўжжизанинг ўзи дедим,
тошни ёриб гут чиқди...

* * *

Қирларга қарасам күзим қамашар,
Қаҳратонлар оппоқ чойшаб ёйсалар.
Билмам, бу аёзда ким қандай яшар,
Баҳорни қучоқлаб ухлар майсалар.



Сербүрон, гоҳ сокин ҳаёт наздида
Кунларим қартайиб бораёттибди.
Баҳорни қучоқлаб, қорлар остида
Дардимни ёзмоққа чора ётибди.

* * *

Севгини энг азиз түйгумдир, дедим,
Асл ишқ олдида мен ҳам ким эдим?!
Бир ўтли нигоҳнинг дародида деманг,
Кўп куйиб йиғладим севги ҳақида.

Оҳимга гул ёнди, япроқлар ёнди,
Кўксим ерга ботди — түпроқлар ёнди.
Қишиларга қасдма-қасд соқов музларга
Ўт қўйиб йиғладим севги ҳақида.

Ҳижрон ҷӯғарига дилимни кўмдим,
Бир бор кўрмоқ учун кўзимни юмдим,
Туннинг сийнасидан сукунат согиб,
Сўнг тўйиб йиғладим севги ҳақида.

Бир бор кўрмоқ учун кўзимни юмдим...

* * *

Синфдош қиз, тийра қош қиз,
Қаро кўз, зулфи қўнғироқ.
Энди қачон учрашамиз —
Жаранглар сўнгги қўнғироқ.

Бунча ҳам аччиқ шодлик бу,
Бўнчалар ширин айрилиқ.
Энди ҳаёт — тезоқар сув,
Боқмагай ортга қайрилиб.

Хайр мактаб — нурли маскан,
Сен биздан ҳам қолаяпсан.
Синфдош қиз, қўнғироқмас
Юрагимни чалаяпсан.

Бу жарангда синиб борар
Болаликнинг шодон саси.
Елкамизга миниб борар
Минг ташвишнинг минг эркаси.

Оқимларда оқиши энди,
Ким ўзарга чопиш энди.
Танаффусиз мактаб магзин
Қўнғироқсиз чақиши энди.

Хайр мактаб — нурли маскан,
Сен биздан ҳам қолаяпсан.
Синфдош қиз, қўнғироқмас
Юрагимни чалаяпсан.



Кувондиқ Сиддик

ҲИЖРОН ЧУҒЛАРӢӢА ДИЛИМНИ КЎМДИМ

№8

Қафасни күтариб учса бўлади...
ШАВКАТ РАҲМОН

Баҳормиди, ё куз маҳали,
Қачон бўлдинг қалбимда пайдо?
Ўн олтига тўлмовдим ҳали,
Кўшини қизга бўлганда шайдо.

Висол сари анча олис йўл,
Гул сочса ким, кимдир тош қалар.
Қалби — қалбим, сен эҳтиёт бўл,
Севолмаслар мендек бошқалар.

О, муҳаббат, қиёмат дўстим,
Садоқатинг қурбони бўлай.
Мен-ку сенинг бағрингда ўсим,
Ўлсан сенинг бағрингда ўлай.

О, муҳаббат! Бир қучоқ тилсум,
Шоҳ-гадони айлаган сархуш.
О, муҳаббат! Сен — ўз қафасин
Даст кўтариб учган ўжар қуш.

* * *

«Ёр-ёр» ёрат юракни,
Ёниб борар келинчак.
Зор-зор, зор-а, аҳидан
Тониб борар келинчак.

Алами бунча оғир —
«Милт» этди кўзимда ёш.
Севмоқ шунчалик, аҳир,
Тарқ этма энди, бардош.

Бир кўришга ошиқсан
Мен ҳар кечак сой кечак...
Ҳаммасин «чув» тушириб,
Не куласиз, ҳой, чечак?!

Қани тушинг ўртага,
Тоғ тойчоги «от» бўлди.

Йигилари жўртага
Биз севган ёр ёт бўлди.

Қоши қалдирғоч қанот,
Қоқманг қанотингизни.
Биз кечикдик, энди сиз
Қамчиланг отингизни.

Юринг, бу боғда бизга
Қолмагандир муҳаббат.
Биз сойларга оқизган
Олмалардир муҳаббат.

«Ёр-ёр» ёрат юракни,
Ёниб борар келинчак.
Зор-зор, зор-а, аҳидан
Тониб борар келинчак.

* * *

Алиф майсаларни ўқиб бораман,
Согинч томчиларин тўкиб бораман,
Бир қучоқ меҳрга чўкиб бораман,
Ҳар сафар бағрингга қайтсан, Кўшработ.

Сендан олисда баҳт бирров кўринди,
Дўст деб ахтарганим бирров кўринди,
Сочида бир тутам қирор кўринди,
Онам қўшиғида байтсан, Кўшработ.

Йўллар қирларингни тилиб боради,
Турналар аргамчи илиб боради,
Қор баҳор ҳажрида эриб боради,
Умримда энг гўзал пайтсан, Кўшработ.

Булбуллар уялди Эргаш баҳшидан,
Равишан Файз сир очди кўнгул нақшидан,
Мадад бўл, қизғониб ёмон-яҳшидан,
Энди мен сенга шеър айтсан, Кўшработ.



* * *

Кўзларингни юмгил, кўзга айлансин кўнгул.

ЖАЛОЛИДДИН РУМИЙ

*Оппоқ тонгмиш атроф осуда,
жилваланармиши гуллар
гоҳида,
учиб қолар эмиш қушлар,
жсаннат эмиш гёё
деразамнинг ортида дунё...
Дунё...
«Кўзларингни юмгил,
кўзга айлансин кўнгул...»*



* * *

*Ярим кечা,
ой балқиган осмонда,
ӯша дамда,
сен бўлмадинг
ёнимда,
захар бўлди тотиганим.*

* * *

*Яна севиб қолдим, севмай десам ҳам,
Кўзларимни ўйиб ташлагим келди.
Сиз ўтиб кетдингиз бепарво, бегам...*

*Азизам, бир марта сўзланг менга ҳам,
Ҳеч қурса қўлингиз тутай ийманиб.
Сиз айтинг, бошимни элтайнин дорга,
Ҳаммадан баландда ўлай қийналиб.*

*Барибир раҳмингиз келмайди сизни,
Севмайин юракка наштар қадайсиз.
Балки севсангиз ҳам, яшириб кўзни
Кетасиз, биламан ёлғиз яшайсиз.*

*Яна севиб қолдим, севмай десам ҳам,
Кўзларимни ситиб ташлагим келди.
Сиз ўтиб кетдингиз бепарво, бегам...*

* * *

*Баҳор,
сенга узоқ талпиндим.
Мана, яна сенга етишдим,
қалбим ўрик бўлиб гуллади,
тағин гулдек нурга чўмилдим.
Баҳтим шулдир, балки менинг*

Акмал Икромов

ҲАДЕК НУРГА ЧЎМИЛДИМ

Акмал Икромов 1977 йил Самарқанд вилоятининг Пахтаки туманида туғилган. Ҳозирги кунда, Республика рассомлик колледжининг кулолчилик бўлимидаги ўқимокда. Мен унга адабиёт фанидан дарс бераман. Бир куни менга ийманибигина шеърларини олиб келди. Маза қилиб ўқидим. Кўлимдан келганича маслаҳатлар бердим. Яхши ниятлар билан «Шарқ юлдузи» остонасига қадам қўйдик. Мен Акмалжонга шеъриятнинг минг бир азобли түғёнларию рангинкамон сеҳрли оламига бутун борлиги билан сингиб кетишини тилайман.

ГАВҲАР НОРМАТОВА,
Ўзбекистон Ёзувчилари уюшмаси
аъзоси

*қувончим,
умримнинг маъниси,
шодлигим шулдир.
Билмадим,
дунёда менинг
охирги манзилим
гулдир.
Шукр, мана гулга етишдим.*

* * *

*Содда эдим,
ҳар кун алдайверди одамлар.
Хеч кимга айтмадим ичимдагини
яшайвердим ўз ёғимга ўзим қоврилиб.*

* * *

*Яхши-да туннинг борлиги,
акс ҳолда,
мазмун бўлмасди яшашдан.*

* * *

*Қўлимда бир даста гулим йўқ,
Узрим бор онажон тилимда.
Айтолмай ўксиган дилимда,
Бир даста гулим йўқ қўлимда.*

*Туғилган кунингиз бўлса ҳам,
Кўп тақрор келса ҳам сиз учун,
Тутмадим бир даста гул нечун,
Йиғлайн изилаб мен бугун.*

*Онажон қўлимда гулим йўқ,
Ийманиб яшайман боришга,
Согиниб, согиниб, согиниб...*





Кудрат Дўстмуҳаммад

Карвон

Хикоя

У саҳрода бир ҳушидан кетиб, бир ўзига келиб ётаркан, ит овозини эшитди. Миясининг қайсиидир ҳужайраси: «Ўлимдан олдин шунаقا бўлади, ғалати овозлар қулоққа чалинади», дегандай бўлди. Шу сабаб вовуллашга эътибор қилмай ётаверди. Жудаям узоқдан келди бу товуш. Эҳтимол, мияси қизиганидан ичидан нимадир зингиллаб кетгандир?

Ҳа, шундай бўлиши керак. Офтоб ғазаб отига минган, бор кучини битта нуқта — унинг бошига тўплаб ураётиби.

«Тавба! Куёшнинг мендан бошқа иши йўқми?»

Боягина уни бинойидек ҳимоя қилиб турган бир тутам янтоқ ҳеч нимага арзимай қолди, салгина бўлса ҳам қўёшдан сақлашга ожиз. Қайтанга, гавдаси остидаги қумларга мазза, аёвсиз жазирама тифлардан панароқда. Барибир, ерга бериб ётган кўкраклари чунон қизиб кетдики!

Ташналик, очлик, қўёш ва қумнинг олов тафти, мадорсизлик...

Яна вовуллаш! Энди қаттикроқ! У уйқудан уйғонгандек бирданига ўзига келди ва бошини шартта кўтарди: «Қаёқдан келдийкин товуш?»

У қулоқларини динг қилиб турган пайтда итнинг жуда яқин ерда хурганини эшитди ва ўзини ҳам кўрди. Севиниб кетганидан нимадир деб бақирди, ўрнидан туришга интилди. Туролмай, судралди.

Майли, судралса ҳам майли! Худога шукр, шу дақиқага ўлмай етишди, энди ажал чангалидан қутулиб қолади. Ҳадемай итнинг эгаси от чоптириб ёки түя миниб келади.

— Вовуллайвер, итжон! Овозинг мунча ёқимли, умидбахш! Сен бўлмаганингда одамлар мени кўрмай ўтиб кетишлари мумкин эди. Раҳмат, сенга!

Ит унинг миннатдорлигига парво қилмай вовулларди. У бундан хафа бўлмади, аксинча, севинчдан йиғлаб юборди.

Во ажаб! Кўзёшлари қуриган. Бир томчи сувга зор қақшаб ётган аъзойи-баданидан қайдан нам чиқсан?

Судралишдан фойда йўқ, ҳозир одамлар етиб келишади.

Тўхтади, юзини кафтларига қўйганча хўнграб йиғлади. Ит яна бир-икки во-вулладиу фойиб бўлди.

Ха, ақлли жонивор-да! Эгасини бошлаб келгани кетди. Худога шукр!

Кутди. Бир неча итнинг овози келиб турибдио одамлардан дарак йўқ. Итнинг ўзи ҳам кўринмаяпти.

У охирги кучини тўплаб, ҳозиргина ит турган тепаликка қараб судрала кетди. Қанча вақт судралди, билмайди. Вақт тушунчаси бу саҳрои кабирда йўқолиб қоларкан. Тепаликка боргунча у бир неча марта қичқирди:

— Хо-ой, одамлар! Кутқаринглар!

Товуш бериш ҳам одамнинг қувватини оларкан-а!

Тепаликка аранг етиб келди ва кўзига ташланган манзарадан ўтакаси ёрилгудек бўлиб, ўрнидан туриб кетди. Куч қаёқдан келди, ўзи ҳайрон. Икки қадам ташлади-ю, қумга мукласидан ийқилди. Оғзи-бурнига қум тўлсаем яна бош кўтариб қаради: бир чақиримча наридан карвон ўтиб борарди.

— Хо-ҳо-о-ой, одамлар! Бу ёққа! Бу ёққа қаранглар! Кутқаринглар!

Шу тобда рўпарасида яна бир ит пайдо бўлди. Каттакон! Боягидан баҳайбат! Важоҳат билан ириллаб, унга томон ташландио, икки қадам нарида оёқларини тираб туриб олди-да, вовуллайверди.

У кўркиб кетди. Нима қиларини билмай, мажолсизгина: «Кутқаринглар!» дея ёлворди итга қараб. Шунда беихтиёр қўлини чўзувики, ит бир ҳамла билан қўлини узиб олишига сал қолди.

Караса, бўлмайди, ит гапга тушунмаяпти. Қўзларини мўлтиратди, зора ит шу маънони тушунса!

Одам жим бўлиб қолганини кўриб, ит шаштидан тушди шекилли, карвон томонга қайтиб кетди.

— О-оҳ! Ўлдим!

Ит узоқлашиб, карвон ўтиб борарди. Узу-ун карвон! Ўркачига сув тўла мешларни, озиқ-овқатларни ортиб олган туялар бир маромда чайқалиб-чайқалиб бораяпти. На туяларнинг устида, на ён-верида одамлар кўринади. Ҳеч ким йўқ! Ҳар томонда итлар, ўз тилларида бир-бирларига хабар бериб, хабар олиб югуришади. Заҳматкаш туялар эса уларнинг измидан чиқмай, сукут сақлаб, оғизлари кўпириб боришади.

У қўзларига ишонмади.

«Йўқ. Бу карвонда менга қайрилиб қарайдиган кимдир бўлиши керак. Наҳотки, одамлар бутун бошли карвонни мана шу жониворларга топшириб қўйишган бўлса?!»

Умид билан сўнгги кучларини тўплади. Ўладими-қоладими, худди шу дақиқалар ҳал қиласди. Тезроқ илгарилаш керак. Тезроқ! Карвон узоқлашиб кетмасидан! Қани энди, тура солиб, югуриб кетса! Карвонга етиб бориб, бир кимсани топса, ухлаб қолган бўлса, бақириб-чақириб уйғотса! Бу хатарли йўлдан қайtingлар, акс ҳолда бизга ўхшаб абгор бўласизлар, деса!

Туялардан бир нечтаси уни сезди, сўлиқ ортидан кўпик сачратиб, бир-бирига ўкиришди, аммо итларнинг хуришидан қўрқиб, юришдан тўхташмади, ҳайкирифига жавоб беришолмади.

У ўрнидан туролмади-ю, эмаклай бошлади.

Нарироқ борганида карвоннинг думидаги қўриқчи ит сезиб қолди. Уни қўриб тўхтади. Боягиларга ўхшаб ақилламади, гапга тушунадиган кўринади. У «Баҳ-баҳ!» деб қўли билан имо қилган эди, итнинг сарғиш қўзлари хунук ёнди, тумшүфининг қора «тугмаси» бир-икки қимирлаб, қараб тураверди.

— Баҳ, Қоплон!.. Қоплон!.. Олапар!.. — Ит турган жойида ириллай бошлади. — Бўрибосар... Баҳ-баҳ!..

Энди ит қозиқдай тишларини, қип-қизил милкларини кўрсатиб, қўрқинчли ириллади.

У, тавба қилдим, дегандай, индамай қўя қолди. Карвонга яқинлашиб бўлмас экан, ёрдам келишидан ҳам умид йўқ...

У, бир сиким қумни ит кетган томонга отди-да, мукка тушганча хўнграб юборди.

Вовуллашлар узоқлашиб борарди...



560

«Умид қанот багишлайди...»

Олим Девона XIX аср ўзбек мумтоз адабиётининг вакилларидан бири. Шоирнинг ҳаёти ва ижоди тўғрисида маълумотлар кам.

Ўзбекистон Фанлар Академияси томонидан чиқарилган Шарқ қўлэзмалари тўпламинг (1964 йил) VII жилдида Олим Девонанинг манғит амирларидан бўлмиш Амир Музаффар (1860–1885 йиллар) ҳукмронлик қилган даврда, амирлиқда мироҳўр лавозимида хизмат қилган сипоҳилардан эканлиги тўғрисида ҳамда шоирнинг «Равзай асрор» номли асари борлиги ҳақида умумий маълумот берилган.

Бундан ташқари Ўзбек Қомусининг VIII жилдида шоирнинг ҳаёти ва ижодий фаолияти хусусида қўйидаги фикрлар баён қилинган: «Олим Девона (Каломий, 19 асрнинг иккинчи ярми, Шахрисабз) — ўзбек шоири. Бухорда ҳоким саройида хизмат қилган. Олим Девонанинг газал ва мухаммаслари баёзлар орқали етиб келган. Навоий газалларига боғлаган мухаммаслари халқ орасида кенг тарқалган. Олим Девонанинг йирик асари «Юсуф ва Зулайҳо» достонидир».

Хуллас, юқорида қайд этилган икки манбадаги маълумотларни ҳисобга олмагандан, академик Ботир Валихўжаев ўзининг «Ўзбек эпик поэзияси тарихидан» асарида таъкидлаганидек, Олим Девонанинг «ҳаёти ва ижоди адабиётшуносликда ҳали ўрганилмадигина эмас, ҳатто унинг номи ҳозиргача номаълум бўлиб келмоқда».

Олим Девонанинг ҳаёти ва ижодий фаолиятига оид ноаниқликларга шоирнинг «Равзай асрор» достонидаги фикрлар бирмунча ойдинлик киритади.

«Равзай асрор» достони 9058 мисрадан ташкил топган. Ҳажман анча катта бўлган бу асардан аниқланадики, Олим Девона Бухоро амирлиги тасарруфидаги манзилда туғилган. Дастлабки маълумотни масжидда олган, кейиччалик Самарқанд, Бухоро мадрасаларида ўз билимини такомилига етказган. Амирлиқда мироҳўр мансабини эгаллаган. Бирмунча вақт масжидда имомлик қилган. Араб, форс-тожик тилларини яхши билган, асосан ўзбек тилида ижод қилган.

Шарқ адабиётида кенг тарқалган Юсуф қиссаси мавзуида қалам тебратган Олим Девона ўзинин «Равзай асрор» достонини Абдураҳмон Жомий ва Нозим Ҳиравийнинг «Юсуф ва Зулайҳо» асарлари таъсирида яратғанлигини таъкидлаган.

Салафлари изидан бориб, ҳазрати Юсуф ҳақида қисса яратишдек шарафли ишга қўл урган шоир зиммасида юксак масъулият, мashaқат турганлигини қалдан ҳис қилган:

Сохла тилинг Олими Девонасен,
Мунда агар тойса тилинг ёнасен.

Беруний номидаги Шарқшунослик институти қўлэзмалар хазинасида сақланаётган, 6311 рақам билан қайд этилган баёзда, Олим Девона қаламига мансуб асар бор. Шунингдек, мазкур баёзга Олим Девонанинг Алишер Навоийнинг «Ўлтурғуси» радифли фазалига боғлаган мухаммаси ҳам киритилган. Алишер Навоий газалининг руҳини чукур англаган Олим Девона унинг моҳиятига мос оҳанг топган. Шоир қўллаган чиройли ташбиҳлар, ажойиб иборалар Алишер Навоий фазалидаги сирли ва сеҳрли қирраларни очиш воситасига айланган.

Ҳозирча Олим Девонанинг «Равзай асрор» достони ва ушбу мухаммаси борлиги аниқланган.

Бир ишонч кўнгулга таскин беради, бир умид қанот багишлайди. Қайси бир қувончли кунда Олим Девонанинг бошқа асарлари ҳам топилса ажаб эмас.

Исмат САНАЕВ

АЛИШЕР НАВОИЙ ҒАЗАЛИЯ МУҲАММАС

*Саҳро гизолин ул пари айлаб шикор ўлтурғуси,
Майхона сори май ичиб ҳар кимки бор ўлтурғуси,
Бу навъ анга ҳар кимга ким бўлса дучор ўлтурғуси,
Бир кун мени ул қотиле Мажнуншиор ўлтурғуси,
Усрук чиқиб, жавлон қилиб девонавор ўлтурғуси.*

*Майдон аро жавлонидин гулгун саманди қолса ҳам,
Нозик билоки ишқ билан қатл айламакдин толса ҳам,
Парвоси йўқ бечоралар бир заҳм ила қийнолса ҳам,
Гар заъф ила ожизлигим кўнглуга раҳм солса ҳам,
Бошимга етгач, секратиб беихтиёр ўлтурғуси.*

*Бўйла оғзи рамзидин кўнглумда мавзун фикр эрур,
Рухсори узра холу хат нун сурасидин зикр эрур,
Бухудлигим айб айламанг, ишрат майдидин бикр эрур,
Васли аро гар еткурур кўнглумга беҳад шукр эрур,
Чун қолсам андин бир замон ҳижрони зор ўлтурғуси.*


*Майхона сори судрабон келтурмасанг, эй муғбача,¹
Мискин кўнгулни лутф ила тўлдурмасанг, эй муғбача,
Бўйинг закотин май билан еткурмасанг, эй муғбача,
Дайр ичра мен дилхастани ранжи хумор ўлтурғуси.*

*Бўлди кўзумга жилвагар ул қомати наврастаким,
Май тобидин терлаб юзи айлаб хиром оҳистаким,
Бодом қабоги устида қошлиар кўруб пайвастаким,
Ошиқ бўлурда билмадим мен нотавони хастаким,
Ҳажр ўлса ғам қуидиргуси, васл ўлса ёр ўлтурғуси.*

*Келганда чавгон боз ул теги хоросиғаким,
Отланса бурқа ташламай рухсори зебосиғаким,
Киприк ўқини боғлагай икки қоши ёсиғаким,
Майдон аро эй аҳли дин, кирманг томошасиғаким,
Юз кўрмайин ул кофири чобуксувор ўлтурғуси.*

*Базм ичра нуш этмиш қадаҳ ул мўл очибдур оразин,
Ёхуд паришон даврида сунбул очибдур оразин,
Ё Олими Девонадек бир қул очибдур оразин,
Дерлар Навоий қасдига бир гул очибдур оразин,
Кўргунча они, войким, юз хор-хор ўлтурғуси.*

¹ Ушбу банддаги бир мисрани ўқиш иложи бўлмади. Тайёрловчи.



Хомер



Одиссейнинг саргузаштлари

БИРИНЧИ ҚЎШИҚ

Сўйла, Муза, ул омилкор эр ҳақида менга ҳикоят,
Қайсики, ҳур ва муқаддас Трояни айлаб хароба,
Жаҳон кезди, кўрди не-не одамларни, таомилларни.
Ўз жонини сақламоқ ва ҳамроҳларин ота юртига
Эсон-омон етказмоқ-чун денгизларда азоб чекди у
5 Ва лекин минг уринса ҳам асролмади ёронларини:
У нодонлар олиймақом Ҳелиосга шаккоклик қилиб,
Ўтлоқдаги унинг қудсий буқаларин едилар сўйиб.
Бошларига бало бўлди уларнинг бу кори-бадлари.

10 Шул ҳақда сен бир нима де, Зевс қизи, латифа Муза.
Унинг жангдан омон чиққан сафдошлари, қуролдошлари*
Денгиз сузиб, аллақачон юртларига етиб олганди,
Вале ёлғиз шу йигитни завжасидан, ўз ватанидан
Жудо айлаб, асраганди теран, улкан горнинг қаърида

15 Маъбудалар маъбудаси мунаввара санам Калисо,
Эрим бўлсин, дея. Аммо зое кетди ҳаракатлари.
Бу орада йиллар ўтиб, тангриларнинг инояти-ла
Унинг она Итакага қайтадиган пайти ҳам келди.
(Ва лекин у ўз хешлари даврасида мусибатлардан

20 Халос бўла олмади ҳеч). Гарчи ҳамма боқий тангрилар
Раҳм қилган бўлсалар ҳам Одиссейга, лекин Посейдон
Бир лаҳза ҳам тўхтамади паҳлавонни таъқиб этмоқдан.
Қув Одиссей йўлга чиққан чорда қаҳҳор тангри Посейдон
Занжийларнинг бир қисми кун ботарда ва яна бир қисми

* Ушбу белги қўйилган сўзлар ва ибораларга достонда учраш тартиби бўйича қўшиқ охирида изоҳ берилган.

- 25 Кун чиқарда бўлган олис ўлкасида ишрат қуаради,
У ерда у ерли халқдан ҳекатомба* (бўрдоқи қўйлар
Ва бўқалар) ундиргани борган эди ўз одатича.
Бу аснода тўпланганди Зевс қошига ўзга тангрилар.
Боқийлару фонийларнинг падари Зевс сухбат қуараркан,
Хаёлидан кетмасди ҳеч Агомемнонзода Орестнинг
Кўли билан ўлдирилган бадкор Эгист. Олимплик тангри
Шуни ўйлаб, боқийларнинг даврасида бир калом айтди:
«Ажаб! Нечун ҳар бир ишда бизга айб қўяр бандалар?
Худолардан эмиш ҳамма бало-офат, ахир, ўзлари
30 Эмасми шум балоларга дуч келувчи телбалик қилиб?»
Эгист ҳам шу: Агомемнон ватанига қайтган ҳамоно
Дарров уни қатл этидию хотинига ўйланаб олди.
Биларди-ку оқибатин — биз Аргускуш маъбуд Ҳермесни
Юборгандик ҳузурига: «Эгист, зинҳор Агомемноннинг
40 Жонига қасд қила кўрма, хотинига ўйланишдан ҳам
Ўзингни тий, зеро Орест балогатга етиб, меросхўр
Сифатида ватанига қайтганида сендан ўч олгай»—
Дея огоҳ қўлганди у. Кор қилмади Ҳермеснинг гапи.
Эгист қулоқ солмади ҳеч унинг эзгу насиҳатига
45 Ва оқибат, қимлишига яраша у олди жазосин.
Деди шунда Зевс қизи Афина ўз бузрукворига:
«Эй отажон, эй Кроннинг қодир ўғли, олий ҳукмдор,
Гапинг тўғри, сазовордир Эгист шундай жазога ишқа!
- Ким ёвузилик қиласа, шундай ҳалокатга учрар муҳаққак!
50 Лекин ҳозир Одиссеининг шум қисмати эзур қалбимни.
Кўпдан бери у юртидан, хешларидан жуда йироқда,
Денгизнинг қоқ киндингида, * соҳилини тўлқин ялаган,
Ўрмонзорли бир оролда денгиз туби асрорларидан
55 Воқиф бўлган ва бир ўзи маҳобатли устунлар ила
Кўк гумбазин тираб турган мард Атлантийнинг қизи Калипсо.
Бу ҳур санам маккорлик ва сехр ила хушомад қилиб,
Одиссеининг хаёлидан ўчирмоқчи бўлар юртини
Вале шўрлик йигит ийғиб, кошки эди юртим қорасин
60 Узоқдан бир кўриб ўлслам қолмас эди армоним, дейди.
Наҳот унинг бу ноласи ачитмаса юрагинги ҳеч?
У Троя заминида, бандаргоҳда сенга бағишилаб
Курбонликлар қилганди кўп — наҳот кўнглунг тўлмаган бўлса,
Сўзла менга нечун ундан дарғазабсан, эй Крон ўғли?»
65 Бузург тангри Афинага шундай дея қилди эътиroz:
«Кўп аломат сўзлар учди, қизим сенинг дудоқларингдан.

УСТОЗГА ТАЪЗИМ

Андерсен, Шарл Перро эртаклари, Даниэл Дефо, Жонатан Свифт, Бальзак, Диккенс, Жюл Верн, Жек Лондон, Виктор Гюго, Стендал, Тургенев романлари, Эсхил, Софокл, Эврипид, Шекспир, Бомарше, Мольєр драмалари, Низомий, Дехлавий, Жомий, Навоий, Руставели дostonлари, Марк Твен, О'Генри, Мопассан, Стефан Цвейг, Оскар Уайлд, Жуброн Халил ҳикоялари — жаҳон бадиий маданиятигининг шу каби ҳазиналарисиз инсоният маънавияти анча қашшоқлашиб қолган бўлур эди.

Ўз қадрини билган, нафосатни нозик ҳис этувчи ҳар бир халқ бу асарларни бадиий таржима усталарининг олий ҳиммати ва чеккан заҳматлари туфайли она тилида ўқиб, руҳиятнинг чексиз ва сирли оламларини кашф этадилар.

Бу машаққатли ва шарафли ижодий изланишларда Абдулла Қаҳҳор, Миркарим Осим, Мирзакалон Исмоилий, Наби Алимуҳамедов, Одил Шаропов, Зумрад, Абдулла Орипов, Эркин Воҳидов, Иброҳим Фоғуров, Холида Аҳророва, Кириё Қаҳҳорова, Мирзиёд Мирзойидов, Миад Ҳакимов хизматларини ҳам халқимиз унутмайди.

Минг-минг, миллион-миллион китобхонлар Жованни Боккаччонинг «Декамерон» асаридаги тоҳуқиқи, тоҳуқиқи ҳикояларни ўқиб, ажойиб-гаройиб воқеалар билан танишиб, бир олам

Нечун мен ул тангримонанд Одиссейни — бандалар ичра
 Ҳам идроки, ҳамда боқий маъбулларга ихлосманлиги
 Кўн зиёда бўлган машҳур нахлавонни унумарканман?
 Йўқ! У билан адоватда зилзилакор Посейдон фақат.
 Қув Одиссей бир кўзли дев Полифемнинг кўзин кўр қилиб,
 Посейдоннинг газабини қўзгаб қўйди (зеро бу девни
 Пойни йўқ шўр денгизнинг ҳукмдори Форкнинг қизи
 Ҳур Фооса туққан эди теран форда Зилзилакордан).
 75 Посейдон қув Одиссейни маҳв этолмас, чорасизликдан
 Денгизларда қуввар мудом, Итакага яқин ўйлатмай.
 Келинглар, биз ватанига қайтамроқни ўйлаб кўрайтик
 Одиссейни, Зилзилакор газабидан тушмоғи лозим,
 Ахир, токай довлашади бизлар билан бу қаҳҳор маъбуд?»
 80 Деди шунда Зевснинг шаҳло кўзли қизи дилбар Афина:
 «Эй падарим, ҳукмдорлар ҳукмдори, Крон ўғлони!
 Саодатли тангрилар гар Одиссейни ота юртига
 Қайтмоғига рози бўлса, унда бизнинг Аргускуш Ҳермес
 Шу заҳоти Огигия оролига, гўзал санамнинг
 85 Ҳузурига учиб бориб, айтсин унга қароримизни:
 Офатларга бардош берган Одиссейнинг энди уйига
 Қайтар чоғи келди, десин. Мен бўлсан тез парвоз қулурмен
 Итакага — Одиссейзод Телемахнинг қалбидагазаб
 Ўтин ёқиб, жасорат ва диловорлик уфургум унга,
 90 Узун сочили* ахейларни машваратга чақирсан дарҳол
 Ҳамда суллоҳ куёвларни қувсин буткул ота уйидан;
 Шундоқ ҳам у очопатлар Одиссейнинг қанчадан-қанча
 Қайралма шоҳ буқалари, қўйларини еб битирмишилар.
 Сўнгра уни ўйналтгайман Спартаю қўмлөқ Пилосга,
 95 Токи топсин ўшал ёқда падаридан бирон бир дарак.
 Шундай қиласа, эл ичида ном қозониб орттиргай обрў».
 Деб Афина ҳам уммон, ҳам замин узра шамолдек енгил
 Учиргувчи зарҳал шамишод кавшларини кийди пойига
 Сўнг илкига олди залвар ва бақувват мис тиғли найза*
 100 Ки чақмоқдор Зевснинг қизи қаҳрамонлар шиддатини шу
 Найза билан даф этарди. Ҳур маъбуда, мана, Олимпдан
 Қуон янглиг учиб тушди Итакага ва Одиссейнинг
 Эшигига тафиyllиклар шоҳи Ментес қиёфасида
 Мехмон сифат турди ушлаб ўткир тиғли мис найзасини;
 105 Бунда суллоҳ, шум куёвлар тагларига пўстаклар солиб
 (Бу пўстаклар улар сўйиб еган моллар териси эди),
 Дарава қуриб, шашқол ўйнаб, қийқиришиб ўтирадилар.
 Мужжадачилар, эпчил қуллар зир югуриб дастурхон тузар:
 Бирор катта жомга қуйиб май ва сувни омухта қиласа,*

завқ-шавқ оладилар, ҳаётда шу каби воқеаларга дуч келгандарида довдираб қолмайдилар. Қадим юнон бахши шоири Ҳомернинг «Илиада» ва «Одиссея» достонларидағи тафаккур теранлиги ва бадиий юксакликни таърифлашга сўз топиш қийин.

«Декамерон» ва «Илиада»ни, Робиндрнат Тагор, Жек Лондон, Александр Дюма, Карл Чапек, Николай Фонвизин, Юрий Олёша асарларини ўзбек тилининг бор жилолари, товланишлари билан халқимизга тақдим этган устозимиз Қодир Мирмуҳамедовнинг фидойи меҳнатлари, она тилимизнинг заргари эканлиги ҳақида икки оғиз илиқ гап айтишини қачонлардан бўён дилимнинг тўрида сақлаб келаман.

Яна бир ажойиб устозимиз, нозиктаъб адаб Ваҳоб Рўзиматов, зар қадрини заргар билади деганиларидек, Қодир Мирмуҳамедовни Ўзбекистондаги энг моҳир таржима устозларидан деб билади. Қодир Мирмуҳамедов наср ва назм таржимасида бирдай маҳоратли. Ҳомернинг «Илиада» достони устоз таржимасида шеъриятнинг юксак бадииятини ўзбек тилида қайта мужассам этта олиши билан ибратлидир.

Қодир Мирмуҳамедовнинг барчамизни қойил қолдирган ижодий ишларидан яна бири Михаил Булгаковнинг «Уста ва Маргарита» романи таржимасидир. Мазкур роман фалсафий, бадиий

- 110 Яна бирор апир-шапир ювиб артар хонтахталаарни
Сўнг уларни бир-бирига туташтириб, майда тўғралган
Тўрфа гўштлар ҳамда нозу неъмталар-ла тўлдириардилар.
Мазбудани энг аввало танжрисифат Телемах кўрди.
Ўтиради у кўёвлар даврасида ғамгин ўй суреб.
- 115 Қайда экан бузрукворим? Тезроқ қайтиб келганда эди,
Тумтарақай қувар эди ўйимиздан бу қузғуларни;
Салтанатни қўлга олиб, яна юрга бош бўлар эди.
Шундай хаёл сурар экан, Афинага тушди нигоҳи;
У ўрнидан сакраб туриб, эшик томон шошиб юраркан,
120 Кўнгл қаттиқ ранжиди бул мусофирни кутдирганидан.
Яқин бориб ўнг қўлидан ушлади ва наизасин олди.
Сўнг барадла овоз билан баландпарвоз бир қалом айтди:
«Хуш келибсан, эй мусофир, ичкари кир, бўл азиз меҳмон,
Бирор арзинг бўлса агар, зиёфатдан кейин айтарсан».
- 125 Шундай деб у йўл бошлади, Афина ҳам юрди ортидан.
Бошлаб кириб маъбудани базмоҳга, у баланд устун
Томон юрди ва бу ерда силлиқ мармар тошдан ясалган
Кўрхонаага Афинанинг наизасини яшириб қўйди —
Бир вақтлар бу хонада қайгу-ғамга сабр-бардошли
- 130 Одиссейнинг наизалари сақланарди. Кейин Телемах
Афинани гоят кўркам роҳат курси томон бошлади,
Гулдор мато ёзиб унга, ўтиришга таклиф қилди ва
Иzzat-икром қилиб уни, оёғига курсича қўйди,
Кейин меҳмон ёнига бир курси суреб ўзи ўтиради.
- 135 Ки Телемах жойни четдан олган эди, бадмаст кўёвлар
Шовқинидан иштаҳаси бўғилмасин, дея меҳмоннинг.
У билмоқчи эди яна аста-секин меҳмондан сўраб
Олис юртда қолган ота тўғрисида бирон янгилик.
Бу аснода жория қиз мусофирга муздек сув тўла
- 140 Олтин қумғон ҳамда кумуш жом келтириди қўл ювмоқ учун.
Кейин силлиқ хонтахтага рўзгорбоши калидор аёл
Заҳирадан нону намак, нозу неъмат келтириб қўйди.
Сўнг шарбатдор гўшт уюлган лаганларни баланд кўтариб
Олиб келди, қўйди олтин қадаҳларни меҳмон олдига;
- 145 Бул муждачи тез-тез келиб қадаҳларга май қуийиб турди.
Шу чоғ авбоши кўёвлар ҳам шовқин солиб кириб келдилар
Меҳмонгоҳга, савлат тўкиб ўтиридилар ўз жойларига,
Муждачилар келганларга қўл ювгани сув келтиридилар,
Жориялар сават-сават нон тортдилар хонтахталарага.
- 150 Қадаҳларга май қуидилар дастёр ёшлар лаболаб қилиб.
Шу заҳоти таомларга қўл чўздилар суллоҳ куёвлар;
Улар ёғли ва лаззатни таомлар ила тўйдиргач қорин,

куввати, инсонпарварлик оҳанглари билан бетакрордир. Асар таржимони Қодир Мирмуҳамедовнинг самимияти, илм-маърифатда баҳри буғроқ (жўшқин денгиз) эканлиги ҳам муҳим аҳамиятга эга.

Устознинг асосий иш жойи «Ўзбекфильм»нинг дубляж студияси бўлиб, у кишининг жонбозлиги туфайли дунёдаги энг машҳур фильмларни халқимиз она тилида томоша қилди. Ул зот «Низомий», «Кафтдаги қўёш», «Бегойим Ольга», «Катта бўлишни хоҳлайман» каби фильмларнинг таржимасини каминага ишониб топширган эди. Қодир Мирмуҳамедовнинг бадиий фильмлар таржимаси соҳасида шогирдлари Ҳожиакбар Шайхов, Амир Файзулла, Олим Отахонов, Зафар Комиловлар у кишининг маслаҳатларидан баҳра олганлар.

Устоз яна бир қутлуғ меҳнатга, яъни, юнон адабиётининг мангу барҳаёт бадиий ёдгорлиги — «Одиссея» достонини ўзбек тилига ўтиришга қўл урдилар. Бу асар ёзилган давр, айниқса, қаҳрамонлари яшаган даврда юононлар мушриклик («қўпхудолик») диний эътиқодда бўлсада, уларнинг жасоратларга, қаҳрамонликларга бой ҳаётида инсон шаъни, қадр-қиммати, одамзод зиммасидаги буюк вазифалар ва бурчлар олий оҳангларда куйланади. Бу асарни таржима қилиш нияти ҳақида устознинг ўzlари шундай дейдилар:

- 155 Кўнгуллари тусаб қолди базм кўрки— хушиҳанг қўшиқ
 Ва муждачи соз тутқазди ашулачи Фемийга дарҳол:
 Мажсбур эди у куёвлар хоҳиши-ла қўшиқ айтмоққа.
 Мана, у тор чертиб гўзал бир қўшиқни куйлай бошлади.
 Бу аснода, гапларимни эшиитмасин бегона қулоқ,
 Деб оҳиста ўғирилди Афинага ўғлон Телемах:
 «Азиз меҳмон, хафа бўлма, дилимдаги гапни айтаман.
- 160 Улар ишрат қўлмоқдалар, хаёллари фақат қўшиқда,
 Бетамизлар, бирорларнинг молин текин еб ётибдишлар,
 Балки ҳозир бу бойликлар эгасининг оппоқ суюгин
 Ёмғир ювар ё долғалар юмалатар дengiz бўйида.
 Қани энди бирдан келиб қолса эди у Итакага,
- 165 Ёв куёвлар давлатни ҳам, олтинни ҳам унугтиб қўйиб,
 Тангрилардан сўрардилар оёқларин йўрга қилишни.
 Лек у ўлган бўлса керак тақдирнинг шум тақозоси-ла.
 Бизга таскин бермас ҳеч ким. Тўғри, баъзан, у қайтгай, дея
 Даъда бермоқ бўладилар бизга, лекин қайтмаса керак.
 170 Энди менга айт-чи, дўстим, яширмасдан ҳеч қандай сирни:
 Кимсан? Қайси уруғдансан? Юртинг қаёқда? Ота-онанг ким?
 Қай кемада сузиб келдинг Итакага, қайси томондан?
 Сени қайси кемачилар олиб келди бизнинг ўлкага?
 Мен биламан, юртимизга келмагансан яёв, албатта?
- 175 Яна шуни очиқ айтки, ҳақиқатни билб олайин;
 Итакага биринчи бор келишингми ё илгари ҳам
 Бўлганмисан Одиссеининг бу уйида азиз меҳмони?
 Бир пайтлар уйимизга кўп-кўп одам келиб турарди,
 Мехмоннавозликни жуда хуш кўтарди менинг падарим».
- 180 Жавоб қилди унга Зевснинг шаҳло кўзли қизи Афина:
 «Очиқ айтгум, мен доно шоҳ Анхиалинг фарзандидурмен,
 Иссим Ментес, эшкаксевар тафий ҳалқин ҳукмдоримен,
 Итакага мен кемада одамларим билан келганиман,
 Муддаоим — олисдаги ўлкаларга саёҳат қўлмоқ,
- 185 Темесага бориб, обдор темирга мис алмаштироқдир,
 Ҳозир эса мен кемамни ўрмонзорли Нейон тогининг
 Панасига, теран Ретра кўрфазига қўйиб келганиман.
 Бил, қадимдан меҳмон қилган бир-бирини аждодларимиз,
 Бу тўғрида эшиятгансан сен ўзинг ҳам бобонг Лазртдан...
- 190 Демишларки, бобонг келмай қўйган эмиш энди шаҳарга,
 Йироқдаги даласида ғамга ботиб кун кечирармиш,
 Унга қараб, парваришлаб турар эмиш бир оқсоч кампир,
 Чол кун бўйи токзорида ишлаб ҳориб-чарчаб келганда,
 Кампир уни қарши олиб, иссиқ овқат билан сийлармиш.
- 195 Келишимдан мақсад, отанг уйга қайтди, деб эшиутувдим...
 Назаримда ўйлда ушлаб қолишганов уни тангрилар,
 Олижсаноб шоҳ Одиссей ҳали тирик, у ер юзида;

«Камина жаҳон адабиётининг буок бобокалони Ҳомернинг «Илиада» достонини таржима қилиб, муҳтарам ўзбек китобхонига етказиш баҳтига мусассар бўлган эдим.

Бу савобли ишга қўл уришимда ҳурматли устозим, ажойиб инсон ва улуғ шоир Миртемир домла менга оқ фотиҳа берган эдилар. Адабиёт ва санъат нашриёти директори, шоир Ҳамид Фулом бу дурдона асарнинг таржимасини менга ишониб топширгани ҳам руҳлантирганди. Миртемир домланинг ўзлари ҳам Ҳомернинг иккинчи достони — «Одиссея»ни таржима қилишга киришган эдилар, бу пайтда. Лекин, афсус, бешафқат ўлим ул зотни бевақт орамиздан олиб кетди. (Аллоҳ раҳматига олган бўлсисн.)

«Илиада» чоп этилиб чиққандан сўнг, унинг давоми бўлмиш «Одиссея» достонини, устознинг руҳи-поклари ҳаққи-хурмати, таржима қилишга бел боғладим.

Ҳомер ўзининг бу достонида Троя жанги қаҳрамонларидан бири — Одиссеининг уруш тугаганидан кейин, то ўн йилгача ўз ватани — Итакага етиб бора олмай, турли азобу уқубатларга

- Эҳтимол, у тутқиндадир дengiz қучган бирор оролда
 Ёки уни зўрлаб ҳисб айламишлар ўиртқич маҳлуқлар.
 200 Сен қулоқ бер гапларимга — дилга солди қодир худолар;
 Гарчи қуашлар парвозига қараб туриб очмасам-да фол*
 Ё пайғамбар бўлмасам ҳам, ўзим аниқ ишонаманки,
 Падарингнинг азиз юртдан жудолиги энди узоқка
 Чўзилмагай, бўлса ҳамки у кишанбанд мусоғир юртда,
 Уйга қайтиши иложини топмоқ учун етар қувалиги.
 Энди менга айт-чи, иним, яширмасдан ҳеч қандай сирни,
 Сен чиндан ҳам ўғлимисан олижсаноб шоҳ Одиссейнинг?
 Жуда ўхшар унга юзинг ва чиройли кўзларинг сенинг,
 Ёдимда, биз авваллари учрашардик у билан тез-тез,
 210 Учрашардик ҳали отанг асл ахей ўғлонлари-ла
 Трояга мағрур бўйин кемаларда сузиб кетмасдан.
 Шундан бери мен ҳам уни, у ҳам мени учратмадик ҳеч».
 Одиссейнинг фаросатли ўғли деди: «Эй азиз меҳмон,
 Ҳамма гапни очиқ айтгум, ҳақиқатдан бўлгил сен огоҳ.
 215 Онам деди: Одиссейнинг ўғлимишман, аммо билмадим;
 Ким билибди отасининг кимлигини? Бу душвор бизга.
 Қандай хурсанд бўлар эдим агар отам то қартайгунча
 Ўз мулкида дориломон кун кечирган хушбаҳт зот бўлса.
 Бас, сўрабсан, жавоб берай, дейдиларки: менинг падарим
 220 Оламдаги одамларнинг энг бадбахти эмиш, ишонсанг».
 Жавоб қилди унга Зевснинг шаҳло кўзли қизи Афина:
 «Хонадоннинг истиқболи порлоқ бўлгай, баски тангрилар
 Сендеқ ўғлон ато этган экан онанг — Пенелопага.
 Энди менга очиқ айтгил яширмасдан ҳеч қандай сирни,
 225 Бунда не ҳол юз бермоқда? Қандай байрам? Қандай маърака?
 Тўйми бу ё зиёфатми? Ҳарифона ошга ўхшамас.
 Назаримда, на диёнат, на уят бор меҳмонларингда,
 Ки уларнинг бевошлигин кўрган ҳар бир покдомон одам
 Ор деб билур ўтироқни бул нокаслар жамоасида».
 230 Одиссейнинг фаросатли ўғли деди: «Эй азиз меҳмон,
 Агар билмоқ истасанг сен, ҳамма гапни очиқ айтаман.
 Бир пайтлар ўйимизда молу давлат беадад эрди;
 Уй соҳибин барча бирдай эъзозларди уйдалигига.
 Энди бўлса, тангрилар шум ният ила бутун оламнинг
 235 Нигоҳидан яширмишлар уни зулмат пардага ўраб.
 Мен бунчалик қайғурмасдим агар отам ўлган бўлганда,
 Агарда у Троядга оташ жангда ҳалок бўлсайди,
 Ё жангдан сўнг дўстларининг қўлида жон берсайди, унда
 Ахей аҳли* унинг қабри узра баланд тупроқ уярди.
 240 Отам менга қолдиарди мангу сўнмас буюк шон-шараф...
 Ҳарпиялар олиб қочди* уни, гойиб бўлди бедарак,
 Қабри ҳам йўқ, унум бўлди бу оламда номи ҳам,

дуч келгани, кўз кўриб, қулоқ эшифтмаган гаройиб воқеаларни бошидан кечиргани ҳақида ҳикоя қиласи.

Ҳозирги пайтда, достоннинг учта қўшиғи таржима қилиб бўлинган. Лекин уни давом эттиришга айрим сабаблар монелик қилмоқда. (Хусусан, нашр қимматлиги, ёшим ўтганлиги ва ҳоказолар).

Аммо, имоним комилки, ҳали адабиётимизда истеъдоли, зукко, ёш таржимонлар етишиб чиқадилар ва бу шарафли ишни, албатта, ниҳоясига етказадилар».

Устознинг бу мулоҳазаларидан ватанимиз, ҳалқимиз маданиятини юксалтирувчи, янги авладларга инсониятнинг бетакрор ҳазиналарини улашувчи зотлар келажакда ҳам етишиб чиқишига катта ишонч кўриниб турибди. Устозга таъзим билан —

Маҳкам Андижоний

- Мерос бўлиб қолди фақат ўғлига ғам-алам, вовайло.
 Лек ундан-да таих қайғуга солмиши мени боқий тангрилар,
245
 Бизга қўйни оролларда— Дулихий Зам ва Закинфда
 Ҳамда тошлоқ Итакада яшагувчи муштуми зўрлар
 Ва киборлар, биттамизга тегсин, дея қистамоқдалар
 Волидамни, кунда келиб бойлигимиз совурмоқдалар.
 Онам манфур никоҳга ҳеч рози эмас, бу оғатдан ҳам
250
 Кутлишига ўйл тополмай қийналимоқда, куёвлар эса,
 Молимизни талашибоқда, * маҳв этгайлар бир кун мени ҳам».
 Ҳур маъбуда Афинанинг қаҳри қайнаб бир қалом деди:
 «Э воҳ! Ҳозир бу беҳаे куёвларни даф қилмоқ учун
 Керак сенга олисдаги Одиссеининг метин билаги.
255
 Оҳ, кошкайди у юртига қайтиб келиб, анов эшикдан
 Бошга кийиб дубулғасин, қалқон тутиб, мис тифли икки
 Найза ушлаб кириб келса... Шу келбатда кўрган эдим мен
 Одиссеини биринчи бор; у Мермерзод Илни зиёрат
 Қилмоқ учун Эфирага бориб, бизнинг уйда ўшанда
260
 Ҳушвақт бўлиб май ичганди, отанг ўшал узоқ юртга ҳам
 Ўзин ўчқур кемасида борган эди оғу ахтариб.
 Үқларининг мис тигини заҳарламоқ эди нияти
 Ва лекин Ил мудом сергак худоларнинг қаҳридан қўрқиб,
 Бермаганди унга оғу менинг отам, дўстлик ҳурмати,
265
 Бериб эди Одиссеига заҳри қотили ўз бисотидан,
 Агар ўшал қиёфада қириб келса отанг ногаҳон,
 Куёвларга бу зиёфат оғу бўлур эди муқаррап.
 Лекин отанг келармикин, куёвларни маҳв этармикин
 Ва ё ўйқми? Бу сир фақат тангриларга аёндир, бўтам.
270
 Энди сен ва мен иккимиз қандай қилиб хонадонингни
 Бу нобакор куёвлардан покламоқни ўйлаб кўрайлик.
 Гапларимга қулоқ бер ва эшиштганинг сақла дилингда.
 Эртага сен саҳоватли ахейларни кенгашга чорла,
275
 Тангриларни шоҳид қилиб, сўзлаб бергин бор ҳақиқатни,
 Сўнг талаб қил, шум куёвлар уй-уйига жўнаб кетсинлар,
 Гар онангнинг эр қилишига майли бўлса, унга айтгинки,
 Қайтиб борсан соҳибкудрат отасининг хонадонига.
 Ўз уйида отаси жон қизи учун мартабасига
 Монанд бисёр сен ҳозирлаб, кўрсин никоҳ тарафдудуни.
280
 Агар қабул қилсанг, берай сенга яна битта маслаҳат,
 Сен бир пишиқ кема олиб, йигирмата эшқакчи билан
 Ўз отангдан дарак топмоқ учун алҳол сафарга жўна,
 Эҳтимолки, ул ҳақда сен бирон хабар ёки Оссанинг
 Башоратин эшиштарсан. Бул мужсадачи Зевс қаломини
285
 Одамларга акс садодек тақрорлайди ҳамиша, ҳар он.
 Сен аввало Пилосга бор, эшиш: не дер тангриваши Нестор,
 Сўнгра ўтиб Спартага, топ зулфи зар шоҳ Менелайни —
 У энг кейин қайтиди жангдан мис совутли ахейлар ичра.
 «Отанг тирик ва юртига қайтгай», деган хабар эшишсанг,
290
 Қийналсанг ҳам, яна бир ишл сабр қилиб чида, мабодо,
 «Отанг ўлган, у энди ўйқ», деган машҳум гапни айтсалар,
 Шу заҳоти сен мӯътабар ота юртга қайтиб келгину
 Қабр устига баланд тена уйғил * отанг руҳин эъзозлаб
 Ва маърака оши бергил элу юртга одат бўйича;
295
 Эр қилишига даъват эт сен кейин онанг — Пенелопани.
 Режанедаги барча ишини бирин-кетин бажариб бўлгач,
 Уйингизни зўрлик билан ишғол қилган ёв — куёвларни
 Қандай қилиб базмогоҳда найранг билан ё куч ишлатиб
 Маҳв этмоқнинг иложини ўйлаб топгин эҳтиёт бўлиб.
300
 Энди гўдак эмассан, сен, аллақачон чиқдинг у ёшдан,
 Эшиштгансан: пурфазилат ўсмир Орест соҳиби шуҳрат

- Отасини макр ишлатиб маҳв этган қаттол Әгистдан
 Қасос олиб ифтихорли бўлган эди бутун дунёда!
 Сен ҳам, аё, азиз дўстим, қирчиликама йигит ёшингда
 305 Иродали бўл — авлодлар фаҳр ила ёдлашсин сени.
 Энди менга ижозат бер, борақолай учқур кемамга,
 Ҳамроҳларим йўлимга кўз тиккандирлар интизор бўлиб.
 Сен гапимга амал қилу ўз ғанинги ўзинг е, бўтам».
 310 Одиссейнинг фаросатли ўғли деди: «Муҳтарам меҳмон,
 Сен менга ўз ўғлинг каби ўғит бердинг фойдамни кўзлаб,
 Билки, асло унумасман сенинг эзгу насиҳатингни.
 Лекин яна андак тўхта, шошилаётган бўлсанг ҳам жуда,
 Ҳаммомга туш, жисмингни ҳам, қалбингни ҳам покла губордан.
 315 Кейин, майли, эсдаликка мендан бирон дилингга ёққан
 Туҳфа олиб кемангга қайт — борку, ахир, шундай таомил —
 Видолашар чоғда доим дўст дўстига берар ёдгорлик».
 Жавоб қилди унга Зевснинг шаҳло кўзли қизи Афина:
 «Йўқ-йўқ! Мени ушлама сен — ҳозир жуда шошиб турибман.
 320 Бугун менга чин юракдан бермоқ бўлган армуғонингни
 Қайтишимда кириб, уйга олиб кетай бўлиб миннатдор,
 Қимматбаҳо совғанг олиб, берай мен ҳам сенга ҷўнг ҳадя».
 Шундай дебя Зевснинг шаҳло кўзли қизи йўқ бўлди бирдан,
 Гўё кўзга кўринмас қуш парвоз қилди миқжса қоққунча.
 Афина ёш Телемахнинг юрагига мардлик, матонат
 325 Уғурганди, отасини тилга олиб сұхбат чоғида,
 Телемахнинг юраги ҳис этганди, маъбуда ила
 Бугун сұхбат қурганини — шуни ўйлаб қўрқиб кетди у.
 Сўнгера барно ўйегит аста яқин борди куёвлар томон;
 330 Кўшиқ куйлар эди бунда янгроқ сасли машҳур хонанда;
 Ўтирганлар сукут сақлаб, мароқ билан тингларди куйни;
 Куйларди у ахейларнинг Троядан қайғуга ботиб
 Қайтганини. Бир замонлар аҳли юнон жанг майдонидан
 Шундай маҳзун қайтган эди — Афинанинг иродаси-да.
 Тенада, ўз хонасида ўтирган чол Икарий қизи —
 335 Пенелопа эшишиб бу пурзавқ куйни, зинапоядан
 Шоша-пиша тушиб келди икки каниз кузатувида,
 Келиб кирди ширатгоҳга маъбудаваш бу дилбар аёл
 Ва тўхтади баланд шифтга таянч бўлган устун тагида
 Бошидаги зар рўмолни парда қилиб тортиганча юзга.
 340 Жориялар эҳтиром-ла турди унинг икки ёнида.
 Ўқсиб, ииғлаб, деди бирдан хонандага шунда малика:
 «Фемий, сен кўп биласанку тангрилар ва қаҳрамонларни
 Шарафловчи, қалбга ҳузур баҳш этувчи куй-қўшиқларни,
 345 Бу ердаги жамоага куйлаб бергин шулардан бирин,
 Ки меҳмонлар шароб ишиб, сукут сақлаб қулоқ солсинлар,
 Ушбу ҳазин қўшиғингни тўхтат шу он, уни эшишсан
 Юраккинам ээзлади, машбум савдо тушган бошимга;
 Аргосдаю Элладада донг таратиб обрў орттирган
 350 Шаҳворимдан жудо бўлиб, кеча-кундуз ғам чекмоқдаман».
 «Онажон,— деб Одиссейнинг ўғли унга қилди эътироҳ,—
 Хонанданинг юрагидан қайнаб чиқиб бизларни хушнуд
 Этаётган бу нашъали куйни нечун манъ этмоқдасан?
 Хонандада не айб, она? Олимпдаги Зевсда не айб,
 355 Тангрилардир бандаларга жўшқин шахом ато этгувчи.
 Кўй, куйласин, данайларнинг ғамга ботиб жангдан қайтганин.
 Кўрятсанку, тингламоқда уни барча жон қулоги-ла.
 Тинглайдилар уни ҳар гал гўё янги куй эшиштандай,
 Сен ўзинг ҳам бу қўшиқда ҳасратинги топгайсан таскин.
 Шоҳ Одиссей эмас фақат ўз юртидан йироқда қолган,
 360 Не-не мардлар нобуд бўлмиш тангриларнинг иродаси-ла.

- Сен бор, она, рўзгоринеда бекалик қил, жорияларинг
Интизомин, не йигириб, не тўйшиш кузат, яхиси,
Сўз сўзламоқ ярашмайди хотинларга, бу — эрлар иши;
Ха, бугундан менинг ишим — энди менман бу уйда хожса».
- 365 Деди ўғил. Пенелопа ҳайратланиб қайтди ортига,
У ўёлининг бу маъноли сўзларини дилга жо қилиб,
Юқорига — хобхонага чиқди. Сирдош жориялари
Даврасида Одиссейни кўмасаб, аччиқ-аччиқ ёш тўйқди
То Афина кўзларига ширин уйқу қўндиримагунча.
- 370 Бу пайт кўшидка ёв-куёвлар шовқин солиб баҳслашардилар:
Қай биримиз эр бўлишига лойикмиз деб, Пенелопага.
- 375 Одиссейнинг доно ўғли шундай деди уларга қараб:
«Кулоқ солинг, эй тақаббур ва мақтандоқ куёв тўралар!
Келинг энди, шовқин солмай, тинч-хотиржам ишрат қиласайлик.
Тангрилардек пурмаҳорат хонанданинг серзак, серфараҳ,
Куйин тинглаб дилмизни шод этайлик. Эртага эса,
Барчангизни шахфимизнинг майдонига тақлиф этаман.
Ўша ерда, эл олдида юзингизга шундай дейман, мен;
Жўнаб қолинг уйимиздан, бизнинг моллар ҳисобигамас,
- 380 Ўзингиз нул харжлаб базм қуриңгизлар наебатма-наебат.
Агар сизга ўзгаларни хонавайрон қилиши хуш ёқса,
Бировларнинг ҳисобига кун кўришидан уялмасангиз,
Бутун буду-шудумизни қуритинглар, vale сизни мен
Худоларга соглум ва Зевс газабига олгай тўхтосиз.
- 385 Ана унда сиз ўзингиз горат қилган уйда муқаррар
Битта қолмай ҳалокатга учрагайсиз бекордан-бекор». У жим қолди. Лек кўёвлар унинг бундай жасоратидан
Эсанкираб, лабларини тишладилар ҳайрон бўлишиб.
Эътиroz-ла жавоб қилди унга Евпейт ўғли Антиной;
- 390 «Тангриларнинг ўзи сени тақаббур ва густоҳ бўлишига
Ўргатибди, назаримда. Гар тўлқинлар оғушидаги
Итакага сен Зевснинг хоҳиши-ла шоҳ бўлиб қолсанг,
Тўғри, бунга ҳақлидурсен, бошимизга бало бўлардинг!»
Одиссейнинг доно ўғли жавоб қилди унга мулойим:
- 395 «Очиқ гапни айтгум сенга, хафа бўлма, дўстим Антиной,
Зевс подшолик ато этса, бажонидил қабул қиласадим.
Эҳтимол сен подшоликни энг қабиҳ иш деб ҳисобларсан?
Йўқ, шоҳ бўлиши эзгу ишдир, агар шоҳни эвзозласа эл,
Сал вақт ўтмай хазинаси ва давлати бўлгай зиёда.
- 400 400 Илло тўлқин қўйнидаги Итаканинг шоҳи бўлишига
Лойик ёшлар ва кексалар кўн топилур, шулар ичидан
Сиз ўзингиз подши тоналанг, бас, йўқ экан энди Одиссей
Ва лекин бу уй меники, бу ерда мен ўзим хожаман
Шоҳ Одиссей жанггоҳларда ўлжа олган қуллар устидан».
- 405 Телемахга жавоб қилди Полибейнинг ўғли Евримах:
«Эй Телемах, биз гоғилмиз тўлқинларнинг оғушидаги
Итакага ким ҳукмрон бўлишидан, бу тангриларга
Аён фақат, шубҳа йўқки, ўз уйингда ўзингсан ҳоким,
Ишон, дўстим, яшар экан Итакада одамлар, мудом
- 410 Сенинг молу давлатингга қасд қилгувчи топилмас зинҳор.
Вале, сендан мен бояги меҳмон ҳақда сўрамоқчийдим.
Исми нима? Қай мамлакат фуқароси экан у ўзи?
Қай уруғдан? Қайси авлод фарзандийкин? Қайда туғилган?
Ё хушҳабар келтирдими падаринингнинг қайтиши ҳақда?
- 415 Ва ёки ўз иши билан келибдими у Итакага?
Бирданига кетиб қолди, бизлар билан танишмади ҳам,
Ўхшамасди у хашаки одамга ҳеч кўринишидан».
Одиссейнинг доно ўғли жавоб қилди: «Дўстим Евримах,
Насиб этмас энди менга отам билан дийдор кўришмоқ,

- 420 *На «Падаринг қайтиб келгай», деган гапга, на онам уйга
Чақирирган фолбинларнинг фолларига ишонгум энди.
Одиссейнинг дўсти бўлган экан боя келган мусофир;
У тафослик, исми — Ментес, соҳибдавлат Анхиял ўғли,
Ўзи эса эшкаксевар тафосликлар ҳукмдорийкан.*
- 425 *Одиссейзод шундай деса ҳамки, ўзи келган меҳмоннинг
Чин маъбуда эканига астоҳийдил ишонган эди...
Яна ўйин ва шўх куйга муккасидан кетди қуёвлар,
Ўйни бошга кўтардилар шовқин солиб қош қорайгунча.
Қора чодрин ёпганда тун, барҳам бериб айшу ишратга,
Уй-уйига тарқалдилар текинхўрлар ухламоқ учун.*
- 430 *Шундан кейин Телемах ҳам қуёвларни кузатиб бўлиб,
Йўл олди ўз кўшки сари (бу гўшанинг деразасидан
Кўринарди кенг ҳовлининг ғоят ажисб манзаралари),
Бугун кўрган ва эшигтан нарсалари ҳақида ўйлаб.*
- 435 *Машъал ушлаб эҳтиёткор юрди унинг йўлин ёритиб
Певсенорзод Опс қизи Евриклея — оқила чўри,
Лаэрт уни қиз чогида йигирмата буқа берибон*
Олган эди, уни хушхулқ завжасидек эъзозлардио
Аммо лекин кирмаганди бир марта ҳам унинг қўйнига,
Хотинин рашк қилишидан қўрқиб. Машъал ушлаб борарди*
- 440 *Евриклея, бу энага Телемахга болалигидан
Бошка ҳамма оқсоқлардан кўра кўпроқ меҳрибон эди.
Жория кўп ҳашаматли хобхонанинг эшигин очди,
Ечди ҳарир кўйлагини тўшагига ўтириб йигит*
- 445 *Ва кампирга отди уни, Евриклея уни текислаб,
Ғоят гўзал чорпоянинг ёнидаги қозикқа илди.
Кейин, аста чиқди кумуш тутқицидан ушлаб эшикнинг,
Кампир зулфин қайшишини маҳкам тортиб қўйди-да кетди.
Ёш Телемах туни билан майин пўстак устида ётиб,
Ўйлаб чиқди Афинанинг берган ўғит-маслаҳатларин.*

ИЗОҲЛАР

11-сатр. **Унинг... сафдошлари, қуролдошлари** — Троя остонасида жанг қўлган ахей (юон) саркардалари, уларнинг саргузашлари «Қайтиш» номли эпик достонда баён қилинган, аммо бу достон бизга етиб келмаган.

26-сатр. **Ҳекатомба** — бу сўзнинг айнан таржимаси «Юзта тана» демакдир. Бу тангрилар йўлига юзта тана (буқа) курбон қилиш маъносини билдиради. Кейинчалик ҳар қандай йирик курбонликни шу сўз билан ифодалай бошлаганлар.

52-сатр. **Денгизнинг қоқ қиндингида** — соҳиppardан йироқда, денгизнинг қоқ ўртасига жойлашган орол.

90-сатр. **Узун сочли** — қадимги Юнонистонда озод одамлар қуллардан, шунингдек, аслзодалар авомлардан соchlарининг узун-қисқалиги билан фарқ қилганлар.

99-сатр. **Мис тиғли наиза** — «Илиада» ва «Одиссея»да темирдан ясалган анжом ва қуроллар деярли тилга олинмайди, бу достонлардаги қаҳрамонлар одатда мисдан ясалган ўта кўхна буюм ва силоҳлардан фойдаланадилар.

109-сатр. **Май ва сувни омухта қилар** — юонлар тоза май истеъмол қилмаганлар, улар одатда майни маҳсус жомларда сув билан чапиштириб, сўнг ичганлар.

202-сатр. **Гарчи қушлар парвозига қараб туриб, очмасам-да фолқушлар билан фол очиш** — келажак ҳақида башорат қилишининг қадимда жуда кенг тарқалган усулларидан бири бўлган.

239-сатр. **Ахей аҳли (ахейлар)** — энг қадимги юон қабилаларидан бири.,

241-сатр. **Ҳарпиялар олиб қочди** — дом-дараксиз гойиб бўлган одам ҳақида айтиладиган матал.

250—251-сатрлар. **Кўёвлар эса молимизни талашмоқда...** — кўёвларнинг жинояти айнан шундан иборат. Сабабки, йигирма йилдан бери эридан ҳеч қандай хабар бўлмаган аёлга совчи қўйиш уят ҳисобланмаган.

293-сатр. **Қабр устига баланд тепа уйгил** — яни, таомил бўйича, бегона юртда ўлиб, дафн этилмаган одам учун устига баланд қилиб тупроқ уйилган бўш қабр. Бундан мақсад, юонларнинг тушунчаси бўйича, майтнинг руҳи, то у дафн этилмагунча кўним топа олмай, сарсон бўлиб учиб юраверар экан.

437-сатр. **Йигирмата буқа берибон** — Хомер яшаган жамиятда уй ҳайвонлари, кўпинча буқалар, мол айирбошлиш бирлиги ҳисобланган.



Асад Дилмурод

Фано даштиғагы Күш

Роман

Парвоз онлари

Иккинчи китоб¹

Еттинчи боб

1

Сайдбек, ногох, ўқ еган оҳудек титранди...

Нима бўлди, ҳалиги йўлар залвори босдими?

Анча ўтгач, яна ёриша бошлади тасавури кўзгуси, бу гал, ниҳоясиз, чидаш маҳол оғриқ билан кўшилиб ёпирилди хотиралари. Барини кўрди жимгина: қай кунгача яшнаб, азалу абадни эъзозлаш иштиёқи билан тўлиб-тошган қишлоғи энди мункиллаган чолдек буқчайган, ранги — синик, боғларида хазонлар чирпирак, яна чатоги, мевасидан кўза-кўза шинни пишириладиган балхи тут буталгани етмаганидек, майдонни қалт-қалт учайётган қари-картанг, жовдираған ёш-яланг босган. Нигоҳларда биргина нарса қотган — даҳшат, чорасизлик...

Елкасида нишони ялтираётган Сайфининг ҳамишагидек ошиғи олчи: яқинида гердайиб турган сихмўйловли гумашта кулоғига оҳори тўкилмаган латифа айтар bemalol, сўнг, гумашта қовоғини очмаса-да, ўзи пих-пихлаб кулар. Сўнг, бирдан тўхтаб, жон ҳовучлаб турган оломонга ўқраяр: осмон елкамда, ташлаворсам борми, ҳамманг битта қолмай чувалчангдай эзиласан.

Кимгадир дағдаға қила бошлар, Бўзтойгами?

Бунча ўзидан кетди, ярамас, муддаоси нимайкин?

Жиққа терга ботган Сайдбек Умар, «Е» хужрасида димиқиб ўтирганини эслади яна, негадир оҳ урди астагина, сал овуниш учунми, бошқа муддаодами, ваннахонага кирди, пича талмовсираб тургач, бетини чайди-да, артина-артина орқасига қайтди, лекин, каллак урилган балхи тут тагида, саросар қотган оломон қошида, бошини хам қилиб тиззалаған Бўзтой жилмади хотиридан, аксинча, қиёфаси ва ахволи-руҳияси янаям аниқроқ намоён бўлди хаёлида.

¹ Охири. Бошланиши ўтган сонда.

Ажабо, нечун ўша лаҳза осмон гувлаб-гулдираб қуламади устига, чорасиз бўзлаётган, ёруғ дунё кўзига қоронги қўринаётган қишлоқдошларини нечун кунпая-кун қилиб ташламади, нечун?

Ахир, ўша лаҳза, қаҳру ғазаб отига минволган, оламни, Сайфи гиж-гижлаши билан, ўша от туёклари остида эзғилаб ташлашига инонган сихмўйлов сукутга толган Бўзтой томоғига, сира паст тушмаган Бўзтойга қўшиб, ўзининг Болалиги бўғзига ханжар тортворган эди-ку!..

Ана, ушбу лаҳзада ҳам ўша ҳолат руҳи-ҳаёлида аён: ваҳима исканжасида тақа-тақ қотган майдон ўртасида, ўзи чекаётган оҳни ўзи эшишига ноқобил ҳалойик қуршовида, қуличини ёзганча юзтубан қулаган Бўзтой ёнида, беозор Болалиги ночор алфозда типирчилаб ётадир — қора қонига бўянганча, бўлари бўлган борликини оҳу фифонга тўлдирганча!..

Эгам қўллади, қачондир жабр кўрган Болалигини тирилтириди Бўзтой қиёфасида, ана, тоза кўнглига ҳамон гард юқтирумаган Болалик юмшоқ кароватда голибона тарзда ўй сурibi ўтирадир, дарифки, теграсида ўзидан бениҳоя йироқлашган, айни пайтда, унга ўзини яқин тутаётган, аллақачон тақдирга тан берган, иссиғу совуқда факат дийдасимас, иккала қўзи ҳам қотган Кексалик мағлубларча тўлғаниб тургани, изтироб оловида қоврилиш билан бирга, нимадандир умидвор эканидан бехабар...

Бирдан англар Саидбек: соғинч ва интизорлик ҳал қиласи кўнгилда ўралиб-чувалиб ётган жумбокларни, ҳай-ҳай, ҳар қанча тилини узун қилиб мақтангани билан узоқ кутилган фавқулодда эзгу учрашувга тайёр эмаскан. Ана энди қўринг ногаҳоний хуласаси беадад ўқинчга айланганини. Наҳотки мувозанат бузилган бўлса? Бунга тоқат қилиш қийин, бу ёғига ҳам Худо қўлласин. Титроқ қўлларини кўксисида қовуштирганча, яна пичирлаб ўқий бошлар билган дуоларини. Зилдек сукутга чўмган чоғда мук тушганча мудраётган Бўзтой қаддини ростлар, кўксини керганча керишар ҳузурланниб. Чанқаган шекилли, товушсиз ютинар, қуруқшаган лабларини ялаб. Нигоҳи соқин — хотиржам, наҳотки у олакўз маҳлук ҳўжайнинлик қиладиган гўшага маҳкум эканини билмас?

Ҳали Бўзтой ғалати ёзғирди, сиздай чинорга суюнмасам кимга суюнаман, деди шекилли? Нима, шунчаки жигига тегиши учун пичинг отдими ёки чиндан ҳам имкони чатоқми? Балки бир далдага зордир? Фахмича, унақа эмас, Бўзтойдан шубҳалангани бекор, ахир, унинг кўмагида оламни ва одамни бошқатдан таниш, қолаверса, ўз дарди-дунёсини топиш, кўнглига, кўнгли бўйлаб сафар қилиш учун бел боғламаганми? Агар, чиндан-да, Бўзтой ўзи ҳам кўмакка муҳтоҷ бўлса, аксига олмасми барি?

— Бўзтой, дилбандим, Худо ҳақи, устимдан кулма, менинг нимамга ҳам суюндинг, шартим кетиб, партим қолган бўлса! — ўпкаси тўлиб кетди чоғи, Саидбек Умар қисқагина сукут саклади. — Ёки мандан гина қивопсанми?

Бўзтой, тошиб келган кулгисини ютиб, бosh ирғади аста.

Пайваст қошлари ўртасида — тугун...

— Азизим, унақамас-да, менга осон бўлганий йўқ, — зўр бериб ўзини оклашга киришди профессор. — Куйруқсој қайғусини бир елкамга, бурч деган савилни иккинчи елкамга ортиб, шу ергача зўрга етдим.

— Менга қандай даъвойингиз бор? — Бўзтой қорачиқларида недир учқун ёнди лишиллаб. — Йўқми? Ҳа, тузук, унда сўйлайверинг, юракни бўшатсангиз енгил тортасиз.

— Қисмат кундасига азиз бошини кўйган сендей ўқтам ўғлонга қанақа даъвойим бўлсин, — у ўнг қўлини мушт қила туғиб, ҳавога ўқталди. — Фақат, Худо ҳақи ишон, сени ўлгудай соғинганман. Нимага ҳиринглайсан, унақа қима. Вой, шумтака-ей, Болалигини соғинмайдиган қанақа лодон бор дунёда, демоқчисан-да!? Юз пойиз ҳақсан, пақат... Ишон, э, оҳу кўзлигим, пақирники бошқача, ҳеч кимниги ўхшамайдиган соғинч!

Кулгиси қистаган Бўзтой унга ҳавас билан қаради...

— Ҳо-о, шунақами?

— Шунақа, — деди Саидбек алланечук яйраб, сўнг, енгил сўлиш олди. — Ҳа, нима, сени разолат қонига ботирган ханжар факир Болалиги бўғзига ҳам санчилганини уннутдингми?

Зил-замбил жимлик қаърига торти ҳужрани.

Халиги бўртиқ кўзли маҳлук қўриниш берди.

Сўнг, бутун қалья бир силкиниб тушди чамаси.

— Унутганим йўқ, — недир таъна соя солди Бўзтойнинг қизаринқираган кулча бетига. — Лекин, факир ушоқни қатл майдонига элтишгандан сиз мўмин-қобил томошабин бўлишдан бошқасига ярамабсиз, аҳли жамоа ҳам, хўш, нечун?

Қок бўлиб кетди томоғи, рости, Бўзтой гина-кудур билан айтган ҳақиқат кечакундуз Сайдекка тинчлик бермас, замона зайли билан пешонасига босилган тамға борлиғини зимдан сирқиратгани-сирқиратган, тушунуксиз ўжарлик билан кўнглидаги кемтиқдан огоҳ этгани-этган, нима қилсаки уни манглайидан сидириб ташласа, ундан қутилса тоабад. Айни фурсатда Бўзтой хумордан чикволди, ярасини янгилаш эвазига.

— Яна чок қивопсан кўксимни, дилбандим, — деди Сайдек бош чайқаб, аъзои бадани зирқираганча. — Нимасини айтай, ўша кунлари барчамиз бекишиан кишанланган эдик, минг афсус!

— Кечикиб қилинган пушаймон сут айламас.

— Кел, жоним, буларни қўя турайлик, — деди Сайдек, юзига жиддийлик тусини бериб. — Яхшиси, менга Эна Кўкбўридан гапир, у Чакалоқ билан ишончли жойга яширинганим?

Энди Бўзтой андак очилиб кулди, дили ҳам, чехраси ҳам ёришди анчайин, энди у гаройиб ўлчамлари бўлган кутлуғ дунёсига гарқ: Эна Кўкбўри Оллоҳ назари қўриқлайдиган — хавфсиз, осойишта, ораста хилватни манзил тутган, Чакалоқни иссиқ-юмоқ қучогида, меҳр-муҳаббати қўргонида дахлсиз асрәётир, мусаффо сути билан болакай нафсига ором ва қаноат баҳш этаётир, фақат, анчадан бери у ярадор, дайди ўқ теккан елкасига, буни юзига синовчан термилиб турган биродарига айтсинми, йўкми?

Турмушда кўп тўкишганига қарамай, бу одам — Эртак одами, кор-ҳолдан уни хабардор килиши керак. Барисини чамалади, лекин, етолмади ниятига, гусирлаб эштилган қадам товушлари алғов-далғов қилиб юборди хаёlini.

Қисқалина жимлик... Ва эшик очилди шараклаб: баравста, қовоги солиқ икки киши кирди олдинма-кейин, иккови ҳам хотиржам келиб, ёнма-ён тўхтади ўртада. Фалати бир салобат, ўнғайсизлик, хавотир босди хонани, ажиб тарзда имиллаб, зерикарли, маза-матрасиз кеча бошлиди лаҳзалар. Сўнг, зарда аралаш чукур хўрсаник... Бу Сайфи эди, энсаси қотиб кетган Сайдек, нафратини қандай изҳор этишини билмай, бир унинг чўққи соқолига, бир қўлидаги тим қора резина таёғига тикилар олайиб. Кимни эргаштириб келди, ярамас? Аммо, танимади ҳамроҳини, буям пўкнидан ел ўтмаган бирон гўрсўхта бўлса керак, деб қўйди ичида.

— Уу-ху-уйй, жигар, қоринчани қашилаб ётипсамми?

Қизик, Сайфи тилини тишлаб турарди феълига зид равишда, анов кимса эса, ошиб бораётган дикқатини яшириб, қувноқ қиёфада гап қўшди ранги оқарган Бўзтойга. Товуши ҳийла шанғи экан, ҳафсала билан ийлаб, оҳорлаб, оби-тобига келтирганига қарамай, талаффузидан яққол сезилди шу нуқсони. Ана энди Сайдек бир ишқирди, бирдан хушёр тортиб, разм солди унга ер остидан, ва, курт ўрмалаган каби, жимирилаб кетди бадани. Ахир, бу ўйгинанг кўйгур Чумоли — Кўлдош Камон-ку, нега танимапти уни шу пайтгача? Шунақа, ниҳоят кўриниш берди ярамас. Бариси тушунарли: ўзан бошида ўтировлиб, шу бемалол лойқалатмоқда сувни.

— Химм, — деди у бирпастдан кейин, Бўзтойга назарини тешгудек қадаб, — чакки ёмон тушган кўзинг. Тўғрисини айт, ростдан ҳам Кўкбўри туққанми сени?

— Ҳазрати раис, камина борини ипидан-игнасигача ойлик ҳисоботимга тиркаганман, — жимлик чўқканидан фойдаланган Сайфи чулдирай кетди. — Асли бу тирмизак Эна Кўкбўри зуриёди эмас, лекин, бешикда ётганида ҳар кеча тогдан эниб келиб эмизган. Жоҳил Куйруқсој ақлини пешлаган кунларимизда бундан аввал ўзим хабар топган эдим.

— Хўш, — дея ўқрайди Кўлдош Камон, — намунча чўзасан?

— Эсимда, яхшилик тифи билан сийловдим.

— Энди сени сийлагани тирилиб кепти-да?

— Бир шўртумшукка кучим етар, ҳали, раис.

— Химм, тезроқ ғамингни егин, буниси қўл остингда бўлгани билан униси очиқда, эркин. Ҳали сутга тўймаган гўдак-ку, деб хомтама бўлма, вақт тезоқар дарё! Унақалар тез вояга етади. Тўлин Ой қалъаси додлаб қолмасин-а!

Сўнг, Чумоли, бирдан товушини пасайтириб, хизматга шайлигини «хўп-хўп»лаб астойдил изҳор этаётган Сайфи кулоғига қўйволди оғзини. Ўгринча нигоҳи, сароси-маланиб, хомуш ўлтирган, нафратини ичига ютаётган Бўзтойга қадалган. Лекин, у ҳар замонда Сайдек Умарга ҳам тикилар зимдан. Ҳозир у Сайфини бошқатдан авраётир: Энабошини тезроқ тутқун қилишга даъват этаётгани аниқ... Булар бир-бирига нақадар мос тушган, лекин, қайсинаси золроқ?

Сайдбек Умар кўз ўнгидаги юксалиб борар Ёдгор валий — Қуйруқсойнинг содик чароғбони. Энди панжалари ҳам ингичка ва нимжон туюлмас, аксинча, чайир ва бакувват: гўё шундоқ олдида улкан ойнаи жаҳон ўрнатилган-у, ўшанда у ими-жим кўриб турар барисини. «Нимага иймон ўғирдинг?» — дея нур сочар ота кўзлари. Бир сирли икрор уйғонар нотинчланган кўксига. Ҳамон қоядек адл турган ҳазрат қошида тиз чўкар ногаҳон ва аста ўпар этагини.

— Сен, гумроҳ, жафокаш ерни ўтдан олиб сувга, сувдан олиб ўтга солаётган каззобларга ҳалиям ишонасанми? — Ёдгор валий соколи учини қайириб тишлади, сўнг, қўйворди тезгини. — Ха, нега мум тишлаб олдинг, сукут аломати ризо, шундайми?

— Йўқ, ота, мен улардан тўйдим.

— Доим аравани қуруқ опқочасан.

— Одамни ҳадеб камситманг. Ана кўрасиз, Бўзтой билан бирга мен ҳам қайтаман Қуйруқсойга, — деди Сайдбек Умар, миясини ўргимчак тўридай ўраган ноxуш фикрларни матонат-ла инкор этиб. — Қуйруқсой ота маконим бўлса, нега ундан ётсирамиз керак?

— Тўтикуш бўп кетдинг-у, бўтам.

— Тўғри, кўп йил ўғай бўлдим унга, энди, бас, уни ҳам, ўзимни ҳам хўрлаганим етар, энди бу ерда Хотираларим ва Болалигим билан ёнма-ён яшайман.

— Ҳа-а, тузук, лекин ишонч борми ўзингга? — ниҳоят, пича сукут сақлагач, Ёдгор валий бир қадар ўсмоқчилаb, шубҳа аралаш савол бердики, севинмакдами, ранжимакда, қийин кечди англаш. — Ниятинг ишқилиб бутун бўлсин, бўтам. Оғсанг, бир гуноҳингни минг қиласан. Шуни биласанми?

Сайдбек Умар чайналди: «Отанинг қаҳри жўшдими?»

Йўқ, хайриятки, у осуда, босиқ...

— Анчадан бери Оллохни топмоқ илинжида фам чекасан, гоҳ мендан, гоҳ Болалигингдан мадад тилайсан. Бизга суюн, лекин, суюниб қолма, аввал бизни эмас, ўзингни топгил, қолганига кейин эришасан.

Сайдбек бўзарди: «Шайхи комил ҳақми?»

Кимдир сазо берди ичида: «Ҳақ!» Сўнг, қўнишганча, бирма-бир чақа бошлади ҳазрат қилган лутф мағзини. Чакаркан, аллабир кўркув босди юрагини, наздида, эҳромсимон чўққи белида қўнволиб, саробда жимиrlаётган адрларни жимгина кузатётган Айиктош нохосдан қулади гумбирлаб, сўнг сокин дарани ларзага солиб, йўлида учраган дов-дараҳтни қиyrатганча, шаҳд-ла келиб урилди нозик ва толиқкан гавдасига...

— Болалагим дейсан... Хотираларингни тикиштирасан... Кошки Қуйруқсой салтнатини тутиб турган робиталар билан ёнма-ён яшашга қурбинг етса!

Сайдбек Умар сукутда... Унинг аҳволини Ёдгор валий тобора теранроқ англар, лекин, ҳозир у меҳмонига раҳму шафқат қилиш фикридан мутлақо йироқ, мавриди кептими, аямаслиги керак. Мулла Умардек эл таниган, дунё кўрган, етти ўлчаб бир кесган ориятли одам зуриёти дунёдан кўли очиқ, кўзи юмук ҳолда ўтиб кетмаслиги лозим. Ҳаргиз у орзу-ҳавас отини қамчилаш билан овора, бироқ, ичида кўркув ин кўйган, ҳал қилувчи лаҳзада ўша туйғу илондек бош кўтариб қолса-чи?

— Нима ҳам дердим, хўш, бу мулкни қўриқлаш ва хотиралар ичида дельвагай яшаш факир чекига тушган саодатдир, — куроқ кўрпачага омонат чўккан Сайдбек Умарга ер остидан нигоҳ юборди мезбон. — Бунақаси чамамда сенга ярашмас, қолаверса, сен... кўнгилчан ва савдойисан. Берилсанг қаттиқ бериласан, бессанг, тамом безасан.

— Тўғри, — дея кўзларини яширди профессор, — айбим бўйнимда.

— Юзаки тавба ниқобдир, — анчайин кескин янгради Ёдгор валий товуши. — Нокаслар билан ора-очди қилиб, фалва уясини тарқ этмоқчисан, хўш, эрта ўзингни ўзинг тарқ этишингга тўғри келса-чи? Унда нима қиласан?

— Фақирни буқкан нарса — таъқиб!

— Асло, бу эмас чатоги, билиб қўй, чатоги, бирламчи, бу дунё омонат эканидан бехабарсан, иккиласи, ҳар нимаики кўрингани йўқлик, ҳар нимаики кўринмагани борлик эканини англашга қодир эмассан.

— Унақада... бекорми Қуйруқсойни соғиниб келганим?

— Ха, бўтам, Қуйруқсой — йўқлик!

— Йўқ нарсани қўмсар эканман-да?

— Сен Қуйруқсойда эмас, ўзингда яша, фақат ўзингда эмас, Оллоҳда яша! Бошқа

ҳаёт йўқ! Овора бўлма излаб! Шунча адашганинг етар! Дўзах олови урмаяптими бетингга?

— Э, падари бузрук, ўтинаман, шафқат қилинг, кўп эзманг шундоқ ҳам эзилган бағримни, — дея профессор бир парда кўтарди товушини. — Ижозат беринг, тоабад қолай Куйруқсойда, ахир, бошка қайга ҳам бош уриб бораман!?

— Кўрқаманки, тоабад мутеликка ён бериб, андиши истиҳола ўлгирнинг қиркъямоқ чопонини эгнингдан ечмай, ечгани журъат қилмай ўтиб кетмасанг дунёдан!

Яна, нохос гумбирлаб, Айиктош қулади гўё устига...

Авлиё ота меҳмони кўнглига бир кур назар солди, холос.

— Асли, Худо ҳақи, ўғлим, омонат дунё сен чеккан ташвишларнинг бир чимдимиға ҳам арзимас, — саробда жимираётган сайхонлик тарафда сайд қила бошлади ота нигоҳи. — Хўш, унда тириклика маза-матра киритадиган нарса борми-йўқми ўзи оламда? Бор, бири — сен айттаётган хотира, фақат, укиб олки, хотиранинг ҳам суврати билан баробар сийрати мавжуддир. Ҳамма вақт бандаси учун сийрат аталмиш моҳият муҳимроқ! Машойхлар таъкидига кўра, хотира ихлос ва дуодан бўлак ҳеч нарсага мұхтож эмас, хотира учун нафс ҳам, таъма ҳам, ҳасад ҳам, мартаба ёки хазина ҳам сариқ чақа!..

Ёдгор валий нишонни аниқ олишга тиришдими, завқи тошдими ёки шунчаки йўлига сўйлай бошладими, дафъатан билиш қийин, ҳартугур, нима бўлганда ҳам, Саидбек Умар нам тортди ўзига — ер ёрилмадики, ими-жимгина кириб кетса. Ахир, наҳотки қонида молпарастлик иштиёқи бўлса? Бор эканки, қичаб-қистаб келмиш отасидан қолган, лекин нималиги номаълум мол-дунёни!

— Ўғлим, фақат марҳумлар эмас, мен ҳам сен учун бир хотираи силсилеман, фарқим — юрагим тегиб тургани... Бугун иккала оёғим ҳам гўр лабида, шунгача кўп олис, кўп оғир йўлни босиб ўтдим, не-не бекатларда кўниш қилдим, охири тушундимики, ҳаётдаги жамийки яхши-ёмон ўзимда экан, бехуда овора бўлибман истаганимни бошка макон, бошка замондан қидириб?

Энди, ёғирай, шайх жунунуваш қиёфада...

Тавба, у кимни имтиҳон қилаётир, ўзиними, Саидбекни?

Фаҳмича, у улкан борлиқда улкан нуқта — сокин порлагувчи кутбга айланган, поёни йўқ мазгилда кўрар кўнглини, янам аникроғи, ҳазрат суврат қўргонидан сийрат мулкига кўчган, шу ажаб ҳижрат сурурига тамомила чулғанганд. Алҳол, руҳий ҳижрат гаштини сураётир, ажабмаски, бу ҳолати Олий зот ҳузурига сафар қилиш арафасида адо этаётган муборак ибодати бўлса!

Балки, ундан эмасдир, балки, бу лаҳзада, ҳазрати киром, айтгани — кўп олис, кўп оғир йўл бандаси учун не маъно касб этишини, бинобарин, бешик билан қабр орасидаги масофа ибратли ёки самарсиз ислоҳлару инқилоблар манбаидан бошка нарса эмаслигини чамаи мўлжал қилаётгандир. Кимнидир ошифта, дилкашу оқибатли — доно, кимнидир овораи сарсон, ғамбода ва тажанг — садойи қилиб қўядиган ушбу йўлда нима устивор: эзгуликми ёки жаҳолат, э, Кодир эгам!?

Бора-бора устози мукаррам теран сукутга чўмди, энди у гўё тили билан эмас, нигоҳи билан сўйлар, муazzам маъно билан тўлғин улкан бир каломни ифода этишга ошикар. Бу недир, зикри ботинми? Қароқларида ойдинлик жўш урадир: Саидбек, ўғлим, камина дунё уйига қадам кўйган куним, дунё ҳам камина кўнглига мўралади, бундан ҳеч қаҷон ғофил қолма. Қўхна гардун жисмимга руҳ-жон берди, мен ҳам унинг бўм-бўш кўзасини файзу баракотнинг шира-шарбати билан тўлдиридим. Азалу абад дўкони факирни ақл-идрок, қувваи ҳофиза билан сийлади, факир ҳам унинг мискин кулбасини сабру қаноат, ҳалимлик ва иймоннинг бебаҳо гавҳарлари билан зийнатладим. Замону макон факирни фариштага қиёслади, мен эса замону маконни ўзимга менгзадим. Ниҳоят, ақлу идроким равон ишлай кетиб, фаҳм этдимки, аввал ҳам, охир ҳам ўзимда экан!..

Саидбек кўз узмас отадан: «Шайх зикри ботин билан машғул!»

Ёдгор валий ўзини ҳам, борлиқни ҳам унумтиш... Недир ҳавасда у руҳи иклимига кўчмиш, шу жараёнда гўё оламу одамни бошқатдан танишини ихтиёр қилар. Ким билсин, балки аллақачон Аршга юзлангандир. Ана, лаҳзалар кечгани сари, вужуди кучлироқ нурланар. Кейин, вужуди, аста-секин, ловуллаган хилқатга айланар, сэр-ажин пешонасини тириштириб, оҳиста хўрсинар-да, бўйра ва кўрпача тўшалган супага ҳовуч-ҳовуч чўғ бўлиб тўкилар:

Мен ўзимда туғилдим, мен ўзимда ўламан.

Улуғ тарҳ ҳам, улуғ амал ҳам — ўзим...

Тўрт фаслда ўзимда гуллаб, ўзимда мева тугдим — қуврадим.

Яхши ёнида ориқлаб, ёмон ёнида семирдим.

Ақл ичинде донишлик билан ошна тутиндим, ақл ташинда телбалик билан оғиз-бурун ўпишдим; илму ҳикматим кимгадир малол, авомлигим кимгадир эрмак...

Фақир дунёни заррасидан коинотга қадар эринмай ўргандим, қолмади билмаганим, ахийри англабманки, шунча ақлым, шунча фаросатим, шунча күчим билан тоғануз ҳеч нарсаны билмабман...

Во ажабо, бу лаҳза Ёдгор валийни таниш имконсиз, бу лаҳза шайхи калон ботини иқлимида ўзиға ўзи арзи ҳол қилишга астойдил киришган, бинобарин, Сайдбек Умарни лолу ҳайрон қолдирганча, ботинида ўзи билан ўзи олишар, поёни йўқ бир оламидан поёни йўқ иккинчи оламига сайру саёҳат қилас, эҳтимолки, меҳмонини ҳам шунингдек хузурбахш ва азобли сафарга ундар...

Хануз руҳида инқилоб ловуллар, долғали кечар бу инқилоб, бутун кўлами — укубатлари ва лаззатлари билан қароклари кўзгусида жилва қиласидир...

Ҳа, бўтам, қарами кенг Оллоҳ буюрмиш: мен ўзимда нахри муассазм бўлдим, мен ўзимда жилғага айландим, мен ўзимда савашдим: зафар кучдим, енгилдим, мен ўзимда адолат истадим: бандасини бало-қозодан кўксим билан тўсадим, бандаси тухмат билан илма-тешик қилди кўксимни, мен ўзимда жоҳга кўтарилидим, бул юксалишим ҳоҳга қулаш билан ниҳоя топди, мен ўзимда саодат тиладим, орзуим ушалган кунда бадбахтлик тамға бўлиб босилди пешонамга, мен ўзимда тириклик гаштини сурмоқчи бўлдим, оғзим ошга етганда бурним қонади, ҳайҳот, англамаслик экан, ахийри ўзимда ўлдим, фақир бу кунда «мен»лик имконини эъзозламак билан машгулман, ушбу тадбир якунига етган лаҳза ўзимда руҳим билан қовушаман ва... ўзимда Оллоҳни топаман, ўзимда Оллоҳ билан дийдорлашаман, ўзимда Оллоҳ билан мангӯ қоламан, ўзимда Оллоҳ сари сафарим интиҳосига қадалар, ўзимда — Оллоҳда сафарим ниҳоясиздир...

Сайдбек хушёр тортди Ёдгор валий хўрсинигидан, нима бўлди, кўнгли шайх кўнгли билан битим туздими? Сирли бир сурур туйди, айни пайтда, кўз ўнгига шайхи комил ланғиллаб ёнганига иймон ўғирди, эҳ, ёниш ҳам гапми, лағча-лағча чўғ бўлиб тўқилди-я. Мана унинг куч-қудрати нимада экан? Қизиқ, фақат ихлосу эътиқод билан ҳар кимга шундай ҳолни кечириш насиб этармикин?

— Бўтам, узр, — сал фурсатдан кейин Ёдгор валий кўз қирини юборди унга, — ажабланма телбаваш қилмишимга. Иложим қанча, гоҳида шу хил машгулотга эҳтиёж сезаман. Ўрганган кўнгил ўртанса кўймас.

— Тақсир, сиз иҳтиёёр қилган касб-кор камина учун тилсимдан бошқа нарса эмас,— деди Сайдбек Умар хижолатини яширмай. — Сиз бир хазинасиз, сизга ҳавас қиламан.

— Хўш, ҳалитдан бери не муддао ташвишини чекасан?

— Тақсир, малол бўлмаса айтсангиз, шу кунгача ноқобил муридингиздан қандай сирни пинҳон тутдингиз?

Меҳмон тарафидан шундай саволни Ёдгор валий анчадан буён ботинан кутаётганди чамаси, шу боис, ранг-рўйида бирон ажабланиш аломати ёки бошқа бирон ўзгариш сезилмади айтарли, фақат, хиёл маъюс тортиб, Тамғали гори томонга қаради жимгина. Анчадан кейин, жилдираб оқаётган сой бўйига бориб, таҳорат ушатиб қайтди-да, орқамдан юр, дегандек, ҳайриҳоҳ бош иргади Сайдбек Умарга...

3

Қаҳри жўшиб ўйлар Сайдбек: «Қайсииниси золроқ?»

Сўнг, кулар соддалигидан, ахир, булар шунақаки, ҳар бобда бири иккинчисидан асло қолишмас, ораларида бор-йўқ фарқ шуки, униси — дасти узун амалдор, буниси — эпчил ва укувли мулоғизим, лекин бу фарқни унча-мунчада сезидиришмас, панада бъязан қизишиб олишса-да, апоқ-чапок бўлиб кетишар тезда, қолаверса, шу кунгача бирон масала устида талашиб-тортишиб қолишгани, бирори-бирорига олайиб қараганини ҳеч ким кўрмаган. Бир олманинг икки палласига ўҳшаб кетишади, бир майизни тенг бўлиб ёйишларини эса асти қўяверинг. Иноқ-аҳил бўлишгани учун ҳам доимо ошиклари олчи, йўқни ҳам бемалол йўндиришар керагида.

Фақат, ўртада кичик бир жумбоқ бор: Эна Кўкбўри воқеасини Кўлдош Камон аввалдан билармиди ёки унга бу хусусда Сайфи сўйлаб берганми?

— Пиропесор, ҳалиям ичингизда гина-гумон довча туғиб ётиптими? — кутилмаганди Сайдбек Умарга яқинлашди Тўлин Ой қалъасининг эҳтиёткор соҳиби, юмшоқдан-юмшоқ илжайиб. — Отангизни ўлдириппанми, намунча мэндан хапасиз?

— Мени тинч кўй, шунда орамиз очик, — деди Сайдбек Умар димогида пўнғиллаб. — Сендан ўлгудай тўйғанман, тоқатим йўқ турқингга!

— Сизга оғирлигим тушмаётгандир, — деди Қўлдош Камон қовоғини ўйиб, — Сайфи билан зимдан кўз уришириаркан. — Худо ҳақи ишонинг: қосимийлар хўрлашган бўлса сизни, факир кафтимда кўтаришга тайёрман.

— Инсофга кириб қопсан, чўп синдириш керак бошингда.

— Сизам мундай қайишинг-да одамга, — деди Қўлдош Камон, хиёл чиройи очилиб. — Кўпам оғир юмуш топширганимиз йўқ: ҳозирча манови қайсарни жиловлаб берсангиз кифоя!

— Ҳе, ўргилдим... сен... Анойи санайсан-да мени... Пардалама, дардинг асли бўлак... Аввало Эртак пайини қирқмоқчисан, негаки, Энабоши билан Чақалоқ сен нокасни кушанданг.

— Ёпирай, тушимга кирмаган гап!..

— Локигин, хомтама бўма, унақаси хали ҳеч бир шўртумшуққа насиб этмаган, — Сайдбек Умар соҳиб иззат-нафсига тегиб кетганини сезди, лекин, паст келмади. — Эсинг борида этагингни йиггин, бу қилишишнг одамзод шаънига иснод!

— Ақли ошиб-тошган одамнинг телбадан фарқи йўқ!..

Энди Сайдбек Умар кишан урди тилига, нафратга ўшаш нарса кўйдирди кўксини, қани, иложини топса-да, ҳар нарсага тумшук тикадиган, қўланса нафаслари билан «Е» ҳужраси ҳавосини бузворган иккала гўрсўхтани бир зарб билан ер тишлатса. Аттган, кўли қалта, буни ҳечам адо этолмас. Майли, ҳадеб ғам чекавермасин, буларни, бугун бўлмаса эртага, адолат ҳомийси — Оллоҳ ўзи етарлича жазолар. Ҳозир олдидағи ташвиш бошқа: Бўзтой билан маслаҳатин бир жойга қўйиши керак. Бас, одам зўрга айланадиган каталак қадрдони жойи эмас, у кенгликларга ўрганган, у тезроқ қўёш тафтига тўйган, тўргайлар хониши билан маству масрур даштига, қай бир ўтлоқда эгасиз юрган бияси билан кулуни ёнига жўнаши лозим.

— Бирон нарса англадингми, жоним? — деди ниҳоят Сайдбек Умар тажанглик билан. — Булар ашинақа, девор ушлатиб кетишиади истаган одамига.

Бўзтой караҳт: ҳоли йўқ чурқ этишига.

Ва ўйга толган: «Булар қанақа шарпалар?»

Сўнг, у бу дунё билан келишиш қийинлигини англаб, зўраки кулганча, ёстиққа оғир ташлар бошини, чиyrалиб ётганича эрталабга қадар қимир этмас...

Тунни мижжа қоқмай кечирган Сайдбек Умар ғашлиги устига ғашлик қўшилар, тавба, бу қанақаси, у Бўзтойни жиловлаши — аниқ бир йўлга солиб бериши керак, ановилар шунақа кўрсатма беришган, қанчалар нобоп вазифа, аникроғи, Сариоёғлар унинг савъ-ҳаракати асосида Болалик билан Эртак ўртасига раҳна солмоқчи. Бунинг учун у Бўзтойни «Сумалак» зардоби ва СН замбуруғи билан эмласа — бариси тамом: ўғлон, кўнгли қўзига чим босилар-да, жамийки эзгу хотираларидан воз кечар, жумладан, Эна Кўкбўридан ҳам айрилар, о, ана бедодлик!..

Сайдбек Умарни қўркув босди, дунё қолган-кутган охорини ҳам йўқотиб бораётир назарида, кўнглидан кечачётган мулоҳазаларни Бўзтойга ётиғи билан тушунтириш вақти келган шекилли. Нимадан бошласин, Фузайлдан айрилиб қолганиданми, ҳар қанақа кашфиёти бошига битган бало бўлганиданми? Агар бу Чархпалакни кўрса... нафратдан бўғилиблар кетса керак. Кўнгли нозик-да... Ие, шошма, эшик фичирладими зорланиб? Кимdir кирди, ҳа-а, таниқли зотлар: Жобир Кирпи, Эсон Оқбўта, Сайфи... Бириси истехзоли кулган, қайсиниси қовоқ солган, энг орқадагиси негадир ғазабнок... Тавба, ким экан булар арпасини хом ўрган? Бўзчининг мокисидек қатнашади бу ерга, асли муддаолари нима? Соябонли қалпоғини қошигача бостирган Жобир Кирпи ўзини хотиржам тутишга тиришаётган Бўзтойга буюрди: «Имилла-ма, тезроқ кийин, жиян!» Сўнг, у шерикларини ҳам шоширди, совуқ терга ботган Сайдбек бош нозир овозидаги зардани туйиб, ғалати жунжикди: яна бир мусибат ёвуқ шекилли. Кимdir пишиллаб ҳаво симириди ёнгинасида, мундօғ қараса, аллақачон соясига айланган, ҳатто гоҳо тушида ҳам кўриниш берадиган Сайфи ошнаси, бўзарганча, ўқ қилиб турибди нигоҳини: «Сиз ҳам борасиз!» Бунинг хитоби Жобир Кирпиникидан ҳам ўқтамроқ... Иззат-нафси симиллаб, сёёқ тирагиси келди, бироқ, бундан нима фойда? Бошига ортиқча ғалва орттиради, холос.

— Машқингиз анақа... пастроқми, пирапесор? — илмоқли савол берди Сайфи, олдинма-кейин ташқарига чиқишгач. — Сал очинг-ай қовоқ сабилни, ҳа-ҳа, бир илти-фот кўрсатинг, Худо ҳақи, бугун омадингиз чопган кун!..

Қани ҳозир Сайдбек Умар қулогига гап кирса?

Шошма, омад дедими, тавба, қанақа омад?

Ҳатто бурга думини кўролган Сайфи яна қанақа фирромликини дилига тугдийкин, асл муддаосини ўлиб-тирилиб пардалаётир, зимдан авзойи бузуқ: ўзини-ку нима қилса ҳам майли, ишқилиб, Бўзтойга тегмасин, бир бало қилиб қўймасин қора қўзлигини.

Не бир лаҳзада Ҳудодан мадад тилаб одимлаётган Сайдбек Умар муттасил қайнаб, гуриби-тошаётган тизгинсиз гирдобга дуч келди, тийиқсиз ёввойи тўлқин чаппор урганча, ўрай-ўрай, делвагай алфозда, зув ола кетди уни қайгадир, бетартиб гавдалар исканжасидан ўзи бир амаллаб қутилар, лекин, навниҳол Бўзтой ҳоли не кечар?

Тўлин Ой қальаси яқин... Ажабо, улкан, кўнгирадор, сербўёқ қалья гўё муаллақ турар еру осмон оралиғида: goxo у дам солинган ёки дами қайтариб сўриб олинган шар каби шишиб-кичраяр, шунга кўра, бош гумбаз ҳам, майда-чўйда қуббалар ҳам бир ҳайбат солиб семирса, бир зальфарон тортиб ориқлар.

Яна, тепани нуқра-мис қозонга ўхаша юмалок сайёralар тутган бижиллаб, сокин бўшлиқда тиккасига юксалган ингичка-йўғон устунларни ола-була арқонни эслатадиган сонсиз чизиқлар ўргимчак тўридай чирмаган. Тинимсиз қилпиллаб ҳаракат қиласидиган қўними йўқ думли ёритқичлар баъзан устунлар теварагида парвоз қила-қила қарсиллаб тўқнашар, йириклари ушоқларини гард каби чиппа тортиб олар ўзларига, айримлари ёндош тушган олмос тусли қояларга урилиб парчаланар ёки тўқнашув пайти қоялар ўзи бўлакларга бўлинниб, сочилиб кетар чор тарафга, оқибатда, тез-тез яшин чақнаб, осмон қоқ ёрилгудек бўлиб, янаем ёришиб кетар фалак буржлари, қалья кўнгирилари ва гумбазлари.

Шунаقا ҳолатки, кўриниб турган само ўлчамлари кўринмас самонинг исмисиз ўлчамлари сари шитоб или чекиниб-суринган, ерда, ушбу майдонда нимадир ғалаён қилар: бир издиҳом устига иккинчи издиҳом бостириб келар. Ҳадикли ва умидвор нигоҳларга тикилар-да, мен бир ҳасман, деган ўйга борар Сайдбек, сўнг, ғалати орзикиб кетар, наҳотки, Бўзтой йўқолиб қолмиш ҳалойиқ ичидা?

Сайдбек Умар аранг илгарилади, суклари қисирлаб кетди зич тиқинда. Гўё, ер ёрилган-да, париллаб одам чиқсан, булар уйгиналарида ётишса маъқул эмасми маза қилиб, бирор маймун ўйнатаётганни йўқки, қуруқ қолишса. Бай-бай, бу нима азоб-а? Бу ишга Бўзтой ҳам ҳайрондир, ишқилиб, у соғ-омон бўлсин, энди топдим дегандар... О, қани, бир мўйига тегинишсин-чи, ётволиб тебалашар, ахир, шу ёқмадими дилида анчадан бери ўчиб ётган умид чироғини?

Шукур, у қора берди, ана, беўхшов саҳнани эслатадиган супа гирдида, бинобарин, тинмай бидирлаётган Кўлдош Камон оғзига термилган Жобир Кирпи, Эсон Оқбўта, Сайфи ва яна бир қанча таниш-нотаниш казо-казолар қуршовида паришонхол турар.

Бўзтой ёнида бўлиши зарур эканини ногоҳ англаған Сайдбек Умар ғранит зинага илдам қадам босувдики, ногоҳ, яна теварак-атроф чараклаб, фалак арзандаси — бесабр кампир қирқямоқ пўстагини қоқишига киришди: ёмғир ура кетди шитирлатиб. Ёмғир гоҳ шивалади, гоҳ шаррос қўйди, ана-мана, зангор селда чўмилиб, тиникиб олди борлик, теран бир сукунат чўккан пайтда қоматлари чўяндан қўйилгандек тиқмачоқ-чайир йигитлар ёпирилди майдонга, сўнг, сағриси таранг қорабайир қўшилган, ҳозиргина ёғиб ўтган ёмғирда жиққа ивиган арава кўринди қибла тарафда.

Жунли тери қопланган одимиёна эгарда оёқларини айри қилиб ўтирган, анчайин жizzакилиги сезилиб турган, паҳмоқ соқолличувак киши ўзида йўқ шод — оғзи қулоғида, гоҳ қийкирганча савалаб қолар кўпикка ботган бедовни. Нақд ўқ илондек вишиллар ҳавода лаънати ўрма қамчиси. Аммо, от жонивор, ҳаддан ортиқ чарчаганми, қайсарлиги тутганми, бошқа сабабданми, сира шошилмас — бир маромда унмайдиган майда қадам ташлар, хуллас, эгасига бўйсунишни истамаётгани англашилар.

Тушунуксиз бир шубҳа қамради Сайдбек кўнглини, қай бир ерига гўё игна санчилган, орзиқиши аралаш оғриқ туйғанча, қибладан нигоҳ узмас, имиллаб келаётган аравага, арава устига қўндирилган, турган-турмиши сир-синоатдан қўйилгандек туюладиган қафасга жимгина термилиб қолар. Қафас бирам баланд ва энлики, бемалол фил сифиши мумкин, лекин, ичидар — филимас, бошқа жонивор мудраб келар.

Кимдир ингичка оҳ чекди, қараса — Бўзтой, қадрдони, чарх урганча, арава томон талпинаёттир. Тубсиз қароқларида чайқалаётган ифодалар ўртаб юборди Сайдбек юрагини. Беихтиёр илгари босаркан, чигил тушди ичига, Бўзтой бекорга фифон чекмаёттир, қафасда руҳи синикиб ўтирган маҳлук наҳотки Эна Кўкбўри бўлса? Ким уни маҳкум этди, Сайфими? Энди Чақалоқ ахволи не кечар, Сайдбек ҳоли-чи? Хуш, у нима қилсин, Эртакни тутқун қилишдан тап тортмаган олғирларни шунчаки қарғаш билан кифоялансанми ёки бошқа жиддийроқ иш келарми қўлидан? Энди ожизлиги билинар, тасодиф эса ишини қилган, Энабошига осон бўлмас, энди у тақдир ҳозирлаб қўйган кулфат билан юзлашар, ана, ҳали майдон ўтрасида тизилган йигитлар ичидан тўрт нафари ажралиб чиқди — басма-басига иргишлаб.

— Имилламанг, энағарлар!..

Ростики, тўртовлон нақд қуюн, аммо, учиб-кўнишлари ёқмапти Сайфига: дўқурди, сўқинди. Сўнг, улар шунақа ҳаволаниб кетишидик, гўё яшинга айланишди бира-тўласи. Айниқса, ановиси — калта-бақайдан келгани ўт-олов экан: у ҳаммадан аввал чиқволди аравага, енгил бир уриниш билан ерга ағдарди қасасни. Сайдбек адашмаса, Пакана елкасидан фалати осилиб тушган бесўнақай кўллари недир йўриклиларга оғишмай бўйсинаётир, шиддат билан ишлаётган мияси-шури ҳам куч ва буйруқ олар ўша йўриклилардан. Зумда у қулфни ҳам, занглаған эшикни ҳам бузиб ташлади, кўзлари яшилтоб ёнмақда, иссиқ ҳовур кўтарилаётир баданидан, зарилми шунча ғазаб, ёпирай, камарида осигли нарса нима, дандон сопли ханжарми?

— Хей, биродарлар, лодон ғанимимиз мағлуб!..

— Мағ-лу-у-у-уббо!..

— Ма-а-ағ-лу-у-у-у-уббо!..

Илфорлик яхши-да: терисига сиғмай қувонаётган Сайфи чинқирди ҳаммадан аввал, юксаклардан Сайфи товушига қайтган акс-садо баробарида бошқалар ҳайқириғи ҳам янгради гумбирлаб. Охирида, Бўзтойни елкасидан силкилаганча, Кўлдош Камон бақирди, қатордан қуруқ қолиши гуноҳ билган одам қиёфасига кириб. Тавба, булар нимага бунча айюҳаннос солишидир? Анқовлик қилма, Сайдбек, Энабоши ўлими булар учун энг катта байрам!..

Кутилмаганда шу дамгача тек турган оломон гуриллаб кўзғалди, Худо ҳақи, оломон нима қилаётганини билмас, аммо, кимнингдир қутқусига учиб, олға ташланар: гўё, жамийки йўқотишлари ва кўргиликлари учун Энабоши айбдор, қулагай пайт кептими, бас, ундан қасд олиш керак, қасд!..

— Сизам қуруқ қоманг, пиропе-есо-оор!

— Баччагар, — деди Сайдбек Умар жони бўғзига тикилиб, — мен бегуноҳ жониворни эмас, сени тепкилайман, сени!

— Чакки, кўп чакки, — деди Кўлдош Камон энсаси қотиб. — Отдан тушсангиз ҳам эгардан тушишни истамайсиз, нимага?

— Сен терган тошни санаб ўтирадиган ёшда эмасман.

— Аҳ-ҳа, тузук, тузук... Биззикидан безорсиз, аммо, анув жодугар... Кимииди? Ҳа, Ёдгор валийникини санайсиз! — Эна Кўкбўри атрофида ҳалқа солиб айланаётган гумашталарга кўз қирини ташлаб кулимсиради Кўлдош Камон. — Асли шу шумшук чол бузган миянгиз мурватини, энди эса... йўқ нарсани жар солмоқчисиз оламга.

— Ўзимни таниётган бўлсам нимаси ёмон?

— Мен сизга айтсам, одамзод ўзини танигани сайин сўқирлик гирдобига чукурроқ ботиб бораверар. Сиз, ўзимни топдим, деганийиз ҳамоно, бошқа парда қоплар кўнглингиз кўзини.

— Пешонада борини кўраман.

— Шошманг, шу... Ёдгор валий билан намунча ош-қатиқсиз? Жонийиз шуни қўлидами? — Кўлдош Камон майдон тарафга қўл силкиди, айни пайтда, Жобир Кирпи ва Сайфи билан кўз уриштириди. — Менимча, сиз ўша мияси суюлган чол руҳий қувватининг таъсир доирасига тушиб қолгансиз.

— Билмаган одамингни ёмонотли қимоқчимисан?

— Бу жуда кам учрайдиган ҳодиса, — дэя давом этди Кўлдош Камон мулоҳазакорлик билан. — Шунга кўра, сиз хоҳлаган оламингиз, хоҳлаган замонингизда, ҳатто хоҳлаган ўлчамингизда бемалол яшай оласиз, шундайми!?

— Ҳали мени жодугарга чиқазиб кўймасанг.

— Борини айтаёппан, жирилламанг, — энди Кўлдош Камон Бўзтойга тикилиб, ўйга толди. — Умуман сизда имкон катта, фақат буни баҳолашни билмайсиз. Айрим қилиқларингиз эса... бизга тегишли кутбга тамомила тескари!

— Билмайман ҳеч қанақа кутбни!

— Ҳо-о, сизнингча, бунақа юриш-туришингиз бизга ёқарканми?

— Эқмаса нима қилай?

— Сиз кўнглингиз тусаганини қилинг, биз эса қўл қовуштириб турдилек, шунақами?

— Билмадим, — деб елка учирди яна Сайдбек.

— Йўқ, азизим, бундан кейин билиб босасиз қадамни.

— Қолипга сомоқчимисан?

— Қолип ҳам керакли, шу нарса бўлмаса одамзод юраси йўқотиб, қуюшкондан чиқиб кетар, — дэя йўғон панжаларини қисирлатди Кўлдош Камон. — Сизу биз сув келмасдан қулоқни боғлашимиз лозим. Ҳа-да, қанийди ҳамма бир-бирига ўхшаса: бир хил гапириб, бир хил фикрласа, бир пайтда ётиб, бир пайтда турса, бир хил нарса еб-ичса, бир хил кийинса, ягона кўчадан юрса!..

- Сенингча келармикин шундай кун?
- Биз истасак келади-да, — ошкора гурур билан товушини бир погона кўтарди Кўлдош Камон. — Ҳозирдан шунга қараб оғиш қиласеппиз, сезмаёпсизми?
- Қулогимга лағмон осма, баччагар!
- Хўш, асосий шартимиз шу: биз билан доим бирга бўласиз, ўлсак — ўликсиз, тирилсак — тирик. Ановинақа... кўмсаш... Нимайди? Ҳа, руҳ, кўнгил... кечмиш... Яна нима? Па-арр-риво-озз! Топган товушқонингиздан ўргилдим, тезроқ чиқазиб ташшанг барини миянгиздан, йўғасам жинни-минни бўп қоласиз.
- Ўзига тўппа кесмаган бирорвга угра кесаркан.

— Бугундан бизим ўлчамга кўчасиз, акс ҳолда, ху, ана, Эна Кўкбўридай шўрингизга шўрва тўкилар!..

«Шартимиз... Ўлчам... Шўрва...» Сехру жоду билан ийлангандек туялган бу сўзларни бирин-сирин тақоррлади ичида, ана шунда, улар сезгиларида уйғонган алам-ангиз армон билан йўғрилиб, лов кўйдиргандай бўлди бўғзини. Бариси шунчаки пўписа, бариси гирт ёлғон! Ҳамиша манфаат хизматида турадиган бунака йўриқларга икки дунёда ҳам ишонмаслиги керак. Шундоқ ҳам кўп марта қашқа бўлган пешонаси, бас, энди кўзига қарайди, етти ўлчаб бир кесади. Фақат, Кўкбўрилар ҳомийси — Энабоши ўз ўлчамидан адашгани наҳотки рост? Бунга сира ишонгиси келмас, лекин, ана, майдонга ёпирилиб келувчилар кети узилмаётир, улар мақсади аниқ, Сайдбек Умар эса — томошибин...

Эсида, Кўйруксой гуриллаб ёнган, Кўйруксойни ёқиб кул қилган ўтга гўдаклар ташланган кунда ҳам у кўрган-кечирганини жимгина ичига ютган, пақкос ёрилишига бир баҳя қолганда ҳам чидаган, иродасини синдиримаган, оқибат, бариси вужудига сим-сим ўрнашган. Бира-тўла ўшандо тақдирига ҳам ўт кетмаган экан-да, мана, энди оёғи остидан бошқа фалокатлар чиқаётир, кўз ўнгиде жон бераётир ишонгани ва суюнгани Энабоши. Мана бу ноласи қанчалар зорли, сўнг, ноласи фарёдга, фарёди ўкирикка айланди. Бу Улуғ оғриқ ифодаси эмасми?

Сайдбек қават-қават зимистон қаърига қум зарраси янглиғ чўкиб борар — жисми эзилган, руҳи эврилишда, тафаккури сўнник, дили тўла армон. Бунақаси тушга ҳам кирмас, ажабо, нега қуламаётir зангори осмон? Кимdir секин туртди, қаранг, деди шодумон товушда. Тағин Кўлдош Камон тегяпти жигира, хўш, у нимага даъват этаётир? Бирдан хушёр тортди. Ҳали қоп-коронги бўлиб турган олам, ёпирай, энди алвон либос киймиш фалати тарзда. Йўқ, олам қизара-қизара чўғга айланниб, гул япроқлари каби лағча-лағча сочилмиш ўз сарҳадлари бўйлаб. Дафъатан Сайдбек тушунолмади гаройиб ва миқёси кенг ўзгариш боисини, бор кучи билан дикқат қилгач, кўрдики, Энабоши сийнасида — ҳали Пакана белини безаб турган дандон сопли ханжар!..

Нима қилсан Сайдбек, эплаганини, аста кўксини ушлаб, ночор бир ахволда ингранди, холос. Оҳ, мушиғи онажон, одамзодин яхшилик сари ундан заковатли зот, оқизлиқдан нари ўтолмаган ношуд фарзандингни кечир, сен тўккан қонга энди у ҳам фарқ бўлгай!..

Қайсиридир лаҳзада Эна Кўкбўри охирги марта чўзиб увлади, йўқ, охирги марта зорланиб нолиш қилди, ана шунда дов кўкрагидан ногаҳон сачраган шарора телбашваш оломон қийқирикларга эврилганча забт этди юксакларни, қалъя бош гумбази учидаги ялов билан бўйлаша-бўйлаша ёндош чизиқларга илашди шитоб, кейин, яна севалай бошлаган ёмғирга қоришиди ва ёмғир бўлиб ёғилди қўнишган дараҳтлар, топталган майсалар, сокин хиёбонлар, тало-тўп кўпган супа-майдонга, хуллас, замин илиа фалакнинг барча узок-ёвуқ буржарию бўшлиқларига.

Дунё дунё бўлгандан бери лоловаш ёмғирни хеч ким кўрмаган, бу мўъжиза ҳатто бирон-бир кимса тушига ҳам кирмаган, ушбу паллада ушбу нарсани етти яшардан етмиш яшаргача ҳамма кўрди шундоқ ўнгиде. Кимdir ажабсинди, кимdir бепарвологича қолди, лекин, шитирлатиб ураётган йирик-йирик томчиларга жамийки тирик жон жавради, фалак ва заминга қўшилиб.

Голиб келганига тамом ишонгандан Пакана чопа-чопа уч марта айланди хўл ерни осуда қучиб ётган Энабоши атрофини, сўнг, шошилинч келиб, ҳансирағанча тиз чўқди супа этагида. Бошқалардек у ҳам ивиган: ўсиб кетган соч-соқоли, бети аралаш бўйни ва елкаларини алвон томчилар ювар дувиллаб. Қалин қобоқлари тагидан шубҳа ва нафрят билан боқаётган қийик ўзлари намунча саёз? Илгарига дадил чўзилган ва жуфтланган кафтиларда буғланиб турган юмалоқ нарса нима, наҳотки Чакалоқни даҳшатли олов қаъридан эсон-омон олиб чиқкан Энабоши юраги!?

Саккизинчи боб

1

Дастлаб Ёдгор валий ҳаяжон оғушида ўтирган Сайдбек Умар ўтинчига қулоқ осмади, кейинроқ ғимирлаб қолди, неларнидир мuloҳаза қилгач, таҳоратини янгилаб келди, сўнг, орқамдан юр, дегандек, аста бош иргади унга.

Ёдгор валий Тамғали форини мўлжаллаб юрди, шунинг учунми, бошқа сабабданми, Сайдбек иккиланиб эргашди отага. Ногоҳ хотиралари жунбушга келди: бу мавхумот олами билан дийдорлашиш сўнгсиз азоб-ку. Рости, жаҳаннам сафарига ҳам тайёр, аммо, Тамғали турқини елкаси чуқури кўрсин. Росаям ундан зада, ундан неча бор юрак олдирган, ҳатто тепа сочи тикка бўлиб кетар ўша маза-бемаза ҳодисаларни хотирласа.

Эсида, маъшум кунлар арафасида, Бўзтой ва бошқа бўйинсалари билан муттасил қатнарди бу тарафга: гоҳ ўйнагани, гоҳ сойда чўмилгани, гоҳ қўзиқорин ё ўтин тергани, гоҳ пода бокқани. Тамғали фори ғалати мунғайиб қаршиларди уларни ҳар гал, шунинг учун ҳам у сирли туюлган ҳамиша, ичкарига қадам босгани анчагача ҳеч бири ботинмаган.

Илгаритдан, у ундоқ, бу бундок, мол-ҳол ёки одам ютадиган қилифи бор, қабилидаги алмойи-алжойи ғийбатлар юради эл орасида. Ғийбат кўпираверса, одатда, қизикиш ҳам ортаверади, ахийри, пичоқ бориб Сайдбек билан Бўзтой суяига қадалган, икковлон, ҳам ботирликлари тутиб, ҳам мақтангилари келиб, уни ишғол этиш учун астойдил бел боғлаган. Ана шу мақсадда, маълум тайёргарлиқдан сўнг, болаларга хос ғурур ва соддалик билан шиддатли хужумлар уюштиришган. Конга кон, жонга жон! Афсуски, ҳар гал кўпдан-кўп йўқотишлар беришган, абжағлари чиқиб, шаштлари синиб, шармандаи шармисор ҳолда чекинишган. Қайсар фор истамаган йўл беришни. Лозим кўргани: мағлубият алами, пешоналарини безаган кўм-кўк турра, дилларида янайм чукурроқ ўрнашган армон!!..

Ёдгор валий эса, азиз меҳмони ичиди чигил ўраб ётган дарди қаттолни қаёқдан билсин, фор оғзида чордона қуриб, бемалол қуръон тиловат қилгач, тап тортмай, иккиланмай қадам босди кум-шагал тўшалиб ётган бўсағага. Юраги гумириб кетган Сайдбек энди не чора қўлласин, орқа-олдига қарамай ура қочсинми, ёки, э, падари бузрук, факир бу савил афт-ангорини кўришга тоқатим йўқ, вақтида таъзиримни еганман, яна жаҳаннам азобини тортишдан мени халос айланг, деб ёлборсиним?

Аммо, вақт ўтган, на жуфтак ростлашга имкон бор, на ҳалигиндай ўтишишга холи. Бўйинни ҳам қилиб, жиққа терга ботиб, йўл тортаверди ота изидан. Зум ичиди кўнглидан нелар кечганини фақат ўзи билар, ярамас фор сир-синоати билан юзлашгандан кўра қоронги гўрга кириб ётмоққа минг марта рози.

Тўқсон ёшида ҳам ҳассага йўламаган Ёдгор валий қирчиллама йигитдек ошиқиб ўйғулар, таърифга сигмас бир иштиёқ ва гайрат бор босган ҳар қадамида. Баъзан ортига ўгирилиб, хомуш келаётган Сайдбекка кўз қирини ташлар, бўш келма, қўрқмасдан юравер, дегандай юмшоққина жилмаяр. Аммо Сайдбек ҳамон шубҳада, ана-мана пешонасими бирон қоя гирдига тарс уриб олиши, қатлама тошлар қалана-қалана ҳосил қилган девор ҳар ёндан ими-жим қисиб келишидан чўчир. Ҳадемай тор бўшлиқ тандир каби ҳил бера бошласа керак. Ахир, бунга илгари бир неча марта гувоҳ ўтган, лекин, отани қоралаб илгарилар экан, пастқам шифт кўтарилиб, харсанглар сарёғдек эриб битатётгани, хўмрайиб турган деворлар эса нурли қиёфа олганча ортга чекинаётганини ҳис қилас. Сайдбек кўзларига ишонмас, аммо, яна пича юргач, ат-роф чақмоқ чақнагандек ёришиб кетар дафъатан.

Энди у тубсиз осмон, баланд тоғлар, яшил воҳа, шарқираб оқаётган дарё рўпаратсида турар руҳланиб. Не ҳодиса рўй берди, нима, кўнгли иқлимига етиб келдими? Күшдек енгил тортар ажиб ўйдан, жадал бораётган отани бир зум унутар, яна қизиқсиниш билан разм солар теваракка.

Сирли тарзда жимирилаб, тарам-тарам кўпчиб, сокин тебраниб ётган воҳанинг поёни йўқ, адогини илғаш қийин: сукунат ҳайқириб тургандек... Кўқдан эниб келган мовийлик заминга хос яшил бўёқлар билан бир нозик қовушган, яна, қаёқдандир ларзон-ларzon оқ-пушти нур ҳам ёғилар майин шовуллаб, икки бетини ўт-ўлан қоплаган сонсиз сўқмоқлар виқор тўкиб турган тоғлар этаги томон ўрмалаб кетган, япроклари сокин шитирлаётган дарахтлар шохида фаол мажлис қурган күшлар нағмаи ноласи чунон авжига минган...

Ажабо, қай ерга келди, анов зумрад адирлар чехрасидаги жозиб жилваланиш, олмосий шабнамга чўмилган майсалар шивир-шивири, турнакўз булоқлар мавж-

ланишида барқарор зилоллик дилидаги уйғониб улгурмаган майлларга намунча якин?

Мангу улуғворлик нишонаси саналган түйғун ва бетакор манзара қошида Саидбек лолу ҳайрон... Илгари эриша олмаганига энди эришгани, илгари күрмагани — тушига ҳам кирмагани энди рўпарасида жамол очиб, жилваланиб, мана мен деб тургани кўнглига ойдинлик ато қилган. Улғайиш чегарасида тургандек бир нашъя тыйди, сўнг, Ёдгор валийни назардан қочирмаслик учун шошилди. Кўндаланг тушган, борлиғи карч-карч кесилган тепа кўринди олисда. Нечундир унга бир орзишиб билан тикилди, э, у тепамас, уни кўк барига бориб санчилган, бир қаноти мағрибга, иккинчиси машриққа чўзилган чўққи эканки, ҳайбати ва залварига чидаш маҳол...

Сўнг, берироқда, кенгина яхлит майдонда, бири-бирини суюганча фуж бўлиб ўсган чинорлар тортар туйкус Саидбек эътиборини. Булар чиндан паҳлавон келбатли: қулоч етмас таналари йўнилган каби сип-силлик, шоҳларини беҳисоб поҳол инлар тутган, тириклик гаштини сураётган турли тоифага мансуб паррандалар вижир-вижир... Майдонга элтувчи тош зиналар... Юзаси сокин жимирилаётган сарховуз... Тўрт тарафидан тўрт шинам шийпон... Ва мағриб сарида бағоят қулай тушган, атроф-жавонибга кўрк ва салобат ато қилган қаср тахлит гиштин уй, таҳсинки, у қачон курилган, минг йил бурунми, ё кеча?

Саидбек, Умар ҳангуд манг: иморат бир товланарки, гўё, кафтда кўниб турган нақш олма... Эҳтимол, у ерга чукур томир отган ажаб хилқатдир, ха, у замин билан қариндош, кутлуг тупрокдан кеча-кундуз тинимсиз куч олар, олар-да, буни қадди-камоли, ранг-равиши, борингки, бутун қиёфасига заргарона сайқал беришдек нозик ва эзгу юмушга сарфлар.

Ана, мармар ва гранитдан кўйилган пойдевори нақадар мустаҳкам, деворий фиштлари ёқут парчалариdek малоҳатли, айвони устунлари ҳамда шифтига ганчдан коса, кафткоса, ислимий русумида уйғун нақшлар чекилган, пештоқи, шунингдек, ён ва орқа гардишлари турфа рангли кошинлар билан қопланган...

Фақат ҳайрат эмас, ажаб сурур ҳам порлар Саидбек Умар нигоҳида, шунчалар тўлганки, у на ўзига сифар, на қучогини кенг очиб, яшнаб турган оламга. Ва, назаридан, бу олам ости-усти — жамийки буржлари илоҳий шафоат, илоҳий уйғониш саодатидан яралган, зеро, у ўз адолати билан устувор...

Саидбек Умар фарҳ билан шивирлади: «Койил устасига!» Сўнг, негадир, ҳали булоқдан сув ичаётгандан, панжалари орасидан тўкилган шаффоф томчилар каби тўкилиб, музазам уй айвони сари йўргалай кетди секин. Ичида бир хил ҳаприкиш. Оҳанрабо янглиғ тортар недир куч, ниҳоят, отилиғиб борди-да, зигирёф суртилгандай қизғимтир товланаётган бағдодий эшикка аста теккизди пешонасини. Ёпираи, нега бу қадар эриди, нега?..

— Танингми? — деди Ёдгор валий елкасидан қучиб.

Энди Саидбек бошқача бир ҳаяжонга тутқун: дилида ҳаёт-мамотига даҳлдор илик ва ёруғ изтироблар кўзғалар, шуурида хотиралари бўлак-бўлак ҳолда бош кўтарар, ушбу бино бор кўрки, бор залвори билан тасаввурига ўрнашар, лекин, ҳисларини тилига кўчиролмай қийналар, анчагача падари бузрук саволига жавоб қилолмас.

— Ха, — дер у ахийри тетиклашиб, терлаб-пишиб.

— Фақат, ўзингни босгил...

— Худо ҳақи эсимда... Буни раҳматли отам машҳур наққош Аъзамхонга курдирган эдилар, — Саидбек номаълум нұқтага қадади нигоҳини, сўнг, Ёдгор валийига илкис ўгирилди. — Фақат, устоз, бунга Сайфи одамлари ўт кўйгани ёлғонмиди?

— Ёлғон экан-да. Қани, юра қол...

О, Ёдгор валийдаги бу қадар босиқлик, талафузида ифода топган бу қадар фурур ва ишонч сири нимада? Шайх кўзлари тубсиз уммон, ана шу уммонда сузаётir гўё чархи дун... Шаксиз, у бу ҳолатни аллақачон тарозига кўйган, шунинг учун ҳам ҳозир у тагин танидан руҳига ҳижрат қилгандек бир ҳолатда, буни каловланиб турган Саидбек нозик сезимлари билан сезар, сезар-да, чолнинг теран маънолар нурланган чехрасига сукланиб тикилар.

Кечмиш ва келаси қутблари бирлашган шекилли Ёдгор валий кўнглида, ана, у хәёлга фарқ, ниҳоят, товушсиз дуо ўқиб, нақшинкор эшик дастасига аста узанар. Ҳаракатида енгил рағбат: бир лаҳза муаллақ қолар кўли ҳавода, эшик, кимдир ичкаридан итаргандек, ногоҳ йўл берар.

Эшик очилаётганда таралган ингичка-майнин товуш сингиб қолар Саидбек қулоғига, яна беихтиёр ёқа ушлар. Руҳи-равишида тушунуксиз орзишиб: «Мен бу дунёда адашдимми ёки бу дунё менда адашдими?» Энди мийигида кулар, ким билсин, у шунчаки кўнгил кўчасида тентираб юргандир. Бунинг ҳам ўзига яраша ҳикмати бор,

ана, тасаввури ёришди, лаб-лунжи шишган, товони қонаган, пешонаси фурра бола назари билан қаради рўпарасига: дахлиз яхшигина безотигли, бир эшик ўнгга, бошқаси чапга чорлаб турар, тахмонларда тахлаб қўйилган шоҳи-атлас кўрпа-кўрпачалар гўё кимнингдир йўлига интиқ, ҳозиргина тузалгандек таассурот уйғотадиган тўкин дастурхон, бурчакдаги нафис китоб жавони тақдирга шукронга ўқиётгандек туюлар.

«Буларда ўзимни кўряпман!» Шу ўйга бориб, тағин кўтарилди руҳи, қизиги, энди Ёдгор валий эмас, Сайдбек илдамлаб борар олдинда: қора терга ботган, бўғзида — ҳаяжон, шундай ҳолдаки, гўё, ҳозир у ё отасига йўлиқар, ё онасига. Кайфиятини жиловлай олмасдан қолди шекилли. Мана бу муҳташам бўлмада товрайхон ҳиди билан омухта қалампирмунчоқ иси анқирди гупиллаб. Ҳали-ҳамон унутмаган: намунча тароватли? Енгилгина хўрсиниб қўйди, сўнг, раҳматли волидаси шунаقا ёқимли ифорга кўмилиб юришини эслаб, паришонҳол туриб қолди ўртада.

— Ана, отангдан қолган ёдгорлик!

Ганчкорий нақшлар билан зийнатланган бўлма аввалгиларига қараганда янада улувор, янаем шинам... Ҳар жиҳатдан уйғун тушган жозиба асирига айланган Сайдбек Умар, ўзини унтар ҳолда эмасми, Ёдгор валий хитоби янграгач, бир ҳовриқди ва ғалати шигифлаб кетди юраги. Ажабо, отаси мероси нимайкан: жавоҳиротми, бирон қимматбаҳо буюмми ёки ёзма ёдгорлик? Ҳайрат аралаш шайхга қаради, шайх очикроқ сўйлашдан ҳамон тийилаётир, ие, киприклари намланганми?

— Бўтам, қани бўл, тавоф қилайлик.

Бир сирли ўқтамлиқ, ишонч ва залвор жамланмиш Ёдгор валий товушида, мулодим тикилишида сокин бир рағбат, дадилликка ундовчи фурур зуҳурланган, рост, у яна улуғ ҳижрат завқини сурәтири, жисмидан руҳига кўчган-да, Сайдбекни боқий олам билан юзлаштириш ташвишини чекаёттир...

— Кел, бўтам, тиз чўк, қош-кўзингга сурт!..

Негадир, энди Ёдгор валий даъвати хиёл эзгин... Сайдбек эса сергакланди, мундог қараса, падари бузрук хона тўрида, бурчларига ганчкорий нақшлар зарблangan деворга қоқилган лоланусха гилам қаршисида тиззалаған, боши ҳам, елкалари аста-аста силкинар, юмуқ қўзларидан милт-милт сизиб чиқаётган ёш серажин ёноқларини ювадир. Тавба, у нимага юкунаётир? Ахир, у ёлғиз Оллоҳдан бошқасига сажда қилинган гуноҳи азим санайди-ку!

Ана, Ёдгор валий жуссаси сокин нурланаётир, йўқ, бутун борлиғи аввалгидек лағча-лағча чўғга айланган, у, шу ҳолича, хиёл суриниб, ютина-ютина, гиламга тўғналган, шаклу шамойилида илоҳий жозиба ва туйғунлик акс этган, гирд-айланаси попули-заррин шокилалар билан ўралган матоҳга бетини ва кафтларини авайлабгина босган...

Бутун кучи, бутун ҳоҳиш-иродаси, бутун аҳду қарорини қароқларига йиғди Сайдбек, сим-сим эриб, интикланиб, паришон тикилиб қолди рўпарасига. Темирчи босқонидек гупиллаб уради юраги... «Бир парча латта!» Қачондир Сайфи гуппи оғзидан чиқкан хитоб бир оғриқ, бир армон бўлиб жаранглар куксида, сезимлари ва шуурида, сўнг, падари бузрук ёнида ҳол-бехол чўкиб, отасининг қутлуғ назари тушган, отаси небир умидлар билан кетида қолдирган ёдгорлик пойида тутдек тўқила бошлар.

Имони комил: буни вақти-соатида мулла Умар бобоси қўлидан олган, бобоси — бобокалонидан... Улуғ шажара мулки... Суронли довонлар оша, авлоддан авлодга ўтиб, шу ергача эсон-омон етиб келган. Қадимда Ўғизхонга паноҳ бўлган, ана, сиртига турфаранг ипак иплар билан нозик чекилган, Ҳилол ва Ҳулкар юлдузи сари талпиниб турган Улуғ Кўкбўри суврати Энабоши сутини эмиб улғайган хоқон шижаоти ва шиддатини ифода этаётир...

— Фақир кўп ташвишда эдим, — деди Ёдгор валий хўрсиниб, теран жимликини бузаркан. — Шукур, ниятимга етдим. Буёғида ўзинг эгалик қил, кўзинг қорачиғидай асрагин, кейин, кимга ишонсанг, ўшанга топширасан.

Сайдбек бош иргади, ичи ғалати симиллаб.

Ахир, ўтар дунёда суянчиғи — ишонгани борми?

Бемаврид ҳазон бўлган ёлғизи Фузайл...

Лекин, ҳар не чорасизликда бир имкон бор, қолаверса, ноумид — шайтон, у руҳан синмаслиги керак, ана, Ўғизхон иншо эттирган Улуғ Кўкбўри нигоҳида ҳам, мозий сабоклари билан бирга, чукур бир қатъият тантана қилаётир. Муҳими, бу қатъиятда фурур ва эътиқод жамланган, буни теран англагани учун ҳам Сайдбек ҳозир кучли ва эркин сезаётир ўзини. Балки, бу палла, у жамийки йўқотган нарсасини топгандир, шундай бўлса, бу шодиёна катта парвоз бошланганига ишора эмасми? Ёдгор валийдан бир умр миннатдор, илойим, у боқий қолсин ҳаётда, агар, у йўл кўрсатмаса,

тақдир ёпиб ташлаган эшикни очиб бермаса, бунингдек шараф ва саодат қаёқда эди унга. Охири баҳайр бўлсин, охири.

Улуғ Кўкбўрининг нур сочиб товланаётган, ахийри Хиёнат тору мор бўлажагини уқтираётган салобатли қадди-бастидан орзиқиб кетаётган Сайдбек узмас нигоҳини. Сўнг, ёмғири кун, басир издиҳом, ҳўл майдонга имиллаб кириб келган арава, шерикларидан ўзган Пакана, ниҳоят, Улуғ оғриқ азобини туйган Энабоши гавдаланди хаёлида. Сахий ва холис ҳомийни нобуд қилишди. Лекин, Сайдбек ишонмас, у — тирик, у — кўнгил ҳамдами... Яхшиликнинг ўзи каби у эъзозда... Ҳеч қачон Сайдбек ундан ажралмас, Болалиги — Бўзтой ҳам... Орада туғилган эзгу битим мангуллик билан тенглашар, умри поёни кўриниб қолгани учунми, Сайдбек бу ҳақиқат мағзини осонроқ чақаётир. Умр ўтаверар, уволову сабов қолаверар, қаёндир отаси мулла Умар курдирган мана бу иморат қиёфасида умид яшаб келган. Бундаги ҳар чизикда кечмиш нафаси бор, фақат кечмиш эмас, эртанги кун ҳавоси ҳам бунда намоён, хонадан хонага ўтгани сари Сайдбек отаси диди-ю, уста маҳоратига таҳсин ўқиётир, мана буниси айниқса кўркамлиқда тенгсиз экан, сехри-жозибаси намунча жизиллатиб юборди кўксини?

Ингичка ганч-бўёклар билан зийнатланган узун-энли бўлмада Сайдбек Умарни илиқ орзиқиш чулғади ногаҳон, чўғдек ёнаётган юмшоқ патли гилам тўшалган саҳнда у бир тотли энтикиш оғушида саросар турар.. Азизларининг ҳавога майнин-майнин сингиб қолган қадрдон бўйини туйгандек бўлди, о, падари ё волидаси чиқиб келсами ён томондаги анов мўъжаз эшиқдан? Ҳозироқ амалга ошаётгандек туюлди эзгу хоҳиши, кулиб кўйди, сўнг, деразаларга тутилган ҳарир-мовий дарпардалар, тахмонларни тўлдирган адрес кўрпа-кўрпачалар, токчаларда қатор терилган тилла-кумуш идишлар, чинни чойнак-пиёлаларга термилди жовдираб, ажабо, булар нимадан огоҳ этаётир?

Анча кеч кўрди хонани тенг иккига бўлиб, таманно билан тўқилиб турган, нозик адо ипак гуллари тили билан арзи-ҳолини айтаётган оч-пушти тусли сўзана-чимилдиқни... Ажабо, у бир сирли нурланарки, хона малоҳатига монанд... Ҳар бир нақшида ниҳон нозик маъноларга Сайдбек тан берди, сўнг, ундаги ҳассос ифодалар юрагига кўча бошлаганини тыйди. Адашмаса, панасида кимдир бор, недир энтикиш билан, ёнгил-енгил нафас олаётгани эшитилар, ана, адашмапти, лип очилди чимилиқ бир чеккаси.

Ёпирай, бу ким: сув парисими, осмондан тушган фаришта?

Яраклаган пешонасига илон оғзидан чиққандек нафис тиллақош қўндирилган, сонсиз зумрад-ёқут безаган тилла зебигардон товланар кўксида, эгнида бурмача фасонда тикилган атлас кўйлак, атлас лозима, камон қошлари ўсмали, йирик-йирик чақноқ кўзлари сурмали, тимқора майнин соchlари қирқокил қилиб майда ўрилган...

Бариси бир бўлди, буниси — бир: қултум сув билан ютса ютгудек малак, йўқ, хурилиқо ишвали жилмайиб, нозик чимирилиб, босайми-босмайми, деб хумор-хумор сузилиб турар рўпарасида. Тикилишидан нур ёғилаётир, кулишидан — дур! Ақлу хушни ўйирловчи ҳусни камоли билан у шоҳлар саройига лойик, лекин, ажабки, бу ерга қаёқдан келиб қолдийкин, ҳар ким назари тушмайдиган хилват масканда не юмуш билан машғул?

— Мени танимадингизми?

Ёпирай, бу қандоғ жодули ва шукуҳли товуш, най нолиши жамми унда, чинни жарангি? Бир ёқимли, бир шикастаки, гўё, болдай тотли акс-садо берди Сайдбек дилида. Анчагача шунинг таъсирида ими-жим эврилиб турди, сўнг, ўзини сал кўлга олиб, иболи ва ўйчан порлаётган сузук кўзларга тикилди. Йўқ, бегона, илгари учратмаган бу тубсиз қароқлар, наизадек саф тортган хурқак мужгонларни.

— Мен эсам... сизни танидим, — деди у янайм сирли сузилиб, зар балдоқлару ёқут кўзли узуклар тақилган кўлларини кўксида ковуштиаркан. — Сиз Сайдбек акасиз, мен бечорани ёлғизлиқ чангалига ташлаб қочган йигит!..

— Худо ҳаки тушунмаяпман, кимсиз? — деди Сайдбек ниҳоят тилга кириб. — Кўп антика айб тўнкадингиз одамга.

— Ҳабибаман, — деди малак ёноклари ловуллаб, — сизни кутавериб сарғайган, тириклидан безган Ҳабиба... Ҳа, меҳри тош, унугибсиз-да?

— Унугиплан? Тавба қилдим-ей!

— Бизни унаштириб кўишишган бир баҳорда, нон ҳам ушатишган, — оғир кўтарилиб тушди санам кўкси. — Ақажон, кўнглим дарёдек тошиб, не умидлар билан сизга гойбона боғланувдим. Сиз менгинани назарга илмадингиз, бадар кетдингиз.

— Э, ҳа, эсладим, эсладим, сизни ўтга ташлашган.

— Тўғри, ақажон, тўғри, — деди у қуюқ киприкларини бир чиройли эгиб. — Кўп

дилбар дугоналарим қаторида мени ҳам аяшмаган, аммо, ёнса тан ёнаркан, руҳ ёки жон эмас. Мана, қирқ үйлдирики, онайиз қўли ва нафаси теккан чимилдиқни узмай, ҳамон мўлтираб кутаман, сиздан эса дарак йўқ!..

Қайси бир ери сим-сим санчиди, тушунуксиз оғриқ комида тек қотди, бир оздан кейин ҳумор кўзлар ўғринча қараб-қараб қўяётганини сезди, ноилож у аста олиб қочди нигоҳини, ахир, қандай жавоб қилинган унга, қандай?

Исми бинойи: Ҳабиба! Ҳолис ният билан бечора онаси, гўрига нур ёғилсин, шуни танлаган экан келинликка, аттант, орзуси ушалмаган, ўзи билан ола кетган ҳойхавасини. Содда ва кўҳли қизгина эса, умидлари кўқисида қайта-қайта гуллаб, хилват хобгоҳдан жилмай, унинг йўлига термилар ҳануз.

Буюрмаса қийин экан... Бир қаттол ўқирик бодради юраги тўрида, умри бино бўлиб бунақа ҳўрлини бошқа туймаган, афсуски, ҳозир у бирон-бир нарсани Ҳабибага исботлаб беришга қодир эмас, фақат, биладики, айби бўйнида. Бирдан таҳлиқага тушиб, секин тисарила бошлади остона сари. Шуури ҳам хиралашиб қолди, ҳалиги мўъжизавий ёдгорлик ва Ёдгор валийни унугиб, ташқарига отилди қайсири эшикдан. Нақадар сулув бу жонон, деди ичида ўқиниб, ҳовли бўйлаб бафуржга тентираб юаркан, лекин, унинг ҳар кимни лол қолдиришга қодир ҳусни-мaloҳатида қачон-дир камина билиб-бilmай қилган Гуноҳ ниҳон, ўлай агар ёлғони бўлса...

2

Лолаваш ёмғирда ивиган Пакана шод, ғолиблик нашидасини суроёттир, ана, чопиб кела-кела тиз чўқди супа рўпарасида, ёпирай, кафтларида буғланиб турган нарса Эна Кўкбўри Юрагими?

— Намунча куюшқондан чикдинг, баччағар?

Фазабда қоврилган, ёруғ дунё кўзига қоронги кўриниб кетган Саидбек Умар босомай қолди ўзини, Паканани олқишига кўмганча, ҳузур билан илжайиб қўяётган Кўлдош Камонга ўдағайлади ҳеч кутилмаганда. Қалампирдай аччиқ нарса тиқилгандан тиқилар бўғзига, чамаси, кўпдан руҳида яшаб келаётган эзгу бир ришта умри тугади, ҳа, шунака бўлди, булар, қаҷондир, Болалигини аяшмагани каби, Эртакни ҳам аяшмади, қонига бўяшди. Эртак... Энабоши... Барисига мана шу суллоҳ Кўлдош Камон, пихини ёрган Сайфи, эҳтиёткорликни қалқон қилган Жобир Кирпи сабабчи, оҳ, шулар сўйди Эна Кўкбўрини, ахир, Саидбек қандай чидасин бунга, тамом, қасд олиши керак, қасд!

Айиқдек ташланди Кўлдош Камон устига, агар мана шуни тинчитса, қолгани имижим кириб кетар инига. Қаҷондир Сайфини қаро ерга қапиштириб ташлагани ёдида, ҳозир буни ҳам ўшандай ҳамир қилворсин. Ол тегишли ҳақингни, ярамас! Келиштириб тепди қорнига, ҳа, боплади. Мана буниси ҳам шунга! Лекин, у қилт этмди, о, бунга тўп ўқи ҳам кор қилмас, куч ва қоматдан бунга Худо берган, бунга Саидбек тепкиси чивин чаққандай гап, аммо, ўзи Саидбекка ўхшаган нусхалардан нечтасини бир чертишда учирворишига қодир. Ҳозир у қийнаб ўтирмади жонини, бир имо қилувдики, Саидбек, резина калтаклар жоласига учраб, думалаб қолди супада. Қанча ётганини билмас, кўзини очсаки, бир нечта биллур қандил ёритган хонада — меҳмон, аъзои бадани оғрир қақшаб, кимнингдир амирона дағал товуши чалинар қулогига.

— Бас, пропе-есо-оор, мотам тутаверманг.

— Менимча сени аёл туғмаган, — у сухбатдошига нафрат тўла кўзларини қадади.— Сенда қатра меҳр йўқ, сен одамзод жонига битган чипқонсан.

— Унақа ўтламанг, — дея кулимсиради Кўлдош Камон. — Мард бўлсангиз тан олинг, камина сиззи руҳингиздаги ҳомила эдим, кейин юрагингизда жон сақладим.

— Сенга пишириб кўйилтими юракда!?

— Хаддингиздан ошаёпсиз.

— Ха, эсладим, сен хайдалгансан, — дея давом этди Саидбек Умар, ҳамон ғазабини босомай. — Сен... Юракдан кувилган Хиёнат кўлагасисан. Бу эса, сенга озор ва ҳўрлик! Шунинг учун ҳам Юракдан қасос олиш учун чираниб юрипсан!

— Бу фикрни калладан чиқазиб ташанг, оқсоқол, — энди хиёл осуда ва хайриҳо янгради Кўлдош Камон товуши. — Биззи мақсадимиз битта: ҳар кимни суяш! Сизни ҳам унутмаймиз, аммо, сиз ҳам қанотимизга киришингиз керак. Ҳўш, қани, зардоб билан замбуруғ формуласидан келсайиз.

— Уу-иймм! — тиши зирқираган каби, жағига кафтини босди Саидбек Умар. — Яна лаънати формулами? Овв, мулла, неча марта айтай: йў-ў-қо-о-олл-га-а-аан!

— Одамми майна қиманг, дўлти жоноворни бир ёнга олиб қўйинг-да, эслашга урининг. Биз ҳечам шошилмаймиз, бирор қувиллар келаётгани йўқ орқамиздан.

Қай лаҳзада ич-ичидан тошиб келган совуқ ҳаяжон караҳт қилиб ташлади гүё Сайдбек борлигини. Дикқинафас лабораторияда Носир Дамин билан қамалиб, ниҳоят топгани — оддий кўз билан кўриш қийин био-роботлар хуружини туйғандек бўлуд қони ва шуурида. Қаҷондир бу даҳшатни манови кас бошидан кечирган, шунинг учун ҳам вожоҳати ҳамиша бузук: Ер ва бани башар устидан ҳукм юргазиш пайида! Мушфик сайёра бўйлаб митти жониворлар тарқалиб кетса борми, қиёмат-қойим бўлиши аник, шундай экан, майли, Кўлдош Камон дорга тортсин, зимистон кўноғига ит ўлигидай қилиб ташласин, ҳоҳласа танини тилка-пора айласин, лекин, қилча ён бермас. Кутлуғ кунда ичган қасами ҳак, уни бузадиган бўлса, тамом кўйиб кетар у дунё-бу дунёси.

— Биламан, вақтида сизга осон бўмаган, ундоғ-мундоғ ислоҳлар билан каллайизни қотиришган, қоп-қоп ваъдалар беришган, — профессорни овутишга урина бошлиди соҳиб. — Сиз эса... Сиз оламшумул хатога йўл қўйгансиз, росту ёлғонга бирдек ишонгансиз.

— Ярамни тирнама, — деди Сайдбек пўнғиллаб.

— Пуфф, ким бўпти Косими, Бо-бош... Тос тепаларидан қўшкўллаб урганийди Худо... Иккинчи хатойингиз... Сиз тархни ҳам, амални ҳам ўша ландовурлар диди ва манфаатига мослаш учун озмунча елиб-югурмагансиз.

— Бўлса бордир, лекин, онт ичаманки, сеникиям найранг, — деди Сайдбек Умар ортиқча қизишмасликка тиришиб. — Ҳар қанча ўён-буёнга обқочма, барибир, ё эрта, ё индин, улоқни ўз уйинг остонасига элтиб ташайсан.

— Аммо, ишонинг, биз уларга ўхшаб буқаламун эмас, ҳакиқат бетига тик қараймиз ва адолат кўзига чўп сукмаймиз.

— Бир нарса ўзгарармикан ишонсам?

— Нега ўзгармасин? — деди Кўлдош Камон астойдил койиниб, ўзига янаем маҳлиё бўлганча. — Оҳ-оҳ, ўзгарганда-чи? Биззи ислоҳлар оғишмай тўғри келар рисолага, бизники фирромлиқдан ташқарида.

— Сайра, бедонам, сайра!..

— Бизга Худо ҳалолидан берсин, биз ошимизни қўрқмасдан кўчада ичаверамиз,— ҳузур қилиб ҳаво симириди Кўлдош Камон. — Биласиз, ҳаромдан ит ҳам ҳазар қилур. Бошимизга қилич келсаям алдамаймиз, ҳақни ҳак, ноҳақни ноҳақ деймиз.

— Э, одамзод, — деди Сайдбек Умар зарда аралаш, пастки лабини қонатгудек қимтиб қўяркан, — дилинг ўчоғида на чўғ бор, на тутантириқ, ақлинг қозони сувга ташлаб қўйилган, аммо, нималарга оқизяпсан оғзинг сувини!?

— Ҳаёт жаннат мисоли фусункор, афсуски, паросатдан қисган ошналарийиз уни булғашиб, манфур хато ва увол қурбонига айлантиришди, — Сайдбек қовоғини согланини қўрган соҳиб ҳам жиддийлашди. — Мана, энди, биродари азиз, бизага осон тутманг. Бай-бай, поклашимиз керак — бир, тузатишнимиз керак — икки.

— Мен нима дерман, қўбизим нима деб ғўнғиллар.

— Ҳар замон ва маконнинг ўз тошу тарозиси бўлур, — сиздан сир тутиш, биздан фош қилиш, деган маъно учқунлади соҳиб нигоҳида. — Шундай экан, санаашда ҳам, ўлчашда ҳам адашманг, жилла куриса, ёстиқдош аёлингизни ўланг. Янгаойим ҳали момақаймоғ-а, шундай тоза-нозик гулни бемаврид ҳазон қиманг.

— Ҳали завжай ҳалолимни тикаманки ўртага?

— Йўқ, нимагаям арзисин бир ожиза хуни, ўртага олам ва одам тақдири тикилган,— ўнг қўли муштини чап қўли кафтига шап урди Кўлдош Камон. — Олам ва одамни кудратли лашкар муҳофазага олмоғи лозим, формула ишга тушиб кетса, эрта-индин шундай лашкар бизда бўлажак!

— Арқонни узун ташапсан-да?

— Кесатманг, ўзингиз яхшироқ биласиз жафокаш сайёрамиз тинкай мадори қуриганини... Эсингизда бўлса керак, ер палағда тухум, мен уни бошқатдан тугаман, деган шогирдингиз Иноғом Насими... Кажфеъл йигит гарданига олган юмушни биз эпломаймиз, шунга қарамай, ер яраларини даволаш қўлимиздан келар.

— Ҳай-ҳай, вазифанг кўп оғир!..

— Ҳа-а, ўлманг, — деди Кўлдош Камон фалати яйраб. — Нима қиласай, қисматим шу экан. Аммо қўрқмайман. Ёнимда сиздай аллома бел боғлаб турса, ошиғим олчи туришига аминман. Келасида... Бўзтой ўнг қанотим, Чакалоқ чап қанотим бўлишига шубҳа қилмассиз?

— Хе, итдан тарқаган, буюр, мени осишин!..

— Ах-ҳаа, жон шунчаям бекадрми сизга? Жудо соз! — кучангудек бир алфозда, пиҳиллаб кула-кула, чапак чалди Кўлдош Камон.— Фақат бир нарсани аниқлаб бе-ринг: сиз осилган дор Моҳинага ҳам ярайми ёки унга атаб бошқасини курайликми?

— Моҳинани билмадим, ўзинг тилла дорга лойиқсан!

Тепа сочи сихдек тикрайган Кўлдош Камон, сокин хонада, гилам поёндоз бўйлаб, нари-бери юрди титраниб. Ичини ҳasad олови кўйдираётгани аниқ... Нихоят, хумдек оғирлашган бошини ортига ташлаб, ночорона ингранди чўзиб, сўнг, Сайфини чорлаб, неларнидир кулоғига шивирлади батафсил... Ҳар бир сўзини Сайфи маъкуллаб турди, кейин, бир оқариб, бир қизараётган, заҳрини қандай сочишни билмай турган аллома ёнига борди ҳаволаниб: «Марҳамат қисинлар!» Нимадир Сайдбекка симдай оғир ботди, бироқ, чурқ этмай, оғир кўзгалди, бўсағага яқинлашаркан, мийиғида кулиб кўяётган Кўлдош Камон билан кўз уриштириди негадир...

3

Мана энди Сайдбек Умар, шайтон малайлари назорати остида, ним қоронғи ва сокин йўлак бўйлаб, бошини ҳам қилганча қилтиллаб одимлар, толғинлиги учунми, бошқа сабабданми, иложи борича ҳеч нарсани ўйламасликка тиришар, аксига олиб, баттарчуваланар фикрлари.

Куриб кетгур Сайфи, мазах қилгиси келиб, ҳиринглаганча, секин нуқилаб қўяр биқинига ҳар замонда, Сайдбек, ваража қилгандай, ғалати ирганар, ён томондан унинг бетига ўқрайиб тикилар, Худо ҳақи, бу одам афсунгар, дея босик пиҷирлар, йўғасам, аввал Бўзтойни, кейин Эна Кўкбўрини қандоғ илинтириди тузогига?

Э, Сайдбек, ҳалиям соддасан, ҳар қанча қўриқлама, барибири, Сайфи муддаосига эришди: кирволди бир амаллаб кўнглинг иқлимига, ардоғингдаги кўп нодир гавҳарларни ўғирлади, чунончи, Эна Кўкбўрига тажовуз қилди, эрта-индин навбат — Бўзтой билан Чакалоққа... Эҳтиётингни қил тузукрок, йўқса, ҳолингга вой, ҳозир дилингда кечаетган мулоҳазалар ҳам унга аён, қарагин, афт-ангорини қоплаган истехзо бекорга эмас...

Бир маъюслик чулғади руҳини, саросимага тушди, зимдан ботиниб-ботинмай қарди илдам бораётган Сайфига, о, чиндан ҳам важоҳати чатоқ, кўйиб берса, ҳозироқ тилка-пора қилиб ташлар Сайдбек борлигини. Муруватли Тангрига ёлворищдан бошқа илож йўқ: тезроқ бунинг башарасини тескари қилсин. Афсус, Чумоли билан шунга қолди-я куни, шулар қасофатига айрилди энг лазиз онларидан. Чорбоғи этағида, Эна Кўкбўри ва Чақалоқ билан учрашганда, эх, қандайин азиз ва умидбахш ҳисларни кечирмади дилида? Қора кўзлиги — Бўзтой билан шириш-шириш сухбат қурганда-чи? Энди йўқотиб қўйдими уларни, наҳотки? Йўқ, бунга ишонмас, улар билан тагин топишажак, бас, пичоқ бориб суюгига қадалмиш, ҳозироқ Бўзтойни ва Чақалоқни кўриши керак. Қани, Сайфига ёрсин-чи дардини.

— Чучварани хом санапсиз, азизим, — деди Сайфи бирдан, кўзлари паҳтаси ағдарилиб. — Нима, бошимга бир балони орттироқчимисиз?

Негадир юраги гумириб кетди, бир алами икки бўлди, қани кўтара қилиб сўкса, суробини тўғрилаб кўйса, э, шуям одам бўлдими, бу бир ичаги эгри-да, қачон ўтилтики яхшилик кўчасидан, энди ўтсин. Ҳаволаниб боришини қаранг, ҳай-ҳай, бурнига найза билан ҳам тезак етказиш қийин, майли, кўргилик экан, истаганича ғўдаяверсин, бир кун Худо пасайтириб кўяр попугини. Нимага тўхтади ишқириб, ҳа, имиллаб юраётганини бетига солиб жеркиса керак, шунака баҳона тополмай туради, ие, шошма-чи, нима деб тўнғиллади: қатл куни яқин?

— Ан-наа, — деда илжайди Сайфи, бафуржа илгари босаркан, — сирри каттасини очвордим, раис сомон тиқади пўстимга!

Энди, қоқ тепасида яшин портлагандек, Сайдбек каловланиб қолди, нимадир чирт узилди ичиди, шунака бўшашибди, узала тушиб ёта қолса симон ерда. Анов банда эса шодумон: секин хиргойи қила бошлиди эски қўшигини. Тилини ари чаққанми, бўғзидан хириллаб чиқади товуши, лекин, у бунга эътибор бермайди, пўк бир оҳангда айтаверади, гоҳо жағини қашлаб. Тавба, ҳалитдан йўқ нарсани байрам қиласётир шекилли. Нима бўлганда ҳам ўша мудҳиш ҳабар чиқди оғзидан, яна бир фитна хиди анқиёт; шамол кўзгалмаса дарахт уни қимирламас...

Хўрлиги тутган Сайдбек Умар Оллоҳга ўтинди: «Илойим, Бўзтой билан Чақалоқни паноҳингда асраригин!» Сўнг, тилаги ижобат бўлиши тайиндек, анча енгил тортиди, недир куч ва шиҷоат туйди борлигига. Ноумид — шайтон, деб қўйди аста, ўзини қўлга олишга тиришиб. Қатл ҳақидаги гап, фахмича, уйдирма, Сайфи уни шунчаки қўрқитмоқчи, афтингни ел ялагурнинг ичидаги бунақа ёлғонлар саржиндай қалашиб ётади ҳамиша...

Қай бир лаҳзада Сайдбек Умар ноҳушликни ҳайдовчи ажаб ҳолат туйди. Сайфи, гажирлиги тутиб, дасти узунлигини пеш қилиб, ер суза илгарилагани сари, нурга тўлишаверди йўлак. Бу ҳол бежиз эмас, зеро, Эгам муруватли, холислик этагини

тутишга аҳду қарор қилган кимса йўлини ҳамиша ойдин қилас, ахир, қачондан бери у эзгу ният билан яшайди, майли қоқилсин, чалғисин, иккилансин, лекин, муддаосига етмагунча тинчимас.

Имони комилки, Эна Кўкбўри ўлган эмас, у ажал ва жаҳолатни тан олмас, разолат майдонида Юрагидан ажралгани тўғри, лекин, барибир, эрта-индин у тирилиб келар. Ана шунда Сайдбек елкасига омад куши бир умрга кўниши аниқ, бундан у илҳом олар, куч-ғайратга тўлиб, шижоат отини эгарлаб минар, нимаики дилини жиловлаб қелган бўлса, кўл силтар барига. Оллоҳ кўллаб, насиб қилса, чиндан ҳам эрта-индин қайтар Қўйруқсойга, қайтиб, кечмиши — Бўзтой, эртаси — Чақалоқ билан ҳамкорликда саодатли ва мазмунли умр кечирап. Энди ҳаётини бошқатдан қуражак, омади юришганини, раҳматли отаси мулла Умардан қолган мерос тоабад дилига тасалли, руҳига қанот ва ишонч бағишилар, фақат, ё, Тангри, ўша нарса жамолига истаган пайтида етиша олармикин?

— Э-э, ажина чалганми, оёқ устидаям ухлайсиз, пропесор?

Сирли тарзда ёришиб турган кўнгли бирдан хуфтон бўлди, у, енгил хўрсиниб, ноўнгай аҳволга тушганини яширолмай, ниманидир қичаб турган Сайфига тикандай санчди нигоҳини. Дод десинми, нима қилсин, бул този дастидан ҳечам кун йўқ экан, оёги тагидан ўрмалаб чиққани-чиққан, охиригача қонини пақкос ичиб, илигини зулудай сўриб, додини бермагунча — ёруғ дунё юзини кўрганига минг пушаймон егиздурмагунча тинчимаса керак.

Тахминини тасдиқлаган каби, Сайфи бош иргади сирли қилиб ва илжайиб. Юрак ҳовучлаб одимлаётган, хаёлида Бўзтой ва Чақалоқ билан боғлиқ хотиралар чарх ураётган Сайдбек сал кечроқ тушунди мулозим муддаосини, йўлини тўсиб турган гум-гурс темир эшикка қаради истар-истамас. Эшик ланг очилди. Кимдир илкис итардими, кимдир бехосдан тепдими кетига, юз тубан қулади ақл бовар қилмас зимиё ўрага. Тап-тақир саҳнда беҳуш ётди анчагача.

Бир кун ўтдими, ҳафта, Сайдбек Умар билмас, сал эс-хушини йиғволгач, секин қарасаки, кўнган жойи — ўра эмас, анчайин обрўли чоркунжак симон хона, обрўсики, сабру тоқат ипини чилпарчин қилворгудек мубҳам рутубат босган, қишу баҳорда чакка ўтавергани боис пойдеворидан тортиб девори белигача шўрлаган, чўкиб қоладигандек туюладиган шифти бениҳоя паст, пала-партиш қоқилган таҳта поли бир неча еридан ўйик, ҳайҳотки, ана шу салтанат эгалари — сур ва очопат қаламушу сичқонлар чив-чивлаганча сурон солиб чолар наридан-берига. Бугундан бошлаб булар — улфатлари, шундай экан, булар билан тезроқ муроса битимини тузишига тўғри келар, акс ҳолда, шўргинаси қуриши мумкин: эти тугул суюклиригача бемалол ғажиб-чайнаб ташлашар. Қачондан бери интиқлик билан кутиб ётишгани тайин шундайин мўмай ва беозор ўлжани.

Бир даста нур түшди торгина туйнуқдан...

Қайта кузата бошлади ивирсиқ ва заҳ хонани.

Кўнглини недир гумон қамради, ха, эсида, ярим оқшомда, оч ва сур қўшин талотўли аро, беҳол ғудрангандай бўлувди кимдир, ўша палла, юрагига қил сиғмай тургани боис, эътибор бермовди учналик. Энди, ичи сидирилиб турганда, ер қаъридан келгандек туюладиган ингичка ингроқ қайта эшитилди. Ожизона, маҳзун бир сас — юракни ўтаворадиган ўтингча мойил... Аёл киши экан, ёпирақ, аёл боши билан нима қилас шайтон ҳам бурун сўқишина истамайдиган бу манзилгоҳда? Тавба, гуноҳи нимайкин? Хиёл ёришган хонани оҳ-воҳ туди яна, ногоҳ кўрди товуш эгаси қарши бурчакда чўзилиб ётганини. Синчков назар солди унга ва беихтиёр қуришиб кетди ичи: «Моҳина!» Аввал алам билан пиҷирлади, кейин... чинқирий юборди бирдан. Овозидаги қаҳр зарбидан қулаг тушгандай бўлди залварли шифт...

Надомат гўшасида Моҳина неча кундан бери маҳкум бўлса, озиб-тўзib, бувланиб, бир бурдагина бўлиб қопти бечора: бўлиқ сийнаси чўпу устихонга айланмиш, сочлари тўзғоқ — патаклаган, оппоқ, лўппи билаклари ингичка тортиб қорайган, ҳамиша чараклаб турадиган ҳумор кўзлари жозибасини йўқотиб, ўрасига чўккан. Эвоҳ, не қилмиши учун уни бу аҳволга солмишлар?

Гул-пар тўшаклар муносиб эмасмиди сенга, нечун заҳ-совуқ ерда бунингдек хору ағбор ётибсан, Моҳина? Наҳотки тақдир сени шундай сийлади, малаклар малаги?

Аммо, қулоғи том битганми? Сайдбек Умар илтижосини Моҳина эшитмас, не синоатки, сўнік нигоҳи номаълум нуқтага қадалган, кипприклини найзадек тик қотган, нималарнидир маҳзун пиҷирлаб, гўдак каби тамшаниб кўяр ҳар замонда. Бир нафас сукутга толиб, пастки лабини хиёл қимтиганданча, бирдан сўйланана бошлар, Оллоҳдан ниманидир ўтинар, лекин, нимани, Сайдбек англаб улгуролмас...

Хар қандай жабру жафо, ҳар қандай маломатга Сайдбек ҳозир, аммо, бир ёстиққа

буш қўйиб, умр бўйи қайғуси-қувончини бирдек бўлишиб келган аёлни соқов деворлар ичра учратиши мумкинлигини ўйлаб кўрмаган сира. Энди кимга айтсин додини? Анов суллоҳлар эшитармикин арзи-ҳол қилса? Эшитар, бирок, бир ишкали бор: йўқ ердаги азза-базза шартларига мингириламай, тоб ташламасдан, бўй эгибгина кўнса. Қанчалар бедодлик... Ҳаммасига чидаса ҳам, бунисига чидолмас, ундан кўра қаро ерда бир ҳовуч ҳок бўлиб ётгани минг марта яхши.

Сайдбек Умар ўйи адогига етолмас, тағин, ҳафсаласи йўқ қимирлагани, узок ўтириди сукут сақлаб, ниҳоят, юрак ютиб, судрала-судрала умидланиб борди Моҳина қошига: «Моҳина, азизим, намунча шалвирайсан?» Неча бор куйиниб тақорлади саволини, қаники жавоб ололса, хотини гунг, тилига кишан урилган. Ҳатто Сайдбекка қараш нари турсин, киприк ҳам қоқиб қўймас. Алам аралаш хўрсиниқ тиқилди бўғзига, «Оч-е қўзингни!» — деди талбаваш қиёфада ҳайқириб. Барibir натижа бўлмагач, нимжон елкаларидан тутиб, гоҳ хотиржам силкилади, гоҳ асабий. Яна қилча наф йўқ, жондан азиз кишиси — қиёматлик ҳамдами гўё тирик мурда. Нима қилишини билмай эзилди, қон қолмади рангида...

Тақдир яна бир маротаба синовдан ўтказиш учун қарор берганини қай маънода тушунсин, шунақа, тақдир имтиҳон қилмоқчи тағин, иложи қанча, чидашга маҳбур. Моҳина билан биргалиқда кутар ажалини, мана шу қарғиш теккан хилватда. Шукур қилса-чи, бу жойнинг нимаси ёмон (шип-шийдам саҳрода ёп-ёлғиз қолса нетарди), бинойидек-ку, муҳими, танҳо эмас, ёнида — жуфти ҳалоли, оҳ, ёстиқдошинг иссик нафасини ҳис эта туриб, бемалол оёқ узатганча осойишта жон таслим қилсанг, савобига нима етсин. Фақат, Сайфи ором берармикин, қурғур ҳатто тинчгина ўлишга ҳам қўймаса керак...

ТЎҚҚИЗИНЧИ БОБ

1

Мана энди Сайдбек Умар ҳаётида биринчи ва балки охирги марта умр поёнига етганда — юрак уришдан тўхтай бошлаган ва тамом тўхтаган фурсатда одам боласи қай ҳолни кечиражагини, мияси ҳужайралари қай тахлит азоб билан ишлашини, шуурида не фикр-муддао энг кейин сўнажагини мушоҳада қила кетди хитланиб. Назарида, қайсар ва қаттол Аэроил ҳозироқ эшик қоқиб, э, муҳтарам домла, учрашадиган кунимиз ҳам бор экан-ку, қани, бир ачом-ачом қилайлик, дея, зил ҳассасини дўқирлата кириб келар. Ахийри иши тушадиган бўлди Арш элчисига, майли, мавриди етиптими, қадам ранжида қила қолсин тезроқ, ахир, Оллоҳ унга жиддий бурч юклаб, ажиб хислат ато қилган, зотан, у ё бедор, ё ғофил бандаси учун фавқулодда янгиланиш — қайта туғилиш саодатини бағишлиши ва бокий фаслни бошлаб бера-жаги аён ҳақиқат...

Кеча билан кундуз қачон қовушар, қачон ажралишар, саросима оғушида бўлган Сайдбек Умар сезмай қолар, ҳамирдек бўшашиб борар жимжит лаҳзаларда, алланарса бот-бот сирқиратар шуурини, не дарди қаттол бу — рўёми, май хуморими, кўркувми ёки интизорлик, нима бўлса-да, бунча қайғули?

Мехрибон Бўзтой қайда, дил чироги Чакалоқ-чи?

Хушида ҳам, тушида ҳам Сайдбек интиқ, тарс ёрилгудек юраги, ахир, не қилсин, уларни кўргиси келса!? Вужудини мунтазам ўртаб, сезимларига тараляётган югурик нарса соғинч эканини билмасми? Билар, шу боис, дардини енгил қилиш учун, недир ишитиёқ билан таллингани-таллинган. Аксига, жамийки нахот йўлларини Кўлдош Камон билан Сайфи тўсиб-ёпиб ташлаган, шундай экан, кимга ёрсин кўнглини, Моҳина-гами?

Сайдбек Умар хўрсинди, кошқи, у билан ҳасратлашиш имкони бўлса, аввалгидек, ҳамон у ўзи билан ўзи сўйлашар, қайда ўтиргани, ёнида ким жон койитаётгани, ҳатто бирон шовур, бирон хавф-хатарга парво қилмас.

Энди Сайдбек гап қўшгани ботинмайди, ҳозир ҳам не деярини билмай, юмшоққина тикилди маъносиз бетига, меҳр билан оҳиста силаб-сийпалади тўзғалоқ сочларини. Нохосдан сесканди титроқ панжалари ёноғига текканда, ёпирай, совуқ, муздек совуғ-а!

Оталиғиб турди ўтакаси ёрилгудек аҳволда, аммо, оёқларидан мадор қочиб, ўша заҳоти, ўқ еган жайрон каби, оҳиста қулади чайқалганча. Ҳеч ким, ҳеч нарса қолмади тасаввурнида: на Энабоши, на Чакалоқ, на Бўзтой, на Тўлин Ой қалъаси, на Кўйрук-сой... Фақат, саробда жимирилаётган поёнсиз бўшлиқ элас-элас қўринар қўзига. Бўшлиқ

аро тутам-тутам пушти-сариқ шуълалар фавқулодда фаоллик билан талош қурган, шуълалар, ажабтовур жунбушга кириб, лаҳза сайин қуюқлашар, ҳансираётган ер теграсида бирлаша-бирлаша улкан ва жозибали шарора бунёд қилар.

Қутлуг бир масрурлик түйгән Сайдбек шарора мавжлари билан қувлашгиси келди, сўнг, бирдан тўлиб-тошиб жўшаётган кучли оқимда кўрди ўзини, илимсиқ тафт тўйди, бир нафасдан сўнг билсаки, бу нарса роҳат эмас — санчик... Аста-секин нигоҳига кўчди санчик, разм солса, чор-атрофида туманот одам ғивирлар, олисдан қанақадир эзгин куй таралиб келар, у, куй, қанотидами, халойиқ елкасидами, муаллақ сузиб борар жимгина, сўнг, бирдан ерга тушар, бир ёнида Кўлдош Камон, иккинчи ёнида Сайфи пайдо бўлар, негадир улар далда бергувчи сўзларни зўр бериб тақрорлашар. Булар авраёттир, нима учун шундай қилишлари керак, қизик, бу қанақа маросим, хув илгарида лопиллаб бораётган нарса нима, тобутми?

Тобутга алвон баҳмал ёпилган, яп-янги оҳорли мато лов-лов ёнар офтобда, негадир Сайдбек унга қараёлмас, ким билсин, кўзлари қамашдими?

Пала-партиш издиҳом ичра гоҳ суриниб, гоҳ чайқалиб илгариларкан, ногоҳ бир ҳовриқишиш — аччиқ шубҳа ғиппа бўғди томогини. Ола-ола тикилди раис билан муло-зимга. Сўнг, кўрқа-пуса сўради: «Мархум ким?» Жавоб қайда, бир зот сазо бермас. Худди, ҳеч ким ўлмаган, довдир оломон шунчаки эрмак учун кўтариб бораёттир қимматбаҳо мато ёпилган тобутни. Бундай бемаъниликини қандай ҳазм қилиш мумкин? Нима бўлганда ҳам ўлик эгаларига таъзия изҳор қилиш учун ҳозирлади ўзини, аммо, юраги орқасига тортиб кетди бирдан: музлаб қолган эди-я ҳали Моҳина бадани. «Тобутда — Моҳина, оҳ, жоним!» Бўзлаб юборди ўпкасини тутолмай, сўнг кўз ўнги живирлаб, гандираклаб кетди, яхшики, Кўлдош Камон билан Сайфи тутиб қолди кўлтиғидан. Аста силкилашди, шапати уришди жағларига, ҳушига келгандай бўлди, лекин, барibir ўзида эмасди. Бу не ҳол: ибтидоми, интиҳо?

Хўш, бу ёғи қанчага тушди? Кўмиб келишдими Моҳинани, қачон улгуришди бунга? Симон ерда гоҳ чалқанча, гоҳ кўкрагида ётиб бетўхтov ўйлар, лекин етмас ўйи адогига. Оғир-енгилини бирдек бўлишиб келган жуфти ҳалолидан бунчалар осон ажralиб қолганини сира ақлига сифдиролмас. Ёлғон, бари ёлғон, дея кўнгли-раъийга мослаб ҳукм чиқазади ўзича, ахир, сабил қолган эмас Моҳинанинг жони, у чайир, у тошдан-да қаттиқ, чидамли, ўзи бебардош, капалакдай нозик. Мана бу зимзиё ва заҳ хужрада Моҳина қаровсиз, нон-сувсиз узоқ чидаган, хўш, ўзи қанчага дош бераркин?

Буни Худо билади, ҳартугур ҳалитдан бадани, оёқ-қўли карахт, мияси-шуури ғуборли, дили безовта, томирларида кони гўё музлаган, бу аҳволида ҳатто эрталаб-гача жон сақлаши маҳол. Мабодо тонгга қадар чидаганда ҳам нима қизиги бор, шерилари маслаҳатига кўра, Кўлдош Камон аллақачон бичиб кўйипти кафанини: қалья майдонида, чошгоҳ нари-берисида, ҳангоматалаб халойиқ гувоҳлигига, баланд дорга тортилар, қисқаси, ҳазонмарг бўлган Моҳина ортидан ҳайё-ҳуйт айтиб-айтмай йўл танобини тортишга маҳкум.

Агар, аҳдидан қайтиб, бемаъни сирни очса-чи?

Агар, «Сумалак» зардоби ва СН замбуруғи формуласини қоғозга тушириб берса, омон қоларми — ажалнинг машъум оғочига рўпара бўлишдек даҳшатдан фориғ бўларми, йўқми?

Афсус, бу далил — гумон, қолаверса, бу иши — ўз устидан ўзи мағзава ағдариши билан тенг, ҳатто ўйтлари билан далда бўлган Ёдгор валийга, холис ният билан Бўзтой қиёфасида тирилиб келган Болалигига хиёнат! Ахир, орзу-умидлари чечакларини оёқости қиласверса, эрта қандай ўлади ўзида?

Яна бир бор англар: ўзида ўлиши — қайта туғилиши...

Яна ўйга чўмар: яхши ҳам, ёмон ҳам ўзида...

Тириклик лаззати ва аламини кўнглида жамлаган...

Шу асно, ажаб ўйлар барабарида, Ёдгор валийни эслар ва дили ёришар беихтиёр, рост, шайхдан андоза олса нимаси ёмон? Анчадан бери у бир нарсага амин: яқинлашиб бораёттир кўнглига, поёни йўқ бу иклимини тўласинча забт этиш саодати қачон насиб этаркин? Бу жумбокни фақат Ёдгор валий еча олар, яна шайхдан кўмак тилаб, пойига бош уриб боришга мажбур, фақат, ё, Қодир эгам, бу кунда у қайда, наҳотки ҳамон фор исканжасида бўлса?

Сайдбек бу фикрни инкор қилди, бинобарин, Ёдгор валий фор сиридан воқиф, аллақачон у изига қайтиб, кулбасида чойхўрлик қилиб ўтирган бўлса керак. Айни пайтда, недир шубҳага ҳам борди, бир хил лоҳаслик туйиб, оғир хўрсунувдики, нимадир гумбирлаб келди ногоҳ хонада. Ним қоронғиликда гум-гурс безрайиб турган эшик қулфига бирор калит солди шикирлатиб. Сўнг, ҳадики, эҳтиёткорона гичирлаш... Чароқлаганча лип ёнар шифтга омонат осувли чироқ. Руутубатга чўмган жимжит

хона ёришди. У, кўр бўлиб қолишдан қўрқиб, кафтлари билан тезгина тўсди юз-кўзини. «Кимсан?» — деди кейин бир оз дадиллашиб. Жавоб бўлмади. Кирган киши хотиржам пишиллаб, енгил-енгил нафас олар ёнгинасида.

Нима жин урди Сайдбекни, яна босриқдими?

Тавба, ундин деса, чироқ ҳамон ёник, эшик ҳам қия очик, қолаверса, аниқ сезиб турар рўпарасида бирор борлигини. Тағин, ҳаргиз димикиб ётадиган хонани энди кўклам ҳавоси билан тўйинган тоза ифорлар тутган, у гўё ажаб бир гулзорда сайр қилар, атрофини куршаган сон-саноқсиз капалаклар барқ уриб очилган чечакларга бир ийманиш ила муҳаббат изҳор этадир. Бундай осудалик ва сурурни Сайдбек кутмаганди, шу нарса далда бўлди кўнглига, фақат, анчагина кучли ойдиндан чўчибми, бошқа сабабданми, ҳамон бетини очмай, мулойимлик билан сўради яна: «Хой, кимсан, инсмисан, жинс? Тағин сазо беришни истамади нотаниш ҳамхона. Энди Сайдбек ортиқ хитланиб, интиқлана қаради терчилай бошлаган кафтлари панасидан. Ё, Қодир эгам, намунача иссиқ истара: юпқа лабларга беғубор кулги инган, тубсиз кароқларда мунислик жилваси, қатъият ёлкини, патила-патила соchlар товланиши бир майнин, бир жозибали, ёпирай, қай ери кам илоҳий маъбууддан?»

— Бўзтойман, оғажон!..

Бу қандай оҳорли, тоза-тиник товушки, тошдан-тошга урила-урила оқаётган жилға мусикасига ҳамоҳанг... Анчагача титраниб турди хонада, сўнг, Сайдбек Умар ҳужай-ралари оша сезимларида бир нозик акс-садо берди жаранглаб. Сирли, айни пайтда, ёқимли жимлик чўқди. Қизиқ, бу ажойиб фурсат уларни бир-бирларига бошқатдан таништиридими? Ахийри, Сайдбек бирдан ўнглади хушини, шукрони кечди дилидан: «Рост, бу — Болалигим, бу — ўтда ёнмас, сувда чўкмас!» Тоғдек ўсди кўнгли, энди, ўзини босолмай қолиб, тура-сола кучди қадрдонини. Димогига таниш нимтатир муаттар буй — шўрлаган тупроққа, йўнғичка-какра, ажриқ-қичитқонга ағанаб ул-файган Болалиги иси урилди гупиллаб. Елкасига кўнволган ажал фариштасини унуди зумда, кейин, ажабо, ноўнгай аҳволга тушди. Шолғомдек қизарди. Тунов куни Бўзтой ҳузурига бормоқчи бўлгани, Чақалоқни кўргиси келгани, Сайфи шаштини синдиргани, унга гапини ўтказа олмагани, ўшандан бери ўз ёғига ўзи қоврилиб ётгани бир-бир кечаверди хаёлидан.

— Азизим, — деди Сайдбек Умар Бўзтой боши-бетини қайта-қайта силаб, — сени нечук озод қилишди, нечук киритишди бу хилватга?

— Э, оғажон, улар мурувват нелигини билишарканми? — дея қўл силтади Бўзтой, астойдил койиниб. — Алар жонида фақат худбинлик томир отган.

— Тўғри айтасан, мабодо савобга қўл ургилари келса, луқма тайин бўлмагунча тийилиб туарлар, — Бўзтой фикрини кувватлашга киришди Сайдбек Умар. — Тарозига дили-ниятларига мос тошни босарлар. Хиёнат билан ҳам, садоқат билан ҳам баравар тил бириқтиришга қодирлар. Бирорга бирни берсалар, ўн қилиб ундирима-гунча ухламаслар.

— Бегуноҳни маломат уммонига улоқтириш, бегуноҳ оёқ-қўлларини потирлата чўкишини томоша қилишдан завқланиш улар сўйган энг зўр машгулот, десангиз-чи, оға!..

— Ха, яша, топдинг, — дея давом этди Сайдбек Умар, ўйчанлик билан. — Э-э, Бўзтой, гоҳо ич-этимни ейман: наҳотки мен ҳам шулардан бири? Неча замондан бери гоҳ униси, гоҳ буниси билан ошу қатиқман, ахир, бошимга битган савдолар ниояси борми, йўқми?

— Бор, муродингизга етасиз, — деди Бўзтой қатъий қилиб. — Лекин, ҳозир машмаша мавриди эмас.

— Одамга алам қиларкан... Ишонганинг эртаю кеч, одамзод учун жоним садқа, мушкулингизни осон қилгувчи ўзимманд, деб жағ урса-да, охир-окибат, куйинчаклиги ўз кўмачига кул тортишдан бошқасига ярамаса!

— Ўша тоифага аталгани бор... Қани, юринг, бу ердан тезроқ кетайлик, — деди Бўзтой, юзида ташвиш кўланкаси ифодаланиб. — Сизга ҳам, менга ҳам шунчаси етгулик, тезроқ эртанинг ғамини чекмоқ керак.

— Нималар деялсан, Бўзтой, ҳар қадамда йиртқичдан бешбаттар қоровул гўдайиб турибди-ку!

— Тўғри, лекин, алар ғафлатда ухларлар. Пешона кўзлари очигу кўнгил кўзлари юмуқ... Биласиз, бу одат азалдан Сарийоёғларга йўргакда теккан, — дея кинояли кулид Бўзтой. — Ҳозир айниқса алар бизни тамом кўрмайдиган аҳволда: тун бўйи тинка-мадорлари қуригунча тўйиб шаробхўрлик қилишган.

— Оёқ устида мударрарларми?

— Худди шундай, оғажон: қай бири тик оёқда таёқдек қотган, қай бири ўзи билан ўзи жиққа-мушт тортишар, қай бири кунда янглиғ супринди ичра думалаб

ётар, — теран бир истехъзо акс этди энди Бўзтой назарида. — Иншоолоҳ, биз Мохина янга билан Чакалокни қутқазгунимизга қадар алар ҳушларига келмаслар. Қодир Оллоҳ бизим тарафдадир.

— Барака топ, Бўзтой, савоб остига қоларкансан.

— Сиз ҳам, оғажон, сиз ҳам етишасиз катта савобга.

— Фақат... Мохина янгангдан умидингни узгил, кеча у тупроқ бандасига айланмиш.

— Асло ундей эмас, кўнглингизни тўқ тутинг, янгажоним тирик, кече уни бошқа хонага... ха, шу... Чакалоқ ёнига кўчиргандар.

— Йўғ-е, ростданми?

— Энагаликка тайин қилишган... Қизиф-а, тўғрими? — Бўзтой сукутга толди, бир оздан кейин яна сўради: — Хабарингиз борми бўлажак қатлдан?

— Сезишимча, авзойлари бузуқ...

— Ҳа, шунақа... Ишбоши кўп, лекин олғири ҳамишагидек Сайфи гуппи... Қалъа майдонида осмонўпар ўтин қаланганд, эрта катта олов ёқиларкан, биласиз, Куйруқсойда ҳам шунақасини бино қилишган эди.

— Ҳа, эсимда, жоним, ўлиппанми унутиб?

— Аммо, оғажон, бу ҳали бари эмас, — деди Бўзтой кутилмагандага товуши ўзгариб. — Ловуллаган ўтга... Чакалокни ё сиз ташаркансиз, ё янгам! Ана ҳангома! Шуни ўйлаб топишитти, ярамаслар. Қисталанг қилишаркан, йўқ десайиз... Ай!

Жон-пони чиқиб кетган Сайдбек Умар ёқа ушлади...

Тавба, булар зуваласи нима билан қорилган?

Ё, Тангри, ортиқ жазоинг йўқми?

Ахир, у шу мудҳиши ишни бажарса, кейин, тепасида саросар туриб, қандоғ жизбиз бўлишини томоша қилса, қандоғ оҳ-воҳ чекишига қулоқ солса, ановилар қатори тугабди-да, иймон-инсофини арzon-гаровга пуллабди-да...

Тиёлмай қолди Сайдбек ғазабини, шундай тоб ташлаши мумкинлигини сира ақлига сифдиролмас, йўқ, Худо асрасин, у тентак эмас, унақа қилиқ қилгандан кўра рўй-рост осади ўзини, ҳей, бу дунёда нима арzon — арқон арzon. Бетовфиклар яна бир марта нозик жойини нишонга олишмоқчи, тавба, булар намунча кўп, барчаси ягона русумда кийинган, бўй-бастлари ҳам, юз-кўзлари тузилиши ҳам бир хил — икки томчи сувдек бир-бирларига ўшар. Тикилишлари маъносиз, ҳали Бўзтой айтганидек, бирори деворга бемажол сунянган, бошқаси оstonада ўликдай чўзилган, яна бириси устун қучоқлаганча чулдирап, гўё, севги изҳор қилас маъшуқасига. Эртанги шодиёна завқи булар учун чиндан ҳам бугундан бошланган: хурмачаларидан тошиб чиққунча симириб олишган шайтони лаъин сувидан. На илож, ер бағридаги яраларни тузатишга киришган Кўлдош Камон куни ана шунақа маству аластларга қолган.

Бўзтой маъноли кўз қисди, ҳушёри йўқ, ҳаммаси караҳт, демоқчи бўлди чоғи. Баттар бўлишсин, ана шуниси айни муддао, гурбат ва ишқал chanгалидан улар тезроқ кутилиб кетишлари лозим. Эрта очопат майхўрларни Кўлдош Камон тириклай еса керак. Аммо, у Чакалокни қайга яширган бўлса, келиб-келиб Моҳинани энагаликка буюргани айниқса ғалати. Анов куни, Бўзтой ўнг, Чакалоқ чап қанотим бўлишига шубҳа қилмассиз, дегани ёдида, буни қаранг, боплаб алдаган экан, Чакалокни Эна Кўкбўри изидан жўнатиш ҳақида яшириқча фармойиш берипти, бари тушунарли, бекорга мундай қилмаган, аникроғи, Сайфи куткусига учиб, гўдак елкасига разм солган, кўрсаки, икки кураги ўртасида — бинойидек чиройли тамға, шунақа ялтираб туриптики, кўркқанидан юраги қинидан отилиб чиқаётган. Ан-на, асосий ишқал шунда, ростдан ҳам у газанда бўлиб кўринган кўзига: бундан яхшилик чиқиши гумон, эрта, ҳар қанча пешонасини силаган билан, тиш қайраб тушар майдонга ва Сариоёғлар додини берар.

Кўлдош Камон Сайфи маслаҳатини дастур санаб, Чакалокни тезроқ гум қилиш режасини тузган, ана, уни тор ва коронғи ҳужрага тиқиб қўймиш, ҳозирча у симон деворларни парчалаб ташлашга қодир эмас, ёпирай, қош-кўзига маъюс термилиб ўтирган, ҳар замонда ниманидир шивирлаб кўяётган аёл наҳотки Мохина?

Тангрига шукронга: Чакалоқ ҳам, хотини ҳам тирик!..

Кўксини тўлдирган қувончни Сайдбек қандай изҳор этсин?

Фаҳмича, фақат зимзиё хона эмас, ой-кун баравар балқигандек, бутун олам чараклаб кетди, вужудини илитаётган недир тафт рағбати билан қайта-қайта силади Чакалоқ пешонасини, эх, анов кунлар, Эна Кўкбўри қучогида яйраб юрганда, дуркун,

семизгина эди қанчалар, қўш юлдуз каби порларди кўзлари, энди ориқлаган, бадани териси салқи тортиб, ёнқлари суяги туртиб чикқан, билаклари ва сонлари ингичкалашиб қолгани-чи, ҳай-ҳай, дили пок, меҳри дарё Моҳина, парваришни бўйнингга олган бўлсанг, нечун унинг корнини тўйғазиб кўймадинг, нечун?

Шўрлик Моҳина тезгина укди эри нигоҳидаги маънони, ичиди нимадир чиртсиниб, тўлиб кетган ўпкасини бўшатиб кўяберди, ахир, у нечун билиб-бilmай таъна тошларини отаётир, ихтиёр ўзида бўлса, шундай хўрлаб кўярмиди гулдан-да нозик норасидани.

— Эна Кўкбўридан ажралгандан бери Чақалоқ туз тотган эмас, — анчайин чўзилган ноxуш жимликни Бузтой бузди. — Тўғрими, янгажон?

Киприклари жиққа xўл Моҳина бош иргади.

Кейин, хўрсениб, аста энгашди Чақалоқ устига.

Ҳали тишлари чикмаган, қошлари ўрнида — майнин тук...

Ҳар замонда тамшанар, нима тилар иштаҳаси, сутми?

— Гулдай очил, дурдай сочил, дўмбобим, — Моҳина кучиб-эркалади Чақалоқни. — Ҳадеб ўрлик қилаверма-да, оппоғим! Мановилардан маза қилиб есанг-чи, гажирликдан на фойда? Йўқса, ўзинг айт, нима берай, асалми, қаймок, шарбатми, қўймоқ!?

Моҳинадан кейин Сайдбек Умар аврашга киришди, қошиқчада атала тутди, наф бермади, сўнг, Бузтой бор хунарини ишга солди, барибир зигирча натижга йўқ, курғур Чақалоқ қайсарлик тойини азза-базза минволган: ҳеч нарса олмас оғзига, тағин кекса дунёни бошига кўтарганча, чинқириб йиғлагани-йиғлаган.

Чақалоқ недандир ранжиган, ажабо, нимайкин даъвоси?

Не армон, не сабоқ қиздираётir томирларидағи қонни?

Ҳамон у тажанг, мўлтираб тикилиши ҳамон эзгин, жилдир-жилдир қайноқ ёш ювар сўлиган ёнокларини. Муштчалари тошдай тугилганини айтинг, палапон каби талпиниши эса бир сирли, эҳтимол, у қанотлари ўйқлигига шунча куйинаётгандир. «Ойдан ойдин оппоғим!» Ўртаниб бораётган Моҳина гўё алла айтди қулоғига, шунда у жим бўлди туйкус, сўнг ўйчан, жовдироқ нигоҳини тепасида юрак ҳовучлаб турган кишиларга қадади бирма-бир. Армон билан йўғрилган шивир таралди хонада: «Ҳаром луқма менингдек норасидага равоми?» Бир эмас, бир неча марта эшитилди сирли сас, ёпирай, у фойибдан келдими ёки Чақалоқ кўксидан отилиб чиқдими?

Моҳина билан Бузтой не ҳолга тушди, Сайдбек Умар билмас, лекин, ўзи тош қотди кутилмаган ҳодиса қошида, анграйиб туриб қолди, ҳалиги сирли сўров эса ҳамон акс-садо берәётir идроки ва сезимларида. Тилга кирди, ҳа, чулдирай-чулдирай тилга кирди Чақалоқ! Нақадар у зукко ва нозиктаъб, у туппа-тузук билар одамзодга нима раво, нима нораволигини, фақат, унинг тилаётгани қолдимикин бу заминда? Ахир, ҳар неки бори аллақачон аралаш-қуралаш бўлиб кетган, оқдан қорани ажрим қилиш қийинлашиб бораётгани сингари, қай хил нарса покиза-ю, қай хили акси — билиш маҳол, зеро, буни Чақалоққа тушунтириш ҳам осон эмас.

Чақалоқ фақат қорни фамида йиғлаётirми?

Лаҳза сайин, у, чўкиб, ҳолсизлана борадир. Кўпдан, пушти-паноҳи сийнасини тарқ этгандан бери, егулик емагани чин, шундай эса-да, ҳамон бирон-бир таомга қайрилиб қарамас, мабодо оғзига зўрлаб тикишса, бирдан ўғжир-да, қайтариб кусиб ташлар, тавба, бу нима қилиқ, бу феъли билан эрта яшаш осон кечарканми унга.

Худо ҳаки, осон кечмас, Чақалоқ буни билади, ёруғ дунёга синов — одам боласига ихлос кўйишу покиза маслакларни ҳимоялаш учун ташриф буюрганидан ҳам воқиф... Ҳали бузилиб улгурмаган, иншооллоҳ, ҳеч қачон бузилмайдиган қулоғига олис мозийдан, кудратли Ўғизхон замонидан тонгги аzonдай бедорликка чорловчи садолар эшитилаётган бўлса, не ажаб? Бундан у масрур, бундан куч-куват ва лаззат олаётir, шунингдек, ҳар лаҳза нозик сезимлари уйғониб, Эна Кўкбўри сийнасини қўмсаётir, сўнгиз бир иштиёқ ва умид билан уни ёнига чорлаётir, сен — онамсан, меҳрибоним, суюнчигимсан, сени согиндим, кел, фақат сутингга эмас, жамолингга ҳам тўяй, дея жовдираётir мунҷоч-мунҷоқ кўзлари.

Чақалоқ қорачиқларини теран бир дард камраб бораётгани бежиз эмас, у, фақат Эна Кўкбўрини эмас, кенгликларга хос тиник сурурни, дала-тузнинг тоза ҳавосини, ҳамиша қайгадир ошиқадиган жилгалар шилдирашини, ошиқлик даъво қилишни хушловчи кушлар чуғурини, марду майдон йигитларни сүйдира-сүйдира куйдирадиган бедовлар кишнашини ҳам согинган. Ана шу тўйғу юрагига ўзгача бир безовталик бўлиб кираётгани аниқ, ҳадемай, тор ва зимистон гўшани тарқ этишгач, у енгил тортаражак ва хаёлидаги жозиб дунё билан юзлашажак...

— Сенга жоним қурбон, кўзичогим! — Моҳина энди анча тутволган ўзини, инжиқ

гўдаккинага бир нарса едириш илинжида жонҳалак. — Вай, ўжаргинамдан, вай, попукдай қош-кўзингдан ўзгинам айланай, сал туш ҳоврингдан, мана, қара, бор-йўғи бир ютумгина, бирам мазалики, қувват-да, раҳминг кесин жонингга, нима, ўзингни ўзинг увол қимоқчимисан?

Чарчадими, мадори қуридими, бошқа сабабданми, ишқилиб, бир маҳал Чақалоқ тинчили, мўлтираб тикилди Моҳинага, майли, энди сен онам бўла қолгин, дея сўйландими-ей нигоҳи, ха, онам бўла қолгин, фақат, Сариоёғлар нафаси теккан анвunaқа егуликни тикиштириб, мени кўп қийнама, бу нарса, юқмагани устига, руҳимга чок, дилимга дарз солур, шунда, эй, ҳамдами, нимага ярайман, мискин нафс бандасига айланаб қолмайманми? Бори шу: булар дунёсига сифмасман, бу ердан тезроқ ола кетинглар, ўз дунёмга етказинг... етказинг... етказинг.

Бир ором, бир таскин тусаган Чақалоқ нигоҳи армонларини шуъла қилиб сочаётир, унинг исен кўтараётган қароқларига тикилганча саросималаниб қолди Моҳина... Ахир, бунақаси етти ухлаб тушига ҳам кирмаган, юраги гумириб, кўрқа-пуса, бир эрига қаради, бир Бўзтойга. Ёпирай, бу не мўъжиза?

Бу хил ҳолат Сайдбекка бегона эмас, эсида, бир баҳонаи сабаб билан Куйрук-сойда меҳмон бўлганда, Ёдгор валий нигоҳи ҳам шундай бийрон-бийрон сўз айтган, у тамом сехрланиб, кўнгил қулоги билан тинглаган. Кароматгўй Ёдгор валийга хос хислат бунда ҳам бор экан, ҳақ рост, эртанинг эгаси шу, буки ажал чангалига тушса, эрта раҳнамосиз қолажак, бас, буни тезроқ ҳалос қилиш керак, бир ерига заҳа етказмасдан азалий ва абадий мазгилига етказиш лозим. Қани, Моҳина, қимирла-чи, тезроқ йўргакла, ҳа, барака топ, бопладинг.

— Тутволишса-я... Нима қиласиз? — деди Моҳина титроқ овозда, Чақалоқни бағрига маҳкам босаркан. — Тириклай қўмишар, қирчинингдан қийилгурлар!

— Янгажон, кўп ғам еманг, — деди Бўзтой қулимсираб. — Шароб булар кўзига қалиндан-қалин парда тутган, балки, бу Оллоҳ кароматидир. Чўчиманг, кўнглингизни тўқ тутинг. Чақалоқни эҳтиёт қилинг, у интилаётган дунё бизга ҳам бегона эмас.

— Иншооллоҳ! — деб кўйди Сайдбек.

Сўнг, жимлик... Ҳозир шовур чиқариш хатарли эканини гўё Чақалоқ ҳам сезган, ийифидан тийилиб, бемалол ухлаётир Моҳина қучоғида. Қувончу ҳадикдан саросималанган Моҳина кўз қири билан унга қараб кўяди, недир илинжда. Эҳтиёткорлик билан, ён-верига аланглаб, илгарида Бўзтой боради, орқада — Сайдбек... Биринчи билан кесишган ним қоронғи йўлакларда ҳаёт асари сезилмас, ҳар қаричда ўлик сукунат ҳукмрон, ановилар, тиззаларини кучганча, басма-басига пишиллаб ухлашар.

Ана, тонг келинчаги шафақ соchlарини ёйиб қаршилади ҳориган қочоқларни, Тўлин Ой қальаси учларига илашган алвон толалар ингичка ип каби ҳилпираб, қувноқ кабутарлар ҳар эрта рўй берадиган ва ҳечам бири-бирига ўҳшамайдиган инқилоб шукуҳини ўзгача завқу шавқ билан нишонлаётир. Айримлари, тўдасидан ажралиб, шитоб шўнгийди қуига, эниб кела-кела, қанотларини пар-пар силкитиб, қалъа майдони ўтасида чошланган саржинга ку-кулашиб қўнишар, ҳайдан билишсин улар тутантриқ ҳам ҳозирлаб қўйилганини, ҳадемай унга гугурт чақилажагини, вишилланча, кўкка ўрлайдиган сариқ иблис бор салобати билан Чақалоққа аталганини...

Шошиб илгарилаётган Бўзтой майдон томонга бош иргади, Сайдбек, хаёлдан бўшаб, беихтиёр ўгирилди: савил қолгур шоҳ-шабба ва ўёла уюми чўққи қадарли баланд.. Сўқир ва кар соқчилар ивирсиб юрар теварагида, ёпирай, Пакана ҳам борми шулар орасида? Чумал тортиб кетди юраги, оламни шалаббо қилган лоловаш ёмғир, жуфтланган кафтда буғланиб турган Юрак, бир-бирини зўр қувонч билан табриклаган Кўлдош Камон ва Сайфи гавдаланди ҳаёлида. Булар яна бир шодиёна-га, катта куч сарфлаб, зимдан пухта ҳозирлик қўришган, муддаоларини Сайдбекдан ўла-тирила яширишган, яхшики Бўзтой бор экан, агар у хабар бермаса, ёрдамга шошилмаса не кечарди Чақалоқ ҳоли? Ким билсин, Эна Кўкбўри каби, Пакана илкига тушармиди?

— Ў, ялоқилар!..

Шунақа бир зарда, мазах оҳанги бор эдики Сайдбек Умар товушида, кафтини оғзига босиб, товушсиз кулди Бўзтой... Ҳатто Моҳина ҳам жилмайди. Уларга қараб, Сайдбекнинг ҳам чехраси ёришди, анчадан кейин эса, бирдан газабга минди, ҳадемай гуркирайдиган — еру кўкни ямламай ютугдек вожоҳат оладиган оғат чангалига аввал Чумоли билан Сайфини, булар изидан Жобир Кирпи ва бошқа гумроҳларни юмалоқ-ёстик қилиб улоқтираса. Зап хумордан чиқармиди. Ахир, булар ҳам оловходугар қучоги қанчалар роҳат эканини билишсин. Пинчони аввал ўзингга ур, оғри маса — бирорвга, нима дединг, мулла Бўзтой?

Қадрдони вазмин кулди, индамади, авзойидан сездики, хозир у ҳам мулохаза гирдобида, ўқина-ўқина кечмишини эслаётир, хаёлан Қўйруқсой заминида туриб, Эна Кўкбўри жасоратини кутлаётир, ханжарини қайраётган никобли жаллодга жовдирраб тикилаётир... Ана, ранг-рўйида синиклик бор, фақат, у ҳоли-рухини сездирмаслик пайида, шериларини дадил бошлаб бораётир қовжироқ даشت ичкарисига...

3

Ана-мана ортда қолди Тўлин Ой қалъаси, энди у нуқта каби кичрайган, бағрида фақат ўзигагина маълум қайғу-қувончи ва мақсад-муддаосини яширганча, эрий-эрий, хирадашиб, исмисиз буржларга сингишиб борадир...

Энди Кўлдош Камон тиклаган кошона салобати ва сехру жодусини Сайдбек Умар ҳам, Бўзтой ҳам, Моҳина ҳам бутунлай унугтган... Ақл бовар қилмас дараражада узоқ йўл танобини тортиш учун қарор берган йўловчилар ҳуши-фикри ҳозир бошқа нарсада: ўлчами йўқ ўлчамдан Чақалоқни тезроқ Сариоёғлар қадами етмайдиган узоқ жойларга олиб кетиш керак, ана, Чақалоқ умидвор бокиб, бу дунёга симасман, ўзимнигини топиб беринг, дея беун ҳайқираётир. Ким рад эта олар тилагини, ахир, киндинги мозийда кесишган, демак, қадами келаси кунларга етажак, бунга, айниқса, Сайдбек билан Бўзтой имони комил, иншооллоҳ, эрта у ҳеч кимга панд бермай, улғайгани сари, Эна Кўкбўри сути кўнглига шижаот ато қиласверар. Ана, қадди-бастида ҳозирданоқ баҳодирга хос сифатлар зуҳур, вақти-соати етиб, майдон талаб қилса, сичқон инини ижарага олар ановилар. Шу кун яқин, шу кун келса, Сайдбек отаси мулла Умар, умуман, қайсиdir бобокалони саналган Ўғизхондан қолган ёдгорлик қайга яширилганини қулогига шипшиб қўяжак, токи, у Кўкбўриларни ўша паноҳ остида бирлаштиришга эришсин...

— Дадаси, алағдаман...

Аллақачон Моҳина чарчаб, ҳолдан тойган, шу боис, энди Чақалоқни Бўзтой кўтарвоглан... Ҳалидан бери Моҳина ичини қиринди сидираётир, аникроғи, хув тўқайдан гала-гала қуш чирқираганча кўкка кўтарилиган пайтдаёқ сезди хавфни. Ана шуниси етмай турувди, ахир, бетга пайдар-пай урилаётган кум тўзони, қуёш пуркаётган олов каммиди?

Тишлари қайралган, башараларидан заҳар томаётган пойлоқчилар Сайфи етова шитоб яқинлашаётгани Сайдбек Умарга аллақачон аён, лекин, Моҳина қўрқмасин, Бўзтой руҳи чўймасин, деган ўй билан дами ичида, иложи борича хотиржам, бепарво қўриниш, ортига қарамаслик пайида, ўзини ҳам, ҳамроҳларини ҳам чалтиш учун, қайси йили катта бир шаҳарда рўй берган зилзила оқибатларини узуқ-юлук ҳикоя қилар, гоҳо чалғиб қолар, хижолат чекар Бўзтойнинг ўғринча назарини сезиб.

Яйдоқ сахро — поёнсиз, у — ўзида адашган...

Ажабо, қайси чегарасига чорлаётир қочоқларни?

Сайдбек зимдан Бўзтойга қаради: ҳорғин чехрасидан кўнглидаги тилагини билиб олмоқчи бўлдими? Ўқтамлик билан олға интилмақда Бўзтой... Кўзлаган манзили аниқ шекилли, ахир, у ҳаммадан яхшироқ билар Чақалоқ истагини. Эҳтимол, мўлжали Қўйруқсойидир, қачондан бери ошиқар киндик қони томган маконга, рост, у азиз тупроғига юқуниш, Айиктош елқасига минволиб, тирик эканини оламга барадла айтиш, қолаверса, падари Ёдгор валий этагини ўпишга кўпдан интиқ. Фақат, ҳалиги ноҳуш хабарни Сайдбек унга қандай айтсан: бу кунда Қўйруқсой чароғбонидан айрилган, аникроғи, Ёдгор валий ем бўлган Тамғали горига, куриб кетгур гор ямламай ютган отани. Бу бир тахмини, лекин, ҳакиқатга яқин, ахир, ёруғ оламга чиқса кўрмасмиди ёки унинг ўзи сазо бермасмиди, ҳалигача дом-дараксиз, ҳалигача...

Тавба, нима кечди ўшанда, гор тескари кийволдими тўнини, э, нимасини айтасиз, асли у азалдан шунақа, феъли бузук, тағин айниб қолди кутилмаганда, шу денг, Сайдбекни, ёнғоқ пўчогидай қилиб, чака-сола улоқтириб ташлади ташқарига, энди, Ёдгор валийга қолганда тихирлик қилди нимагадир. Балки бошқачадир, ҳар ҳолда, Сайдбек шунақа хаёлга борди, энишда, қуриган хас-хашак узра мук тушиб, гоҳо Ҳабибани ўйлаб, узоқ кутди отани, нақд тешилиб кетаёзди кўзлари. Ичкарида, мубҳам оламда кўрган-кечиргани бир рўё янглиғ айланар тасавурида, яна кўргиси келар улуғвор иморатни, анов ёдгорликни, ниҳоят, фақат, кўнглига суюниб яшаган сулув мажнунани... Дилини ўрттай бошлаган армон аста-секин истакка, сўнgra ёруғ орзуга айланар: мўъжиза масканига қайтиб бориши керак, токи, бобомерос ёдгорликда зарбланган Улуғ Кўкбўри сувратига тўйиб-тўйиб боксин, тўйғун кўзли, жамалак сочли, сарв қоматли малак билан туғилиб улгурмасдан ҳижронга айланган ишқ ҳақида

сирлашсин, ахийри, бугунни келаси билан кечмиш ўртасида кўприк қилолган мўйса-
фидни етаклаганча ортига қайтсин...

Ярадор шер каби олға ташланди.

Бас, ювиши лозим гуноҳини...

Намунча ғашлиги боисини унча тушунмасди, бироқ, бир нарсадан умидворки,
ҳозир фор унақа тентаклик қилмас, қулочини кенг ёйиб, очиқ чехра билан қаршилар,
сўнг, чечаклари ифор таратиб яшинаётган водийга, кўрки-камолини намойиш этаёт-
ган иморат қошига беғараз йўллар, ҳозир, ҳозироқ рўй беради шу мўъжиза, лекин,
нима бўлди, у, аввалгидек феъли торлик қилиб, тош дарвозаларини кўндаланг айла-
ганча, ҳар бирини қулф-калит билан зичлаб ёпиб ташлабди-ку, ҳай-ҳай, ана кўргилик.

Кўриб-билиб турганига Сайдбек ишонмади, йўқ, деди ҳўрпайиб, анов куни тор-
тинмай-қисинмай, эмин-эркин, холисона йўл берган, сира ҳам ранжитмаган, алҳол,
табиатида меҳр ва оқибат борлигини тантлилк билан исботлаган, бугун ҳам сийлаши
керак. Шу умидни дилига қайтадан тугиб, Оллоҳдан мадад тилаб, мисли кўрилмаган
қатъият-ла яна илгари босди. Фалаба қозонишига имон ўғирди, аммо, тез толикиди,
тиззалари қалтираб, кўзлари қароқди, йўлтўсар харсанглардан бири гирдига қарс
урди пешонасини ва лайлак бўлиб ағдарилди тап-тақир ерга.

Хуноби ошган Сайдбек Умар мўйлаби эндиғина сабзалаган кезларда ҳам шунақа
аҳволга тушганини эслади, аччиқ-аччиқ кулди, барибир топаман кўнглингни, сен
мени тушунишинг керак, эй, Тамғали гори, дея хитоб қилди-да, яна қачондир тақдир
пешонасига битган олишувга отланди, ёпирай, тирсаклари ва тиззалари шилина-
шилина узоқ эмаклаб, бутунлай ҳолдан тойиб, разм солсаки, шундоқ ичкари бўсаға-
да, шағал-кум узра сулайиб ётадир, оғзидан кўпиги келиб. Бирорвга айтса ишонмас:
рўпарада ғалати чўнқайган ғадир-будир сўлакмон қоя атрофида париллаб айланана-
айлана ётган жои шу экан...

«Айёр фор тушовлаб қўйган мени!» Шу ғалати фикр қиздирди миясини, дағ-дағ
учиб, юраги уюшиб, зах ерга бериб ётди кўкрагини, Ёдгор валийга жони ачиди,
кексайиб қолган шайх ҳоли не кечишини ўлади, лекин, ўйи адоги кўринмади, мана,
ҳозир Моҳина қўлидан ушлаб, Чакалоққа қарай-қарай, Бўзтой билан бўйлашиб борар-
кан, ўша ҳодиса ўғирлади эс-хушини яна ва гумириб кетди юраги. Шунчаям ношуд
бўладими одам, кечмиши дийдорига дош беролмагани устига, ёлгиз ташлаб қочди
Ёдгор валийни тош қафасда, охиратда ул зоти шариф бетига қандай қарайди, қан-
дай?

Хўрсиник тиқилди бўғзига, киприклари нам, уф, йиғлаб юборишдан Худо аср-
син, яхшики, улуғ савобни қаттол уволга айлантирганидан Бўзтой бехабар, сал ҳиди-
ни сезсами жаҳли қўзиб, ичи қоврилиб, қовоқ-тумшуғи осилиб тушса керак, сиз
билан бир кемага тушган одам шўрига шўрва тўкиларкан, деб ёзгириши ҳам тайнин.
Рухи чўкишини айтинг шундай қалтис паллада, ҳа, илойим хабар топмасин, мавриди
келса ўзи ётиғи билан тушунтириб қўяр.

Асли, тахминича, ҳозир Бўзтой арзи-ҳол қилиб тортишадиган, бирон ҳангомани
тинглайдиган, бирон саргузаштга қизиқадиган аҳволда эмас, шунақа тўлиб-тошганки,
ўзига ҳам, дунёга ҳам сиғмас. Ахир, у бир вақтлар Куйруқсој заминидан йўқотгани —
дил жавҳарини топиш учун койинаётганидан Сайдбек қандай тонсин? Қисмат Бўзтой-
ни аямаган, қисмат, қачондир, Сайдбек Болалиги қиёфасида уни ўғирлаган, энди
эса у қайтиб келди, ана шунинг шукронаси учун магрур ва журъатли бўлиши, таъкиба-
га киришган Сайфини чалғитиши, иложини топса, лаънатини кафанга ўраб, бархан-
лар қаърига абадий кўмиши керак.

— Оғажон, Сайфи қаттол, аямас ҳеч биримизни, — пешонасидан оқаётган реза-
реза терни кафти билан сидирди Бўзтой. — Шундай экан, келинг, биз ҳам бир
тадбир қўллайлик, токи, бад нияти бўйнига сиртмоқ бўлиб тушсин.

— Мен тайёрман, — деди Сайдбек иккilonмай.

— Хўш, факир чапга юраман, сиз — ўнгга... Мен қасамхўрлар тўдасига кўриниш
бергунча саксовуллар панасидан кўзгалманг. Чакалоқни сизга, сизни Худойим пано-
хига топширидим. Қани, азизларим, бўш келманг.

— Сени тутволишса-чи, Бўзтой?

— Мен ўз ихтиёрим билан боярппан улар ҳузурига!..

Кув ўди Сайдбек Умар ранг-рўйи, ҳасратидан чанг чиққудек бир ҳолда ёқа ушла-
ди, нималар деб саннаётир Бўзтой? Йўқ, ўртага калласини тикарки, бунга йўл кўймас,
наҳотки уни ўз хошиш-иродаси билан ажал човутига топширса? Кемага тушганинг
жони бир эмасми? Ҳали Сайдбек диёнатини сотворганича йўқ, нима бўлганда ҳам
кайтаради танлаган қалтис йўлидан, кўзланган мазгилгача, аччиқ-чучукка баравар
чида, ўзаро ҳамдарду ҳамнафас бўлиб, бирга-бирга боришлари керак.

Бўзтой маъноли кўз қисди, муштини ҳам дўлайтириди...

Энди Сайдбек сал ҳушёр тортди, ўғлон авзойидаги қатъият айтиб турарди мақсадини: у кўпам анқов эмас, ҳийлада гап кўплигини билар, ха, амал-тақал билан аврайди Сайфини, тилини топиб, ишонтиради ёлғонига, сўнг, Қўлдош Камон қаттиқ умид боғлаган олғир тозини, меров шериклари билан бирга, овораи сарсон қилиш учун, етаклаб кетар чўлнинг аллақайси номаълум кутбига, ҳайҳот, улар ёнида ўзи ҳам ҳалокатга учраса-чи?

— Ҳали дийдорингга тўймаган эдим, меҳрибоним.

— Яна учрашамиз, видо айтишга ҳожат йўқ!..

Дадил, ўқтам жаранглади Бўзтой товуши, бир муддат у хаёлга толди, сирли товланди нигоҳи: оғажон, мен учун кўп қайфурманг, факир ўша ўзингиз билган Болаликман, зарил келса, тегирмондан ҳам бутун чиқаман, дарифки, мен ҳам сизни кеч топувдим, эрта йўқотяпман, кўрқманг, дийдор яна насиб этар, руҳимда яшаётган кечмиш ваъда қилаётир буни, омадки, илгари, хуфтон ҷоғлари, бешикни тўлдириб ётганимда, эмчаклари тўлишган Эна Кўкбўри, тоғ-тош оша ҳовлимизга тушиб келаркан-да, эмиза-эмиза тўйғазиб, ватанига қайтиб кетаркан, мана шунинг учун ҳам Сайфи гуппи мен билан ўчакишган, у ҷархлаб жаллодга тутқизган ханжар занги қонимда ҳалигача бор, ўша занг ҳатто руҳимга ҳам кўчган, ҳанузгача шунинг ташвиши билан яшайман ва, аминманки, поёнсиз хилват чўлда у билан ҳисоб-китоб қилиш осонроқ...

Сўнг, Бўзтой, Чақалоқни бағрига босиб, қайта-қайта ўпди чўлпиллатиб. Шу лаҳза бутун борлигини фаҳр ҳисси چулғагани тик ва мамнун бокишидан англашилди, Чақалоқни Моҳинага қайтараркан, илиқ табассум ҳадя қилди ва гармсельда шовуллаб ётган заъфарон қиёқзор сари юрди шошилиб...

Ўнинчи боб

|

Бўзтой йўрғалаб борди анча жойгача, кейин, югурга кетди оёғини қўлига олиб, саробда мудраётган кенгликлар оша кўздан йўқолди зумда, ғуж-ғуж саксовуллар иҳотасида лолу ҳайрон турган Сайдбек билан Моҳина недир умид-ла ортидан термилар, нимага, не муддаода бундай интиқ жовдирашаётгани боисини эса азза-базза билишмас...

Сайдбек наздида, саҳро тамом куйиккан, саҳро лаҳза сайин авжига миниб, ҳар не тирик жонни зир титратиш билан қудратини намойиш этаётган жазирама тимсолида неларга қодирлигини англагандай... Қовоғи солиқ улкан барханлар ичра деярли ҳаёт нишонаси сезилмас, ҳаёт эгачиси — вақт буни яқол эътироф этиб, кенгликлар бўйлаб осуда ва сергулув йўриклиарини ўрнатган, ҳатто, қум аждарҳо эмас, кўқдан тушган ва пойлоқчиликни бошлаб юборган Азроил билан ҳам тил бириктирган...

Саҳро, ўзи билан ўзи қир-пичоқ олишаётган, ўз ёғига ўзи қовирилаётган саҳро кўнгли сари ошиқан не-не кишилар кўксига чок солмаган... Ҳозир у бир жунбишга келса борми, Сайдбекни ҳам, Моҳинани ҳам, Чақалоқни ҳам кўрдим демай бир луқма қилиши, бир жойдан иккинчи жойга сурон солиб кўчадиган бекарор барханлари зарби-залвори остида мажақлаб, жаҳаннамга улоқтириб ташлаши хамирдан қил суғургандай осон. Занг босган найза авваламбор Чақалоқ ўқталган, гўдаккина бўй-бастини тобора аникроқ намоён қилаётган уқубатга яна қанча чидаркин? Жазирама зуғумига дош беролмай, тез орада Сайфи ҳам шаштидан қайтар, аммо, ҳаргиз ўз йўриклиари билан голиб эканига ишонган саҳро ўлганда ҳам аҳдини бузмас, аксинча, фалак сultonи пайдар-пай ёғдираётган аёвсиз тиғлардан муттасил озиқланар. Ана, у факат Чақалоқни эмас, Моҳинани ҳам ҳолдан тойдирмиш, шўрлик хотини, нозик-ниҳоллиги устига, силласи куриган эмасми, ҳазон каби қақшаб-қовжираб бораёттир. Аллақачон ўлимига минг марта рози шекилли. Инқилаб, киприклари намланиб, ютина-ютина, зўрба-зўр илгарилар тиззасига қадар қум-тупроқ кечган ҳолда, ие, тошгами, бутагами, қокилиб мункиб кетди ногоҳ, сал қолди-я Чақалоқ қўлидан коптоқдай отилиб кетишига. Ким билсин, не кор-хол рўй берарди, агар Сайдбек чақонлик қилиб, кўмак беришга улгурмаса.

Недир хавфданми, бошқа нарсаданми, огоҳ этган каби, бирдан Чақалоқ йиғлаворди чинқириб; эти юпқалашиб, териси қовжираган ёноқларидан дувиллаб тўкилган шабном янглиғ шаффоф ёш мисоли дарёки, бир тошиб, бир мавжланиб, гарқ қилмокчи гўё ҷархи қажни. Эмраниб, лагча чўғга айланган Чақалоқ дарди-дунёси нелигини билиб турган Сайдбек вужуди ўртана бошлади сим-сим... Тишини-тишига бо-

сиб, бор иродасини сафарбар этиб, овутишга киришди, кошки у кўнса, аксинча, дунёни бошига кўтаргудек алфозда зўр бериб нола қилар, оёқ-кўлини тинимсиз типирчилатар, Худо ёрдам бермаса, уни чинчитиш осонмас.

О, гажиргина, мулзам бўлиб, нотавон қиёфада эзилиб турган, буқаламун дунё билан битим тузишда нўноқлик қилиб қолган эру хотинга шафқат қилсанг-чи!

Моҳина бу қадар эпсиз-уқувсиз эканидан Саидбек баҳабар экан, нукул жангари феълини пеш қилаётган Чақалоқни овутиш нари турсин, тавба, қўшилишиб ҳўнграйди денг. Гўдак нимаю бу нима? Жаҳли қўзиб, сабр косаси тўлган эр алами ва армонини ёш қилиб тўкаётган хотинини жеркимоқчи бўлар, лекин, заҳрини сочганидан зигирича наф борми?

Саидбек зўрга босади ўзини, энди хаёли рутубатли совуқ ўрмонга, билч-бил лой, чирик-хўл хазон босган хилват гўшага ва ёнғин ичидаги тўлғанган қишлоққа кўчар. Диалини зиддиятли кечинмалар камрар, ахир, ўша оғир фурсатларда жиддий ваколат билан Эна Кўкбўри қадам ранжида қилмиш, энди бул машақкатли вазифани ким олиши мумкин гарданига қақроқ, ёвуз, шип-шийдам сахрода?

— Э, азamatим, — Саидбек Умар аранг одимлаётган Моҳинадан нигоҳини узиб, Чақалоққа қадади, — нечук бу қадар инжиқлик? Ахир, сен Ўғизхон мансуб улуғ шажаранинг бир ҳалқасисан, Кўкбўрилар қавмининг бўлғувчи қиблагоҳисан. Шаҳзода каби тутгил ўзингни, кўй, қўзичоқдай маърайверма, йиғи сендей жўмардга ярашмас. Очиқ-қан ва чанқаган бўлсанг — чида, қаноат қилишни ва нафсга кулф уришни ҳозирдан ўрган. Айтганча, Эна Кўкбўридан кўмак кутмагин, унинг сугидан ҳам умид қилма. Азиз волиданг тик туриб жон таслим қилди Сариоёғлар қўлида!

Энди сазо бермай қўйди Чақалоқ...

Қовоклари гупдек уриб чиқкан Моҳина ҳам жим...

Фақат, юраги йиғлар ўксис-ўксис... Ҳозир у эри қўзига ёмон кўринаётганидан хижолатда, шундай кунда Чақалоқ дардига малҳам бўлолмаётгани учун куйинар, лекин, қўли калта, имкони чекланган бўлса нима қилсин? Яна, бунинг қайсарлиги ҳеч бир рисолага тўғри келмас, ора-сира бир култум-ярим култум сув ичганини айтмаса, ҳалигача туз totgan эмас...

— Қулуним, Энабоши бекоргамас, сени ва мени деб, қолаверса, улуғ шажара баҳти-тахтими деб кетди, — ўйчан қиёфада, шошилмай, дона-дона қилиб сўйлашга киришди Саидбек Умар. — Биз учун қўксини яланг қилиб тутди меҳрибон волидамиз. Катта кулфат тушди бошимизга, энди умид сендан, сен унинг покиза сийнасими булғамоқчи бўлган, охир-оқибат Юрагини сууриб олган кўрнамаклардан ўч олишинг керак. Иншолоҳ, Кўкбўрилар салтанати ва шуҳратини тиклаш ҳам сенинг зиммангда. Бардам бўлгин, сабру бардошингни ишга соггин, Худо кўрсатмасин, сен букилсанг бутун авлодимиз ҳам букилар!..

Саидбек Умар, мийигида кулги, илҳом-завқ, иштиёқ билан тўлиб-тошиб гурунглашар, нигоҳини бир лаҳза ҳам узмас анчайин сергакланиб ва осуда тортиб қолган Чақалоқнинг чўғланган бетидан, бир ҳолдаки, гўё ширин-шакар мөхри билан йўргаклаб, гурс-гурс тепаётган юраги тагида жойласа гўдаккинани. Бўғланган тер ҳиди аралаш нимтатир ис гупиллаб урилар димоғига. Ажид сархушлик түяди. Моҳинани эса унугтан. Шўрлик Моҳина, рангидан ранг қолмаган, зўрга имиллаб босар қадамини. Чамаси, Тўлин Ой қальясининг хилват ва заҳ ҳужраси баданида қолдирган асорат энди кўрсатаётир кучини. Жон ҳолатда оҳ деворди бир маҳал, сўнг, юзини бужмайтирганча, ёнбоши билан қулади қайнок қумга. Кўрқиб кетган Саидбек ҳимоси билан нарироқда якка тикрайиб ўслан, сийрак шохлари ҳавога найзадек санчилган қари саксовул остигача аранг борди судралиб.

Кеч тушди, тонг отди, лекин, қаники бир қадам жилгани хушлари товласа, жаҳгла минволган саҳро кишан уриб ташлаган гўё оёқ-қўлларига. Ҳеч бир најот дараги йўқ: рўпарада нафаси иссиқ барханлар гуриради тинмай, сароб мавжланади кумуш тусда (ёпирай, сувми?), тўфон хуруж қилиб қолар ҳар замонда. Тобора қуюқлашаётган чанг-тўзон, хас-хашак ўйинига тикилганча Саидбек ҳатто вақтга ҳам бўйсунмайдиган масофа танобини тортишни ўлар... Оғзи — қоқ... Шунақа қуруқшаганни, ҳатто ютиниши ҳам маҳол... Бир култумгина бўлса ҳозир ўша жонивордан, атиги томогини ҳўлласа... Ҳозир бошка нима ҳам керак, дунёси ҳам сариқ чакага арзимас, Қуйруқ-сойда бўлиб қолсами, эҳ, Айиктош этагидан оқиб тушадиган шарқироқ сойда маза қилиб чўмилмасмиди, зилол тўлқинлар билан қувлаша-қувлаша, тўйиб-тўйиб ичмасмиди ҳовучида?

Тун бўйи Саидбек бедор... Сал мизғувди, тушига қадрдан сой кирди айқириб, ажабки, у Моҳина билан бирга Чақалоқни чўмилтираётган эмиш, ҳузур қилган Чақалоқ қиқир-қиқир кулармиш, қўйворинглар, ўзим сузаман, дермиш чуғурлаб. Хайрли

шекилли туши, Саидбек хотиржам тортиб уйғонди, анчагача тепасида бирин-сириң сұнаётгап юлдузларга термилиб ётди, ниҳоят, тунги салқында бир орм олган Чакалокни опичлаб, Мохинани секин туртди-да, ҳайё-хүйт йўлга туши.

— Бай-бай, полвон, жа баданинг бўшашиб қоптими? Ибей, сени қара-ю, шунақаси сендей валломат шаънига ярашадими? Унақа кўп чучанглама, яхши кунлар ҳам етаклашиб келар ҳали, тўкинлик ҳам буюриб қолар, яловларни йилқилар кишинаши, туялар ўкириши, кўй-қўзилар маъраши тутиб кетар, чор-атроф мунақа шип-шийдам бўлиб ётмас. Ризқинг иншооллоҳ бутун... Иб-ба, ҳой, шумтака, емаган-ичмаган бўлсанг, қаёқдан бир арик нарсани жур-жур қивординг? Ў, қойил!

Мохинани хайратга согланча Саидбек пиқирлаб кулди, буни қара, боплади азamat, деди хотинига ҳўл кўйлагини кўрсатиб, ёғираи, шу лаҳза саҳро ҳам товуш бергандай туюлар, кувноқ нидо даشت ичкарисидан эшитилаётими ёки юраги қаъридан? Сирли шавқа тўлиб, аста чертиб кўиди Чакалоқ бурни учига. Шукур, қарокларида нажот учкунни порлар, ҳа, фақат Саидбек эмас, у ҳам арзи-ҳол қилаётир, фақат, у нигоҳи билан сўйлар, демак, Саидбек дил қулоги билан тинглаши керак, Мохина ҳам... Қара, Мохина, берироқ келсанг-чи.

— Бу дунёга қўноқ бўлиб келдим...

— Эшитдингми? — деда шивирлади Саидбек.

Саросар одимлаёттан Мохина бош иргади.

Роҳатбахш бир тафт югургилади баданига...

— Э, йигитлар сиртлони, бокишингдаги ҳар маъно белимизга кувват, кўзимизга нур... Ёруғ дунёга синов учун келганимизга ишора қиляпсан, шундайми? Ҳа, барака топ!.. И-ии, нима бўлди, бурунчангни жийириб олдинг? Биламан нимага зорлигингни, ҳалолини сўрайлапсан, ҳе, дариф, бунақа нарса саҳро кабирда не қилсин, у қўрумсокликни одат қўлган, илож қанча, чидаймиз, энди сабр сенга ҳам сув, ҳам сут!..

Чакалоқ қайдан куч топди? Фудрана-ғудрана ҳасратини тўқаётган Саидбек кучоғида осуда мизғиди. Нозик киприклари бир майнин, бир беозор қовушган... Саидбек хузур қилди унга тикилиб, лекин, Мохинага назари тушгач, таъби тиррик бўлди. Чўпдек озиб қолган, кўзлари киртайган хотинига ичи ачиди, ҳозир, у, гўё, ному нишонсиз бир ўлчамда бир учи кўмилган ёғочдек тип-тикка қотган. Корайган бети ҳам, тикилиши ҳам маъносиз, чамаси, қайдалигини ҳам унуган. Шу алфозда анча турди қимир этмай, сўнг, шамол қўпориб ташлагандек, юзтубан кулади гулилаб. Йилдек чўзилган, хира нур сочаётган ойни ҳўмрайган тепаликлар ортига яширган тунни Саидбек алаҳлай-алаҳлай ухлаб қолган хотини ёнида ўтказди мунғайиб. Тонг бўзарди ҳамки, у қўзгалмади, кенглик кифти ва гирдларига оқемга ўхшаш бир хил зерикарли тус берган қайноқ қумга сингиб бораётгандек ҳолда, гоҳо ингранади бемажол... Унга тикилгани сари Саидбек юраги тўкилгандай бўлади, «Бемаврид тугадингми, овв?!» — дейди тўнғиллаб. Кошки у эшитса, қулоғини том босган, мабодо эшитганда ҳам — бепарво, жавраманг, дадаси, шунчаси етар, бас, шу ерда ажалимни кутаман, деган каби маъюс юйтирад қўзлари.

— Мохина, жоним, тургил, вақтимиз зик!..

— Худо хайрингизни берсинг, — деди у куруқшаган лабларини ялаб, — индаманг, тинчгина ўлай, савобга қоласиз.

Энди Саидбек нима қилсин: дод солсинми?

Осмон узоқ, ер қаттиқ...

Не қиласини билмай, калласи ғовлаб, яна, жимгина Мохинага термилди: нафас оләётими, йўқми? Уф тортаркан, гўё, ичи ўпирилиб тушди, ахир, бирдан-бир ҳамроҳидан ажралиб қолса, манов норасида билан не кечар ҳоли тинкирлаган соков саҳрода?

— Мохина, шафқат қил!..

Бакирди, ёлворди, бўлмади: Мохина ҳоли забун...

Ноилож қолган Саидбек Умар, ўзидан ўтганини ўзи билиб, бошмалдоғини сўра бошлаган Чакалоққа мурожаат қилди: «Худо бу кунимизни ҳам кўп кўрмасайди, бўталофим!» Сўнг, нимагадир ўзини айблади, мунақа довдираб қолмаслигим керак, деди минғирлаб. Шўрлик Мохина чарчаган, мириқиб ухлаб, хордик чиқарса, куч йигса ўзига кеб қолар. Ана, қимирлади чоги, не маъно зуҳурланди лаблариди? Ҳозир унга бир култум сувдан бўлак нарса керак эмас, аммо, қаёқдан олсин ўша қурғурни. Топилмас экан, деб кўл қовуштириб ўтириши ҳам яхшимас, ярашмайди эрқаклик шаънига. Ҳозир таваккал қиласи, Чакалоқни унинг ёнига ётқизиб кўяди-да, тафтиш ўтказади чор-атрофда, зора чўпон-чўлиқ сурувини суфориш учун қазиган кудук-мудук учраса.

Ҳар қандай имконсиз ҳолатда бир имкон яширин, фақат уни топа билиш лозим. Анча-мунча ўзига ишончи ортиб, кулиб кўиди, анов қир ортида ё жилға, ё ҳовуз

кутаётгандек, ғалати шувиллар юраги. Аммо, имилламаслиги керак, тимискиланиб юришга ҳақи йўқ, қанот боғлаб учеб бориши ва учеб қайтиши ҳам қарз, ҳам фарз. Худо кўллаб, ўша неъмат топилса, барча жумбоқлар ечилиб, саҳрони тиз чўқтиришлари тайин. Оббо, бошлавордик азamat жанжалини, мана шуниси чатоқ, одобни сақлаш керак, мулла, ҳа, шундай бўлсин, мана бу ерда думалаб ёта тур, бошмалдоғингни шимияпсанми, жуда соз, шуни эрмак қиласавер, фақат йиғлама, кипригингда нам кўрса Саидбек мазаси қочар, руҳи синар, қани у нари-берини синчилаб текшириб кўрсингчи, кўнгли сезаётир, қайдадир жимири-жимири қайнаб ётар нажот чашмаси...

2

Нафаси тикилиб роса изғиди, юмронқозиқ бўлиб кетди ўзиям...

На чора, дала-тузда инсоф йўқ: нуқул сароб пеш қилгани.

Моҳина, қайғурма, ишқилиб тирикмисан?

О, ўғлон, сен ҳам чўкма, бугун топилмаган эса, эрта шаксиз топилар, ҳай-ҳай, Саидбек қўярканми, икки дунёда ҳам қўймас, чайирликдан феълига юққан озгина, айниқса, икки оёғи бир этикка тикилган кезларда чунон тошар файрати, бир ишни охирига етиқизмагунча тинчимас. Аҳди қатъий, керак бўлсами, тишлари ё тирноклари билан кудук қазир. Ион бунга, ўғлон, фақат инжиқлиқ қилма, Саидбек бағрини тирнама, эҳ-хе, барака топгур, ҳалиям бошмалдоқ жониворни чилп-чилл сўриб ётипсан-ку?

Топволган машғулотидан Чақалоқ мамнун, икки лунжини шишириб, ғалати пишиллаб, ютинар тез-тез. Мунчоқ-мунчоқ қўзлари жилдирайди дёнг, ким билсин, тақдиридан нолиётими? Қўй, паҳлавоним, нолима, сен унака тоифадан эмас, дея ғудранди Саидбек ва, уни, даст кўтарди-да, қимир этмай ётган Моҳина қорнига ўтқизди авайлаб. Нега шундай қилди, ўзи ҳам ҳайрон, эҳтимол, шунчаки ҳазиллашгиси келгандир ёки бошқа муддаодамиди?

Аввал Чақалоқ йиғлаворди, кейин, бирдан тинчиб, сомондек сарғайган беозор чеҳрага қадади нигоҳини. Илҳақ бир нарсасини кўриб қолгандек, анчагача хайриҳо тикилиб турди, недир умид нишона берди қароқларида. Беозоргина талпинди, илик табассум ҳам ҳадя қилиб улгурди, кулгичлари бирам ёришдик, нурга кўмилди гўё бутун борлиғи. Ажабо, не ҳол кечеётир Чақалоқда?

Энди Моҳина тўлғана бошлади безовтаҳол...

Оҳанрабо майдонига тушиб қолгандек, у, сирли энтикиб, сирли орзиқди, баданида — майин-майин жимирилаш... Аста кўтарди паришон киприкларини: намунча ёп-ёруғ олам? Ёқимли бир кутлов чалинаётир қулоғига, аллаким қайғадир, не юмушгадир чорлаётир, нима, шунақа ҳол кечадими ўлимдан олдин? Балки бу тушдир, балки рўёдир? Мана бу тиришқоқ ва таваккалчи маъбуд эса қийиб қўяркан ҳазилни, сўлиб-қовжираган эмчагига чанг солди кургур, вай, тавба, эммоқчи чамаси, нимасини эмади, шилпиллаб қолган терисиними?

Милт-милт ёш юва бошлади Моҳина ёнокларини, Моҳина, ич-ичидан эзилиб, бошини кўтарди аста ва бор-йўғини бағишлигиси келди унга, аммо, кошки бунинг иложи бўлса, кошки кўкси бирдан тўлишса, дилбанди Фузайлни тўйғазиб юрган вақтидагидек, сахийлиги тутса, кўрки ва камолини намойиш этиб, қайнаса, кўпиритошса!..

Минг ўргилсин атрофидан, оҳ, бу намунча талпинчоқ!

Чиндан ҳам у бўш келишни истамас, шербаччадай чирпанганча ёпишволган сийнага, сийна, бир чашмаки, такка тортиб кетган бутунлай. Бу ҳол нелигини фақат Моҳина ўзи хис қилас бўшашиб, сўнг, ўқинар, сўлиған эмчакларини жонсарак пайпаслаётган интизор лаблар тафтини тур, ажабо, аста-секин лоҳаслиги чекина борар ва нимадир тасалли бағишилар вужудига.

Яна, қандайдир товуш акс-садо берадир кўксида, илгари ҳечам бунақа ҳолни тўймаган, бунинг нималигини балки эри тушунтириб берар?

— Вой, тавба, нима бўлаётти манга? — деди Моҳина ҳасратидан чанг чиқиб, нозик панжалари билан Чақалоқ елкасини силай-силай. — Кўнглим худди бегонаники... бирам алғов-далғов!

— Асабинг толиқкан, хотин,— деди Саидбек зўрба-зўр жилмайиб.— Худодан хотиржамлик тила, ҳадеб эзилаверма, эс-хүшиңгни йиғвол, шукур қил, енгил тортасан.

— Хоҳ ишонинг, хоҳ ишонманг, кўзимга ўн саккиз яшар йигитча бўлиб кўриняпсиз,— Моҳина, Чақалоқни бағридан қўймай, инқиллаб-синқиллаб турди. — Ёлғон айтсам тил тортмай ўлай!

— Эсинг жойидами, хотин?

— Сиз күёвсиз, мен эсам... келинчак.

— Э-э, яшшавор-е!

— Шу денг... бинойидек безатилган шинам уйда узоқ кутганмишман сизни сарғайиб. Тўй бўмасдан чимилдиққа кирганмишман. Улим кеса данғиллама тўй қиласиз, деб овутаркан онайиз менгинани. Хўп, деб қуллуқ қиларканман, аммо, кўксим тўла ох, кўзим тўла ёш экан. Сиз эса дараксиз кетипсиз, ҳамон йўлингизга термилиш экан машгулотим!..

Ўткир тиг тилимлаган каби, ногоҳ ачишиб кетди Сайдбек Умар бовури, Чакалоқни авайлаб қучоқлаганча, арзи-ҳол қилаётган Моҳинага не жавоб айтарини билмас. Энди рухида ҳам хуруж қила бошлар тийиқсиз санчиқ... Кутилмаган ҳодиса гўё ақл-идроқидан хорижда рўй берәтири. Ҳусусан Моҳина каловланган ва ҳовлиқан кўйи тушида сўйламакда, буни ҳушида ҳазм қилиши душвор, ахир, қаёдан кўча қолди унга Ҳабибанинг надоматга тўла ҳайратомуз қисмати? Анов тушунуксиз оламда Ҳабиба кечирган турмушда Сайдбек қачондир билиб-бilmай қилган Гуноҳ залвори ва оғриғи жам, эҳ, буни Моҳинага тушунтириш осоними?

— Бас, тийил, — деди Сайдбек титрорини босишга тиришиб. — Суюлиб қопти миянг. Ҳадеб вайсаганча болага қара тузукроқ. Бечора сенга қанчалар интиқ. Сутинг бўмаса бўмас, бир қатрагина меҳринг ҳам йўқми?

Энди Моҳина гезариб қолди, тасавурида жонланиб турган, ипак гул-нақшлари шинам ва кўркам хона зийнатига уйғун тушган чимилдиқни таърифлаш иштиёқида қимтинар. Аммо бирдан айниди. Ачиша бошлаган кўзларини чирт юмувдики, нимадир илиқ-илиқ тошди ичиди ва ғалати ҳаприқди. «Камина бўй қизман, патила-патила соchlаримда толпопук!» Шивирлагиси келди ёки шивирладими, билмайди, ногоҳ хаёл олиб қочди, ёпирай, дилида келинлик ҳаваси, очилиб-сочилиб, соллона-соллонна сайр қилиб юрар шилдираб оқаётган сой бўйида...

Кейин, Моҳина бошқача энтиқиб кетди, қитиги келди, о, гўдаккина беозор бир чайирлик билан чанглаб олган эмчагини, ҳамон у интигу интизор, чанқоқ лабларида бир нозик ифодаки, рағбат ва умид билан йўғрилган. Раҳмидл Тангрим, айтгил, не чораи тадбир қилса ора тушар бунинг азиз жонига?

— Э, Худо, уволга ботмасайдик!..

Ҳамон Моҳина бемажол, сувяк сугигача қақшаб оғрир, гўё увоқланиб бораётir, лекин, чиройи сал тетиклашди-да, кутилмаган ўқтам овозда мурожаат қилди эрига, бирпас жимгина ўй сургач, аста ўпди Чакалоқни бетидан. Ажабо, Чакалоқ бирдан чириллашини тўхтатиб, юмшоққина кулди қиқирлаб. Шунда, гўё, ёришиб кетгандек туюлди поёнсиз олам, яна, ҳалиги сирли товуш акс-садо берди кўксида, ширин энтиқди, хўш, қандай шарҳласин бу ахволини, аттангки, Эна Кўкбўри бўлолмас, шунингдек, ҳасис эмаслиги ҳам аён, ахир, иложини топсайди, тез-тез соғмасмиди меҳрини ийдириб?

— Сен ҳалиям алаҳляяпсан чоғимда?

Ному нишонсиз ўтда жиз-биз қоврилаётган Моҳинага ҳазил аралаш таъна ёғдирди Сайдбек... Зимдан у тажанг: Ҳабиба руҳи билан руҳи қаҷон қовушдийкин? Шаксиз, у не бир баҳонаи сабаб билан ҳаракатга келган ўлчамида тасодифан Ҳабиба ақл-идроқидан кўчган изтироблар тўлқинини учратган ва шунга инон-ихтиёрини бериб кўйган. Мана энди суврати ва сийратида ўша малак қадди-басти ва армонларини кўраётir. Ажабмаски, шу боис келинчаклик даврини ҳам кўмсаётган бўлса, бу, бир жиҳатдан яхши — тасалли, лекин, иккинчи тарафдан, мавриди эмас. Ҳозир у, кўнгли кўчасига маҳлиё бўлиб ўтирганча, тақдирдан нолиб, эрта сўлаётган гўдакни эпласа-чи. Туппа-тузук билар увол нелигини, ҳаётга ташна, меҳрга илҳақ норасида билан тил топишиш хунаридан эса бехабар. Ахир, эриб-эриб алла айтса, суйиб-суйиб алқаса, оёқ-кўлини авайлабгина уқаласа, у, ҳовурдан тушиб, ташламасми ҳарҳашасини. Ўрнида айтилган мағзи тўқ сўз ҳориган танга озиқ, чўллаган жонга роҳат ва мадад, буни Моҳинаси тушгур билиши керак, агар у эвини килмаса, Азроилга чап беришлари гумон. Аллақачон Азроил, Сайфидан умидини узган Кўлдош Камон йўллаган бошқа гуруҳга аралашиб, кум кечганча, ўйдим-чукурлар бўйлаб, изларидан элан-қоран ўрмалаб келаётir. Ёруғ дунёда ҳали хеч ким уни чалғитолган эмас, уларга йўл бўлсин. Кунба-кун силлалари қуриб, юриш-туришлари ва ҳаракатларидан барака ариб бораётir. Офтоб тиккадан ура бошлагандা, бирон сояни пана билиб, жимгина ётишади чўзилиб: кум — ёстиқ, кум — тўшак. Ҳали буниси ҳолва, эрта кафандари ҳам, тобутлари ҳам, тобуткашлари ҳам қаҳрини аямётган саҳронинг ўзи бўлмаса.

Сайдбек бир синиқлик сезди рухида, лекин, ўзини кўлга олди дархол: шундай қалтис дамда сувга тушган мушукдай шалвирашига бало борми? Тик тутиши керак

қадди-бастини ҳозир, акс ҳолда, Моҳина олдида шарманда шармисор бўлур, тағин, ўттада ҳаргиз Чақалоқ кўндаланг, ахир, Эна Кўкбўри тириклигида у хор зорлик кўрмаган, нечун энди азоб чексин. Улуғ ҳомий сийлаган жонни улар ҳам кўзлари қорачигидай асрashлари лозим. Ҳали унга муносаб исм кўйишлари керак, ё, Парвардигор, Ўғиз номини беришса-чи, ҳа, боболаридан нишона, Ўғиз бўла қолсин, бу таклифи Моҳинага ҳам маъқул тушар, қани, хотин қутла гўдагингни.

— Ҳа, дадаси, оғзингиз қулоғийизда?

Энди у, чехраси ёришиб, анча очилиб кулди, эҳ дея, ўмганини кериб, шап-шап уриб қўйди кафтини кафтига. Аҳдини янаям пишиштгач, бугундан бу — Ўғизбой, ило-йим шавкатли баҳодир авлоди эканини оқласин, деди ҳаяжонини босолмай. Ростдан ҳам Моҳина кувонди, эри эътирофидаги фурур шалоладай оқиб кирди дилига. Шүнинг баробарида меҳр тўла кўзларини Чақалоққа тикиди интиқланиб; энди Чақалоқ тағин ҳам лоҳас, нигоҳи эса анчайин тийран, у, кутилмагандан кучукчадай бифиллаб, юмшоқ-юмшоқ фижимлай бошлади Моҳина сийнасини. Аломат эрмакка у бутун борлиги билан шўнгиди: гоҳ ғашиқиб тортқилар, гоҳ қизғаниб чимчилар, гоҳ дўлайиб эзилар. Кафтлари бирам ёқимлики, ўзини тутолмай энтикар Моҳина, қитиги ҳам келар ошиб-тошиб, бу ҳис айниқса шунаقا сирлики, ловуллатиб юборар жамийки ҳужайрасини.

— Ўғизимдан ўргилай, қора кўзимдан ўргилай!..

Қаймоқдек юмшоқ, ипакдек майнин энди Моҳина товуши, алла каби сеҳрлар Чақалокни, у, ажаб тарзда тантиқланиб, чўғланган бетини қайта-қайта босар қуруқшаган сийнага, о, тентаккина, ҳалиям узмадингми умидингни?

Мурғак вујудга сингиб кетишни орзу қилаётган Моҳина нозик кечинмаларга фарқ... Хатто Сайдбек Умар ҳам тотли изтироблар гирдобида бир телбаланиб, бир сархушланиб сузадир. Ҳозир эру хотин олис водийда балқиб турган Саодат мамлакати фуқаросига айланиб, аҳил-иноқ яшаш мақсадида тоабад қовушмоқ, тоабад аҳду вафо кошонасини ардоқламоқ учун бири-бирига қарчигайлар мисоли талпинар. Тириклик билан эш бир шаффоғ нафасни ҳам сезишар, дукирлаб ура бошлар юраклари, ҳоҳишлиарики, ногоҳ кўнгиллари иқлимида ёға бошлаган абри найсон зарраларига аввало саҳро тўйволсин, кимки, қир-зов оша, қум-барҳан оша, хор-зор ва сарсон-саргардон юрган эса, ўша тўйсин мириқиб, сўнг, чатнаган қумга, чирсиллаган тошга, қовжирок ўт-ўланга, япроқлари шовдирағ тўкилган дов-дараҳтга навбат етар, ниҳоят, ўрмалаган курт-қумурсқа, соя-салқин излаб ҳалак паррандау дарранда Худо ато қилган роҳатга қонар. Қартайган олам шунда қирчиллама йигитдек ёшариб, ҳаргиз қиси-ниб қолган тоғлар баландроқ кўтарар ўмганини. Ташиналик азобидан жони оғриб, торайиб, пинакка кетган дарёлар бирдан гувлаб ўйғонар, қирғоқларига сифмай, тўлиб-тошиб оқар, эртасидан умидини узган ариқларда зангор мавжлар тизгинини узиб ўйноқлар, ҳатто ҳар ерда дўмпайган барҳанлар учидан фавворалар зувиллаб отилар, зилол тўлқинлар ҳотамтойлик билан салқин уфуар-да, бутун борлиққа ҳукмини ўтказётган жазирамани, гоҳ мағрибни, гоҳ машриқни забт этиб, еру кўкни кўмид юбораётган тўфонни бир зарб ила кишинлар. Сўнг, сарғайган олам яшил либос кияр: тақир тепалар, яйдоқ сайхонликлар, янтоқзор-шўразорлар бошқа ўлчамга чекинар, улар ўрнида жаннат каби сўлим бօғ-роғлар туркирар, кошоналар қад ростлаб, кўзни қувнатадиган сокин хиёбонларда, барқ уриб очилган гули-ръянолар кўйнида, оғатижон кумри-булбуллар хониш айлаб, нозик баданли жонона жайронлар нозу карашма ила сайру саёҳатга ошиқар, ҳай-ҳай!..

Саҳро ва ажал фариштаси эмас, ичига кирволган мор билан ҳам олишаётган Чақалоқ Сайдбек ва Моҳина Саодат мамлакатида хаёлан қовушгани, ўйлари чувала-на-чувалана шиддатли тус олаётганини сезди чамаси... Шип-шийдам кучоқда у ҳам ўз ўйи, ўз эрмаги билан машғул, ичакларини кемираётган маҳлук шаштими синдириш илкидан келмас, айниқса, лаҳза сайин хуружга кираётган жазирама борлигини элитиб, ҳужайраларидағи охирги қатра намни сириқтира шимиб олаётганидан доғда. Барибир у аҳду қароридан қайтмас, сўлиған эмчакка босвоглан бетини, ана, сийна туб-тубидан элас-элас сирли сас келаётир, шу заҳоти кўнглига осмон бор бўйи — эни ва залвори билан қуилиб киргандай бўлар, сўнг, оқсоқол тоғлар викори, зумрад далалар шовулаши, тинмасак сой шилдираши, олмос шабнамлар жилоси майнин-майнин ёприлар. Энди у жиддий мўлтираб бокар, рухи қанотланган, дудокларида недир ифода, нигоҳи ошиқиб сўйланар: «Мен Ўғизман, Эна Кўкбўри боласи — Ўғиз!» Ҳамиша ўйғоқ нигоҳи шивирлади, сокин чайқалаётган қорачиқлари ичидагини юмшоқ-юмшоқ қилиб айтди. Борлигини ҳарир тўлқинлар чулгади, гўё ўз шодлиги ва эътирофида чўмилётир, бинобарин, Ўғиз эканини ошкор айлаб, у нозик ҳовучларида нима яширмиш, жавоҳиротми?

Ана, энди фақат еру кўк эмас, ҳар зарра, ҳар тош-кесак, ҳар бута ларзон-ларzon: замин тириклика бор-йўғини ҳади қилишга анчадан бери ҳозирлик кўргандек бир алфозда, фалак ҳам меҳрини нисор айлашга иштиёқманд — зангор бўшлиққа сонсиз юлдузни аямай сочвортган. Шундоқ тепани гўё йил-йилт ёнаётган тилла тангалар тутган, сўнг, бири лип этиб, ёнар, қолганларига ҳам учун тугашар, порлай-порлай, тонгда улардан нишона қолмас, улкан қизил шар уфқ тахтига минар-да, бутун борлиқни ҳукмига бўйсундирар, у авайлабгина йўллаган тола-тола нур Чакалоқ киприклирида жилоланиб синар. Субҳидам қутловидан у сархуш бўлар, беихтиёр ёзиб юборар кулочини.

Шодлана-шодлана тонгни қаршилаган Чакалоқнинг шундоқ қўлтиғи-елкаси аралаш бағридан патлари сийму зар билан ҳошияланган каби нафис жуфт кабутар потирлаганча кўтарилиди ҳавога...

Баландда, мовий бўшлиқда, нечадир сония алоҳида-алоҳида чарх уриб, ахийри, жониворлар бирлашиб олишиб шошинқираб... Жимити қанотларини деярли силкитмай, муаллақ юзишди анчагача ҳарир маъвода... Ва сариёғ мисоли эрий-эрий йўқолишиди. Қай маҳалдир яна пайдо бўлишид парча булут бикинида. Сузга-сузга жисплашган чокларида мангу собит осмон тоқи гулдиради безовталаниб, ер бир силкинди, қирлар бели букилиб, тоғлар тоши тўкилди увоқлана-увоқлана. Тиник ва мовий ранглар бўзарди, аста-секин қуюкланишиб, тим қора тусга кирди, фалак буржлари ўзаро тўқнашгандек, яшин чақнаб, яна қалдироқ тутди атрофни, титранган товуш салқин бўй уфурди, ниҳоят, оқдан-оқ майда-майин томчилар, кўк сатҳида бодрай-бодрай, кумуш янглиғ жозиб тўлқинга айланниб, жазира мақомида қақраб ётган ерни савалай кетди шиддатли тарзда.

Сайдбек босолмади ўпкасини, Моҳинани бўйнидан маҳкам қучиб, йиглаворди баралла... Кўкси сирли кўтарилиб тушаётган Моҳина базур босиб турар ўзини... Қирғоқдаги балиқ каби, Чакалоқ каппа-каппа очаётир оғзини... Илимсиқ ёмғир эса ёзиб ёғаётир, шифо бўлувчи тоза доналар, баланддан сараб кела-кела, дувиллаганча бошлари, елкалари, кўкракларига урилар, гўё бор армонларини ювиб юборишга аҳд қилган каби, ойдин, бесабр шарорага айланар.

Шивалай-шивалай ёмғир тинди, кўк гумбази ёришиди, ҳам чўмилиб, ҳам чанқоғини бостирган саҳро қиёғаси шунақа ёқимли, нафаси шунақа юмшоқ бўлиб қолдики, эр-хотин, бир-бирига хайриҳоҳ қараб, мамнун жилмайди...

Ҳали Чакалоқ бағридан илкис парвоз қилган жуфт кабутарни Моҳина яна ногоҳ кўрди тепада. Ҳануз бир иноқлик ва бир қатъият жам қушлар ҳаракатида. Моҳина буни туйган фурсатда қизиқ бўлди: қай бир бўғинида нимадир аста симиллаб, чидаш маҳол оғриққа айланди. Осмондан ҳали қуилган шарора янглиғ тезкор оғриқ товонидан тепасигача ишғол қилди зумда. Аъзои бадани кўпчиб, қоқ миясида, қоқ юрагида ўнлаб, эҳтимол, юзлаб чақмоқ портлади бараварига...

3

Чакалоқни нима қилди Моҳина, ташлавордими бехосдан?

Шунақа гангилики, не кўйга тушиб, не ҳодиса кечётганини у ақлига сиғдиролмас, сал кейинроқ, пича ўзини ўнглагач, бир ҳолатга қаратди эътиборини: гўё, бурда-бурда бўлди ҳалигина сирқираган оғриқ пайдо қилган тўйғу комида, ҳаял ўтмай сочилиган эти ва сүяклари, фавқулодда ҳузур ато қилганча, юмшоқ-юмшоқ йигила бошлади ёруғ доира ичида. Зирқираш чекинди, энтикиш аралаш ҳаловат эгаллади ўрнини, чамаси, қачондир мувозанатини йўқотган мувозанат қайта тикланди руҳида, ҳали санчиқни таслим қилган роҳат томирлари бўйлаб юргилади голибона, шошила келиб, шабнамда ювилган гул япроғидек тозарган кўксига қуилди иссиқ-иссиқ...

Галати ҳолга тушди Моҳина, кимнингдир таъқибкор назаридан чўчиган каби, мушукдайгина тиқилиб олди эри пинжига. Сўнг, ёмғирда жони ҳузур топган Чакалоқни, гоҳ үқалаб, гоҳ алқаб-эркалаб, нақд дилига жойлагудек бўлар. Бир лаҳза ҳам кучоғидан бўшатгиси келмас. Ширин-шакар сўзлар айтиб, меҳри ийиб, ўзини унга яқин олгани, жонини жонига тенг кўргани, мунчоқ-мунчоқ кўзлари тубига чўккиси келгани сари тўлиқиб бораверар ажаб тарзда. Руҳи тиниқлашиб борар, руҳида недир тилак инқилобга эврилар — ғалаён бошлар, билсаки, томирларидаги жамийки қони, вужудини чулғаган жамийки ҳарорат, шаҳд ила оқиб кела-кела, куруқшаб қолган ва тароватини йўқотган сийнасида, безовта тепаётган юрагининг қайсирид муваввар нуқтасида тўпланаётир.

Ахийри, Моҳина тутолмади ўзини, «Оҳ!» — деди ихраниб, инон-ихтиёри жилови-

ни беихтиёр кўйвораркан, қўшалоқ юлдуз каби чакнай бошлади кўзлари. Бутун борлиғи палағза-палағза, сийнаси эса тортила-тортила тўлишиди, сўлқиллабгина турибди ва, ниҳоят, тирсиллаб кетган эмчаклари учун бир-икки юмшоқ-юмшоқ санчиди, сўнг, оқдан-ок, қуюқцина, илимсиқ томчилар тизиллаб отилди, ақлни олар дараражада.

Не синоат рўй берди, неча йил мудраб, муз қотган, оқибат, бор-йўғини унутиб, инкор этиб, хорлаб, камситиб келган вужуд уйғондими тўсатдан, ё раб?

Атрофни муаттар ис тутди, буни лолу ҳайрон турган, ҳаприқиб кетаётган Сайдбек Умар ҳам сезди, теран қоникиш тўйди руҳида. Поёнсиз дала-туз ёқалаб сабзагул таровати, турна қўзли булоқлар нафаси йўргалаб, қумри ва булбулнинг нозик адо хонишлари билан йўғрилган алла саси тарағандай бўлди наздида. Қайдан келаётир тириклик нидоси? Азал ё абад қаъриданми, ёки Моҳина дили тубидан? Синоат қошида Сайдбек охиз, Моҳина эса бу ҳақда ўйлаб ҳам кўрмас, асли, ҳозир курби етмас бунга, ҳозир, у ўзи-ўзига ўралашиб, бўғзига тиқилган ҳаяжон баробариданда ҳиқиллаб, йиги аралаш телбаланиб кулар, соchlари тўзғиб, елкалари силкина-силкина, баралла ҳўнграй бошлар, «Қудратингдан айланай!» — дер күлт ютиниб, сўнг, борлигини билдирган, фано ёнида бақо мавжуд эканини англата олган эмчагини интигу интизор Чакалоқ оғзига ўнглар ошиқиб.

Энди Моҳина бутқул масрур: илиқ-илиқ марварид томчилар тулуп янглиғ таранг-лашган сийнасидан бояги ёмғирдек шивалай кетди майнингни... Хушёр тортган Чакалоқ бир хил эшилди, анчадан бери ютоқиб, бесабр мўлтираб, пайпасланиб турган эмасми, оппа-осон топди юмалоқланиб, ажабтовур бўртган эмчакни. Сўйимлиси билан топишди, шунинг шарафига, бир бор кулиб ҳам олди қиқирлаб. Сўнг, жадал киришди ишга. Бу лаҳза, эмчак, бамисоли оҳанрабо, йўқ, у — жилмайиб боқаётган, яхисини ошириб, ёмонини яширишга тиришадиган дунёнинг ўзгинаси. Буни Чакалоқ мурғак идроки билан англади, нозик томирларига мислсиз куч оқиб кирди, энди руҳи ҳам, акли ҳам шамдек чароғон... Бўғзига панжаларини ботирган Азроил имижим уриб кетди чўл ичкарисига, бошида ёнокларини арта-арта жилмайиб қўяётган Аёл соябон, у кўзига Эна Кўкбўри бўлиб кўринаётган бўлса не ажаб?

Чакалоқ тўйволди, хайрият, чекинди жаннат дарвозасидан.

Моҳина, гўдагинг ҳадя этаётган табассум муборак!

Мехрибон сийнага Чакалоқ яна авайлабгина босди бетини, уйкуга чўмди пишиллаб, Моҳина ҳам чарчоқ тўиди, билмай қолди секин кўмга чўзилганини. О, роҳатли дунё! Бир маҳал, кўқдан тушган холис ниятли малаклар қош-қовоғини силаб-сийпалаб, кафтларида тутгандек эъзозлаб тиришувдик, туйкус, дилни қитиқлайдиган танбурий оҳангни эслатадиган эзгин ва жозиб куй чалинди қулогига. Ётган жойида, кимирламай, қўзларини очсаки, тамоми борлик янаям ёшариб, оҳори тўкилмаган рангин либосларга бурканган, ўнгирлар, қир-тепалар, барханлар, дараҳтлар учун ялля ёнадир шафак оловида, илҳоми жўшган шўх-шаддод жайронлар, сағриларини ялтиратганча, чор-атрофга жавлон уриб чопадир, саҳархез тўргайлар интизорлик васфини вижир-вижир наволарига соладир, поёнсиз кўк бурчида ёлгиз қолган назокатли ой оҳиста чайқалаётган заминга ийманибгина ҳарир ёғду сепадир.

Яна қараса, Сайдбек Умар ҳам бедор, ҳали қуриб улгурмаган нам қумда бемалол ёнбошлаган, хотиржам, мамнун ўй сурмақда, чақнаётган нигоҳи — Чакалоқда... Ҳаргиз, янглишмаса, эри ўғлон меҳри ва соғинчини дилида түғён ураётган сурур билан қовуштирган, ўғлон эса, мунисона кулимсираб, ўрталарида типиричилаб ётадир, гоҳида фалакка нигоҳ қадар, чугур-чугур қилиб тепага қўлларини чўзар, гўё, недир орзикш билан, юксакда танҳо сайр этаётган жонон сайёрани суҳбатга чорлар.

— Ўғизимдан ўргилай, кора кўзимдан ўргилай!...

Яна Моҳина ийди, бол томди тилидан, Чакалоқ, кечак ичиди яраланган морни узил-кесил тор-мор этиш учун бошқатдан ёпишиди сийнасига. Энди у қувватга тўлиб, анча тутволган ўзини, бемалол давом эттиради жангни. Худо ёrlақаб, омади чопди, у кечмиш соҳилидан қадамини узиб, эртанги кун бўсағасига етишди. Ана, нима зухурланди нигоҳида: ҳайрат ва сабр сувратими?

Хамон жимжит йўл кутар. олдинда, у нималар ваъда қилаётгани қоронғи, кўрабилиб туришгани — поёнсизлик... Яхшики жазира маҳорати пасайган, кучларига ҳам энди бемалол ишонишар, тинмай олға босишлари жоиз, фақат, э, Кодир эгам, айттил, қайда туп кўйиб, қайда палак ёзишсин?

— Жоним ўғизим, саҳро ҳам йўргагинг, ҳам бешигинг, эрта эр етсанг, эҳтимол, арғумоғинг ҳам бўлар, — эмчагини чанглалаб сўраётган Чакалоқни аста-аста тебратади Моҳина. — Қарагин, болам, ёввойи дала-дашт ҳам ўз йўриқлари билан яшаб, неки борини азиз санаракан. Одамзод шунча акли ва фаросати билан ўзини ўзи танимай ўтиши кўп жавр, кўп малол. Бу нималигини кечикмай билишинг керак.

Осмон тўлишиб, илимсик доналар сочади.

Мағриб ва машриқ оралиғи — ифорга тўла, ҳузурбахш...

Кунлар шукуҳи таърифга сифмас, фақат, мазгил қайда, мазгил?

— Ўглим ўғиз, яхши ҳам ўттаркан, ёмон ҳам, тагин бундан чалғиб қолма, бекарор бўлсанг уволга ботасан, буни камина кўп кўрдим, неча маротаба қашқа бўлди пешонам, — Моҳинадан кейин Саидбек Умар бошлар арзи-ҳолини. — Бўйнингга осилган мана бу дандон тищдан тузилган шода қадрига етил, у, умрбод таскин бериб, Кўкбўрилар авлодидан эканингни эслатиб тургай. Уқиб олки, асл Кўкбўрилар танти ва мағрур келурлар, улар бир-бирлари гўштини ҳам, бир-бирлари бошини ҳам емаслар.

Ноумид — шайтон, ҳар ҳолда, паст-баланд ўғитлари этига эт, бўйига бўй, шўхлигига шўхлик қўшилаётган Чакалоқ қулоғига сирғадек тақилиб қолаётганига ишонар эр-хотин, бинобарин, ўғлон қиёфаси ва хатти-ҳаракатида намоён зийраклик ва шижоат уларни тамом мафтун этган, илоё, ёмон кўзлардан асрарин, дея, Худога бара-варига ўтнишар эрта-кеч...

Очиғи, Саидбек Умар, бир тарафдан фахрланса, иккинчи жиҳатдан ташвишда: ҳаёт итни ҳам, битни ҳам аямас, ҳар ким зарбасига шай туриши керак, жигарбандлари ўғиз ҳам... Эрта ҳаёт уни букиб қўймасми? Ҳайтовур, эрта умр ўғлонга ё тенгисиз роҳат, ё мислсиз азоб ўлажаги ҳозирдан сезилаёттир. Ёки, у, бирон-бир омонат сандонда тобланиб, увол билан савоб, оғир билан енгил ўртасида муаллак туриб қоларми?

Аммо, оралиқ мазгил ато қиладиган омаддан бандасини Худо асрарин, бу нарсадан Моҳина ғофил, Саидбек эса... миридан-сиригача билар аросат ўйинини. Кўпдан-кўп бутун жонларни майиб-майриқ айлаган Ёртилик қонуни шу заминда илдиз отгани унга кундек равшан. Ёртилик балосидан кимлар юрак олдирмаган, ҳатто Саидбек ўзи ҳам зада, тан олар, асли, гоҳ Қўлдош Камон, гоҳ Жобир Кирпи, гоҳ Сайфи, гоҳ бошқаси қиёфасида Ёртилик таъқиб қилаёттир, фақат ундан эмас, ўзидан ҳам қочаёттир, шунинг баробарида ўзи сари интилмақда, омади кулиб, ўзини топса, шу — ўзида ўлгани, шу кўнглига парвоз қилгани, вақти-соати етса, бу қувончни қадрдонлари билан баҳам кўражак...

Ногоҳ, у Ёдгор валийни эслаб, бир хил бўшаши...

Ҳаргиз тан беради ҳазратга, унинг маслагиким, илгаритдан Парвардигор бандасини қабиҳона ниятлардан адаштирган, дор остида ҳам қалтирамай, дилда ниҳон гавҳарларни мусаффо сақлашга ундан. Кимки Унинг даъватига кулоқ солса таҳти комилликка етишур, икки дунёда ҳам хорлик чангини ютмас. Нафсни кишанлаш, қаноатга суюниш, иймонни кўзга нур, белга мадор айлаш, аввало, ҳар кимнинг ўзига, иккиласми, жаҳолат сиртмоғидан кутилиш учун жон чекаётган бани башарга қайишмаги демак.

Азалий ва абадий қоида шу: чидамол, чайир, серғайрат бўлсин одам боласи, сал нарсага тоб ташлаш, айниқса, шамол эсган тарафга қараб букилиш шаънимизга муносиб эмас, кишики бировга соҳа қазимасин, қазиса, ўшанга бир кун ўзи қулар. Яна, бегона билан ҳисоблашмак умр безаги эрур, кимки таниш-нотанишни менси-маса, бу — ўзини камситгани, кимки ҳабиб кўнгил ўйини вайрон айласа, бу — ўзини ерлаб, иззат-нафсига хиёнат қилгани.

Бас, ёдимиизда турсинки, омонат мақсад, омонат эътиқод, омонат ҳузур-ҳаловат эвазига мартаба ва шуҳрат ортириш, охири, маслаксиз, суюнчю юпанчизиз қолиш Одам Ато ва Момо Ҳаво замонидаёқ ажриқдай учриганд. Туя миниб, узоқни чамалаган зотлар бунингдек гирдобга маҳлиё бўлишдан ҳазар қилганлар. Жаҳолат билан оғизбурун ўшишган ҳар қандай қаснинг дили ҳам, косаси ҳам оқариши даргумондир. Айримлар Кўкбўриларга ҳам, Сариёғларга ҳам бирдек садокат кўргазиш пайдида елиб-югуарлар, алар билсинки, икки кема бошини тутган одам ғалабаси ахийри надомат денгизига чўкиб кетиш билан якунланур. Манфаат истаб никоб киймак айниқса жон азобидир, бу ҳол мангу тавқу лаънат мұқаддимаси — энг улуғ кулфат саналар.

Кучлилар ва ожизлар ўртасида инсофу диёнат бузилмас кўпrik бўлиши лозим. Кун түфса ҳам, ой түфса ҳам — зўрга! — қабилидаги шиор ислоҳга муҳтоҳ, иложи борича ундан тезроқ воз кечмоқ лозим, токи, турмуш шавқи фақат дасти-тили узун чапдасту чаққонларга эмас, хокисорлар жамоасига ҳам бирдек насиб этсин.

Эски масалким, бадавлат, қулоғигача курумга ботган эса-да, ҳаргиз бегуноҳ — сувдан қуруқ чиқаверар, камбағал, соясидан хуркиб яшаса, айб-увол тушига кирмаса ҳам, ўтиrsa — ўпок, турса — сўпок, бас, деворга бостириш керак. Буни тарозига кўйиб кўринг, ёронлар!

Тагин, Оллоҳ жазони холисга эмас, мунофиқа буюрган, жазо покни хорламасин, хийлагар никобини йиртсин, алҳол, айбизни айбдор топмак ва қийнамак орқали айш суриш — дилда тўрлаган майлни қондириш ва ҳамиша таъмага мойил нафсни тўйгизиш билан баробар. Оғирнинг устидану енгилнинг остидан юришга одатланган Ёртилик ақл машъалини ўчириб, кўнгил қўрғонини бузишга бел боғлаган кўрнамак-ларга дастак бўлмаслиги керак.

Ер дарди-кувончига бирдай шерик башаргина ҳаргиз нафсга тобе эмас, алалхусу, ахли мўмин берган ваколатга кўра, элчилик либосини кийган зотлар аксарият ҳолларда Оллоҳ ҳазар қилган кўчаларда вақт-бевакт санғирлар, қадри пўчокдан ҳам паст нарсаларга кўз тикиб, охир-оқибат, жисму жонларини шармисор надоматнинг жизғанак айлагувчи гулханига ирғитарлар.

Афсус ила лим-лим такрор алар меъдасига урмадими?

Жиҳодки йўқ, қай ҳолда ғофилмиз, шуну билайлик...

Сариоёғлар этагини ўпиш ва улар босган излар гардини кўзларига тўтиё айлашдан элчилирамиз тийилишмаса — ғафлат уйқусидан уйғонишмаса, афсус, чархи гардун бугун ҳам, эрта ҳам талошу саваш, фитнаю фасод уммоми ичра чорасиз. Асли, бу дунёда ҳеч ким ўзини ожиз санамас, ҳар ким шерга қиёслар ўзини, шунчалик билан ўтмиш учун жавобгар топилиши душвор, бунга ажабланмаслик ҳам керак, лекин, шундок пойимизда нола қилаётган келаси билан бўйлашадиган, келаси эзгу истаклари ва кечинмаларини тинглайдиган валломат қайдा?

Сайдбек Умар кўнглига назар согландек бир аҳволда...

Булар Ёдгор валийдан олган сабоқларим, дер ичида...

Сўнг, яйраб кетар: «Хой, ширинтой, ростдан Ўғизмисан?»

Фойибдан садо: «Инон!.. Инонавер!..»

Ва нам аралаш ҳовуч-ҳовуч шуъла ёпирилди.

Эсада қолгани шу: эр-хотин баравар кучоқлади Чакалокни, у билан бир тан, бир жонга айланишди. Рухлари қанотланган... Жимгина юзиб боришар поёнсиз бўшлиқда, укпар булултар толаси юмшоқ-юмшоқ урилар бетларига. Ортда қолар кўп исмисиз бекатлар, ниҳоят, қуига шўнғий-шўнғий қўниш, ҳаётнинг ўзи қадарли муқаддас қўниш...

Қайси бурж, қайси ўлчам, қайси қутбда туришибди, дафъатан айтиш қийин, атроф манзараси дилни сеҳрлаб қўядиган даражада мароқли, фусункор мағрур осмон гўё замин пойига эна келиб тиз чўккан, машриқдаги ола-бужир юксак чўққи елкасига бемалол қўнган қўёш шафақ пуркайди, кенгликлар эмас, дарадан пастга кийик янглиғ сапчиласётган сой ҳам тарам-тарам қизилга бўялган. Анов харобалар қўйнида ниш урган гиёҳлар ҳам ясан-тусанга мойил, ёпирај, ҳув нарида сокин чайқалаётган қўш дўлана япроқлари нимани бунча сирли-сирли шивирлаётир?

Паришон туриб қолган Сайдбек Умар кўксини баланд тутган Айиқтошни, оғзи ланг очиқ Тамғали форини, оғир-енгилга бирдек чидаб келган тошқалов кулбани кўриб энтиқди. Кулба олдида, ёпирај, кимлар ўралашаётир? Оҳорли оқ яктақ кийиб, белини белбоғ билан сириб боғлаган саллали чол... Бошяланг, оёқяланг, қийғир қарашли ўсмир... Ўсмир қашов билан кулба ёнидаги сайхонликда эринибгина ўтлаётган чавкар бияни ҳафсала билан қашлаётир. Бия, думи билан пашша ҳайдар ҳар замонда, сўнг, юргурилаганча олислаб кетган қулуни ортидан қарай-қарай, кишинаб қўяр безовтаҳол...

Юраги қинидан отилиб чиқаёзган Сайдбек ҳуш-бехуш бир-икки қадам босди илгарига, сўнг, беихтиёр тиз чўкиб, аста ўпди нимтатир бўй тарататётган ерни, қачондир Болалиги билан сирдош бўлган тупроқдан бир ҳовучини ҳавода муаллақ тутганча, бир ўксиниб, бир қувониб ҳайқирди:

— Ку-уйру-у-үқ со-о-ой, ҳе-е-ей, о-от-а-а юр-ти-имм!

Олисда, еру осмон оралиғида, викор тўкиб, хаёл суроётган, неча бор яхши-ёмонга гувоҳ ўтган, яхши-ёмонга яна қайта-қайта шоҳид бўладиган, энг қалтис дамда ҳам сирини сиртига чиқазмайдиган тоғ-тошдан жарангдор акс-садо қайтиб турди анча маҳалгача...



Тилак Жўра

*СОҲИЛАР
САРҒАЙИБ
ИҲЛИМ СУРҲАДИ*

* * *

Нигоҳимни ўрар чўлғониб,
Майсазорни иккى бўлған йўл.
Йўллар каби умрим тўлғониб,
Еғдиради пешонамга дўл.

* * *

Ким билади? Қайларда қолди
Вужудимдан узилган товуш?
Кўк қалқиди. Юрагим толди,
Товонимни тешади совиш.

* * *

Қаирлибди кунлар қаноти,
Шафқатланар шамдай титроқ кўк...
Қуёш ботди. Қачон тонг отди,
Туман босган хотирамда йўқ??!

Қақраб қақшаган қирда,
Қирқ қафасни қайирди умрим.
Ҳар кечада термулиб ойга,
Ойдай титраб боради бағрим...

Шундай қалқиб ўтиб боради,
Кўз илғамас кунлар ҳалқоби.
Рұҳим, қачон кўзинг ёради,
Қор қоплаган қора ниқоби?

Жимирлайди жонимда Турон,
Согинчнинг йўқ сира адоги.
Ўксик кўнгул кўтарғин тўфон,
Милтиласин умид чироги.

Ким билади? Қайларда қолди,
Вужудимдан узилган товуш?
Кўк қалқиди. Юрагим толди,
Товонимни тешади совиш...

* * *

Бинафша менманми, бинафша менми,
Севинчга, қайғунгга тутилган?

Чўлпон

Титраган туманми, менманми,
Шамоллар айлануб айланар?!
Инграган гумонми, менманми,
Хўпикар елкамда майсалар?!

Оҳ урсам, оҳларим учарлар,
Учарлар. Дардимдан кечарлар.
Бошимни эгсан ҳам тигингга,
Тигларинг айлануб қочарлар!..

Мен қайга қочайин, қалдирғоч,
Мунгайған мусибат остидан?!

Мен қайга қочайин, қалдирғоч,
Мунгайған муҳаббат дастидан?!

Ойнакдан оғриниб боқади кампир,
Ташқари титради дир-дир,
Күнгүл күрпаси бунча кир,
Еғади-еғади ёмғир...

Нурсиз нигоҳга ўрмалар —
Ойнакнинг оҳидан сурмалар,
Лаблар буралар-буралар,
Қор ёғар, қор ёғар, қор ёғар.

Лабларга тирмашиб титрап тиш,
Келиб қолибди-да яна қиши...

* * *

Тұлқинға яхши,
соҳилга бош уриб,
күнгелүн бүшатиб қайтар.
Мен
на бош уролдим,
на оёқ құйылдым,
рухнинг соҳилларига...

Бағримдан узилди япрогум,
Вужуд шундай титраб боради.
Бошимдаги күмуш тарофим
Хәэлимни елга қоради.

Узангидан узилар оёқ,
Хаёлларни қувиб етолмай.
Бунчалар олисдири бу сүқмоқ,
Үмидим чарчади, кечолмай.

Хұрсынаман, ғарип-хастадай,
Борлық боқар, қалқиб-сарғайиб.
Дунё бўйм-бўшгина растадай
Бу ҳолимга қарар анграйиб.

Дод дедим, ўзимни дарёга отдим,
Армон-ла армонга ўраниб ботдим.
Соҳиллар сарғайиб йўлум сўради,
Мен қайга бораман, ким ҳам билади?..

Сув билан сизилиб эзилди таним,
Тұлқинлар тұлқинға бу элда ғаним,
Шалтайған майсадай бўғзимда жоним,
Билмадим, бу ҳолда қайга бораман?..

Пўртана-пўртана кечдим ўртана,
Қўл чўзсан, қўлимига тегмас бир шона.
Кўпиреб-кўпиреб қайга бораман,
Толиқкан кўнглумни кимга ёраман?..

Ойга ҳам ёқмайди бундай сузмогим,
Жонга ҳам ёқмайди бундай тўзмогим,
Ё дардни, ё жонни керак узмогим,
Қонимдан лойимни қачон қораман?..

Дод дедим, ўзимни дарёга отдим,
Армон-ла армонга ўраниб ботдим.
Соҳиллар сарғайиб йўлум сўради,
Мен қайга бораман, ким ҳам билади?..

Қайрилиб-қайрилмас умид оғочи,
Айрилиб-айрилмас умид оғочи.
Унинг йўлларига бандишман-банди,
Бандилик қумқурғон. Қақшаб қочаман
Энтикиб-энтикиб изларингга мен.

Сен излаб келсанг, сен сўраб келсанг,
Йиқилиб йигларман тизларингга мен.
Йиғларман-куларман ёнимда бўлсанг,
Кумкўргон қоплаган жонимда бўлсанг.
Айрилиб-айрилмаган умид оғочи,
Қайрилиб-қайрилмаган умид оғочи...

Далли кўнглум, девона кўнглум,
шафаклари қон талаш кўнглум
ойга боқиб бунча ошуфта,
кунга боқиб бунча олифта,
нима топдинг, нима йўқотдинг?..

Умримнинг бедорлигини,
кунларимнинг зорлигини, торлигини
уйғотдинг,
Далли кўнглум, девона кўнглум...

Кўй мени алдама-алдама —
Алданган кунларнинг ҳалқоби.
Сигмайин қолдим мен даврама,
Тортолмай юзимга никоби.

Шу бўйим, шу ўйим ўзгармас,
Тоғлар тебранса ҳам бошимда.
Билмам, бу ҳол мени бездирмас,
Қирқни қоралаган ёшимда...



Рұхиятдам иңсилоб

Бугун 60 ёшини қаршилаган адібимиз Шукур Холмирзаев тинимсиз изланиши, ҳар бир асарида бирор янгиликни кашф этиши билан халқ қўнглига йўл топа олди. Адабиётимизда алоҳида ўрин тутувчи «Олабўжи» асарига хос бадиий фазилатлар айниқса ибратлидир.

Мазкур романни адіб романдан катта ҳикоя деб атайди. Нима учун бу фикрдалиги сўралганида у шундай жавоб берган: «Олабўжи» «Шарқ юлдузи» журналида эълон қилинди. Шу асарнинг жанрини романдан катта ҳикоя деб белгиладим. Бу нарсани ўзимни ўзим алдаш учун қилдим. Роман десам, воқеалар тармоқланиб, сочилиб кетадигандек туюлди. Агар ҳикоя десам, демак, мен ўзимни тия биларканман. Барибир, шундай бўлса ҳам 400—500 қофоз бўлиб кетди».

Шукур Холмирзаев мазкур асарида турли зиддиятларни ёритиб берган ва уларга ўз муносабатини билдирган. Кичик-кичик манзараларда катта-катта муаммоларни қўйган. Ҳаётий воқеаларнинг энг нозик томонлари, характерли нуқталарини топиб, уларни икир-чикиргача тасвирлади. Аниқроғи ижтимоий-маънавий муаммолар, ўзаро инсоний муносабатларни чукур бадиий таҳлил қиласди. Асар бадиийлигини таъминлайдиган биринчи омил сифатида муаллиф ўзини қизиқтирган, ўзига яхши таниш бўлган материаллар ҳақида ёзади.

Асарда кечаги кун даҳшатлари: маънавий-ахлоқий таназзул, экологик емирилишлар, ҳалқимиз эрксизлиги ва лоқайдлиги очиқ кўрсатиб берилган.

Романда турли хил тақдирлар ва зиддиятларга дуч келамиз. Натижада, оддий инсон сифатида, ўзимизни ҳикоя қилинаётган воқеалар иштирокчисидай сезамиз. Фаол образлар — Ултон, Баҳор, Тўклибой Кўчкоров, Бўтабой сўпи, Султон бобо, Махфират Эгамкулов, Дунё, Ашим, Хуррам, Набилар кўз олдимизда тирик инсонлар сифатда гавдаланадилар. Булар орқали Тангриберди додҳо каби миллий қаҳрамонлар тақдирни билан танишар эканмиз, ўзимизда чукур руҳий изтиробни ҳис этамиз.

Асосий қаҳрамонлардан бири — оддий совхоз ўқитувчиси Ултон Султоновдир. Ёзувчи бу қаҳрамоннинг оғир изтиробларга тўла ҳаётини шундай тасвирланганки, китобхонда унга нисбатан ачиниш ҳисси уйғонади.

Асар воқеалари, ҳаракатлар Ултон тақдирни билан узвий боғлиқ. Ултон ҳур фикрли, содда, табиатни жону дилидан севувчи шахс сифатида тасвирланган. У доимо табиатдек табиий яшашни истайди. Унингча, ҳаётда ҳар бир иш — табиий, беғараз, макру ҳийладан холи бўлиши керак.

Адіб Ултон образини яратар экан, ўз навбатида, руҳият тасвиридан ҳам үринли фойдаланган. Бу эса китобхонда Ултон образига қизиқиши янада ортирган.

Ултон тарих-археология факултетини битирган бўлиб, вилоятда ёзувчи сифатида хийла таникли, қишлоғида табиатшунослик фанидан дарс бериш билан бирга, дарвешона ҳаёт кечиради. У табиатни яхши кўрганлиги учун кўплаб

ҳайвон-паррандалар нобуд бўлаётганидан доимо руҳий қийноққа тушади. Шу ўринда адид билан қаҳрамони Ултон феълига эътибор берайлик. Адид, табиатни яхши кўргани ҳолда, жониворларни отишни хушлайди, Ултон эса унинг акси. Биз шу хусусда сўраганимизда, у шундай жавоб берган эди: «Менинг ўзим шу туйғу ҳақида кўп ўйлаганман. Нега шунақа-я? — деб. Мен ёшлигимдан овга қизиқиб келаман. Шунинг учун доимо она юртим Сурхандарёга борсам, ов қила-ман, милтиқ билан дала каклигини овлайман. Мен бир нарсага аминман. Инсо-ният ов туфайли инсон бўлган. Отиб, ўлдириб ейиши, бундан завқланиши мум-кин. Бу менинг ҳам қонимда бўлса керак. Одамлардан сўрасанг яширади. У ундоқ қилди, бу бундоқ қилди, мен отмайман деб. Бекорчи гап. Агар ўша инсон-нинг қўлига милтиқ берсангиз битта какликнинг кетаётганини кўрса албатта отади». Тўғри, бир қарашда, бу сўзлари билан у ўз қаҳрамонига қарши муносабатда бўлгандай кўринади. Мақсадимиз, адид билан қаҳрамони ўртасидаги фарқли томонларни кўрсатиш эмас, биз учун бу қаҳрамони орқали адид қандай концепцияни кўзлагани муҳимdir.

Ултон, табиатга техника чанглар солған жой борки, кўрса чидай олмайди. Муаллиф буларни ишонарли кўрсатиб беришга ҳаракат қиласди. Унинг маҳорати ўзига хос услуби, табиат билан шахс ўртасидаги руҳий боғланишни идрок қилиши ва бадиий тасвирга олиб кира олишида кўзга ташланади.

Адид инсон табиатнинг бир бўлаги эканлигидан огоҳ этади, табиат — муҳитга аралashiшда хушёр бўлиш кераклиги, шухрат, фойда кетидан қувиб, келажак олдида, бўлғуси авлод олдида маломатга қолмаслик учун атрофлича муҳокама юритиш лозимлигини уқтиради.

Ш. Холмирзаев романда Ултоннинг инсон билан табиатнинг муштарақлиги ҳақидаги фикрларини берар экан, ўзи туғилиб ўсган Сурхон воҳаси табиатини сақлаб қолиши муаммосини ҳам ўртага қўяди. Инсон ва табиат ҳақидаги бизни қийнаб келаётган саволларга жавоб беради.

Дарҳакиқат, бугунги кунда табиат ва жамият орасидаги муносабат бузилди. Натижада табиат ҳам, жамият ҳам ақл бовар қилмайдиган даражада катта талофат кўрди, инқирозга учради. Романда бу инқирознинг туб асосий сабаби қилиб, жамият вакиллари — инсонларда иймон-эътиқоднинг сусайиб бориши кўрсатилади. Шу тариқа Ултон ижтимоий масалалар хусусида бош қотираркан, гўё унинг ишлари авжида, она табиат бор жозибаси билан кўз ўнгига ётибди. У шу табиатнинг эрка фарзанди: ёзганлари бебаҳо бойликни муҳофаза қилиш бора-сида кўл келмоқда.

Ўқимишли, хар нарсани теран ҳис эта билган Ултон Тўқлибой Кўчкоров каби кишиларнинг тўрига ўзи билмаган ҳолда тушади.

Ултон табиий яшашни истагани учун ҳам алоҳида, ёлғиз — «ялмоғизнинг кулбаси»га ўҳшаган кулбасида ҳайвонларга оид китобларни ўқиб, хаёл суришни хуш кўрар, ўзгалар безовта қилишини ёқтирилас эди. Бу унинг руҳиятига сингиб кетган эди. Шу сабаб, уни Кўчкоров хузурига чақиргандা қаттиқ ранжийди: «Ин-гит беҳол тортиб ҳамда ғижиниб кийина бошлайди».

Ҳар бир ижодкор қаҳрамони ва персонажлар характеристидаги ўзгаришни далиллаш учун уни жамиятда юз бераётган фавкулодда ўтқир воқеа-ходисалар орасида, улар билан узвий боғлиқ ҳолда, воқеа-ходисаларга муносабатларини акс эттириш орқали тасвирлайди. Айрим ёзувчилар биргина детал орқали ҳам қаҳрамон ва персонажлар характеристидаги тўнтаришни далиллай олади. Дарҳакиқат, ҳар бир ижодкор асарида ўзига хос деталлардан фойдаланади. Деталлар асардаги барча воқеаларни боғлаган ҳолда, муаллиф ғоясини очишга хизмат қиласди. «Қизиқ деталь, чиройли парча шу вақтда асарнинг қимматини оширади-ки, шу қизиқарлиги, шу чиройлиги билан ғоянинг ташвиқ қилинишига хизмат қилас», дейди А. Қаҳҳор. Ёзувчи Ултон руҳиятини, асарнинг ғоясини очиб бериш учун ҳам айиқ деталидан фойдаланган.

Асарнинг бош қаҳрамони Ултон мураккаб, тушуниш қийин бўлган шахсдек таассурот қолдиради китобхонда. Сабаб, ҳамманинг хурматини қозонган Ултон-дек йигит устози Тўқлибой Кўчкоровга ҳаддан ташқари ишонади. Оқибатда эса унинг ҳаёти фожия билан тугайди.

Романинг ўқиш жараёнида Ултонни қийнаётган изтиробларни теран ҳис қила-миз. Ёзувчи ана шу изтиробларни бадиий таҳлил қилар экан, шу йўл билан

даврнинг руҳий қиёфасини ҳам тасвирга олиб киради. Ҳар бирини бир-бирига боғлиқ ҳолда акс эттиради.

Ёзувчи Ултоннинг руҳий қийноклари орқали даврнинг ижтимоий-сиёсий, маънавий психологиясини чизади. Асар бошида у Ултоннинг ташки қиёфасида руҳий ҳолатларни ифодаловчи психологизмнинг динамик принципини кўллайди. Вазият мураккаблаша борган сайн қаҳрамон туйғуларини бевосита таҳлил қилиш йўлига ўтиб, руҳий оламида фалаён уйғотади. Бу фалаён воситасида қаҳрамон ўз ҳаёти ва ҳалқ ҳаётини тарозига солиб, мушоҳада қилади. Жамиятни шу ҳолга келтирган иллатлар асар давомида очила боради.

Юқорида биз адиднинг айик деталидан фойдаланганини айтган эдик. Асар интиҳосида Ултон тақдири айик билан менгзаб якунланганини қўрамиз:

«Лекин бир нарса кишиларни ҳайрон қолдиради: Етимчўққида одамсимон айик пайдо бўлган: башараси тус одам, аммо жун босиб кетган. Юришиям — айикники: энгшиб, бўкириб — фўлдираб юармиш. Ва ўқтин-ўқтин шаҳарга яқин келиб бир ғор устида ўтирармиш».

Бу маҳлуқнинг ким эканлигини китобхоннинг ўзи ҳам сезиши табиий. Бу — Ултон. Асарни ўқиши жараёнида шунга ишонч ҳосил қиласизки, асарни яратища давр психологияси, давр маънавий эҳтиёжи ёзувчига тинчлик бермаган. Шу сабабли буларни ҳаётий образларда гавдалантириш учун катта ижодий куч сарфлаган. Ўз навбатида етакчи ғоя, яъни Ултон ва у каби инсонларнинг тақдири романнинг мавзуси тарзида ёзувчи психологиясида шаклини топган. Демак, бутун роман шу ғоя заминидан ўсиб чиқкан.

Маълумки, романда Ултоннинг ҳаёт йўли, руҳий кечинмалари, тақдири орқали жамиятимизнинг турли табақаларига оид кишиларнинг ҳаёт тарзи, хато ва камчиликлари, маънавий таназзули, ютуқлари тасвирланади. Ёзувчи шу усул, услуг билин турмушимизнинг барча жабҳаларига кириб боришга, ҳаётнинг барча кирраларини, ҳар хил тақдирларни кўрсатишига, турли характерлар руҳиятини таҳлил қилиш орқали яхлит хулоса чиқаришга интилади.

Асарда ҳикоя қилинаётган воқеалар жиддий бир палла — қисқа пайтда кечади. Қаҳрамонлар ҳаётидаги бу палла шундай бир довонки, ундан уларнинг бутун босиб ўтган йўли, ўтмиши, келажаги яққол кўриниб туради. Ултон ва бошқа қаҳрамонлар қалбида кескин бир драма туғён уради. Табиий кечинмалар, ҳолатлар ва манзараларнинг ҳақоний ва бадиий тасвири занжир ҳалқалари сингари ўзаро боғланиб, ўзига хос эпик тафаккур ҳосил қилади.

Айни пайтда ҳар бир тасвир ичига сингдирилган фалсафий мушоҳадалар, инсоний кечинмалар шу даражада уйғунлашиб кетганки, яхлит ҳолда улар инсон ҳаётига оид умумлашмаларни ифода этиш баробарида табиий туйғулар ҳароратини китобхонга етказишида ва бадиийликнинг ошишига хизмат қилган.

Ултон тақдири орқали кўтарилиган масалаларга китобхон эътиборсизлик билан қарай олмайди. Зеро, адид воқеаларга янгича нигоҳ билан муносабат билдирган, яъни ҳаётий жараённи ҳаётда қандай бўлса, шу ҳолича яратган.

Бу нималарда кўзга ташланади?

Бизнинг фикримизча, бу қўйидагиларда кўриниши: биринчидан, асарда воқелик эмас, инсон қисмати, тақдири, унинг дарди ва алами тасвири етакчилик қилади; иккинчидан, инсоннинг руҳий олами, туйғуси, изтироби, дунёқараши самимийлик билан, катта инсоний дард билан инкишоф этилиши, учинчидан эса, инсон образига бошқача ёндошиш, яъни унга инсон сифатида ёндошиш ва бор нуқсонлари ҳамда фазилатлари билан тасвирлаши, тўртинчидан, масала моҳияти тарихий нуқтаи назардан тўғри ёритилишида кўриниши. Демак, Ш. Холмирзаев бунга тўла мұяссар бўла олган, айрим камчиликларни хисобга олмагандা, ўз маҳоратини намойиш эта олган.

Муҳайё Ҳамидова

ИШҚ ТАВАЖЖУХИ

Анъаналарнинг бардавомийлиги ва новаторлик, адабий алоқа ва таъсирларнинг адабиёт ривожидаги аҳамияти ижобий натижалар берганлиги аён. Сўнгги йиллар ўзбек адабиётини кузатиб, анъаналарнинг давом этаётганлигини, яхши самаралар берадиганини илғаш мумкин. Чунончи, Барот Бойқобилов, Омон Матжон каби шоирлар Навоий достонларига ўхшатма тарзда қатор асарлар яратган бўлсалар, Икром Отамурод, Абдували Кутбиддин, Фахриёр каби шоирлар яратган достонларда Евгений Евтушенко, Андрей Вознесенский, Олжас Сулеймоновлар услубига ҳамоҳанглик сезилади. Истеъдодли шоир Асқар Маҳкам достонларида эса тасаввифий шеърият руҳидан таъсирланиш тарзи намоён бўлиб боряпти.

Шеърият мумтоз моҳиятни замонавий шаклда изҳор қилаётганлигини Асқар Маҳкамнинг «Ишқ», «Таважжух» достонлари тасдиқлайди.

Адабиёт илмининг нуктадонлари реализмнинг турлича кўриниш ва оқимлари мавжудлигини эътироф этишган: изчил реализм, натурализм, инқилобий реализм, танқидий реализм, романтик реализм ва бошқалар. Назаримизда, Асқар Маҳкам достонлари, агар таъбир ўринли бўлса, янги бир йўналиш — шафқатсиз реализм йўсинида ифода этиляпти.

«Ишқ» ва «Таважжух»даги лирик қаҳрамон Ҳаққа яқинлашиш ва ҳақиқатни сўзлаш учун жонли-жонсиз нарсаларнинг хеч бирига шафқат килмайди, ўзини ҳам аямайди. Бу аёвсиз таҳлилдан хеч нарса четда қолмайди.

Жаҳолат ва гумроҳлик, риёкорлик ва фосиqliк қусуридан тозаришга, руҳни поклашга даъват Асқар Маҳкам достонларининг йўригини белгилайди. Адабиёт шунос олим Исмоил Тўлаков шоир асарлари ҳакида фикр юритиб, шундай қайдни келтирган: «Асқар Маҳкам тасаввуфона фикрни теран фалсафий руҳ ва мураккаб бадиий тасвири воситалари ёрдамида ифодалашни маъкул кўради. Унинг лирик «мен»и абадиятга интилган инсон».

*Гадо деди: — Диёнатсиз кунлар аро
тупугини ишқалаб ой чехраларга
фасодини суртиб шаффоф таналарга
латтасини осиб гардан каллаларга
бу оламда бунча бало нима қилди?
Мозор... Пушта... Гадо... Ёлғиз гадо...*

«Олий эҳтирослар ва таранг кайфиятлар» (Белинский) силсиласида инсоният тарихини тафтиш этиш, ҳаёт шафқатсизликларини драматик-трагик ҳолатларда кўрсатиш орқали иймоний бутунликка, руҳий покликка чакириқ оҳанглари Асқар Маҳкам достонларига ҳаётий эҳтиёж сифатида ўрнаша бошлаганлиги бежиз эмас. «Биз кейинги 75 йил давомида яшаб келган маъмурий буйруқбозлиқдан иборат тоталитар тақсимот тузуми юзага келтирган одамлар руҳиятини, уларнинг тафаккурини ўзгартиришимиз лозим», деган эди юртбошимиз Ислом Каримов.

Бугунги достон конфликти антик ва қисман мумтоз достончилиқда бўлганидек, афсонавий қаҳрамонлар («Илиада», «Одиссея», «Шоҳнома») ўртасида ёхуд муайян қаҳрамон фаолиятидан, саргузаштларидан (Низомий, Дехлавий, Жомий, Навоий достонлари) ёки XX асрнинг биринчи ярми шўро адабиётига хос кўриниш: қаҳрамонни маълум гояларнинг ташвиқотчиси сифатида тасвирлаш, уни

мехнат күчогида кўрсатиш ва шу асосда конфликт яратиш («Кўкан», «Жонтемир» ва бошқалар) каби усуллардан воз кечяпти. Бугунги достон конфлиktи лирик «мен» ва дунё асосига куриляпти. Лирик «мен» комилликка интилаётган шахс. У оламни табиий гўзаллигича кўрмоқчи. Бироқ, манфаат ва нафс ридосини эгнига ташлаган дунё бунга монелик қиласи.

Лирик «мен» солих амалларни ўзида мужассам этган нуроний кўринишига эга бўлса, дунё, яъни, нафс зулмоний характер касб этмоқда. Тасаввуф таълимотига мувоғик, инсон ўзида икки зид кувват курашиб турган бир борлиқдир. Рухнинг ҳолат ва ҳаракати, парвози нафси амморанинг тийилишини талаб этади. Нафсни енгис руҳнинг йўлуни нурафшон этади.

Професор Усмон Турарнинг фикрича, «тасаввуф назарий илм соҳаси бўлиш билан бир қаторда, фалсафий моҳият касб этиб, борган сайин Аллоҳнинг зоти ва сифатлари, Аллоҳ — олам муносабати, оламнинг асли ва яратилиши, Аллоҳ — инсон муносабати, инсон — олам муносабати, инсоннинг руҳий хусусиятлари, билим масаласи ва яна бошқа кўплаб масалаларда ўзига хос қарашлар илгари сурилган бир тасаввуф фалсафаси сифатида шаклланди».

Асқар Маҳкамнинг «Ишқ», «Таважжух» достонлари ана шу тасаввуфий сифат ва хусусиятлардан руҳ олади, бизни ўраб турган табиат ва жамиятни поэтик идрок этишимизга, қолаверса, «олами сурго», яъни, ўзликни англашимиз ҳамда тинглашимизга, хулоса — сабоқлар чиқаришимизга имкон беради.

Инсон Ҳақни англаш иқтидори берилган ягона жонзотдир. Ана шу руҳий иқтидори билан у Аллоҳнинг сифатларини ўзида жамлашга қодир. Асқар Маҳкам «Ишқ» достонида Аллоҳ сифатларини тўрт ўринда бир-бир айтиб ўтади. Шоирнинг наздида бани одам илоҳий сифатларга эришмоқ учун интилиши, нафс кирларидан покланмоғи зарур.

Муҳитнинг шафқатсиз таҳлили «Таважжух» достонининг ҳам асосини белгилайди. Бобур ўйлари асосига курилган бу асарда Бобур ва муаллиф қарашлари яхлитлик касб этади.

Асқар Маҳкам Бобурни шакллантирган диний ва тасаввуфий илмлардан яхши огоҳлиги, Бобур асарлари ва дунёқарашидан хабардорлиги боис, шоҳ ва шоир Бобурнинг характеристини изчил ва мантиқий очиб беришга эришади. Маълумки, ҳар бир етук асарда қаҳрамон нутқидан унинг касб-кори, дунёқарashi, ёши, жинси, жамиятда эгаллаб турган мавқеи англашилиб туради. Жумладан, «Таважжух»да ҳам айтилаётган ҳар бир сўз, фикр, мисра фақат ва фақат Бобурга хослиги сезилиб туради.

Эй Ёр, осмонингнинг йиртиғи менман,
очсан жигарларим оқар хунолуд.

Эй Ёр, лаҳаддан-да чукурроқ ер ман,
тутсанг фақат тубсиз жомда бода тут...

Бундай мисраларни кўнгул измида юриб, шоҳлик ва шоирликнинг заққум шаробини ичган кишигина айтишга ҳақли.

Асқар Маҳкам асарида Бобурнинг руҳий дунёси, ботиний оламини поэтик эктирос билан очишига ҳаракат қилган. Достонда характеристнинг муҳитга таъсири, муҳитнинг характеристега тазики мантиқан далилланган. «Ишқ» асарида бўлгани сингари, «Таважжух»да ҳам сурат ва сийрат, нафс ва руҳ, ишқ ва ўлим тушунчалари тўқнашади.

Бугунги достон ўз ўтмишдошлари каби тайёр хулоса ва натижаларга олиб келмайди. Унинг хулоса ва натижалари асарнинг қурилмасидан, руҳидан келиб чиқади ва китобхон қалбida давом этади.

Асқар Маҳкам достонларидағи шафқатсиз реализм бадиий тасвир воситала-рига, қиёфа ва табиат манзаралариға ҳам сингиб боряпти.

«Ишқ» ва «Таважжух» достонлари инсоннинг ўз нафсига қарши кураши, қаттол душманга қарши жанг қилишдан кўра қийинроқ ва шарафлироқ эканлигидан дарак бермоқда. Руҳият ва тафаккурда ўрнашган жаҳолат ва риёning, мутеликнинг нечоғлик нафратга маҳкумлигини кўрсатиш ушбу достонларнинг моҳиятини ташкил этади.

Шавкат Ҳасанов,
филология фанлари номзоди.



Турсунбой Адашбоев

МОҒЛАРГА ПЕРМУЛИС ҚОЛДАН ҲАЁЛ

Шоир Шавкат Раҳмонни хотирлаб



*Азал шундай ёв қочса,
кўпаяди ботирлар...
Худди қўзиқориндай,
униб чиқар потирлаб...
Шулар кечди Шавкатни,
ёзар чоғим хотирлаб...*

СИРОЖИДДИН МУАЛЛИМНИНГ ҚАЛДИРГОЧЛАРИ

Ҳар бир шаҳар, туман ва қишлоқларда ўзбек адабиётининг толмас тарғиботчилари, тиниб-тинчимас муаллимлар борлигини унутмаслигимиз керак. Сабаби, ана шу ўқитувчилар туфайли адабиётга ошику шайдо бўламиз. 1964 йилнинг Наврўз кунлари йашаридаги 1-ўрта мактабнинг ўзбек тили ва адабиёти муалими Сирожиддин Нажмиддинов бизни учрашувга чақириб қолди. Учрашув кутилганидан ҳам завқли ўтди. Одатдагидек, савол-жавоблар бўлди. Учрашувда Сирожиддин домла мактаб қошидаги адабий тўгаракнинг аъзолари, ҳаваскор шоирлардан Музаффар Саидов билан Шавкат Раҳмоновни таништириб, шеър ўқиш навбатини уларга берди. Икки тенгдош ўқиган мағзи тўқ машқларни қунт билан тинглаган шоир Усмон Темур охиста шивирлади:

— Бало чиқди ҳозирги ёшлар...

Мен ўз навбатида унга шаъма қилдим:

Биз учрашувдан кейин Сирожиддин Нажмиддинов домланинг қалдирғочлари, 8-синф ўқувчилари Музаффар ҳамда Шавкат билан яқиндан танишиб, уларнинг машқларини газетада босиб чиқариш ниятида ўзимиз билан олиб кетдик. Орадан кўп ўтмай, иккала бошловчи ижодкорнинг дастлабки машқлари айрим тузатишлар билан вилоят газетасида босилиб чиқди. Кейинчалик, Музаффар ҳам, Шавкат ҳам редакция қошидаги «Илҳом» тўгарагининг фаол қатнашчилари бўлиб қолдилар. Охириги уч йил ичida икки ҳаваскорнинг қатор шеърлари чоп этилиб, малакаси ошди. Бу орада Сирожиддин муаллимнинг полопон қалдирғочлари темир қанот бўлишиб, ўрта мактабни битириб, Тошкент шахрига йўл олишди. Музаффар Сайдов Ўзбекистон миллӣ университетининг журналистика куллиётига ўқишига қабул қилинди. Афсуски, Шавкатнинг омади юришмади. У Ўшга қайтгач, бир муддат фишт заводида ишлаб, ҳәётнинг паст-баландини ўрганиб, турмуш ташвишларига кўнишиб борди.

ПАРВОЗ

Адабиёт мухлиси, оқибатли инсон Зайнобиддин Салоҳиддиновнинг аралашуви билан Шавкат 1967 йилнинг бошларида вилоят босмахонасига ишга жойлашиб, босиши цехида моҳир полиграфи чашавой аканинг кўлида бир йилдан ортикроқ ишлади. Оғир босиқлик қон-қонига сингиб кетган Шавкат вақтнинг тушкунликларга парво қилмай, босмахонанинг ўрама қофозларига ёзилган машқларини ҳимарганича ийманиб редакцияга кириб келар ва сабр-тоқат билан каминдан маслаҳат кутарди. Ўтган муддат ичida у шоир сифатида этилиб бораётганлиги содда, дилгир машқларидан кўриниб турарди. 1968 йилнинг куз ойларига келиб, ўша маҳалда атеист сифатида ном қозонган, айни чоқда, Ўшнинг супер ҳожиларидан бири собиқ мұхаррirimизни кўндириб, Шавкатни биз хизмат қилаётган газетанинг маданият бўлимига адабий ходим қилиб ишга олдик. Барча ижодкорларда бўлгани каби вақтли матбуотнинг олди-қочди мақолаларини ёзишига тоби-тоқати йўқ шоир укам билан келишиб олдик. Унинг зиммасига «Адабиёт саҳифаси»ни тайёрлашни, шеър ва ҳикояларга обзор ёзиши ҳамда жавоблар қайтаришни юкладик. Ўта қобил, изланувчан Шавкат ўзи билан ёнмаён меҳнат қилаётган Холдоржон Курбонбоев, Усмон Темур, Мухаммаджон Ўринбоев, Тальят Солиев, Мирзоҳид Мирзараҳимов, Абдуғани Абдуғафуров каби иқтидорли ижодкорлар таъсирида чиниқиб, пишиб борди. Саховатли кунларнинг бирида Шавкатнинг отаси — Раҳмонберди ота, онаси — Офтобхон ая ва акаси — Тошмирза оға билан яқиндан танишдик. Бироқ ижарада яшаганим сабабли бу хонадон билан вақтинча борди-келди қиломадик. 1969 йилнинг баҳорида Ҳудо ярлақиб бир кулбани қарз-қаволага сотиб олдим. Шундан сўнг, Шавкат билан борди-келди изга тушди. Кунларнинг бирида ҳамкасб дўстлар билан ҳашарга келган шоир укам мендан иккита китобни бериб туришимни ўтинди. Уларнинг бири машҳур рус шоири Михаил Светловнинг «Беседа» деб номланган асари, иккинчиси испан шоири Гарсия Лорканинг Ленинграда нашр қилинган, муқовасига қизил гулнинг тасвири туширилган энг ноёб «Сайланма»си эди. Ҳар икки китобни Шавкатга берар эканман, у Лорканинг «Сайланма»сини вараклаётib мийигида кулиб қўйди. Бунинг боиси бор эди. Китобнинг ички муқовасига Қадамжой шахридаги кончилар кутубхонасининг муҳри босилганди. Мен бу китобни кутубхонадан қандай тарзда ўғирлаб чиққанлигимни айтганимда, бошқалар қатори Шавкат ҳам завқ билан кулди. Ҳаваскор шоирнинг Лорканинг ижоди билан дастлабки танишуви ана шундай бошланди.

Кунларнинг бирида Шавкатга Михаил Светловнинг шоирлар газетада узоқ ишлаши, уларда шеър ҳиссининг ўтмаслашиб кетишига сабабчи бўлади деганини эслатиб, «Литературная газета»нинг охириги саҳифасидаги эълонни ўқиб чиқишини илтимос қилдим. Шоир укам уни ўқибоқ менга юзланди.

- Борсам бўлармикин?!
- Бўлмаса-чи...

— Ижодий кўриқдан ўтломасам-чи?
— Ўтасан...
Гап Москвадаги Горький номли Адабиёт институтининг янги талабалар қабул қилиш бўйича эълони хусусида борарди.
— Шеърларнинг сўзма-сўз таржимасини нима қиласиз?
— Иложини топамиз.
Шавкат ота-онаси билан маслаҳатни бир жойга қўйгач, шеърларини вилоят рус газетасида ишлаётган дўстларимиз Велор Акчурин ва Михаил Синелниковлар ёрдамида сўзма-сўз ўтиририб, машинкада қўтиририб, танлов ҳайъатига жўнатдик. Орадан уч ой ўтгач, 1969 йилнинг июл ойида Москвадан хушхабар келди. Унда Шавкатнинг шеърлари ижодий кўриқда юкори баҳо олганлиги айтилиб, имтиҳон топшириш учун келиши сўралган эди. Бу қувончли воқеани унинг хонадонидаги яқинлари билан ўзига хос тарзда нишонладик. Раҳмонберди отанинг илтимосига кўра, Тошмирза ака учовлон қиттай-қиттай отдик... Бир ҳафтадан кейин Шавкатни Андижон — Москва поездига кузатиб, унга оқ йўл тиладик.

ОШКОРА СУХБАТ

Шавкатнинг хат ёзишга уқувсизлигини билганим учун Қирапиқ тарафга ўтишни кўнглимга туғиб юрган кунларда Тошмирза аканинг ўзи редакцияга келиб бизни кувонтирди. Абутуриент имтиҳонларни топшириб, ётоқхонага жойлашибди. Йилнинг охирида қишки таътилга келаркан. Талаба шоир билан 1971 йилнинг биринчи ўн кунлигига учрашдик. Анча тўлишган, аввалгидай тўпори, кам-гап. Ташқаридан қараган кишига у «ичимдагини топ» қабилидаги одамларга ўхшаса ҳам, мен билан юракдан дардлашмоқчи эканлиги кўзидан билиниб турарди. Навоий боғининг кунжидаги чойхонада икковлон алламаҳалгача гурунг-лашдик. Ўқишга кирганидан ўта мамнун эди.

— Шарт-шароити дуруст. Анча мослашиб олдим. Рус тилини астойдил ўрганяпман. Қизилқиялик Эргатов деган қирғиз шоири билан бирга ўқиймиз. Зўр йигит экан.

— Янги шеърлар ёзолдингми?
— Миср эхромлари ҳақида туркум ёздим.
— Қани, ўки...

У ён дафтарини олиб шикаста овозда янги машқларини ўқий бошлади. Бирбиридан мағзи тўқ мисралар. Уни сидқидилдан олқишлийман:

— Қойил!
— Ошириб юбордингиз...
— Гарсия Лоркани у ёқдан тополмадингми?
— Топдим, лекин сиздаги нашрини ҳеч қаерда учратмадим.
— Худди ўша нашрини менга ўхшаган муҳлислар ўғирлаб кетишгандир-да...

Котиб-қотиб кулишдик. Суҳбатимиз жонланди. У бироз одамови бўлгани учун холи чойхонани танлаганимдан хушнуд эди. Анча суҳбатлашиб кўнгулдаги чигалликларни ёзиб хайрлашдик. Орадан уч кун ўтиб, Шавкат ишхонага келди. Туркум шеърларини дам олиш саҳифасига режалаштириб, унга ўзим аннотация ёздим. Москвадаги манзилларини олиб, якшанба куни учрашмоқчи бўлдик. Бирор, у негадир чойхонага келмади. Бироз кутиб, кейин уйга қайтдим. Эртасига Тошмирза ака укасининг номидан узр сўраб, кўнғироқ қилиб қолди. Шавкат Шаҳриондаги қариндошлариникига онаси Офтобхон ая билан кетган эди.

Шавкат билан йилда икки топқир ёзги ва қишки таътилда учрашувимиз одат тусига айланди. Талаба шоирни имкон қадар моддий жиҳатдан кўллаб-куватлашни маъмуриятдагилар билан келишиб олганимиз учун унинг машқларига кенгроқ ўрин берардик. Бундан ташқари, «Бизнинг календар» рукнида таникли шоир ва адилларнинг 75—100 йиллик юбилейларига бағишлиланган туркум маколаларни унинг номидан уюстириб, қалам ҳақини эса Добролюбов даҳасига йўллардик. Ойлар, йиллар этагини тутқазмай ўтиб борарди. Шавкат Ўшга қачон келмасин, уйимизга кўнғироқ қилиб, ҳол-аҳвол сўрашга кўнишиб қолган эди. Дам олиш кунлари ҳам газета ходимларининг пахта тергани, пичан ўргани чиқиши одат

тусига айланганлиги сабабли у биз билан ёнма-ён ишлаб, сухбатлашишдан сира эринмасди.

1973 йилнинг май ойида Ёзувчилар уюшмаси томонидан Москва яқинидаги Переделкино деб аталувчи адилларнинг дам олиш уйига йўлланма олдим. Халта-хуржунимни кўтариб тўғри аэровокзалдан адабиётчиларнинг Добролюбов кўчасидаги меҳмонхонасига келиб ўрнашдим. Институт ётоқхонаси меҳмонхона билан девор-дармиён эди. Шавкатга аталган совфа-саломимни олиб, уни хужрасидан топдим. Дам олиш куни бўлгани учун Эгамберди Эрматов, Мурод Муҳаммад Дўст, Жўлон Мамитов ва Рассоқ Абдурашид сингари ижодкорларни чақириб палов дамлаб, улфатчилик қилдик. Эртасига Шавкат мени Киев вокзалидан Переделкинога кузатиб қўйди. Орадан бир ҳафта ўтгач, у мен дам олаётган ерга эрталаб кириб келди. У билан Барис Пастернакнинг қабрини зиёрат қилгани бордик. Русларнинг серҳашам бутхонасини айланиб ўтиб, темирийл яқинидаги емакхонада дардлашдик. Ўзига хос босиқлик билан у менга кўнглидаги гапларни айта бошлади.

— Турсунбой ака, оғам қатори бўлиб қолдингиз. Шунинг учун фақат сиз билан маслаҳатлашадиган сирларим бор.

— Ўзим маслаҳатга муҳтоҳман. Агар менга шунчалик ишонган бўлсанг, кулагим сенда.

— Ўтган йили баҳорги таътилда Ўшга борганимда бир кизни яхши кўриб қолдим...

— Кимнинг қизи, қаерда ишлайди?

— Мева бозорига ёндош дўконда ишлайди. Исми Манзурахон, Хосилжон аканинг қизи экан.

— Оббо! Шоири тушмагур, жуда баланд дорга осилибсан-ку...

— Нега?

— Нега эмиш... Носировларнинг сулоласи бутун Ўшга маълум-ку?! Хосилжон ака тикув фабрикасининг директори. Бу оила ўта бардам ва бақувват. Мен билан сенинг ахволимиз эса ўзимизга аён. Кўлимиз калтароқ...

— Таваккал, ака! Ишқ дегани бойлик билан ўлчанмайди-ку!..

— Тўғри, аммо қандай бўларкин? Сенга ростини айтсам, Носировларнинг маҳалласида ижарада яшаганман. Хосилжон ака билан анча-мунча улфатчилик қилиб турганимиз. Манзурахоннинг опаси Муҳаббатхон олий ўқув юртини биздан икки йил кейин битирган. Сен ўқиган мактабда ўзбек тили ва адабиётидан дарс беради. Ўта хушрўй, саводли ва диёнатли аёл.

— Бор экансиз-ку, ака, — дея Шавкатнинг кўзлари ёниб кетди. Гўё икки-уч кундан сўнг тўй бошланиб кетадигандай унинг севинчи ичига сифмасди. Бир-биримизга омонлик тилаб хайрлашдик. Ўшга келгач, Хосилжон акани топиб, улфатчилик орасида у кишига бор гапни айтдим. Саодатхон аяга бу сирни очгани юрагим дов бермади. Мактабга бориб, Муҳаббатхон билан ҳол-ахвол сўрашгач, шоир укамнинг омонат сўзларини кулоқ қоқди қилиб қўйдим...

Шавкат ўша йилнинг бутун ёзи давомида Тошкентда Fafur Fулом номидаги Адабиёт ва санъат нашриётида амалий машғулотда бўлди. Чунки ўқиши охирлаб бораётганди. Кузга бориб, тўй ҳаракатлари бошланиб кетди. Куда томонни бир нави кўндиридик. Манзурахон билан Шавкатнинг никоҳ тўйларига икки кун қолганда кўёв бола кулиб-яшнаб бизнисига кириб келди.

— Энди табрикласак бўладими?

— Раҳмат, ака! Индинга ЗАГСга чиқамиз...

— Шавкат! Тўйингга нима совфа қилсан экан? Янганг билан топган-тутганимни конвертга солиб берганимиз маъкул, деган тўхтамга келдик.

— Ака, тўй дегани кўпчилик билан битадиган маросим экан. Камчилик йўқ. Укам Маҳмуджон дардимизга малҳам бўлди. Агар малол келмаса, базм оқшомида Гарсия Лорканинг китобини совфа қилсангиз, бошим осмонга етарди...

— Наҳотки?! Лорка сендан айлансан!!..

Шавкат Раҳмоннинг никоҳ тўйи кутилганидан ҳам аъло ўтди. Тошкентдан Хикоятхон Маҳмудова, Назми Фозилова ва Шоҳида Собирова каби ноширлар, Андикон ва Ўзгандан кўёв боланинг қадрдонлари, ижодкорлар иштирок этишди. Биз қамишдан бел боғлаб тўйда камарбаста бўлдик. Мен ваъдага биноан Гарсия Лорканинг китобини ва топган-тутганимни совфа қилдим.

«БАХТЛИ ҲАМ БЎЛАДИ, ТАХТЛИ ҲАМ БЎЛАДИ...»

Янги оила Москвага кўчиб кетди. Манзурахон ишга жойлашди. Шавкат ўқиши давом эттириди. 1975 йилнинг июл ойида тўнгич фарзанди Нодира дунёга келди. Ўша йилнинг кузагида Шавкат ўқиши битириб,Faфур Фулом номидаги Адабиёт ва санъат нашриётига ишга жойлашди. Барча қалам ахларининг пешонасига битилганидек, у ҳам бир неча йил ижарада яашага мажбур бўлди. Тошкентга йўлим тушган куниёқ нашриётга кираман. Дангалчи ва чапдаст дўстимиз, Худо раҳмат қилгур Аскарали Шаропов билан Шавкатнинг хонадонида қозон қайнатамиз. Баъзида Манзурахоннинг онаси Саодатхон аяни кўриб қолсан, ўз-ўзидан изтиробга тушиб, аяни юпатмоқчи бўламан. Она эмасми, фарзандларининг ҳамон бошпанасиз яшаётганидан эзилади. Мен эса ҳар икки гапимнинг бирида:

— Ая, мана кўрасиз, яқин орада улар уйли-жойли, баҳтли-таҳтли бўлишади. Шавкатбек куёвларингизнинг ичидаги энг суюкли ва пешқадами бўлади. Маъруфжон, Сайдумарлар ортда қолиб кетишади.

— Қанийди шундай бўлс...

Ўш Шавкатнинг жони-дили эди. Имкон топиши билан киндик қони тўкилган диёрга ошиқарди. Қандай шароитда бўлмасин, мени излаб топарди. Айниқса, раҳматли Ҳосилжон ака кўпроқ сўроқлаб, ўғиллари Ҳошимжон билан Баҳтиёрни уйимизга жўнатарди. Куёв боланинг баҳонасида божалари Маъруфжон ва Сайдумарлар билан ака-ука бўлиб кетдик.

Тангрига шукрларким, Шавкат Раҳмон уйли-жойли бўлиб, ҳовли тўйларини ўтказиб, қўша-қўша фарзанд кўрди. Бирин-кетин китоблари босилиб, элнинг оғизига тушиб, Ўзбекистоннинг севимли шоирларидан бирига айланди. Ардоқли фарзанди Шоҳруҳнинг суннат тўйи баҳонасида Шавкат билан бир неча кун давомида гурунглашдик. Тошкентлик меҳмонларни бирга кутиб олдик. Таникли адаб Тоҳир Малик бошчилик қилган шоир ва ёзувчиларни олайлик, дўстим Илёсбек Жусубалиев олиб келган икки меш қимиз билан сийлаб кузатдик. 1980 йилнинг апрел ойи ўшликлар учун шеърият байрамига айланаб кетди. Атоқли шоир Эркин Воҳидов, Шавкат Раҳмон ва Ҳуршид Даврон билан бир ҳафта давомида шаҳар ва туманларда учрашувлар ўтказдик. Жойлардаги учрашувларнинг қизиқарли ўтишида Эркинбой Турсунов, Саидаҳмад Холтўраев, Сирожиддин Нажмиддинов, Одилжон Райимжонов, Мұҳаббатхон Носирова, Улфатхон Иброҳимова каби ўзбек адабиётининг фидойилари бош-қош бўлдилар. Меҳмонларнинг Арслонбобга қилган сафарлари ҳам ҳамон кўпчиликнинг ёдида.

Тошкентта навбатдаги келишимда Шавкатнинг янги хонадонида меҳмон бўлдим. Ҳамир овқатга ўчлигимни билган Манзурахон лағмон қилди. Худди ўша куни Гарсия Лорканинг янги нашрдан чиқкан ўзбекча вариантини ювдик. Шавкат ўз одатига кўра китобга «Қадрли Турсунбой ака! Шеър ёзмасликка ҳаққи йўқ укангиздан», дея дастхат ёзиб, тўпламни менга топшириди. Алламаҳалгача сухбатлашиб, сўнгра дам олдик.

«Тоғларга термулиб суради хаёл...»

Олой қирларидан

Кетар саратон,

Совуқ шабадалар уйғонди тагин.

Кушлар қий-чувига тўладир

осмон —

Сентябр яқин...

Эртадан кечгача

Синглим иккимиз,

Сойда чўмиламиз, чўзма отамиз.

Ярим кечагача келмай уйқумиз,

Сирли юлдузларни санаб ётамиз.

Шавкатнинг «20 йил аввал» деб номланган манзумаси 1975 йилда ёзилган. Бу автобиографик шеърда шоир юрагининг бир парчаси ётибди. Тоғларга термулиб хаёл суриси фақат Шавкат Раҳмонга хос фазилат. Чунки Раҳмонберди

ота йигирма йил давомида Олойнинг Сўфиқўрғон, Саритош, Дараутқўрғон каби овулларида оила аъзолари билан чойхона очиб, чўпон-чўликларга хизмат кўрсатган. Тошмира ака, Шавкат ва Маҳмуджонлар ёзги таътилда ота-оналарига ёрдам беришган.

Айниқса, Олой тизмалари бошқа тоғларга асло ўхшамайди. Улкан нор тялярни эслатувчи, гўёки кескир пичоқларда тифланиб ташланган қатлам-қатлам харсанг тошларни кўриб, табиатнинг қурдатига лол қоласиз. Номлари ҳам ажабтовор. Кетмонтоғ, Кетгантонг, Етгантонг, Эшиктош, Бешиктош, Тешиктош. Болалиги асосан тоғларда ўтганлиги учун ҳам Шавкат Раҳмон кўпроқ тоғларга мурожаат қилиши шундандир.

*Тоғлар—
нортуюлар абадий чўккан,
қуриган ўшларни чайнаб, кавшаниб.
Қани ясовуллар, түякашлари
тиллоли, жавоҳарли сандиқлар қани?
Бариси таланган,
қароқчиларнинг
изларин яшириб юборган мозий.
Яширган ўшларнинг чангазорлари
сорбонни ўлдирган қотил овози...*

1982 йилнинг июн ойи, қўзи етилиб, қимиз маромида кезлар. Қадрдон дўстларимиз, машҳур қирғиз шоирлари Жўлон Мамитов, Қаримшоқ Тошбоев ва Шодмон Сайдбоқосовлар Шавкат иккимизни Олойга қимизхўрликка таклиф қилишибди. Жўлон кўшни туманда зоотехник бўлиб ишлагани учун бу атрофда унинг обў-эътибори баланд эди. Камина рулда, беш оғайни ботирлар эрталаб соат ўн бирларда Олой туманининг маркази Гулшага келиб, ўша куни туманинг биринчи котиби Жумғалбек Омонбоевнинг хонадонида меҳмон бўлдик. Ҳазилмутойибага ўч, далигули котиб эрталабки нонушта пайтида қизиқ бир ҳангомани айтиб берди. Қўйларини ёзги яйловга олиб келган андижонлик чорвадорларнинг янги ферма мудири Солижон деган йигит бир-бирига ўхшаш, Ҳасан-Хусан тоғларни кўравериб кўннишиб кетганилиги учунми, Олой тизмаларини кўргач, ҳангуманг бўлиб, Жумғалбекка қўйидагича мурожаат қилган экан:

— Жумғалбек ака, марҳамати кенг Оллоҳ баҳайбат нортуюларга ўхшаган шундай тоғлар зерикмасин, дея қирғизларни ҳам яратган шекилли, — деб ажабланиди...

Даврада беғубор кулги янграйди. Ҳолимизга яраша қимиз сипқорамиз. Навбатдаги сафаримиз бу 200 чақирим бўлган Чўнголайнинг Дараутқўрғонига бориб келишни ният қилганимиз учун йўл тадоригини кўрдик. Жўлон билан Қаримшоқ Шавкатнинг болалиги шу музофотда ўтганидан бехабар эди. Йўл-йўлакай бу сирни ошкора қилишимизга тўғри келди. Олдиндан дengiz сатҳидан беш минг метр юксак бўлган Толдиқ довони турибди. Пешин чоғида довонга яқинлашдик. Машинанинг капотини очиб, шамоллатдик. Булоқ бошида тамадди қилиб, қимиз ичдик. Роза икки соатдан кейин улкан довонга тирмашдик. Қовун жўякларини эслатувчи ўн икки серпантиндан иборат катта йўлда бизнинг тулпоримиз худди қўнғиздек ўрмалаб бораради. Боиси, ҳаво етишмайди, босим кучли. Спидометр 60 ни кўрсатиб турган бўлса ҳам, тезлик 30 нинг атрофида. Довоннинг ярмисига етганимизда кулоқларимиз варанглаб, бурнимиз бита бошлади. Демак, тутак забтига олаётир. Дарҳол чўнтакларимиздаги пиёздан олиб, чайнай бошладик. Қўзларимиз равшан тортди. Толдиқнинг устига эсон-омон чиқиб, пичадам олдик. Довоннинг остига қараймиз, йўлдаги машиналар бамисоли асалари қутиласига ўхшайди. Саритошга кечки соат тўртларда етиб келдик. Худди шу ерда йўл уч томонга айрилади. Чап томондагиси Эргаштом орқали Қашқарга, ўртадаги йўл тоғли Бадахшонга, ўнг кўлдагиси эса Дараутқўрғонга олиб бораади. Ўша оқшом Саритош йўл қурилиши бошқармаси бошлиғи Ашим оғанинг уйида ҳордиқ олиб, қимизга қондик.

Эрталаб постлардан ўтгач, эллик чақирим йўл босиб, Дараутқўрғоннинг марказига етиб келдик. Бизнинг келишимиздан хабардор бўлган хўжалик бошлиғи,

Жўлон Мамитовнинг яқин дўстларидан бири — Бекмамат Ўсмонов шодон кутиб олди. Менинг назаримда, Шавкат болалиги ўтган гўшалар, йўллар, овуллар билан ўз ҳолича учрашаётганидан мамнун эди. Фақат осмонўпар тоғларга боқиб, хаёл суриш унга барча нарсадан муҳимроққа ўшарди.

— Турсунбой ака, мана шу сўқмоқ сизни тўпта-тўғри Шоҳимардоннинг Кубон кўлига олиб боради, — деб қолди дабдурустдан у. Мезбонимиз Бекмамат Шавкатнинг гапини тасдиқлаб: — Қадамжойга фақат шу йўлдан от ва уловда бориб келиш мумкин, — дея кўшиб кўйди.

Қирғиз халқида «Бетеге кетар бел қолар» деган доно мақол бор. Бетеге асли ёвшонсимон ўсимлик бўлиб, иқлими ўта қуруқ, ҳаво босими кам бўлган тоғли жойларда, қирларда ўсадиган кулранг кўкат йилки ва қўйлар учун ўта тўйимли озуқа ҳисобланади. «Бетегенинг қимизини ичмабсиз, бу дунёга келмабсиз», дейишиади тоғликлар. Ёғоч шокосаларга тўлдирилган шафтоли гулидек напармон бетегенинг қимизини нафас олмасдан бир дўғовидан ичиш (арчадан чопилган коса) ҳар кимнинг қўлидан келавермайди. Табиатан жуда сўзамол йигит Бекмамат қимиз сипқориш мусобақасини бошқариб борди. Голибларга думба-жигар билан ёғли қовурға. Дала шароитида бир тутам ўтин билан қўмғонлар вақиллаб қайнайди. Сабаби, босим кучли, 60 даражали иссиқда қайнаган чойнинг бир пиёласини икки ҳўплашдаёқ тугатасиз. Овқатга туз солинса пишмайди. Шунинг учун дастлаб шўрвани қайнатиб олгач, сўнг намакоб сепиб танаввлу қиласиз. Бу ернинг шарт-шароитларини Шавкат ёддан билгани учун папиросини бурқситиб осмонўпар чўққиларга боқсан ҳолда ўз ўйи билан банд. Наздимда, у шу атрофларда қолиб кетган болалигини излаётгандай. Мезбонлар Дараўтқўргоннинг эътиборга лойик жойларини кўрсатишиди. Мени дўппидеккина қишлоқнинг ўн икки паҳсали деворлари кўпроқ қизиқтириб қолди. Тошу-шағалдан иборат бу жойларга қизил тупроқларни кимлар қаердан, қандай олиб келишган? Чор-атрофи юксак тоғлар билан куршалган бу шинам гўшани бунёд қилган деворzonларнинг меҳнатини айтмайсизми? Бундай ўн икки паҳсали деворларни фақат Исфара билан Конибодомда кўрганман, холос.

— Менимча, — дейди Бекмамат Ўсмонов, — атроф бий дала бўлгани учун ота-боболаримиз ўзларини иссиқ гармсeldan, саёқ қароқчилардан химоя қилиш мақсадида баланд паҳсали деворларни тикилашган. Тупроқни Саритошдан, де-вэрзонларни Бадахшондан олиб келишган.

— Балки паририухсор қизларини қизғанишиб шундай қилишгандир, — дейди зимдан кулиб Жўлон.

Дараўтқўронда икки кечада тунаб, жума куни эрталаб йўлга тушдик. Мезбонлар «пўлат тулпоримиз»ни емлаб беришиди. Толдиқ довонидан ошиб, Сўфиқўр-фонда ўзак босди қилдик. Келгуси ҳафтадаги сафаримиз Оқсув билан Олабуқа туманларига бўлгани учун ўзаро келишиб олдик ва ўш пиirimни қўзлаб машина-га ўтиридик.

ОҚСУВГА САЁХАТ

Олойда бизга сафардош бўлган «Олатоғ» журналининг бош муҳаррири Шодмон Содибоқосов билан Чингиз Айтматовнинг ўринбосари Жўлон Мамитовни Бишкекка кузатгач, Қаримшоқ Тошбоевнинг «Нива»сида Шавкат Раҳмон учовлон сафар тортидик. Шу ўринда Қаримшоқ дўстимиз ҳақида қисқача маълумот бериб ўтмоқчиман. Қаримшоқ Тошбоев Қирғизистон Ёзувчилар уюшмасининг Ўш вилояти бўлими котиби, таникли шоир, устоз Миртемирдан тортиб Абдулла Орипов-гача бўлган шоирларимизнинг асарларини қирғиз тилига ўгирган.

Шавкатнинг шеърлари Қаримшоқнинг таржимасида қирғиз тилида жарангланган. Покиза инсон, синаланган дўст. Латифанинг устаси.

Тошкентлик меҳмонимиз учун Оқсувга саёҳат очилмаган кўриқ эди. Мен Сафед Булонлик бўлганим учун, Қаримшоқ эса карвонликларга кўёвлиги сабабли ана шу музофотни танлаган эдик. Ўзган, Қадамжой, Аравон, Сузоқ, Новқат, Арслонбоб томонларда Шавкатнинг иштирокида қирғиз ва ўзбек адилари билан бир талай ўзига хос учрашувлар ўтказганмиз. Бу томонга саёҳатимиз ўзгача бўлғанлиги учун уни журналхонлар билан ўртоқлашишни лозим топдик. Шу

йўналишда бешта табаррук жой бўлиб, улар Бўзбуота, Тўсқовулота (Саричелек кўриқонаси) Бўстунота, Сафед Булон зиёратгоҳлариидир. Биз Шомолдисой орқали Бўзбуотани тавоб қилиб Дўлана довонидан ўтиб, оқшом туман маркази Карвонга етиб келдик. Оқсувликлар асосан чорвачилик билан шуғулланади. Бу ернинг ёнғоғи айниқса, Фарғона водийсида машҳур. Машинани энг яқин хешилиз Жўравой Чинибековнинг уйига бурдик. Дўстимиз одатдагидек ёруғ юз билан кутиб олиб, иззат-икром кўрсатди.

Эрталаб туман раҳбариятига учраб, Саричелак кўриқонасига бориш учун рухсатнома олдик. Арқит ўрмон хўжалигининг емакхонасида нонушта қилиб, машҳур қирғиз халқ оқини Женгижўқнинг уй-музейига кирдик. Шавкатга ана шу улуғ оқин ҳакида Қаришмоқ қўйидагиларни ҳикоя қилиб берди:

— Женгижўқнинг асли исми йўта бўлган. Таласда туғилган. Гўдаклигига отаонаси ўлиб кетган. Болалигига у оғир дардга чалиниб қолади. Бадани оқариб кетгани учун қариндош-уруғлари уни хонадонларидан бадарға қиласди. У тоғ ошиб Оқсув томонларга келиб қолади. Фалакнинг гардишими ёки бу ёнғоқзор воҳянинг ҳавосиданми йўта дарди халила касалликдан фориғ бўлади. Ёшлигидан билимга чанқоқ, зийрак ўсмир Намангандаги Мулла Қирғиз мадрасасида савод чиқариб, ўз замонасининг ҳозиржавоб оқинига айланади. Кўйлак устидан доим камзул киийиб юрганлиги учун Женгижўқ (Енгийўқ) деган лакаб олади. Аслида, қирғиз халқ адабиётининг сарчашмалари Женгижўқ билан Тўқтағулдан бошланади.

Қаришмоқ Тошбоев йўл-йўлакай оқиннинг Итоқар, Молоқар дарёларига бағишлиган машҳур «Оққан сув» достонидан парча ўқиганидан руҳланиб кетган Шавкат Раҳмон «Бу оқсоқолнинг китоблари борми?» деб қолди.

— Яқинда танланган шеърлари босилиб чиқди, — дея тасдиқлайман мен. — Ундан «Сафед Булон» номли фалсафий асари ҳам ўрин олган.

— Турсунбой ака, бу оқинни ўзбек китобхонларига тезроқ таништириш керак.

— Мавриди келиб қолар...

Чор томони ёнғоқзор ва хандон пистали дов-дараҳтлар билан ўралган оҳак тошли йўл билан тобора тепаликка ўрлаймиз. Вақт пешиндан оғиб қолганда номи жаҳонга машҳур Саричелак кўлига етиб бордик. Ўрмон қоровули бу ернинг тартиб-интизоми тўғрисида бизга қисқача йўл-йўриқ кўрсатиб, чойга таклиф этди. Топган-тутғанларимизни дастурхонга қўямиз. Одатга кўра бир косадан қимиз ичамиз. Моторли қайиқнинг ҳайдовчиси Равилнинг ҳасратидан чанг чиқиб турган экан:

— Қайиқнинг бензини йўқ, бир ҳафтадан бери кўлнинг нариги соҳилидаги асалчиларга нон олиб боролмай бошим гаранг. Карвондан бериб юборишган булкалар тарашадек қотиб ётиби.

— Қанча литр бензин керак, — сўрайман Равилдан.

— Уч литр бемалол бориб келишимизга етади.

— Бизни ҳам саёҳат қилдириб келиш шарти билан тўрт литр берамиз, — деб қолди Каримшоқ.

— Раҳмат, барака топинглар. Бензин сиздан, экспкурсоводлик биздан.

Равилнинг мушкули осон кўчди. Моторли қайиқка жойлашдик. Саричелек кўлини қоқ ёриб қушдек учиб бораямиз. Кўлнинг ўртасига яқинлашганимизда димогимизга асал ҳиди урила бошлади. Кўзини новвот нусха қоялардан узмай бораётган Шавкат болнинг хушбўй исидан тамшаниб:

— Турсунбой ака, жаннат деганлари шу бўлса керак, — деб қолди.

Тўсатдан кўлнинг нариги соҳилида бир ҳафтадан бери нон ўрнига асал билан тириклик ўтказаётган асалчиларнинг қичқириғи кулоққа чалина бошлади.

Ўзига хос ярим оролда мавсумий хизмат бурчини ўтаётган асалчилар қалпокларини осмонга иргитиб кутиб олишди. Улар билан эски қадрдонлардек, қучоқлашиб кўришдик. Тахи бузилмаган чодир ёзилди. Биз ўз навбатида тандирда ёпилган нон, узум, қовунларни дастурхонга қўямиз. Асалчиларнинг етакчиси Садирбой оқсоқол бизларга сопол косаларда янги олинган болдан узатар экан, уни кўлга тушиб, бўғзимизга қадар сувга ботгандан кейин ичишимиз кераклигини илтимос қилди. Оқсоқолнинг сўзини икки қилмай дарҳол ечиниб кўлга тушгач, худди оби-замзамни сипқораётгандек сопол косадаги суюқ асални ича бошладик. Шу маҳал кутилмаган ҳолат юз берди. Шавкат менга, мен эса унга қараб ҳайратдан қотиб-қотиб куламиз. Сабаби, кимки асал ичган бўл-

са, бошидан бурқсіб тутун чиқаётган эди. Чүмилиб чиққунимизга қадар асалчилар қарғат териб қўйишибди. Қайтар чоғимизда бошимиздан тутун чиқарип юборган тоза асалдан сотиб олмоқчи бўлдик. Бироқ Садирбой оқсоқол бу асални сотиш мумкин эмаслигини ётиғи билан тушунтирди. Чунки, бундай тоза асаллар ўша пайтдаги кўрсатмага биноан Москвага — Кремлга жўнатилар экан. Йўлга чиқиш олдидан эрта тонгда Саричелакка сув ичгани тушган кийик ва қулонларни олисдан томоша қилдик.

* * *

Туман касалхонасининг бош шифокори, эски қадрдонимиз Аскар Кутмоновнинг топшириғига биноан Пощаотадаги соғлиқни сақлаш ходимлари хордик оладиган оромгоҳда меҳмон бўлиб, машинани шу ерда қолдириб, сўқмоқ йўл орқали уловда Буваотани зиёрат қилгани отландик. Икки чақиримдан кейин Тош дарвозага яқинлашдик. Шавкат ҳам, Қаримшоқ ҳам бу гаройиб дарвоза олдида бир муддат жиловни тортиб туриб қолди. 1938 йилнинг қишида рўй берган зилзила оқибатида сўқмоқнинг икки томонидаги баҳайбат қоялар бирбири билан бамисоли сузишиб турган кўчкордек яқинлашиб, табиатнинг кудрати билан рўпарамиздаги улкан тешик тош пайдо бўлган.

Шавкатни ўта ҳаяжонга соглан манзаралардан яна бирини Кўқийбелим (Вой, белим) довонидан эниб тушганда кўрдик. Сўқмоқ йўлнинг қарама-қарши томонида икки туп арча туtab ёнарди. Охиста эшакдан тушиб унга яқинлашдик. Ҳар хил гумонларга бордик. Боболаримизнинг арча юз йилда бир марта ёнади, деган гапларини хаёлимдан ўтказдим. Ёнфоқларнинг куриган шохларини саржинлаётган қария масалага аниқлик киритди.

— Укалар, ҳайрон бўлманглар, ҳеч ким унга қастдан олов ёққани йўқ. Вакти келганда дов-дараҳт ҳам ўз-ўзидан ёниб кул бўлади.

— Бир-бириннинг висолига етолмагани учун изтиробга дош беролмай ёнаётган бўлса керак, — деди Шавкат ўйчан кайфиятда.

Буваотага чошгоҳда етдик. Жилга тепасидаги маҳобатли, қўш хонали хонақоҳга кириб, якка тизза бўлиб мук тушамиз. Оппоқ соқолли нуроний бобо қироат билан тиловат қиласди. Дуоларни ўқиб, ташқарини томоша қиласмиш. Учта жилғанинг ўртасидаги сайхонликдаги ҳовуз худди дошқозондек қайнаб турибди. Табиатнинг кудратини қаранг, ер остидан отилиб чиқаётган муздек булоқ тинимсиз кўкка сапчиди. Ирим қилиб бир пиёладан яхна сувдан симимрамиз.

Менинг бу табаррук жойга учинчи топқир келишим. Дастрлаб, беш ёшимда, отам вафот қилган йили, Наврӯз маҳали онам, тоғам ва холаларим билан меҳмон бўлганмиз. Кокилим шу ерга ниёзликка аталган бўлиб, Буваотанинг шайхи ўзи қайчилаган эди. Шунинг учун мазкур қадамжой ҳақида ҳамроҳларимга билганимча ҳикоя қиласман. Чап томондаги йигирмадан ортиқ ҳужраларнинг томи Қаримшоқ билан Шавкатни ҳайратга солди. Тоғнинг бошланиш қисми ўзига хос қирқ метрли узун шийпонга ўхшайди. Бу ясси шийпон ҳужраларга бўлиниб, якандозлар солинган. Дам олиш, тунаш учун барча шароит муҳайё. Бизга ажратилган хонага кириб, фотиҳа ўқиймиз. Тартибга кўра, дастурхон ўртасидаги лаганчани очамиз. Таомил бўйича биздан олдинроқ келиб кетган меҳмонларнинг димламасини тановуву қилгач, янги овқатга тайёргарлик кўрилади. Қоида шундай. Ким бу ерга қадам ранжида қилса, ўзидан кейин келадиганларга насиба қолдириши шарт. Ҳужра ва хонақоҳлар жуда салқин, шунинг учун овқатлар мўътадил туради. Уловларни емлаб, юлдуз санаб тонг оттиридик. Пайшанба куни Пощаотага келиб, «Нива»га миндик. Сафед Булонликларга ёлғончи бўлмаслик учун Сойгузардаги меҳмонхонага қўндиқ. Аzonда туриб Шоҳ Фозил мақбарасини зиёрат қилиб, ота-боболаримизнинг руҳини хотирладик. Ҳамқишлоқларим, хеш-акраболарим билан дийдорлашгач, Арчали мозорга йўналдик. Тўсқовулота билан Буваотага қилган саёҳатларимиздан ўта толиқнамиз учун бу ерда дам олишга қарор қилдик. Оқшом мухлислар даврасида Даврон баҳши Шобдонов ижросида «Равшанхон» достонидан парчалар эшидик. Шанба куни пешиндан кейин Ўшини кўзлаб жўнадик. Йўл-йўлакай Шавкат биздан нолиган оҳангда куйидагиларни айтди:

- Каримшоқ ака икковинглар шундай гўзал жойларни атайлаб мендан яшириб юрган экансизлар-а?
- Сенинг учун тишимизнинг кавагида асраб юрган эдик...
- Қаҳ-қаҳ отиб куламиз.

СЎНГГИ САФАР

1995 йилнинг баҳорида йаш вилоят ўзбек миллий маркази Шавкат Раҳмон, Аҳмаджон Мелибоев ва каминани учрашувга чақириб қолди. Бобур номидаги мусиқали драма театри адабиёт муҳлислари билан тирбанд. Соат эрталаби ўн. Учрашувни ўзбек адабиётининг қардош Қирғизистондаги жонкуяр ташвиқотчилари ёзувчи Абдуғани Абдуғафуров, Мұхаббатхон Носирова билан Улфатхон Иброҳимовалар қойиллатиб бошқаришли. Қўшиқ ва шеърлар бир-бирини тўлдириб залга файз киритди. Аҳмаджон ҳам, мен ҳам навбат билан саволларга жавоб қайтардик. Шеърият шайдолари Шавкатнинг ҳазин ва дардли шеърларини қарсаклар билан олқишилашли. Бу файзли учрашув тўрт соат давом этди ва бир умр хотирамизда сакланиб қолди. Эртасига аравонлик акахонимиз Абдуқаҳор Маннонов анжир сайлига таклиф этди. Усмон Темур, Аҳаджон Каримов, Мирзоҳид Мирзараҳимов ва Абдуғани Абдуғафуров каби ижодкор дўстларимиз иштирокида Абдуқаҳор аканинг чорбогини обод қилдик. Анжир шохлари орасида олтин ёмбилиаридек товланиб турган меваларга Шавкат ёш болалардек ҳайрат ва ҳаяжон билан боқади. Ҳазилкаш жўраларимиз томонидан ёғочларга осиб қўйилган шишаларни кўрганда: — Булар Турсунбой аканинг илтимосига кўра банди айланган бўлса керак, — дея кулади.

Қисқаси, анжир сайли куттилгандан ҳам аъло даражада ўтди. Ўша оқшом Аҳаджон аканинг хонадонида тунни тонгга уладик.

Шавкатнинг «Аравон кўринишлари» сарлавҳали шеъридаги куйидаги мисралар балки ўша кунги анжирхўрлик пайтида туғилгандир:

Анжирзор
 оқ ойнинг шуълагарида.
 Қадлари майишган,
 гўё фалажруҳ.
 Йиқилар чогида бир-бирларига
 мустаҳкам суянган элдир халаҗруҳ.
 Улкан дагал кафтлар —
 япроқларидা
 олтин анжирларни тутар анжирзор.
 Кўр нурлар дайдиган бу салтанатда
 сабр-қаноатли қанча занжи бор.

Эртасига қирғиз тилида чиқадиган вилоят газетасининг муҳаррири, ажойиб дўстимиз Шайлобой Мўйдинов бошчилигига Жалолобод вилоятияга жўнадик. Ёзувчи, журналист Машъал Ҳакимовнинг фарзанди Зафаржоннинг илтимосига биноан Арслонбобда, Қизилунгурда дам олдик. Эски қадрдонларимиз Улугбек Абдусаломов билан Олмосбек Худойбердиевлар бизларга ҳамроҳлик қилишли. Учта юртдошнинг киндик қонимиз тўкилган томонларга қилган саёҳатимиз завқли ўтганлигини таърифлашга ожизман. Бироқ, бу юриш шоир Шавкат Раҳмоннинг йашга биз билан охириги сафари эканлигини ким ҳам хаёлига келтирибди, дейсиз...

1996 йилнинг куз ойлари. Мен истиқомат қилаётган хужра Шавкат даволанаётган касалхонага яқин бўлгани учун кун ора эрталаб бирров кириб ўтаман. Манзурахон эрта-кеч турмуш ўртогига парвона. Офтобхон ая, Саодатхон опа, Тошмирза ака, Махмуджон ва Мамлакатлар кунда-шунда. 26 сентябрнинг тонгига Шавкат ётган палатага кириб, «Таътилга чиқдим. Йашга олиб кетай», дедим. Шавкат Манзурахонни ташқарига чиқиб туришини илтимос килди. Кейин ўрни-

дан дадил туриб, мени бағрига босиб, «Энди кечикдик... Ўшликларга мендан салом айтинг!» дей илтимос қилас экан, мен ўзимни тутиб туролмадим...

Орадан бир ҳафта ўтиб Маҳмуджон бизникига телефон қилиб, акасининг вафот этганлигини маълум қилди...

Мухтарам журналхонлар! Иқтидорли шоир Шавкат Раҳмоннинг кўпчилик китобхонларга маълум бўлмаган, фақат Ўш билан боғлиқ ҳаёти ҳақидаги хотира-ларимнинг бир қисмини айтдим, холос...

Шу ўринда яна бир гап. Ўзбекистон Ёзувчилар ўюшмасининг раиси, Ўзбекистон Қаҳрамони, атоқли шоиримиз Абдулла Ориповнинг аралашуви билан қардosh Қирғизистоннинг Ўш шаҳридаги кўчаларидан бирига Шавкат Раҳмоннинг номи берилганлигини ҳам айтиб қўйишни лозим топдим. Хотираларимни шоирининг ўз қўли билан ёзилган охирги шеъри билан тугатмоқдаман...

*Мен бир қизил гулни учратдим,
Қўлга олдим — менини бўлди.
Бир лаҳзада қўлимда сўлди.
Эй, дод дедим.
Бу қандоқ зулм.
Ёшим ювди гул япрогини.
Қачон келди,
Қачон кетди кун,
Хаёл билан билмай қолибман.
Соч соқолим оқарди буткул.
Ҳар нарсада ҳамон толибман.*

*Эй, дод,
бунча юрак ўртанди.*

*Бу манзилдан кетмоқдаман.
Ўш кони.
Қўлим очиқ, кўзим тўяла ёш билан.*

*Ҳар бир нафас
Қандай улуғ неъматдир.*





Оқиллар айирап сўзиниғ фарқини

БАХШИ – СЎЗНИНГ СИНЧИСИ

Ўзбек халқи ўнлаб достонларни хотирасида сақлаб, уларни аждодлардан-авлодларга етказган сўзга чечан бахшилари билан фаҳранади. Ана шундай бахшилардан бири Эргаш Жуманбулбул ўғли бўлиб, у романтик достонларни меъёрига етказиб ижро этган.

Эргаш Жуманбулбул ўғли ўзбек халқини сўзининг моҳиятини чуқур англайдиган, сўзининг қадрини баланд тутадиган халқ сифатида улуғлайди:

*Оқиллар айирап сўзининг фарқини,
Баробар қилмабди ҳар мол нархини.
Ўзбекларда сўзга синчи кўп бўлар,
Гап билан айиринг ўзбек халқини.*

Эл-юртта маъқул келадиган сўз топиш ва мукаммал асар яратиш ҳар кимнинг ҳам қўлидан келавермайди. Бунинг учун киши сўз гавҳарининг маъносини нозик англаши, яхши сўз билан ёмон сўзни фарқлай билиши лозим. Яхши сўз айтиш учун кишининг қалби пок, нияти пок, ҳулқи пок бўлиши зарур. Ана шундагина, Эргаш Жуманбулбул айтмоқчи, дилдан чиқсан сўз ўзгаларга таъсир этади:

*Сўз бир гавҳар, ҳар кимсада бўлмайди,
Яхши сўз, ёронлар, кимдан чиқади.
Яхши сўз ҳар кимга таъсир қиласи,
Ёмоннинг сўзи бетаъсир бўлади.*

Шоир эстетик қарашларида сўз воситасида иирик эпик асарлар яратиш, унда устозлар анъанасини бойитиш тамоили устунлик қиласи.

Ўзини бахши атаб на бирор анъанага содик, на бирор устоз йўлига амал қилиб, на бир сўз билан тингловчи дилини ром қилган сохта шоирлар куйлаган минглаб мисралар достон бўла олмаслигини шоир алоҳида уқдиради:

*Бу сўзларга ўзбек қулоқ солмайди,
Ўн достонни бир тийинга олмайди,
Бақирғанман, сўзлаганман сўзли деб,
Бир йил тинмай айтса, писанг қилмайди.*

Шоирлик — қисмат, дейдилар. У истеъдод туфайлигина туғилади. Агар кимда туфма истеъдод ва эътиқод бўлмаса, бир умр куйлагани билан шоир бўла олмайди.

Бундай шоирлар ёмон сўз билан яхши сўзининг фарқини билмайдилар. Улар яхши сўзни ёмон қилиб, пурмаъно сўзни сомон каби бекадр қиласидилар, дейди бахши:

Яхши сўзни ёмон қилиб юрибди,
Доно сўзни сомон қилиб юрибди.
Иzzатли, хурматли, улуг эрларни,
Хўр қип, юзин тубан қилиб юрибди.

Иқтидорсиз киши бирор ишни қойил қила олмаганидай, сохта шоирлар ҳам бирор асарни қойилмақом қилиб ярата олмаганлар. Бундайлар ҳақида баҳши куйиниб айтади:

Эл ичига калта-калта матални,
Ямаштириб достон қилиб юрибди.
Бошласа, ортини йигифб ололмай,
Жамлай олмай вайрон қилиб юрибди.

Улкан шахслар, элга манзур санъаткорлар баъзан ўзлари ҳақида фахриялар яратганилари тариҳдан маълум. Эргаш Жуманбулбул ўғли ҳам сўз санъати, халқ баҳшилари ҳақида куйлар экан, ўз ҳофизаси, маҳорати ҳақида фахрия яратган. Унда сўз ва соз туфайли эл-юрт орасида иззат-хурмат топганилигини алоҳида таъкидлайди:

Шу сўз бари Жуманбулбул сўзлари,
Шоир бўп иззатман ўтган ўзлари.
Шу замонда элу халқа машҳур бўп,
Орзу билан ўтган қишу ёзлари.

Хуллас, шоирликни, сўз сеҳрини юксак ҳис этиш, сўз орқали киши дилига малҳам қўйиш ҳақиқий санъаткорагина хосдир. Эргаш шоир ижро этган ва эл орасида ҳунузгача маъқул ва манзур бўлган қатор достонлар халқимизнинг абадий маънавий қадрияти, эстетик қарашлари тажассум топган санъат дурдоналари сифатида аҳамиятлидир.

ЭРАЖЛАР НАНОҲИДА КАМОЛ ТОНТАН ЗОМ

Гўрўғли ўрта ва яқин шарқ халқлари эпик меросида маълум ва машҳур қаҳрамон образи ҳисобланади. У доим душманларининг додини бериб, мамлакати — Чамбилни обод этиб, халқнинг роҳат ва фарогати йўлида курашиб яшайди. Унинг барча муваффақиятлари ва омади чопганлиги халқ достонларида ўзига хос тарзда тасвирланади. Гўрўғли ва оти — Фиротнинг юз йигирма беш йил умр кўришлари Хизр дуоси ҳамда чилтонларнинг ҳомийлиги туфайлидир.

Маълумки, Хизр абадий яшайди. Чунки, у аждодлар культидининг тажассуми бўлиб, ўлим билмайди. У Худо ярлақаган кишиларга дуч келиб, уларнинг истакларини бажо келтиради. Олимларнинг фикрича, Хизр образининг ўлим билмаслиги, абадий ҳаёт рамзи бўлиши оловнинг инсон қиёфасида жонланиши билан боғлиқдир.

Халқ тасаввурида, Хизр оппок кийим кийган нуроний мўйсафиқ қиёфасида дуч келади. У билан қўл бериб кўришган киши бош бармоғининг суяги йўқлигидан Хизр эканлигини билиб олади. Шунда сўрашаштган киши унинг қўлини қўйиб юбормай, ўз тилакларини айтса, Хизр дарҳол унинг истакларини бажо келтиради.

Мумтоз адабиётда ҳам Хизр ана шу вазифани адо этади, аммо, кўпинча яхши либос кийган қария қиёфасида намоён бўлади.

Гўрўғли халқ идеалини ташувчи қаҳрамон бўлганлиги сабабли, достонларда у турилишидан тортиб умрининг охиригача Хизр ва чилтонлар ҳомийлигига яшайди. Пўлкан шоирдан ёзиг олинган «Гўрўглини тугилиши» достонида тасвирланишича, Гўрўглини ўлик онадан тугилиши, гўрдан чиқиб ўтлаб юрган байтални эмиб улғиши, фақат Хизр ҳомийлиги туфайли юз беради.

Гўрўғли ўн учга кирганида, Райҳон арабнинг тулпор отидан урчиб түғилган Фиротнинг тарбияси ҳам Ҳизрнинг ҳомийлигига амалга ошади. Той эндиғина бир ёшга тўлганда Гўрўғли унинг тулпорлигини синааб кўриш учун, тойни миниб бир қора кучукни қувади ва уни тутиб олади. Буни кузатиб турган Хизр Гўрўглини тойни

майиб қилиб қўйишини билиб, уни овлоқ бир жойда вояга етказиб беришга аҳд қиласди.

Кунларнинг бирида Ёвмитнинг подшоси — Урайхон вафот этади. Унинг ўрнига Гўрўлини подшо қилиб кўтарадилар. Гўрўли саройга кираверища Фиротни бойлаб, ичкарига ўтади. Шу пайтдан фойдаланиб, Хизр Фиротни ўғирлаб кетади ва ўзи парваришлаб боради. Гўрўли подшоликдан кечиб, Фиротни излаб бормаган жойи, сўрамаган одами қолмайди. Бир кун излаб-излаб Асқар тогига бориб қолади. Шу тоғдаги саройда у Юнус пари билан Мисқол парини кўриб, уларга ошиқ бўлиб қолади. Худди шу тоғда у Фиротни ҳам топади. Аммо, нуроний бир кекса қиёфасидаги Хизр от менини деб, Фиротни Гўрўғлига бермайди. Улар ким курашда йиқитса, от ўшанини деб шартлашишади. Уч марта бел тутишганда ҳам Гўрўли йиқилади. Отни сотиб олайн деса пули йўқ. Шунда у аламидан йиғлайди. Хизр унинг хатти-ҳаракати ва руҳиятидан ҳали ёш бола эканлигини билиб олади. Мана шундан кейин ўзини танитиб, унга насиҳат қиласди.

Ҳазрати Хизр Гўрўғлини ўз горига эргаштириб боради ва чилтонлар билан учраштиради. Чилтонлардан бири — Соқибулбул Гўрўғлига антахур майидан ичиради ва Гўрўли соҳибқирон бўлади. Бироқ, Фирот соҳибқиронни кўтара олмас эди. Фиротта ҳам бир коса антахур майидан ичириб, отни ҳам соҳибқирон қиласдилар. Даврда ўтирган эранлар Гўрўғлидан тўртта тилагингни тила, дейдилар. Гўрўли Фиротни сўрайди, Юнус ва Мисқол париларни хотинликка олишни, Райхон арабдан қасдини олишни ва Ёвмит элида подшо бўлишни тилайди. Шунда Хизр: «Ҳай, аттанг, армонли бўлдинг!» — деб айтади. Чунки у: «От тилайсанми, зот тилайсанми?» — деб сўраганида, Гўрўли: «От тилайман!» — деб айтади.

Ана шундан кейин Хизр унга чилтонлардан бири — Соқибулбулни ҳам ҳомий, маслаҳатчи ва сайи этиб тайинлади. Гўрўғлига қирқ йигит ҳамда Ваянгандан Ҳасанхонни, Хунордан Авазхонни асранди ўғил қилиб берадилар, дуойи фотиҳа қиласдилар. Уларнинг дуоларига кўра, Чортокли Чамбил Гўрўғлининг мамлакати бўлиб, уни қиёматгача душман ололмайди, фақат қиёматда сув босиб йўқ бўлиши айтилган. Мана шу тариқа Гўрўли туркумига мансуб достонлар учун эпик концепция белгилаб берилган.

Гўрўғлининг бош ҳомийси — Хизр экан, у аждодлар культигининг образли намоён бўлишидан иборатлиги аниқ. Аммо чилтонлар ким? Чилтонлар қирқта муқаддас инсонлар бўлиб, улар рижол-ал-ғайб — қирқ авлиё деб ҳам юритилади. Чилтонлар устидан бир киши раҳбарлик қиласди. Достонда тасвирланишича, Хизр чилтонларнинг раҳнамосига айланиб қолган. Аслида, чилтонларнинг ўз ичидан бири уларга раҳбар бўлиб, Хизрнинг уларга алоқаси йўқ. Чилтонлар раҳнамосидан қуйироқ поғонада учта раҳнамо, ундан қуйироқда эса, еттита раҳнамо мавжуд. Одатда, бу етти раҳнамо «абдал» деб аталиб, еттита иқлимга ҳомийлик қиласдилар. Бош раҳнамодан қуйидаги уч раҳнамо — «се-тан» эса осмон, ер юзи ва ер ости дунёсининг раҳнамоси ҳисобланадилар. Қолган йигирма тўқиз тан эса, оддий чилтонлар бўлиб, улар яхши инсонларга ҳомийлик қилсалар, ёмонларни жазолаб, ер юзида тартиб-интизомни сақлаб юрганлар.

Халқ орасида чилтонлар, Хизр ҳақида турли-туман эътиқодий қарашлар, иримсиримлар, нақлу ривоятлар кенг тарқалган. Биз учун муҳими шундаки, халқ ўзи севган, ардоқлаган Гўрўли образининг узоқ умр кўриши, душманлардан енгилмаслиги, инсоф ва адолат билан эл-юртини бошқаришига барчани ишонтириш мақсадида унга Хизр ва чилтонларни ҳомий қилиб тасвирлаган. Шунинг учун Гўрўли асрлар оша, халқ орасида маълуму машҳур образ сифатида яшаб келади. Чунки, Хизр ва рижол ал-ғайбдек эранлар ҳомий бўлган зот камол топиши муқаррар.

Салимахон Мирзаева,

Андижон давлат университети докторанти.

ҚАҲРАМОН — ОДДИЙ ФУҚАРОМИ ЁКИ...

Истиқолимиз ҳаётнинг барча соҳаларидаги, шу жумладан сўз санъати ҳақидаги фан — адабиётшунослик, адабий танқидчиликдаги барча ҳодисалар, қонун-қоидалар, тушунчаларнинг асл моҳиятини англашга даъват этмоқда. Айни чинакам тараққиётга кўмаклашиш вазифасини олдимизга кўндаланг қилиб қўймоқда.

Шу нуқтаи назардан бадиий асарлардаги қаҳрамон муаммосига аҳамият бериш зарур. Аниқроғи, ҳаёт ва адабиёт қаҳрамонлари тўғрисида мулоҳаза юритиш муҳим аҳамият касб этади.

Бир қарашда бу борада ҳеч қандай жумбоқ йўқдек туюлади. Хусусан, собиқ шўро даврида асосан ижобий ҳамда салбий, айрим ҳолларда эса мураккаб қаҳрамонлар хусусида гапириларди, шу аснода бадиий асарларгга ёндошиларди. Ёндошиш жараёнида кўпинча ўзига хос мағкуравий қолип талабига риоя қилишга тўғри келарди. Бу қолипга «сигадиган» қаҳрамонлар мағталарди. Аслида, қаҳрамон деганда қандай инсон назарда тутилишига жiddий эътибор бериларди, дейиш қийин. Мана, энди бу ҳақда бош қотирганда, дастлаб «қаҳрамон» сўзининг асл маъноси, мағзини чақиш ниятида «Ўзбек тилининг изоҳли лугати» 2-жилдida берилган таърифнинг тўғрилигини кўрсатиш учун Абдулла Қаҳҳорнинг «Олтин Юлдуз» қиссасидан «Ўлимдан кўрқсан киши қаҳрамон бўлмайди», деган гапни мисол тарзида келтирилган. Бунга қўшимча қилиб, Туроб Тўланинг қайси бир шеъридан қўйидаги сатрларга дикқатимиз тортилади:

Қўшиғимга илҳом берган қиз,
Оlam-олам ҳайдаб қўйди ер,
Ким кўрса ҳам уни, шубҳасиз,
Пахтазорнинг қаҳрамони дер.

Келтирилган мисолларда ҳаёт ҳақиқатининг айрим қирралари мавжуд, аммо улар собиқ коммунистик мағкурага мослаштирилгани айни шу кунларда яққол сезилиб туради. Бунга ишонч ҳосил қилиш учун ўша изоҳли луғатдаги яна бошқа мисолларни ҳам кўриб чиқиши фойдадан холи эмас, деб ўйлаймиз. «Совет Иттифоқи Қаҳрамони» бунга қўшимча қилиб, «Социалистик Мехнат Қаҳрамони» деган иборани эслаш мумкин.

Ўша пайтларда, тўхтанг, меҳнатнинг социалистик ва капиталистик ёки империалистик мазмуни бўладими, ахир, меҳнат — бу инсон фаолияти, қайси жамиятда яшаб, қандай ишни бажармасин, уларнинг ҳаммасига foявий тус берилishi бирёзламалик, деб бўлмасди. Буни бутун, мустақиллик даврида айтиш мумкин. Негаки, инсон фаолияти ҳеч қандай жамият ёки партия, синфларга боғланган foяларни ёки боғланмаган илоҳий ҳолатларни қамраб олиши, бирорта foявий талабга «сифмайдиган» ниҳоятда мураккаб зиддиятларни ҳам ўз ичига олиши муқаррардир. Айнича, инсоннинг ички дунёсида рўй берадиган воқеалар, муҳаббатга тегиши хатти-ҳаракатларни истиқлол пайтида баралла сўзлаяпмиз.

Мустақиллик мана тўққиз йилдан бўён йўлимиш, ҳаётимизни ёритиб турган бамисоли маёқдай таъсир кўрсатяпти. Тўғри, бу маёқ қалбимизни ёритиб, бутун тан-жонимиз, рухимизни тубдан ўзгартирди, деб олмаймиз, негаки, муҳтарам Президентимиз айтганларилик, ҳаётдаги барча ўзгаришлар бирданига инқилобий тарзда эмас, балки эволюцион йўл билан босқичма-босқич рўй беришини унутмаслигимиз даркор. Бу эса бадиий асарлар қаҳрамонларини талқин этишга ҳам тааллукли деб ўйлаймиз.

Вазиятга шу жиҳатдан назар ташланса, 90-йилларда яратилган бадиий ижод намуналарида қандайдир мухим ижодий ўзгаришларга дуч келаяпмиз. Мисол тариқасида «Шарқ юлдузи» журналининг 1994 йил 7—8 ҳамда 9—10-сонларида босилиб чиқкан Одил Ёкубовнинг «Адолат манзили» романидаги асосий қаҳрамонлари Суюн бургут ва унинг ўғли Лочин тақдирига бир назар ташлайлик. Романда «Маржонтов» деган тумандаги бир совхоз директори Суюн бургут лақабли инсон ва унинг оиласи бошига тушган даҳшатли мусибат-

лар батафсил тасвиранади. Тасвирилардан шуни англаш мумкинки, 80-йилларда «Ўзбек иши» деб номланган қама-қамалар, ҳар хил тазику қатағонлар муаллиф диққат марказида туради.

Тўгри, ёзувчи «Ўзбек иши» тўғрисида бевосита мулоҳаза юритмайди, чунки роман сюжетини ташкил этган асосий воқеалар бадиий тўқима, Суюн бургуту унинг ўғли ва бошқа қаҳрамонлар ҳам ҳаётдаги мавжуд инсонлар эмас, улар ҳам бадиий тўқима маҳсулидир. Лекин шундай тўқимаки, унда бемалол ҳаёт ҳақиқати акс этгани ҳеч қандай маҳсус изоҳларсиз билиниб туриди.

Айтайлик, романда Вячеслав Шарановский деган «марказ», яъни, совет ҳокимияти-нинг содик вакили ниҳоятда шафқатсиз, учига чиққан фашистдан ҳам баттар коммунист давлат, жамият, ҳалқ душмани сифатида Суюн бургутни қамайди. Уни туман раҳбарларига пора берганликлла айблайди, айб эса исботланмайди, тұхмат эканлиги ўз-ўзидан англашилб туради.

Одил Ёкубов Суюн бургутда айб йўқлигини ҳамма вақт таъкидлаб туради. Унинг тұхматга чидай олмасдан, адолатсизликдан букилмасдан ҳалок бўлгани, сўнгра Суюн бургутнинг ўғли Лочинбек ҳам фожиали ўлим топғанлиги батафсил тасвиранади. Пировариди, ҳар иккала қаҳрамон ҳар жиҳатдан ҳалол, меҳнаткаш, истеъодли инсонлар сифатида тоталитар тузумнинг курбони бўлганига оид воқеалар роман сюжетининг асосини ташкил этади. Уларнинг негизида ҳаёт ҳақиқати ётганлиги сезилиб туради ва бу ҳолат 90-йиллар ўзбек романчилигидаги ўзига хослик сифатида баҳоланишга аризиди. Бадиий тасвирида эса, гоҳида баёнчиликка месъеридан ортиқча ўрин берилгандай таассурот қолдиди. Шунга қарамасдан, иккала қаҳрамон ота-бала — Суюн бургут ва Лочинлар тасвирида социалистик реализм талабларига эмас, балки ҳаёт ҳақиқатига мосу хосликни кўрамиз. Бордию социалистик реализм нұқтаи назаридан ёндошилса, ҳар иккала қаҳрамон курашларда енгилиб, ҳалок бўлмаслиги ҳам мумкин эмаслигига ишонч ҳосил қиласиз.

«Адолат манзили» романнинг сюжети ривожи, ижобий ва салбий қаҳрамонлари фаолияти кўпроқ анъанавий тарзда кўрсатилади. Шу билан бирга ноанъанавий услублар ҳам пайдо бўляпти. Жумладан, Назар Эшонқул, Омон Мухтор кейинги ўн йилликда биринкетин тўрт-беш романлар, қиссалар, ҳикоялар эълон қилишди. Улар ҳажм, услуб, қаҳрамонлар фаолияти нұқтаи назаридан одатдаги романчиликка мос келмаслигини кўрамиз. Энг муҳими, мунозараларга сабабчи бўляяптими, демак бу муаллифлар асарларида қандайдир ҳаётий асос мавжудлигини айтиш зарур. Масалан, Омон Мухторнинг «Аёллар мамлакати ва салтанати»дан бир неча матн парчаларини кўздан кечирайлик: «Бу даврада мен, Бахтигулдан ташқари, ҳаммани... олдин Назирани яхши кўраман! Кейин, Ҳамидани! Кейин, хотин, сени яхши кўрдим! Мана, энди, Зебо, сиз... Кирқ йиллик умримда ҳеч кимни Зебочалик севмаганман, деб ўйлаётган эдим! Ҳозир қарасам, ундаи эмас экан, мен ҳар бирингизни юрак-бағрим ёниб, девона бўлиб севган эканман! Сабаб нима — билмайман!»

Бу — асарнинг асосий қаҳрамони Олимнинг дил изҳори. Шундай изҳорки, у тилга олган аёллар ҳаётига боғлаб қўйилади. Мана, қаҳрамон хотини эрининг изҳорига шундай муносабат билдиради: «—Суд! Ўртоқлик Суди! Мен талаб қиласман. Эримнинг ахлоқи! Сизлар сезмаяпсизларми? Шарманда экан! Шунча аёл билан уялмай, ўзи бўйнига олиб ўтириби!»

Кўраяпсизки, файритабиий воқеалар ҳаётда ҳамма вақт учраб турарканки, буларни қўллаб-қувватлашингиз ҳам, қоралашингиз ҳам мураккаб ҳақиқат доирасига киришини ётироф этишга мажбурсиз.

Хуллас, «Аёллар мамлакати ва салтанати» романнда Олим исмли қаҳрамоннинг фаройиб, файритабиий фаолиятини таҳлил қилиб, қаҷон, қаерда ҳақиқий муҳаббат ғалаба қозонса ёки мағлубиятга учраса, ҳаммасини, кўпхотиниликни тарғиб этяпти, деб ҳисобламаслик зарур. Зотан, бадиий адабиёт, шу жумладан, Омон Мухторнинг мазкур ҳамда бошқа романларидан ўrnak олиб, ҳаётни уларга мувофиқлаштириш талаб қилинапти, деб ўйлаш, ҳукм чиқариш нотўғридир.

Шу билан бирга, қаҳрамон муаммоси анча мураккаб, зиддиятли эканига ҳам ишонч ҳосил қиласиз, негаки, бадиий асарда тасвирилган воқеалар турли-туман, ҳилма-хил инсонлар ҳаётига боғланади. Уларнинг орасидан қайси бири зўр ишлари, мардлиги билан ажralиб турса, ҳа, мана, буниси қаҳрамон-ку, дейсиз. Юқорида кўриб ўтилган романлардаги айрим асосий қаҳрамонларнинг баъзи хатти-ҳаракатлари шуни кўрсатадики, адабиёт, аниқроғи роман қаҳрамонлари — шунчаки оддий фуқаро эмас. Улар оддий фуқаролар учун зарур қайси бир хусусиятлари билан ўзига хос намуна, сабоқ бўлиши талаб қилинади. Бу ҳақда ҳар хил баҳс-мунозаралар, фикр-мулоҳазалар бўлиши табиий.

Сабоат Ўрунова,
Ўзбекистон Миллий Университети аспиранти.

НАБИ ФАНИЕВ СҮЧИТАН ҲАҚИҚАТ



Янги шароитда санъатимиз, хусусан, кино тарихи, шоҳ асарлари муаллифлари, режиссёrlари изланишлари, ўзига хос устахоналарини замон талаблари асосида ўрганиш, кенг ёритишга катта эҳтиёж бор. Бу йўлдаги меҳнат самаралари бўлмииш тадқиқот, рисола, очерклар фақат кино аҳли эмас, кенг жамоатчиликнинг эътиборини ҳам тортшии табиийдир. Шу жисхатдан олганда, Ҳами-дулла Акбаровнинг кинематографиямиз асосчиси Наби Фаниев ижодига бағишиланган ва янгича қарашлар билан ёзилган рисоласи мухим илмий-амалий аҳамият касб этади. Эътиборингизга тадқиқотнинг учинчи бобидан олинган парчани ҳавола қиласиз.

1937 йил тўфони мени ҳам ўз доғмига тортди. Аксилинқиlobчилар ҳамда миллатчилар ҳисбсга олинганига мени ҳам четлаб ўтмагилар. Авахтага 27 ой бўлдим. Сўнгра Ўзбекистон Олий судининг ҳарбий коллегияси томонидан бутунлай оқландиг¹.

Наби Фаниев

Тўфон домига тортгандек, қамаш, тергов мавсуми ижодкорга кўп қатори азоб берган. Чеккан уқубатларини Наби Фаниев «Таржимаи ҳоли»да анча чукур баён қилиб беради. «Маҳбус» Наби Фаниев 27 ойдан кейин қамоқхонадан чикқач, умри нинг охиригача агентлар назорати остида бўлганини тасдиқловчи ҳужжатлар ҳам мавжуд. Наби ака бу ҳолни нега қайд этмаганлар?! Кузатувда бўлганини билмаганими? Билса ҳам билмасликка олишга мажбур бўлганми? Ёки тухматчилар яна фитна бошлашларини хоҳламаганми?

Бу саволларга энди жавоб тополмасак керак...

Лекин бошқа бир қатор муаммолар, жумбоқларни ечиш имкониятлари топилди. НКВД архивини синчилкаб ўрганиш даврида кўп масалалар ойдинлашгандек бўлди. Ижодкор қиёфаси рўйи-рост гавдаланди, букилмас иродаси, самимияти, софдиллиги кўзга яққол ташланди. Шунда «Тоҳир ва Зухра»ни яратиш учун унда ҳаётий бир эҳтиёж бўлганини англадик. Бунда ипакдек юмшоқ, мулоим Зухра, севги-садоқат қадрига етган Тоҳирнинг муруввати мадҳ этилган бўлса, «Алломишиш»да ирова, чидам, сабр-тоқат, маънавий ва жисмоний куч, Ойбарчин ва Алломишининг висол онлари, эҳтирос или айтган сўзлари тасвиrlаниши керак эди. Шунда хибс қилинган санъаткорнинг дардлари, соғинчи, қўлига қилич олишта мажбур бўлиши таъкиданарди, балки...

Наби ака «Таржимаи ҳоли»да ўша дамларни, авахтага жўнатилиш дақиқаларини тила олган экан, биз ҳам рисоламиизда 1937 йил 27 сентябр — 1939 йил 15—19 декабр кунларини (27 ойни) таърифламай ўта олмаймиз. Бу ишни бажариш бизга жуда оғир бўлади. Чунки Наби ака дўстим, шогирдим деб билган шахслар терговда мураббийга, доно ҳамкасларига қарши сўз айттандилар... Фаниевнинг шахсий архиви ёки ташланди... Буюк санъаткор йиллар давомида терговда, судда, сўнгра агентлар назорати остида бўлгани соғлигига птур етказди. Қанчадан-қанча сценарийлар ёзилмай қолди, ҳатто ёзилганлари экран нурини кўрмади,² суратга олина бошлаган фильмлар чала қолди.

Шундай қилиб, Наби Фаниев қамалиши ва 36002-рақамили «дело» очилиши арафасида нималар билан банд эди? Бу ҳақда у «таржимаи ҳоли»да бирор маълумот бермайди. Аслида, у ўша оғир дамларда ҳам тиниб-тинчимаган, ижодий, ташкилий ишларда фаоллик кўрсатган. «Фаоллик» дедик. Уни намойиш этиш оғир ва хавфли эди. Зеро, ҳар бир ишдан «сиёсий хато» изланар, «айбдор» дарҳол занжирбанд этилар, йиллаб тергов остида бўлар, тухмат балосидан қутилиш йўлини топа олмай азоб чекарди. Бунинг устига, кино ширкатида ҳам текшир-текширлар, маълумот йигишлар авжига чиқа бошлаган эди. Ҷақимчилик, ўч олиш пайида юрганларга қулай шароит вужудга келган эди.

Актёр, муаллиф, режиссёр сифатида кўзга кўриниб қолган Сулаймон Хўжаев 1934 йилнинг 4 декабр куни ҳисбсга олинишига киностудия ходими Наф Зиятдинович Нигматуллин сабабчи бўлди. У Кировнинг ўлими ҳақидаги ўзаро гапни НКВДга етказди. Терговда эса актёр Р. Тўрахўжаев ҳамкаси С. Хўжаевни қораловчи маълумотларни келтиришига уринди...

Студиянинг раҳбарлари тез-тез ўзгариб турарди, кадрлар масаласи ҳал бўлмаганди, сценарий танқислиги овозли кино пайдо бўлганида айниқса сезилиб қолган, техника ожиз, «павильон» эса ниҳоятда тор, жиҳозланмаган, кино тасмаларини қайта

¹Наби Фаниев. «Таржиман ҳолим». 1952 й. 22 сентябр. Қўллэзма.

²Н. Фаниев Намоз ҳақидаги новеллаларни тўплаб сценарий ёзмоқчи бўлганини тасдиқловчи далиллар мавжуд. Шунингдек, киностудиянинг директори Х. Енгаличев 1939 йил 20 июн куни бўлган терговда айтишича, Н. Фаниев А. Аҳмедов билан «Аълам Бузоқ», «миллатчи» Файзиев билан «Чанқоқлик» сценарийларини ёзган. Бу асарлар қабул қилинмаган.

ишлайдиган лаборатория ишга тушмаган... Шундай дамда Н. Фаниев биринчи ўзбек овозли бадиий фильмни «Мен сотқин эмасман»нинг адабий пойдевори муҳокамасида иштирик этиб, эхтиросли сўз айтди. Терговда эса сценарий ва фильмда «рус большевики Кравцов образ бўлишига қарши чиқди», деб унга айб қўйиши. Фози Юнус билан студияда ижод этмоқчи бўлди. Яна юзига солишибди: «Қамалган аксилиниқлобчи билан дўстлашди, киностудияга олиб келиб унга бой ролини берди». К. Яшин билан «Номус ва муҳаббат» сценарийиси устида ишлади-ю, яна балога қолди. Студиянинг ўша кезлардаги директори Х. Енгаличев Фаниевни бу иши учун ҳам қоралади. Файзулла Хўжаев, Акмал Икромов, Сулаймон Хўжаев, Фози Юнус каби эндиғина занжирбанд қилингандар билан яқин алоқада бўлгани тергов ҳужжатларида қайта-қайта қайд этилди. Асарлари айрим шахслар ҳамда комиссиялар томонидан шундай танқидга учради, улар ҳам Н. Фаниев кетидан «ҳибс қилинишига», сиёсий нуқтаи назардан қораланишига ҳеч ким шубҳа ҳам қilmай қўйди. Фильмларда партиявий руҳ етишмаслиги айтилаверди. Уларнинг кўпига режиссёр жавоб ҳам бермади. Баъзан аччиқ киноя ва истеҳзога тўлиб-тошган мулоҳазаси билан танқид қанчалик ноўрин эканлигини, ўша мунаққид қанчалик саёз фикрлашини билдири-қўйди... «Адолат» сценарийисида ўзбек қизи рус йигити (агроном Борис)га турмушга чиқиши ҳаёт ҳақиқатига зид», деб гапирган Н. Фаниевни Одил Шаропов терговда айблади.¹ Сўнгра у «Сталинни қораловчи Троцкийни ақлли, донишманд шахс сифатида таърифловчи латифалар айтиб юрган, Троцкий ҳатто Сталинни мот қилганини куялараш аралаш айтиб берган» деб «гувоҳлик» қилид...²

Бундай далилларни, баҳтга қарши кўплаб келтириш учун асос бор. Ҳар қалай, унинг асарларидан ҳам, ҳазил-мутойибасидан ҳам, минбарда айтган танқидий фикрларидан ҳам хато — сиёсий хато изладилар.³ Шундай дамларда ҳам Наби ака студия, кадр тайёрлаш, ижодий ҳамкорликни мустаҳкамлаш, фильмлар ва сценарийларнинг муҳокамасини муттасил ўтказиб туриш, соғлом муҳит яратиш учун кураш олиб борди. Уни киностудиядан бўшатдилар (1937 йил 17 апрел куни). Шунда у «мен «103» лакабини олдим. Билсам, Енгаличев киностудиядан бўшатган 103-ходим эканман», деб ҳазилга олган ва «Кинематографияда ҳалол, вижданан ишлаш истагимни ҳеч ким қайтаролмайди. Бу йўлдаги фаолиятим давом этишига ишонаман. Ажойиб асарлар яратаман... Кинода ижод этадиган санъаткорларни тарбиялаш учун кўп иш қилишмуга ишончим комил», деб олижаноб режаларини, ёшларга мураббийлик қилиш хоҳишини билдири. Бизга қолса, бу сўзларда Наби аканинг қалби, бағри кенглиги, ноёб истеъдод ва заковат соҳиби эканлиги ҳам сезилиб туради.

Хўш, ҳибс қилиш қай тарзда ўтди-ю, тергов нималарни аниқлади? Мўъжиза рўй бериб, Наби Фаниев зиндан кишанларидан халос бўлганига сабаб нима? Вафотига қадар унга агентлар орқали тазиик ўтказишига ҳаракат қилганиларини қандай изоҳлаш мумкин?

Хадра ва Чорсу майдонларининг ўртасида, собиқ трамвай депосининг ёнгинасида Ҳовузбое маҳалласи бўлган.⁴ Ўша ерда — Сталин кўчаси, 77-йда Абдуғани отанинг оиласи истиқомат қилган. Машъум 37-йилнинг 27 сентябринда бу хонадонга кутилмаган «мехмонлар» келган. Уларнинг кўлида гражданин Наби Фаниевни қамаш ҳақидаги фармойиш бўлган. Унга НКВД 4-бўлимининг масъул ходимлари мл. лейтенант Маврин ҳамда лейтенант Орабеков имзо чекканлар.⁵

«... Н. Фаниев Тошкентдаги кинофабрикада режиссёр бўлиб ишлаган, картиналарида миллиатчилик, антисовет қарашларини тарғиб қилиб келган. Шунинг учун ҳам бўшатилган.

Советларга қарши кайфиятда бўлгани ҳамда фош этилганидан аламзада бўлган

¹ Одил Шаропов (протоколларнинг айримларида «Миршаропов Миродил» деб ёзилган). 1939 йил 19 майда терговда берган маълумотлардан.

² Ўша ерда.

³ Бу ўринда биргина мисол келтириб ўтамиз. Н. Фаниев «Қасам» фильмини Москвага юборишидан олдин киностудия ходимларига кўрсатилмаганини ғайри-табиий бир ҳол деб билди ва бу ҳақда терговда ҳам айтди. Бундай дадил айтилган сўз — ҳақ сўз кўпчиликни ҳайратта солди, баъзиларнинг эса разабини ошириди.

⁴ Ҳовузбое маҳалласида эндилиқда бир-икки хонадон қолган. Абдуғани отанинг, кейинчалик Н. Фаниевнинг мўътабар хонадони тўрт йил муқаддам бузиб ташланди. Уни сақлаб қолиш зарурлиги ҳақида кўп гапирдик...

⁵ Орабеков кейинчалик Н. Фаниевни сўроқ ҳам қилади. Наби ака унга қандай муносабатда бўлганини «Насридин саргузашлари» фильмидан билиш мумкин. Калтафаҳм, жоҳил, золим, ҳайвоний ҳирс қулига айланниб қолган хунук бир шахсга Орабек исмими беради. Бу ролни артист О. Жалилов қиёмига етказиб ўйнаган (1946).

Фаниев Н. антисовет тарғибот олиб борган ҳамда Ўзбекистоннинг марказий газетаси раҳбарига нисбатан терроризмни қўллашини айтган.

Бу ҳол ЎзССР ЖК 66-бандининг 1-қисмида қайд этилган.

ҚАРОР

*Фаниев Наби жиноий жавобгарликка тортилсин... Ҳибсга олинсин ҳамда НКВДнинг ички тюрмасига соқчилар назоратига бўлсин!.*¹

Пастроқда сиёҳ билан ёшиб қўйилган ҳамда имзо чекилган: «Фаниев Наби нинг ҳибсга олинишини қўллаб-кувватлайман. ЎзССР прокурори муовини... Имзо».

Шундай қилиб, 18/16-сон «Ҳибсга олиш ордери» билан, соқчилар кўнгилчан, ҳамиша кувноқ, шоиртабиат Набижонни халқ «чёрный ворон» деб атаган қафасли автомобилда олиб кеттанлар.

Архив материалларига қараганда, Наби Фаниев 1939 йилнинг 9 июня қадар сўроқ қилинмаган. Аваҳтада, «соқчилар назорати остида» сақланган. Шу вақтда унга талайгина айблар кўйилган. Бунда, турли комиссияларнинг хулосаларидан ташқари, маҳбус ҳолига тушиб қолган Фаниевнинг шогирдлари ҳам «хизмат» қилганлар.

Маҳбус, бир йилу саккиз ой авахтада ётганидан кейин, икки кун: 9—10 июн кунлари (1939) сўроқ қилинган. Яқинларингиз ким, деган саволга жавобан Фаниев дўстларининг исмларини айтган. «Правда Востока» газетасининг масъул мұҳаррири Александровскийга қарши террор қўллаш ниятингиз бормиди, деб сўраганларида Наби ака: «Мен у кишини танимайман», деб жавоб беради.

10 июндаги сўроқда эса Н. Фаниев русларни «маллавой», «яқшанба» деб масхара қилгани, уни деб руслар кино фабрикасини тарқ этаётганликлари айтилганида, у: «Ўзим Москвада ўқиганман, у ерда дўстларим кўп, фильмларимни рус ва бошқа миллат вакиллари иштирокида яратсам, қандай қилиб миллатчи бўламан», деб ўринли жавоб беради.

Эҳтимол, мазкур рисолада бундай тафсилотлар келтирилиши ортиқча кўринар. Лекин бу шахснинг жасоратини, иродасини, ақл-заковатини оз бўлса-да таърифлаш мақсадида ўша архив материалларига, ҳамкасб «дўстлар» келтирган «маълумотлар»га мурожаат этиш, бинобарин, тухмат балосига учраган Фаниевнинг ҳолатини, изтиробини, армонини тасаввур этишга, ҳис этишга яна уриниб кўрайлик.

Студияга 30-йилларнинг бошларида келган, «Қасам»ни суратга олиш ва овоз билан бойитища иштирок этган Одил Шаропов биргина сценарий ёзган («Қилич», 1935), асосан дубляж билан шуғулланган. У Фаниевга кетма-кет тухмат қилиб, унинг сиёсий «хатолари»ни топища терговга ёрдам бергани фақат ғазаб уйғотади. У «кино фабрикасидағи аксилиңқилобий, буржуа миллатчилари ташкилотига Сулаймон Хўжаевдан кейин Н. Фаниев раҳбарлик қилди», деб «гувоҳдик» қилмоқчи бўлиши, ёш Набижон «комсомоддан 1922—1923 йиллари ҳайдалгани»ни завқ билан эслаши, ўзбек режиссёри Ҳамза номидаги театрнинг собиқ директори, ҳибсга олинган Зиё Сайд билан, фан қўмитасининг собиқ раиси, қамоқча олинган Отажон Ҳошимов билан, занжирбанд этилган Хидоят Файзиев билан яқин бўлганини, халқ душмани Икромов ҳузурига тез-тез бориб турганини айтишдан мақсади нима эди?

Шу каби «гувоҳлар» кўп бўлганини афсуслар билан хабар қилишга мажбурмиз.² Наби ака улар билан терговда юзма-юз учрашишни истаган. Талаб ҳам қилган. Лекин бағри кенглигига қарангки, кечириб юборган кўринади. Чунки кейинчалик уларнинг кўпчилиги билан бирга ижод этаверди. Ёшларга рол, иш берди, иккинчи режиссёр этиб тайинлади. Бундай воқеалар 1941 йилда, ижодининг янги босқичи бошланганида содир бўлди. Ҳозир эса 27 ой давом этган Фаниев драмаси қандай тутаганини баён этайлик.

Маҳбус Наби Фаниев терговга хизмат қилиши лозим бўлган фильмларни кўриш комиссияларининг³ хулосаларини рад эти, мутахассислар комиссияси тузишни талаб эти, «масъулиятни сезмайдиган, кинони билмайдиган, тушунмайдиган шахсларнинг уйдирмаси» бўлмиш ўша хулосалардан норози эканлигини билдиради. Ҳаёт, санъат диалектикасидан хабардор кишилар фильмни таҳдил қила олишини таъкидлади.

¹ Наби Фаниевни ҳибсга олиш ҳақидағи фармойишдан кўчирма. ДХК архиви.

² Ўша «гувоҳлар»ни билib қўйинг: М. Краснянский, Р. Пирмуҳамедов, Й. Аъзамов, С. Искандаров, Х. Енгаличев, Хонкелиев, А. Ибрагимов, А. Ахмедов, А. Раҳмонов.

³ Рисоламида шундай «комиссиялар»нинг фикрларига бир неча бор мурожаат этдик, айрим кўчирмалар келтирдик. Комиссиянинг бири 1938 й. 21 августда, иккинчиси кейинроқ тузилган (санаса кўрса-тилмаган). «Хулоса»лар ДХК архивида сақланади.



Наби Фаниевнинг ёшлиги

**Бу кўчада
Наби Фаниев
излари қолган...**



Хуллас, икки йилдан ортиқ давом эттан тергов, сўнгра суд, авахта азоби 1939 йилнинг декабрига келиб ниҳоясига етгандек бўлди. 15—19 декабр кунлари Н. Фаниев оқлангандек бўлди. Лекин Тошкент облост судининг қарорини ЎзССР Олий суди 1941 йилнинг 7 май куни бекор қилди ва прокуратура орқали қайта тергов қилиш тавсия этилди. Иккинчи жаҳон уруши бошланиб қолганиданми, бошқа сабаблар бўлганми, ҳар қалай тергов, гувоҳлар ва маҳбусни сўроқ қилиш материаллари учрамаганидан Наби ака қайта қамалмаган деган тахминимиз бор. Шуниси ҳам аниқки, 1941 йилнинг июн ойида Фаниев студияда фаоллик кўрсатган, ўша йилнинг ўзида икки фильм яратиб («Биз енгамиз», «Фронтда дўстлашганлар»), куз ойларида собиқ иттифоқ экранларига чиқазган. Агар олий суднинг қарорига биноан Н. Фаниев 1941 йил май ойида қамалганида ўша йилнинг июн ойида фильм устида ишлай олмас эди, умуман студиядаги фаолияти яна тўхтарди.

Лекин архивда биз учратган яна бир ҳужжат ижодкорни КГБ ёддан чиқармаганини тасдиқлади: «Фармойиш. 1953 йил 3 январ. Фаниев Набининг жиноий иши бўйича таъқиб этиш тўхтатилсин (демак, аҳамият беринг — ўша дамгача, 1953 йил 3 январгача таъқиб давом этиб келган) ҳужжатлар архивга топширилсин. Фаниевга агентлар орқали тазиқ, кўрсатилсин».

Бундай ҳужжат билан китобхонни таништиргач, бобга якун ясаш мантиқан тўғри бўлар... Ҳа, Наби ака шундай оғир дамларда ҳам қонхўр, золим, сотқин, бевафо шахслар ҳақида эмас, севишганлар, садоқатли ёрлар, иродали йигитлар, иффатли, гўзал қизлар ҳақида хикоя киласверди. («Тоҳир ва Зухра», «Биз енгамиз», «Фарғона қизи», «Фарғона водийси»), ҳазил-мутойиба, сўз ўйинига бой бўлган, ҳар кимда қувноқ кайфият уйғотадиган асарлар яратаверди («Насридин Бухорода», Н. Фаниев иккинчи режиссер: «Насридин саргузаштлари», «Ўзбек рақси усталари», «Шоҳи сўзана»).¹

Тергов материаллари орасида Наби Фаниевнинг ўзи ёзган бир хат ва бир тақриз борки, улар иқтидорли режиссер, актёр ва сценарийнависнинг дунёқараси кенглигини, миллий масалаларни тушунишини, ўзига ва атрофида гиларга нисбатан талабчанлигини очик-оидин кўрсатади, у санъатимиз равнакини кўзлаб иш тутишга ҳамиша интилиб келганини тасдиқлади. Худди шу ҳужжатлар Наби ака ўз кучига, қобилиятига ишонганини ва кадрлар тайёрлашга ҳамиша жиддий аҳамият бериб келганини кўрсатади. Хат ҳам, тақриз ҳам терговга алоқадор ҳужжат бўлмаса-да, «Дело»га тикилган (дарвоҷе, шу туфайли сақланиб қолган; яна бир тафсилот: Н. Фаниевнинг бадиий асарлари — сценарийлар, дастлабки фильмлар негадир «Фаниев ишига алоқаси йўқ» дея ёкиб ташланган). Бири — сабиқ иттифоқ санъат бошқармаси бошлиғи П. М. Кержанцевга аталган хат 1937 йил 2 августда ёзилган.² Бу пайт Фаниев озодликда бўлган, лекин ишдан бўшатилган эди. У уч ярим ой мобайнида адолат тантана қилади, яна студияга таклиф этишади, деб ўйлаган-у, тоқати тоқ бўлиб, қўлига қалам олган. Унинг юрагидан отилиб чиқсан сўзларнинг айримлари билан танишинг:

«Жамоатчилик ҳамда кино мутахассислари томонидан ишимиз хусусида танқидий мулоҳазалар билдирилмаган кино ҳамда унинг ходимлари ўсишига таъсир кўрсатди. Ўзбек киноси пайдо бўлганидан ҳозирги кунгача (1925—1937 йиллар назарда тутилмоқда — Ҳ. А.) фильмларимиз, шунингдек, бошқа республикалардан келтирилган кино асарлари жамоатчилик кўригига қўйилмайди. Беғараз танқид кино санъатини ўзлаштираётган ёшларга жуда катта ёрдам бериши мумкин эди. Лекин, баҳтга қарши, фабрикада ҳар ким ўз ҳолиша иш қилади, тажриба алмашиш ҳақида ҳеч ким қайғурмайди. Ишда ошна-офайнагарчиллик ривож этди... Ўзингиз ўйлаб кўринг: «Қасам»ни киностудия ходимларига кўрсатмай туриб Москвага юбориш файритабиий ҳол эмасми?! Мени ҳеч танқид қимай, ортиқча мақтаб юборишгани ҳам маъқул эмас. Буйруқ билан расмийлаштирилган ташаккурномани тўрт марта беришди, икки ёрлик билан тақдирлашди, мукофот беришди. Ўн бир йил давомида (яъни кино ширкати ташкил этилганидан бери — Ҳ. А.) иммий сафар бўлмади. Ўқувнинг бошқа турлари ҳам бўлмади. Булар ҳам менинг ўсишимга таъсир этмай қолмади...

Режиссер драматург эмас. У сценарий ёза олиши шарт эмас. Мен сценарий ёзилишида иштирок этишимнинг бирдан бир сабаби шундаки, киностудияга ёрдам бергим келади. Кинодраматургларнинг йўқлиги — бинобарин, сценарий танқислиги кино ишлаб чиқариш йўлидаги энг катта тўсиқдир...

... Мен ўзим интилган маҳорат чўққисига кўтарилиганимча йўқ.

Уни забт этиш қўлимдан келишини биламан...

¹ «Шоҳи сўзана»нинг режиссерлик нусхаси назарда тутилмоқда.

² Хат рус тилида ёзилган. Бир нусхаси ЎзССР СНК қошидаги санъат бошқармасига — Горбуноста йўлланган. Хатда Н. Фаниев имзоси, уйи адреси бор. Хат ДҲК архивида сақланади.

Қатъий ишонч билан айтаманки, мен миллатчи, аксилиниқиличи эмасман. Бўлмайман ҳам. Бошқалар мен ҳақимда бундай дейишига йўл қўймайман ҳам. Кинематографияда ҳалол, вижданан ишлаш истагидан мени ҳеч ким қайтара олмайди. Бу йўлдаги фаолиятим давом этишига ишонаман. Кинематографиямизнинг ажойиб асарларини яратаман... Кинода ижод этадиган санъаткорларни тайёрлаш учун кўп иш қилишимга ишончим комил...»¹

Бу хат ёзилганига 63 йил бўлди. Фаниевнинг даҳоси кучли бўлганидан, кино истиқболи, унинг муаммоларини кўра билганидан, ҳар қалай, бутунги амалиёт, кино танқидчилиги ҳамда назарияси учун долзарб бўлган масалаларни кенг миқёсда, олий дараҷада (1937 йили ҳамма ҳам Москва га хат ёзишга журъат этавермас эди) кўтаришга эришган. Тоталитар тузумда демократия асослари поймол этилган, инсоннинг ҳуқуқлари мутлақо бўлмаган ўша даврда Наби аканинг бундай оқил ва одил сўзларига қулоқ соладиган, тадбир қўллайдиган шахс топилмади. Доно сўз айтган ўша довюрак йигит ишсиз юрди, энди 33 ёшини нишонлаган чорида занжирбанд этилди.

Наби ака баён этган фикр-мулоқазаларни, тўғрироги — талабларни изоҳлаб ўтиришга ҳожат йўқ. Унинг самимияти, теранлиги, ҳалоллиги ҳар бир сўзи, жумласида кўзга ташланиб турибди. Дарвоқе, фильмларида гидек бой тафаккур, ўткир зехи, тўлиб-тошган ҳис-ҳаяжон — буларнинг бадиий ифодаси ҳамиша равон бўлган, руҳий тўлқинлар гўёки экранни тўлдириб, тошиб, бизга етиб келган. Режиссернинг айттан сўзи ҳам, ёзган сўзи ҳам улкан бадиий кучга эга бўлган.

Шу боис хатнинг айрим жиҳатларига эътиборингизни тортиш билан чекланамиз. Ўша «жиҳатлар» ҳозирги миллий кинога жуда-жуда тегиши бўлиб кўринди бизга. Чунончи, танқид йўқлигидан қайfurган режиссер бутунги кунга ҳам таъриф берган-дек гўёки. Зоро, матбуот, телевидение, радио, кино муаммоларига багишланган танқидий материални чоп этишга, ҳаво мавжлари ила хонадонларга етказишга журъат этмаяпмиз. Бу қандай оқибатларга олиб келишини кинематографиямиз асосчиси айтиб кетган...

Фильмларнинг кўриги кенг миқёсда ўтказилиши ва ўша дараҷада муҳокама қилиниши ҳалигача — Наби Фаниев маслаҳат бергач 63 йил ўтганидан кейин ҳам йўлга кўйилмаганига нима дейсиз?

Фақат мақтовга, мукофотга ўрганиб қолган кино арбоблари ўзларига, ишларига, фильмларига Наби Фаниев каби танқидий кўз билан қарамаяптилар. У каби «мақтовни тўхтатинг!» демаяптилар.

Кинода ўқув, унинг турлари ҳақида айтилган гаплар-чи? Улар ҳозирги миллий кинога, кадрлаш тайёрлаш масаласига тегиши эмасми? Наби ака узоқни кўзлаб «ўқув ва унинг турлари» тўғрисида ихчам жумлаларни ёзганларини кўриб кино ва телевидениенинг олий илмгоҳи, академияси билан бирга муттасил ишлаб турадиган «семинарлар», «курслар», «актёrlар студияси», «драматурглар устахонаси» ҳақида ўйлашимиз лозим. Зоро, улар мустақил Ўзбекистон учун, миллий кинонинг бутуни ва эртаси учун зарур.

Н. Фаниевнинг сценарий ҳамда илмий сафар, кинодаги ошна-оғайнингарчилик ҳамда санъаткорнинг бурчи ҳақидағи фикрлари ҳам ҳозирги ўта мураккаб ижодий масалаларни ҳал этишга ёрдам бериши мумкин.

Диққатингизга ҳавола қилинадиган тақриз ҳам Фаниевнинг қаламига мансуб. Тақриз зинданга ташланишидан олдин ёзилган — 1936 йил 19 май куни. У студияга мазкур тақризни топширганидан кейин бир йил ўтгач, хибс қилинади. Фаниевнинг бу асарини ҳам тинтуб пайтида олишган ва «Дело»га тикиб қўйишган. Ундан парча келтиришимизнинг боиси Наби ака умумназарий, эстетик масалалар юзасидан ҳам, муйян асарларнинг таҳлилида ҳам чуқур фикрларни баён этганини қайд қилишдир. Бу ижодкорнинг кўп қўлёзмалари, эскизлари, ҳикоялари (жумладан, оғзаки ҳикоялари), ҳаттоқи икки китоби ва «Ҳокимият кимники», «Лотинлаштириш» каби фильмлари йўқолиб кетгани, (аниқроғи ёқиб юборилгани) туфайли янги топилган жажжи тақризи ҳам, расмий хати ҳам, фотосуратлари ҳам эътиборимизни тортиши табиийдир.

«1936 йил 10 май. «Соат ва юрак» сценарийси ҳақида (иккинчи вариант). Муаллиф Холмский».

Тақризга шундай сарлавҳа қўйилган ва сценарийда учраган тўрт нуқсон тўғрисида мулоқаза билдирилган. Улардан иккитасини айнан келтирамиз.

«Киностудия бу йил «Соат ва юрак» сценарийси бўйича фильм яратмоқчи. Мени режиссер этиб тайинлашган. Сценарийга жиддий эътирозим бор. Уни бу ахволда қабул қила олмайман.

¹ Хат қисқартириб олинди. АХҚ архивидан.

1. Сценарийда бойнинг кўп хотинлари ҳақида гап кўп боради. Лекин мазкур эпизодларда ҳеч қандай юк йўқ. Бойнинг биринчи хотини Шарофатдан ташқари бирортаси ўз хусусияти билан ажралиб турмайди. Улар шунчаки савлат тўкиб юради, холос. Қўшхотинликни аёлларнинг жисмоний ва руҳий азобланиши билан боғламоқчи бўлгандар. Таклифим: мазкур эпизодларни сценарийдан олиб ташлаш керак ёки бойнинг барча хотинлари бирма-бир, инсон сифатида фикр юритадиган, ҳаяжонини, орзу-умидини ифода эта оладиган аёллар сифатида таърифланishi керак.

2. Бойнинг хотинлари эксплуатация килиниши, муаллиф фикрича, катта сўзана устида ишлаш жараёнида очилиши назарда тутилган. Биринчидан, бу ҳол ҳақиқатта зиддир. Чунки, инқилобдан кейин сўзана тўқишидан кўра уни сотиб олиш арzonроқ тушарди. Бинобарин, бой хотинларини бу иш билан машғул бўлишидан мутлақо манфаатдор бўлмайди. Иккинчидан, уч фильмда сўзана билан боғлиқ бўлган воқеалар тасвирланган (Н. Фаниев «Соябонли арава», «Мохов қизи» каби фильмларни назарда туттан бўлса керак — Ҳ. А.). Учинчидан, таклифим — бой яшириб кўйган паҳтани кундошлар чувашини кўрсатиш қизиқарли бўлади. Бой — кооператив раҳбари. У хотинлари тайёрлаган ипни дехқонларга катта пулга сотади. Бундай қилинганида сценарийда таърифланган, лекин бирор бадиий вазифани бажармайдиган «бой яшириб кўйган паҳта» мавзуси драматургияни мураккаблаштириш учун хизмат қилиши мумкин...»

Наби ака сценарийнинг ёзилиш техникаси, унинг «киноболлиги» ёки кинога мос келмаслиги хусусида эмас, аввало характер яратиш масаласига қаратади дикқатимизни. Қаҳрамонларнинг ҳар бири ўз характери, хусусиятлари, ички қиёфаларига эга бўлиши зарурлигини айтади. У режиссёр сифатида адабий сценарийни экранга мослай олишига ишонгани, лекни характер яратиш борасида, драматургик юк тақсимлашишида, сюжет қурилиши соҳаларидағи нуқсанларни суратта олиш майдончасида «тўғрилаб» бўлмаслигини билиб, муайян таклифлар киритади. Аҳамият беринг: у иккинчи жумладаёт сценарийга жиҳдий эътирози борлигини айтади-ю, лекин уни — асарни инкор этмайди. Қайта ишлаш, образларни мукаммаллаштириш, драматургиясини мураккаблаштириш йўлларини айтиб ўтади.

Шундай қилиб, 30-йилларнинг иккинчи ярми Н. Фаниев учун, ўзбек бадиий киноси учун оғир келди. «Азамат» (1939)да 20-йиллар киносига хос бўлган жиҳдий нуқсанлар кўзга ташланди. «Асал»да (1940) Ҳалима Носирова, Мукаррама Турғунбоева, Асад Исматов, Раҳим Пирмуҳамедов, Шукур Бурҳонов иштирок этган бўлсаларда, улар — машҳур театр актёrlари — ясама муҳитда ҳаракат қилишга, тўқилган, ҳаётийликдан йироқ воқеаларда иштирок этишга мажбур бўлгандарни кўзга ташланди... 1934 йилда бошланган ҳаракат 1937 йили биринчи ўзбек бадиий овозли фильми — «Қасам» пайдо бўлиши билан якунландики, бу ҳолни алоҳида таъкидлаб ўтамиш. Зотаи, у, А. Г. Усолцев, А. Кордюм, К. Горбунов («Азамат») ёки М. Егоров ва В. Казачков («Асал») сингари «ижод» этмади. У сценарий киёмагига етмагунига қадар¹ фильм яратиш ҳаракатини бошламади. Сўнгра ундаги образларни экранга олиб чиқишига қодир бўлган ўзбек профессионал театрининг етук актёrlарини студияга таклиф этди. Шу тариқа ўзбек киносига Асад Исматов, Ҳикмат Латипов, Нурхон Эшмуҳамедов кириб келди. Улар миллий кинематографиянинг дурданаларини яратишида фаол иштирок этишди. Режиссёр Наби Фаниевнинг ўйлари, ҳаяжони, эҳтироси аввало шу ижрочилардан бири — Асад Исматовнинг истеъоди или экранда мужассам бўлди.

1936—1940 йилларда бор-йўғи 3—4 фильм суратга олиниши, аввало С. Хўжаевнинг қатл этилиши (1937), сўнгра Х. Девонов отиб ташланиши (1938), Н. Фаниев 1937 йилнинг сентябридан 1939 йилнинг декабригача зиндан азобида бўлиши студияни парокандаликка олиб келди. Бирор ўзбек кинорежиссёрига иш берилмади. Фақат марказдан келгандар раҳбарлигида санааб ўтилган уч асар не-не қийинчиликлар билан суратга олинди. Ҳамза, Алишер Навоийга бағишлиланган фильмлар яратиш режалари тузила бошлаганида уруш ваҳимаси барчанинг фикри-зикрини банд этган эди...

Ҳамидулла Акбаров

¹ У 1934 йили Эл-Регистоннинг «Мешкоб авлоди» сценарийсини экранлаштиришдан бош тортган, сўнгра Г. Кудрявцев ва И. Иванов «Мен сотқин эмасман» сценарийсини ёзгани маълум. Бу адабий замин «Қасам» бадиий фильмни пайдо бўлишига олиб келди.



Абдулкарим ас-Самъоний

Ижтисоб

НАСАБНОМА

(VIII—XII асрда яшаган бухоролик олимлар ҳақида маълумот)

Бисмиллахир роҳманир роҳийм.

Ал-Азгуний (Азғун) — Бухоро қишлоқларидан бирининг номи. АБУ АБДУЛЛО АБДУВОХИД ИБН МУҲАММАД АЛ-АЗГУНИЙ. Исломнинг қадимий олим имомларидан, табаа-тебоинларидан хисобланадилар. У кишидан Мұхаммад бин Салом ал-Пайкандий (Имом Бухорийнинг устозлари), Каъб ибн Саид ал-Қози қабилар ҳадис илмидан таҳсил оладилар. Етук мұхаддис шогирдлар етиштирганлар. Вафотлари 200 (816) ҳижрий йилга түрги келади.

Ал-Арзакиёний — АБУ АБДУЛЛО МУҲАММАД ИБН ҲАСАН АРЗАКИЁНИЙ АЛ-БУХОРИЙ (Боболари Арзакиён Хитой орқали Басрага бориб Али ибн абу Толиб разияллоҳу анху қўйларида таълим олиб, исломга келдилар). Абу Абдулло Мұхаммад Ҳуросон, Ироқ диёrlарида бўлиб, у ердага улуғ машойих мұхаддислардан таълим олдилар. Ундан сўнг Бухорога қайтиб Саҳл ибн Мутаваккилга шогирд бўлганлар. 344(956) ҳижрий йилнинг Шаъбон ойида вафот этганлар.

Ал-устоз Сибадмуний — Исмоил Сомоний замонида саройда дарс берганлар. Улуғ амирнинг нозик саволларини ечиб берганлар (бу киши ҳақидаги маълумотга қаралсин).

АЛ-АШМИЮНИЙ — Ашмиюн Бухоро қишлоқларидан бири (бир ривоятда шахардаги маҳаллаларнинг бирининг номи деб берилган). АБУ АБДУЛЛО ҲОТАМ ИБН ҲУДАЙД АЛ-БУХОРИЙ АЛ-АШМИЮНИЙ. Имом Бухорийнинг машойихларидан (ҳадис илмидан таълим берганлар).

Ал-Афрағший — (хозирги Варахша қишлоғи) фарахший деб ҳам юритилган Бухородан 4 фарсаҳ узоқликдаги қишлоқ. АБУ БАКР АҲМАД ИБН МУҲАММАД АЛ-АФРАҒШИЙ АЛ-БУХОРИЙ Бухоро уламоларининг етакчи олимларидан биридир. 301(914) ҳижрий йилда туғилиб, 384(995) ҳижрий йилининг Рамазон ойида вафот этганлар. Абу Бакр Мұхаммад ибн Хотам ал-Афрағший ибн Ҳайит номи билан машҳур бўлған Бухоро машойихларидан.

Анбардувоний — Анбардувон (хозирги Вобкент туманидаги қишлоқ) Бухоро қишлоқларидан бири. АБУ КОМИЛ АҲМАД ИБН МУҲАММАД АЛ-АНБАРДУВОНИЙ АЛ-БАСРИЙ лакаблари билан машҳур бўлганлар. «Ал-музоҳот вал музофот фил-асмөъ вал ансоб» (тариҳий шахсларнинг исмлари ва насаблари тўғрисида) китоблари бор. Жуда кўп китоб тўплаганлар. Лекин бошқа шаҳарларга чиқмаганлар. Вабо касали билан 409(1019) ҳижрий йилнинг рабиъ-ул-аввалида вафот этганлар.

Ал-Анжофирий — Анжофирин Бухоро қишлоқларидан бирининг номи. АБУ ҲАФС ҮМАР ИБН ЖАРИР АНЖОФИРИНИЙ АЛ-БУХОРИЙ туғилган йиллари ва ҳаёт йўллари ҳақида маълумот берилмаган. 320(933) ҳижрий йилда вафот этганлар.

Ал-Андақий — Андақ Бухородан 6 фарсаҳ узоқликдаги қишлоқнинг номи (Шоғиркон тумани). АБУЛ МУЗАФФАР АБДУЛКАРИМ ИБН АБУ ҲАНИФА ИБН АББОС АЛ-АНДАҚИЙ ўз замонасининг фозил зоҳид, мутавозеъ аҳлоқи ҳамида билан ном чиқарғанлар. Шамсул Аиммаи Ҳалвойидан таълим олганлар. 400(1010) ҳижрий йилда туғилиб, 481(1089) ҳижрий йилнинг шаъбон ойида вафот этганлар. Бу кишининг невараларидан Абу Мұхаммад Ҳасан ибн Ҳусайн ал-Андақий, ўз даврининг тариқат илми машойихларидан эдилар ва муридларни тарбиялаш билан умрларини

ұтқаздилар. Мұхаммад саллаллоху алайхи васалламнинг суннатлари ва одобларига амал қылғанлар. Хожа Юсуф Ҳамадонийнинг севимли шогирдларидан бири. Хожа Юсуф Ҳамадоний билан бирга Хоразм, сўнг Бағдодга борганлар. Муалифнинг айтишларича, биринчи марта Бухорода ул зотни кўрганлар. Хожа Юсуф Ҳамадонийдан кўп ривоятларни ёзib олдим, деб таъкидлаганлар. 460(1071) ҳижрий йилда туғилиб, 552(1158) ҳижрий йилнинг 26-рамазонида лайлатул қадр кечасида вафот этганлар.

Ал-Афшавоний — (Афшона) Бухородан 4 фарсаҳ узоқликдаги қишлоқнинг номи. Абу Наср Мұхаммад ибн Иброҳим ибн Кутайба ал-Афшавоний, устозлари Абу Бакр Мұхаммад ибн Юсуф ал-Ғиждувоний. У киши саҳоба анас розияллоху анхудан ривоят қылғанлар. Яна Афшонада Абу Аҳмад ибн Ҳолок ал-Афшавоний ал-Бухорий ҳам яшаганлар, лакаблари Ҳолоқдор.

Ал-Андизий — Андиза Бухоро қишлоқлариданур. АБУ БАШИР ИБН АБДУЛЛО АЛ-АНДИЗИЙ АЛ-БУХОРИЙ. Бу киши Мұхаммад ибн Фузайл ва Исо ибн Мусо ал-Ғунжорийдан ривоят қылғанлар.

Ал-Анжофириний — Анжофирин Бухоро қишлоқларидан. У ердан АБУ ҲАФС ҮМАР ИБН ЖАРИР АЛ-АНЖОФИРИНИЙ АЛ-БУХОРИЙ. Вафтлари 320(933) ҳижрий йилда, Анжофириний яшаган қишлоқ Анжофорин Бухоро (обод, яшил, боф-бўстонли) қишлоқларидан. Бу маконда АБУ ҲАФС ҮМАР ИБН ЖАРИР шашбал, хуморшер ал-адиб (шоир) Анжофириний яшаганлар.

Ал-Анжуний — Анжун Бухоро қишлоқларидан бирининг номи. Бу қишлоқдан АБУ ЛАЙС НАСР ИБН ЗОХИР ИБН ҲАМЗА ал-Анжунийдирлар. Устозлари АБДУЛЛО ИБН АБУ ҲАФС АЛ-АВДАН ИЙДИРЛАР (Авдона ҳозирги Пешкү тумани қишлоқларидан бирининг номи).

Авданий — Хатфар дарёси бўйидаги ҳозирги Пешкү тумани қишлоқ (ҳозирги Хайробод ариғи). Бу ердан ҳадис уламоларининг устозларидан АБУ БАКР МУҲАММАД ИБН АБДУЛЛОХ ИБН ВАРҲАҚ ўз асрининг шоғеъий мазхабидаги уламоларидан, илмга ниҳоятда чанқоқ эдилар. Ўз илмларини бошқа кишига беришга марғуб эдилар. У кишининг дафтар-китоблари доимо ўзлари билан бирга бўлиб, енглари ичидаги олиб юрар эканлар.

Ханафий мазхабининг улуғ уламоларидан факих Абу Сулаймон Довуд ибн Мұхаммад ал-Авданий. Устозлари Абдураҳмон ибн Лайсадан тубандаги китобларини ривоят қылғанлар. «Зикрис-солихин» (солихлар зикри), «Китоби ҳавадиси замон» (замон ҳодисалари), «Китоби раҳматил баҳоим» (хайронларга раҳм кильмоқ), «Китоби фазоили Куръон» (Куръон фазиллатлари) ва бошқалар. Фарзандлари Абдусамад ҳамда Ҳофиз Абу Саҳлдир. Имом Таҳовийнинг шогирдлари (ханафий мазхабининг улуғ уламоларидан бўлганлар). Бу кишининг китоблари «Мұснади Ҳасан ибн Суфиён» (Ҳасан ибн Суфиённинг ҳадис тўплами), «Китоби маноқиби Абу Ҳанифа» (Абу Ҳанифанинг маноқиблари)дир.

Факих Абу Саламанинг ривоят қилишича: мен (ал-Авданий) Худодан яхши фарзанд тилаганман. «Оллоҳ, таоло менга шундай фарзанд ато қилган».

Ал-Бобший — Бобша (ҳозирги Подшойи қишлоғи, Бухоро тумани) Бухоро қишлоқларидан. АБУ-ИСҲОҚ ИБРОҲИМ ИБН МУҲАММАД БОБШИЙ 303(916) ҳижрий йилда вафот этган.

Ал-Боноби — Боноб (ҳозирги Вобкент тумани) Бухоро қишлоқларидан. АБУ ТАЙИБ ҲУЛВОН ИБН САМУРА АЛ-БОНОБИЙ машҳур уламолардан, зоҳид, обид, тақвадор эдилар. Бир масжидда аzon айтиб турганларида бир киши хат олиб келди, қарасалар Амирдан экан, олиб келган кишининг кўлига қайтириб, қачон мен амирнинг одами бўлибман, мен уларга ишим йўқ, деб айтган эканлар. Амирга бу хабар етганда Амир, «Худога шукр, менинг хатимни ўқимайдиган киши ҳам бор экан», деган экан.

АБУ ТОЛИБ АБДУЛЛО ИБН ВАКИЛ АЛ-БОНОБИЙ шул қишлоқдан.

АБУ БАКР АҲМАД ИБН САҲЛ АЛ-БОНОБИЙ шул қишлоқдан.

АБУ АБДУЛЛО ҲУСАЙН АЛ-БОНОБИЙ ИМОМ Бухорийнинг шайхларидан таълим олган зотдурлар.

АБУ МУҲАММАД АҲМАД ИБН МУҲАММАД АЛ-БОНОБИЙ ва АБУ ЮСУФ ЯҶҚУБ ИБН ЮСУФ АЛ-БОНОБИЙЛАР, АБУ АБДУЛЛО ҲУСАЙН БОНОБИЙнинг шогирдларидан, 296(910) ҳижрий йилнинг рабиъ-ус-соний ойида вафот этганлар.

АБУ АЛИ ҲУСАЙН ҲАМДОН БОБОНИЙ ҳам олимлардан бўлиб, 347(959) ҳижрий йилда вафот этганлар.

Пайғамбаримиз Мұхаммад алайҳиссаломнинг муборак ҳадисларида айтиладирким, ўз наасбларингни ўрганинглар, шу ҳадисга мувофиқ ҳар бир киши ўзининг ота-боболари тарихи, ўз ватани тарихини билса, ўзини таниса ҳақиқий, мукаммал инсон бўлиб етишади. Пайғамбаримиз алайҳис-салом яна айтиладирким, ўзини таниган — ўз Парвардигорини танийди. Сизларга тақдим этилиб турган рисола Бухоро ва унинг атрофида яшаган кўп уламолар тўғрисида қисқача, қимматли маълумот беради, деб умид қиласиз. Бу маълумотлар XII асрда яшаб сермаҳсул ҳазина қолдирган Ислом оламида машҳур Имом Абдулкарим ас-Самъонийнинг «Ал-Ансоб» китобидан таржима қилинди. Бу киши кўп мамлакатларда бўлиб, Ўрта Осиё ва Бухорода ўз кўрган-эшигларини тўплаб катта бир қимматли асар яратганлар. Оллоҳ үл кишидан рози бўлсин.

Абдулғаффор Рассоқ,

Ўзбекистон мусулмонлари идорасининг Бухоро вилоятидаги вакили,
Мир Араб мадрасаси мударриси, «Масжиди Калон» жоме масжиди имом-хатиби.

АБУ САИД ИБН ИСМАТ АЛ-БОБОНИЙ хадис олимларидан бўлиб, 326(939) ҳижрий йилнинг шаввот ойида вафот этганлар.

Ал-Бухорий — Бухоро Мовароуннахрнинг маълум, машҳур шаҳарларидан. Бу ердан жуда кўп мумтоз таъриф ва тавсифи тилни ожиз қолдирадиган олимлар, фозиллар, муфассирлар, мухаддислар этишиб чиқкан.

Бу шаҳар (Бухоро) олимлари тўғрисида Абу Абдулло Аҳмад ибн Мухаммад ибн Сулаймон ал-Фунжор ал-Хофиз ал-Бухорий бир тарих китоб битмишлар. Бу китоб «Тарихи Хожа Фунжорий» номи или машҳурдир, бу кишидек бирор киши мундоқ кимматли китоб ёзмагандир. Абу Абдулло Мухаммад ибн Исмоил ибн Иброҳим ибн Муғира ал-Бухорийнинг номлари Фарбу Шарқда машҳурким, «Саҳиҳул Бухорий» китобини тасниф этишишлар.

АБУЛФАЗЛ АБДУРАҲМОН ИБН МУҲАММАД ИБН ҲАМДУН ИБН БУХОРО АЛ-БУХОРИЙ — Нишопурда яшаган олимлардан. Амир Абу-Валид билан сұхбатдош эдилар, ул киши Абулфазл учун имл сұхбати ва мунозараларини ташкил қиласр эди. Мабоди Амир Абу Валидга бирор мушкул масала воқеъ бўлса, дарҳол Мухаммад ибн Ҳамдунг мурожаат этар эдилар. Абулфазл вафотларидан олдин ожиз бўлиб қолдилар, рутубат касалига муттало бўлиб, эшитмайдиган бўлдилар. Зийн шул ахволда бўлиб, 381(992) ҳижрий йилнинг жумодул-аввал ойида вафот этганлар. Оталари Абу Мухаммад ибн Ҳамдун қозилик ва адолат раиси эдилар, кўп улуғ уламолар шул зотдан таълим олибдурлар. 348(960) ҳижрий йилнинг Рамазон ойида 92 ёшларида вафот этганлар.

Ал-Бадокорий — Бадокор Бухоро қишлоқларидан. АБУ ЖАҲФАР РИЗВОН ИБН САЛИМ АЛ-БАДОКОРИЙ шул қишлоқдан бўлиб, Абу Ҳавфси Кабирдан таълим олмишлар.

Ал-Бадиҳуний — Бадиҳун Бухоро қишлоқларидан. Бухородан 4 фарсах узоклиқда Муғон қишлоғига яқин жойлашган. Муҳаддислар ила кадимда машҳур эди, ҳозирда ханафий мазхабининг уламолари илиа машҳурдир. АБУ ИБРОҲИМ ИСМОИЛ АЛ-БАДИҲУНИЙ Абул Фазл Пайкандийнинг шогирдлариридир. Абдулазизи Нахшабий шул кишининг шогирдлариридур.

Ал-Барокадий — Барокад Бухоро қишлоқларидан. АБУ АББОС ФАЗЛ ИБН МУҲАММАД АЛ-БУХОРИЙ шул қишлоқдан дандурлар.

Ал-Барроний — Баррон Бухородан 5 фарсах узоклиқдаги қишлоқдур. АБУ БАКР МУҲАММАД ИБН ИСМОИЛ АЛ-БАРРОНИЙ Абу Фазл Қоғозий ва Абул Бадрдан дарс олганлар. Абу Бакр факих ишончи, Амин уламолардан. Абу Комил Басирий «Музоҳот» китобидан шундай ёзганлар: У кишининг ўғиллари Абу Маолий солих илмига амал қилувчи олимлардан, Маккада неча муддат яшадилар, кўп кишилар бу кишининг илмларидан фойдаланганлар. Бу кишининг ўғиллари Абу Фазл ибн Бакрни ўғилларидурлар, лакаблари Нажиб (покиза)дур. Факих, фозил ва солих эдилар. Панж қишлоғида улардан дарс олганман, адид шоир эдилар. Яна адид АБУ НАСР БАРРОНИЙ шул қишлоқдан дандурлар.

Ал-Барсаҳий — Барсаҳон Бухоро қишлоқларидан, шаҳардан 2 фарсах узоклиқдадур. АБУ БАКР МАНСУР АЛ-БАРСАҲИЙ шул қишлоқдан бўлиб, Абу Комил Басирийнинг устозлариридан дандурлар.

Ал-Барғаҳший — Барғаҳш Бухоро қишлоқларидан. АБУ ХОТАМ ФАРИНОМ ИБН ЖАМОҲИР АЛ-БАРҒАҲШИЙ ул қишлоқдан бўлиб, Абдуллоҳ Сипадумийнинг шайхлариридан дандурлар.

Ал-Барқадий — Барқад Бухоро қишлоқларидан. АБУ ЖАҲФАР МУҲАММАД ИБН АҲМАД АЛ-БАРҚАДИЙ қозилик вазифасида ишлаганлар. Бухоро ва Самарқанд уламоларидан таълим олганлар. Султон Исмоил Сомоний замонларида 283(997) ҳижрий йилнинг зул-хижжа ойида вафот этганлар.

ЖАНОҲ ИБН АБДУЛЛО БАРҚАДИЙ — Исойи Фижорийнинг шогирдлариридан, ўғиллари эса заҳҳоқ ибн Жаноҳ Барқадийдур.

Ал-Баскосий — Баскос Бухоро қишлоқларидан. АБУ АҲМАД НАБҲОИ ИБН ИСҲОҚ бўлиб, у ернинг олислариридан таълим олибдурлар. 310(923) ҳижрий йилнинг мухаррам ойида вафот этганлар.

Ал-Баскайрий — Баскайр Бухоро қишлоқларидан. АБУ МУТАҲҲАР ИБН АЛИ АЛ-БАСКОЙРИЙ фозил, олим, адабда тенги йўқ зот эдилар. Ҳижоз, Ҳуросон, Ироқда бўлиб ул ердаги олимлардан таълим олиб, уларнинг таҳсинига лойик бўлдилар.

АБУ АҲМАД НАБҲОН ИБН ИСҲОҚ АЛ-БАСКОЙРИЙИР факих, зоҳид. Шом, Миср ва бошқа диёrlарда бўлиб у ердаги уламолардан таълим олган зотдиirlар, вафотлари 320(933) ҳижрий йилнинг мухаррам ойида воқеъ бўлибдурлар.

Ал-Бальъамий — Вазир АБУЛ ФАЗЛ БАЛЪАМИЙ Исмоил ибн Аҳмад Сомонийнинг вазири эдилар. Ўз замонасининг оқил, доно, олим ва буюк давлат арбоби эдилар. Ўша замондаги олимлар, фозиллар ул киши ҳимоясида эдилар. Жуда кўп олимлардан дарс олган зот эдилар, бу киши тўғрисида алоҳида китоблар ёзилганлар. 329(942) ҳижрий йилнинг 10 сафар ойида вафот этдилар. Ул киши Бухоро ахлидан бўлиб, авлодлари ҳозиргача Бухорода яшаб келмоқдалар (муаллиф Саъмоний). Тарихи табирийни биринчи бўлиб форс тилига таржима қилганлар.

Ал-Бамижкетий — Бамижкет Бухоро қишлоқларидан. АБУ ҲАСАН АЛИ ИБН ҲУСАЙН АЛ-БАМИЖКАТИЙ адид, шоир шул қишлоқнинг имом ҳатиби эдилар. Ҳожа Фунжорийнинг устозлариридан. 386(979) ҳижрий йилнинг иди рамазон ойида кечасида вафот этдилар.

АБУ ЖАМОЛ ИБОД ИБН ХИШОМ АЛ-БАМИЖКАТИЙ — шу қишлоқда яшар эдилар. Масжидда муazzинлик қиласр эдилар. Ўз қишлоқларида 279(990) ҳижрий йилнинг рамазон ойида вафот этдилар. Қиши фаслининг бозор куни эди, жанозаларида сон-саноқсиз кишилар ҳозир бўлдилар.

Ал-Байдарий — Байдара Бухоро қишлоқларидан. АБУЛ ҲАСАН МУҚОТИЛ ИБН САИД АЛ-БАЙДАРИЙ, Абу Ҳафси кабирининг шогирдлариридан.

Ал-Бирмаси — Бирмас (ҳозирги Вобкент туманинаги Пермас қишлоғи). Бухоро қишлоқлариридан. АБУ МУҲАММАД ҲАМД ИБН АМР БУХОРИЙ АЛ-БИРМАСИЙ. Устозлари Муҳаммад ибн Иброҳим Бухорийдан таълим олибдурлар. Ул зот Абу Иброҳим Нух ибн Сиддик Бухорийга таълим берганлар.

Ал-Бифориний — Бифорин Бухоро қишлоқларидан. АБУ ИМРОН МУСО ИБН АФЛАХ АЛ-БИФОРИНИЙ БУХОРИЙ узок умр кўрган уламолардан. Имом Бухорийнинг замонларида бўлиб ул зотнинг устозларида таълим олмишлар. 291(905) ҳижрий йилнинг жумодил-соний ойида вафот этганлар.

Ал-БАЙКАНДИЙ — Байканд (хозирги Қоракўл туманидаги Пайкент) Мовароуннахр шаҳарларидан. Бухородан бир манзил узоқлида чиройли катта шаҳар, жуда кўп олимлар етишиб чиқсан жой. Хозирги вактда ҳаробага айланган (муаллиф). Шахидлар кабрини зиёрати учун бордим. Айтадиларки, З мингта работи бор эди. У ердаги ҳароба тепаликларни кўрдим. АБУ АХМАД ИБН ЮСУФ АЛ-БАЙКАНДИЙ, АБУ ЗИКРИЁ ЯХЪЁ ИБН ЖАҲФАР БАЙКАНДИЙ, АБУ АБДУЛЛО МУҲАММАД ИБН САЛОМ БАЙКАНДИЙ Фикиҳ, ҳадис илмининг ишончли олимидурлар, мазкур қишилар имом Бухорийнинг устозларида. Муҳаммад ибн Салом якшанба куни сафар ойида 225(841) ҳижрий йилда вафот этганлар. Авлодлари АБУ КАСИР МУҲАММАДДУР. МУҲАММАД ИБН ЖАҲФАР АЛ-БАЙКАНДИЙ, АБУ ФАЗЛ АХМАД ИБН АЛИ БАЙКАНДИЙ ҳофизлардан эдилар (юз минг ҳадисни ёддан билар эдилар). Ироқ, Шом, Мисрда бўлган зот. 400 дан ортиқ қичик китоблар ёзибдурлар. Ҳар хафтада бир рисола битиб Бухородаги жомеъ масжида ривоят қиласр эдилар. Абу Амир Усмон ибн Али ал-Байкандий имом солиҳ ишончли олимидурлар. Бухорода 460(1069) ҳижрий йилда туғилганлар. Мен бу қишидан кўп ҳадислар эшигтанман (муаллиф). 552(1158) ҳижрий йилнинг шаввол ойида вафот этганлар. АБУ ЖАҲФАР МУҲАММАД ИБН АХМАД БАЙКАНДИЙ, АБУ ЯХЪЁ АХМАД ИБН ЮНУС АЛ-БАЙКАНДИЙ Байканда хатиб эдилар, 372(983) ҳижрий йилда Байканда вафот этдилар.

Ат-Тодезий — Тодеза (хозирги Тодари Вобкент туманида) Бухоро қишлоқларидан. АБУ АЛИ ҲАСАН ИБН ЗАҲХО ТОДЕЗИЙ АЛ-БУХОРИЙ Бухоро ахлидан. 326(939) ҳижрий йилнинг шаърон ойида вафот этганлар.

Ат-Тарохий — Тарохи Бухоро қишлоқларидан. АБУ АБДУЛЛО ИБН МУҲАММАД ИБН МУСО АТ-ТАРОХИЙ АЛ-БУХОРИЙ уламолардан. 350(962) ҳижрий йилнинг зул-хижжа ойининг охирида вафот этганлар, 1 муҳаррам кунида дағн қилинди.

Ат-Тариқотий — АБУ ҚОСИМ АЛИ ИБН АХМАД АТ-ТАРИҚОТИЙ БУХОРИЙ (таракачи — меросни таксимлаб берувчи бўлгани учун Тариқотий дейилган). Султон ҳузурида хизматда бўлганлар. Балхда 409(1019) ҳижрий йилда вафот этганлар.

Ат-Турнавозий — Турнавоз Бухоро қишлоқларидан. АБУ ҲОМИД ИБН ИСО АТ-ТУРНАВОЗИЙ шул қишлоқлардан адиг ва шоир эдилар.

Ат-Тункатий — Тункат (Шош, Тошкент қишлоқларининг номи) АБУ ЖАҲФАР ҲАЛИМ ИБН УМР АЛ-БУХОРИЙ АТ-ТУНКАТИЙ Бухоро ахлидан бўлиб, шул қишлоқда яшаганлар. Имом Бухорийдан ривоят килганлар. 313(926) ҳижрий йилда вафот этганлар.

Ас-Собитий — АБУ НАСР АХМАД ИБН АБДУЛЛО АЛ-БУХОРИЙ АС-СОБИТИЙ Бухоролик бўлиб, Бағдодда яшаганлар. Фақиҳ дарси билан машғул эдилар. То вафотларига қадар фатво соҳиби эдилар. Мансур жомеъсида дарс берар эдилар. 447(1056) ҳижрий йилнинг ражаб ойида вафот этганлар. Бағдоднинг Тобул-Ҳарб дарвозасидаги қабристонда дағн этилганлар.

Ал-Жожаний — Жожан Бухоро қишлоқларидан. АБУ НАСР АХМАД ИБН МУҲАММАД АЛ-ЖОЖАНИЙ Бухоронинг Дарбул Ҳадид (темир дарвоза) маҳалласидаги имом Абу Бакр ибн Фазл мадрасасида дарс берганлар. Бухоро, Ҳижоз, Ироқ олимидурлар таълим олганлар.

АБУ АКИЛ ҲАМЗА ИБН МУҲАММАД АЛ-ДАҲХОН Жожаний шул қишлоқданурлар. Абу Комил Басрийнинг устозларида.

Ал-Жоварсоний — АБУ ЖАҲФАР МУҲАММАД ИБН БАКР ЖОВАРСОНИЙ Бухорода яшаган олимидурлардан. Заҳид, тақвадор, доим ибодат билан машғул бўлганлар. Қўзлари ожиз эди, аммо юз мингдан кўп ҳадисни ёддан билар эдилар. АҲАД ИБН МУҲАММАД ВА ИСҲОҚ ИБН АХМАД БУХОРИйлар шул зотнинг шогирдларида. Бу зот 258(873) ҳижрий йил Омулда (Чоржўй) вафот этганлар.

Ал-Жубуний — пишлоқ тайёрлаб сотганлари учун жубуний (тахаллус) деб аташган. Бухоронинг машҳур олимидурлардан яна битталари АБУ ИБРОХИМ ИСҲОҚ ИБН МУҲАММАД Бухоронинг жомеъ масжида имом хатиблик мартабасида эдилар. Бу улуғ олим Бухорода жума куни 395(1006) ҳижрий йилнинг зул-каъда ойида вафот этганлар.

Ал-Жикорий — Бухоронинг Нурота ноҳиясидаги Сикор қишлоғи. АБУ-МУСАЙЯБ СОЛИҲ ИБН МУҲАММАД ЖИЖОРИЙДУРЛАР.

Ал-Жадидий — Бухоронинг янги кўчаси жадид (янги) дейилган. бу маҳалладан АБУ АБДУЛЛОХ МУҲАММАД ИБН АБДОН АЛ-БУХОРИЙ АЛ-ЖАДИДИЙ имом Бухорийнинг шогирдларида.

Ал-Жаннокий — АБУ ҲАФС УМАР ИБН ҲАЛФ АЛ-ЖАННОЖИЙ АЛ-БУХОРИЙ Бухоро ахлидан бўлиб, Абу Наср Гулободийдан таълим олганлар. Жаноҷ — Бухоронинг обод қишлоқларидан бири.

АБУ НАСР АХМАД ИБН ФАЗЛ АЛ-ЖАНДИЙ — Абу Наср ибн Абу Исҳоқ Қалободийнинг сафдошлидиран, тафсир ва ҳадис илмида мумтоз (пешқадам эдилар) турки Жандиј мозорлари Бухорода машҳурдир, ҳозир ҳам сакланган).

Ал-Жуволиций — АБУ ИСМАТ АХМАД ИБН МУҲАММАД ЖУВОЛИЦИЙ БУХОРИЙ Ҳожа Фунжорининг устозларида. 372(983) ҳижрий йилнинг шрабиъ ул-аввал ойида вафот этганлар.

АБУ ИБРОХИМ ИСМОИЛ ИБН МУҲАММАД АЛ-ФАКИҲ АЛ-ЖЎЙБОРИЙ АЛ-БУХОРИЙ Насафда 320(933) ҳижрий йилда вафот этганлар.

Ал-Жизоҳиштый — Жизоҳишт Бухоро қишлоқларидан. АБУ МУСЛИМ УМАР ИБН АЛИ БУХОРИЙ ЛАЙСИЙ АЛ-ЖИЗОҲИШТИЙ шу қишлоқда таваллуд топганлар. Ҳадис илмининг ҳофизларида бири эдилар. Ҳурсон, Ироқ, Жибол, Ахвозда бўлиб, ул ердаги олимидурлар таълим олдилар. Бухорода Абдул Карим Қалободий (Гулбодий) ва бошқалардан таълим олдилар. Имом Бухорий ва Имом Муслим саҳиҳлари ўртасидаги ҳадисларни тўпладилар. Бу тўплам 40 машраса бўлди (1 машраса 1 жилда яқиндор). Ахвозда 466(1076) ҳижрий йилда вафот этдилар.

Ал-Хозимий — АБУ НАСР АҲМАД ИБН МУҲАММАД АЛ-МУАЗЗИН АЛ-БУХОРИЙ ХОЗИМИЙ Бағдодда бўлиб, ул ерда ҳадиси шариғдан дарс бердилар. 289(900) хижрий йилда таваллуд топғанлар ва 373(984) хижрий йил мұхаррам ойида вафот этганлар. Ҳозимий Ислом Сомонийнинг вазири Абу Али Балъамийнинг надими ва Бухоро машойихларидан эдилар. 372(983) хижрий йил ҳаж сафарини ирода қилиб, Нишопурга келдилар ва ул кишидан илми усульні ёзил олдилар ва бу йўлда мазкур санада вафот эдилар.

Ал-Ҳассоб — МУҲАММАД ИБН ИБРОҲИМ АЛ-ҲАССОБ АЛ-БУХОРИЙ ФАРОИЗИЙ хисоб илмига ва мукаддартотга (алгебра) моҳир эдилар. 338(950) хижрий йил зул-каъда ойида вафот этдилар. Бу ривоят Бухоро тарихида битилмишдур.

Ал-Ҳалвой — Ҳалво сотиб ул иш билан тириклик қылганлари учун Ҳалвойи дейилган. АБУ МУҲАММАД АБДУЛАЗИЗ ИБН МУҲАММАД АЛ-ҲАЛВОЙИ лақаблари Шамсул-аимма (имомлар қуёши) эди. Бухоро ахлидан бўлиб, ўз замоналарининг пешвоси эдилар. Ҳожа Фунжорий ва бошқа замонлардаги олимлардан таълим олибдурлар. Шамсул-аимма Заранжий (зарангари) номини олган зот, ул зотнинг охирги шогирларидандурлар. 449(1058) хижрий йилда Кешда (Шахрисабз) вафот этдилар. Бухорога олиб келиб Калобод (Гулобод)га дағн өтилганлар ва мен ул зотнинг қабрларини зиёрат этдим (муаллиф Саъмоний).

Ал-Ҳосса — амир АБУЛ ҲАСАН ФОИК ИБН АБДУЛЛО АР-РУМИЙ АЛ-ҲОССА АМИР МАНСУР ИБН НҮҲ Ҳурсон амирининг хос кишиларидан бўлгани учун шундай аталган. Ҳурсоннинг 40 дан ортиқ шаҳарларида валийлик вазифасида ишлаган. Илм ахлини хурмат қылганлар. Ўзлари ҳам илмга роғиб ва хайр ишларни кўп қылганлар. Бухоро ва бошқа шаҳарлардаги олимлардан таълим олиб, ўзлари дарс ҳам берар эдилар. Ҳожа Фунжорий ҳам шул кишидан таълим олганлар. Бухорода 389(1000) хижрий йил рамазон ойида вафот этганлар.

Ал-Ҳужодий — Бухоронинг катта ва обод кишлекларидан. АБУ АЛИ МУҲАММАД ИБН АЛИ АЛ-ҲУЖОДИЙ ниҳоятда ишончли, фахмли зот эдилар. 417(1025) хижрий йилда таваллуд топғанлар. Аҳад ибн Али Устоз ва бошқалардан таълим олмишлар.

Ал-Ҳудобозий — Ҳуҳобоз, Бухоро кишлекларидан бўлиб, шаҳардан 5 фарсах узоқда ва бу кишлекларнинг ҳўжасидур. Бу кишлекдан кўп уламолар чиқмишлар. АБУ ИСҲОҚ ИБРОҲИМ ИБН ҲАМЗА АЛ-ҲУДОБОЗИЙ имом фозил, солих, тақвodor, илмга амал қилувчи олимлардан. 500(1107) хижрий йилда Басрада бўлиб, Бодиялардан Маккага ўтдилар ва ўғиллари Абул Макорим Ҳамза билан бирга Мадинада яшадилар. 501(1108) хижрий йилда вафот этдилар. Абул Макорим Ҳамза Ҳурсонга қайтиб Мовароуннаҳрдә бўлиб, яна Ҳурсонга бордилар. Ул ердаги олимлардан таълим олиб катта мартабаларга эришдилар. Ахлоқли, ибодатли, Қуръон тиловати ила машғул эдилар ва Бухорода ул кишидан ҳадислар эшишиб таълим олдим (муаллиф Саъмоний), 486(1094) хижрий йилда Бухорода туғилганлар.

Ал-Ҳудиманканий — Кармана кишлекларидан. Карманадан 2 фарсах узоқликда. Бу ерда Жомеъ масжиди ва минбарлари бордир. ҲАТИБ АБУ НАСР АҲМАД ИБН АБУ БАКР АЛ-ҲУДИМАНКАНИЙ имом Баркудий Саҳихал ал-Бухорийни Ҳудиманканада Фарапийдан ривоят қилмишлар ва ул кишида боболаридан колган «Саҳихул Бухорий» китобни кўриб зиёрат қилдим (Муаллиф).

АЛ-ҲОРАЖАРИЙ — Ҳоражари (ҳозирги Қоражери) Бухоронинг Фаровези улё (юкори фаровез)га якин кишлекdir. Бухородан I фарсаҳдур. Бу ердан кўп олимлар чиқмишлар, ҳаммалари Абу Ҳафси Кабирнинг шогирларидандурлар.

Ал-Ҳародиний — Ҳародин Бухоро кишлекларидан. АБУ МУСО ҲОРУН ИБН АҲМАД АЛ-ҲАРОДИНИЙ Бухоро ахлидан, 343(955) хижрий йилда раббий-ул аввал ойида Бухорода вафот этганлар.

Ал-Ҳарьонкатий — Ҳарьонкат Бухоро кишлекларидан. АБУ БАКР МУҲАММАД ИБН ХИЗР АЛ-ҲАРЬОНКАТИЙ Ҳурсон, Ироқ ва Бухоро олимларидан таълим олган зот. Ҳожа Фунжорий бу кишидан таълим олганлар. Ҳарьонката 857(969) хижрий йил ражаб ойида вафот этганлар.

Ал-Ҳурмитаний — Ҳурмитан Бухоро кишлекларидан. АБУЛ ФАЗЛ ДОВУД ИБН ЖАҲФАР АЛ-ҲУРМИТАНИЙ Бухоро ахлиданур.

Ал-Ҳасравоний — Ҳасравон (ҳозирги Қўсравон) Бухоро кишлекларидан. АБУ АЛО' МУҲАММАД ИБН АҲМАД ҲАСРАВОНИЙ БУХОРИЙ СИДИҚ (ишончли) ахлидан. 480(1088) хижрий йилда вафот этганлар.

Ал-Ҳумхисрий — Ҳумхисри Бухоро кишлекларидан бирининг номи. АБУ САҲЛ АҲМАД ИБН МУҲАММАД АЛ-ҲУМХИСРИЙ Бухоронинг Рев дарвозаси жойлашган Рев маҳалласидандур. Бу киши тўғрисида Абу Комил ал-Басрий «Китобул Музоҳтода» ёзмишлар.

Ал-Ҳугоматий — Ҳумонат Бухоро кишлекларидан. АБУ СОЛИХ АТ-ТАЙИБ ИБН МУҚОТИЛ АЛ-ҲУНОМАТИЙ Бухоро ахлидан Абу Ҳафси Кабирдан ривоят этмишлар.

Ал-Ҳанбожий — АБУЛ ҲАСАН АЛИ ИБН АҲМАД. Бухоро ахлидан бўлиб, кўп уламолардан таълим олиб, кўп шогирлар чиқармишлар.

Ал-Ҳанбий — АБУ БАКР МУҲАММАД ИБН АҲМАД АЛ-ҲАНБИЙ отаси бухоролик бўлиб Бағдода туғилган. Ҳадис илмига моҳир эдилар. Бухорога қайтиб то вафотига қадар яшадилар. Кўп ҳадис ривоят қиласи эдилар. 350(962) хижрий йилда Бағдодда туғилганлар.

Ал-Ҳунбуний — Ҳунбун (ҳозирги Жондор туманидаги Ҳумин кишлоги). Бухородан 4 фарсах узоқликдаги кишлок. Ҳурсон чўли этагидаги бу кишлокда бир неча кун тунадим (муаллиф). АБУЛ ҚОСИЛ ИБН ҲАМЗА АЛ-ҲУНБИЙ илми ҳадис учун кўп сафарларда бўлдилар. Ниҳоятда солих, ишончли, ҳадисни яхши тушунар эдилар. Абдул Карим Гулободийдан ва бошқалардан таълим олганлар. Ҳатиб Бағдодий «Бағдод тарихи»да ёзадиларким Восил ибн Ҳамза Бухородинур ва ҳадислари ниҳоятда кўп ва яхшидур. 467(1076) хижрий йилда ўз кишлогида вафот этганлар. Яна ўшал қишлодан Абу Ражо Аҳмад ибн Довуд Ҳунбунийдурлар. Ҳожа Фунжорийнинг айтишларича ул киши юкори ҳунбундандурлар.

Ал-Ҳунжий — АБУ ҲАФС ҮМАР ИБН АБДУЛ ҲОРИС СУҒДИЙ БУХОРИЙ. Басрада яшаб Бағдодда дарс бердилар. 250(865) хижрий йилда Бағдодда вафот этдилар.

АЛ-ХАЙЁМ — АБУ СОЛИХ ХАЛФ ИБН МУХАММАД АЛ-ХАЙЁМ Бухорий кўп ҳадисни ёддан билар эдилар. Шундок бўлса ҳам ҳадис иммини билиш учун сафар қиласр эдилар. Бухорода 361(972) хижрий йилда 86 ёшда вафот этганлар. Ҳожа Фунжорий ҳам шу кишининг шогирдлари-данурлар.

Ал-Даҳфандуний — Даҳфандун Бухоро қишлоқларидан. АБУ ИБРОҲИМ АБДУЛЛО ИБН ҲАНЖАЛ АЛ-ДАҲФАНДУНИЙ Имом Бухорийнинг Бухородаги устозларидан таълим олганлар. 273(887) хижрий йилда туғилганлар. Абу Абдулло Муҳаммад ибн Исҳоқ ал-Даҳфандуний 371(972) хижрий йилда вафот этганлар.

Ал-Дувайдий — АБУ БАКР МУҲАММАД ИБН САҲЛ АЛ-ДУВАЙДИЙ АЛ-БУХОРИЙ бани тамим қабиласининг мавлонларидан ва асли Бухоро аҳлиданур, ўз замонасининг олимларидан таълим олиб кўп шогирдлар чиқармишлар. 251(866) хижрий йил шаъбон ойида вафот этишилар.

Ал-Даймасий — Даймас Бухоро қишлоқларидан (хозирги Демас қишлоғи) Бухородан З фарсаҳдур. АЛ-ҲАҚИМ ОХИР ИБН МУҲАММАД АЛ-ДАЙМАСИЙ БУХОРИЙ 430(1039) хижрий йилда вафот этганлар.

Аз-Зарий — АБУ МУҲАММАД АБДУЛЛО ИБН МУҲАММАД Бухорода яшаган, асли Райдинур. Ҳожа Фунжорийнинг устозлариурлар. 374(985) хижрий йил, сафар ойида Бухорода вафот этганлар.

Аз-Зирий — ЗИР ИБН АБДУЛЛО АСЛИ КУФАДАНДУРЛАР. Қутайба ибн Муслим билан келиб Бухорода яшаганлар. Абу ФАВОРИС НАСАФИЙ шул зот авлодидандурлар. Абу Фаворис 366(977) йилда Насафа вафот этидилар.

Зандармисаний — АБУ АМР МАЪБУД ИБН АМР АЛ-ЗАНДАРМИСАНИЙ БУХОРИЙ. Зандармисан Бухоро қишлоқлариданур. Ўғиллари ўз оталари Ҳамдондин дарс олмишлар.

Аз-Занданий — Зандана Бухоро қишлоқлариданур. Занданича деган мато билан машхурдир. Бухородан 4 фарсаҳдур. Шу қишлоқдан ФОРИМ ЗАНДАНИЙ Ҳамдон Форимни отасидур. Бу хонадон илим аҳллари билан машхурдир. АБУ ИСҲОҚ ИБРОҲИМ ИБН АЛ-ЗАНДАНИЙ ҚАРОБИСИ (Карбосбўз билан савдо қылганлар) шул қишлоқдандур. Абу Содик Аҳмад ибн Ҳусайн Занданий шу мавзенинг имом хатибидир. Бухоро олимларидан таълим олмишлар. Бизнинг устозларимиз шул зотдан ривоят қўлимишлар (муаллиф), вафотлари 493(1001) хижрий йил, Абу Жаъфар Муҳаммад ибн Саид Бухорий Занданадир, шогирдлари Муҳаммад ибн Ҳалим Бухорий айтадиларки, ул зот 320(933) хижрий йил рамазон ойида вафот этидилар. Абу Ҳомид Аҳмад ибн Мусо ҳам Занданинурлар.

Зандий — Занд Бухоро қишлоқлариданур. АБУ БАКР МУҲАММАД ИБН АҲМАД БУХОРИЙ ЗАНДИЙ Бухоро аҳлидан бўлиб, Ҳотам ибн Аҳмад Пайкандийнинг шогирдлариданур. Ул зотдан Ҳожа Фунжорий таълим олмишлар. «Занд» асли зардуштийларнинг муқаддас китобидир. Зиндиқ калимасига нисбат берилган. Бу ном Моний ибн Фотик учун берилган нисбаттур. Баҳром ибн Ҳурмуз замонида яшаган, олдинги китобларни ўқиб билган киши эди, аммо мажусий эди. Ӯзининг номини дунёда қолдириш учун бир дин пайдо қилди, бир китоб жам қилди ва унга «Собирконий» деб атади ва бу зардуштнинг «Занд» китоби деб ном олди. Занд сўзи «Тафсир» деган маънодир ва улар бу китобни «Мусхиф моний» дер эдилар.

Аз-Зуший — Бухоро қишлоқларидан (хозирги Жўш Нурота яқинидаги қишлоқдур) ва Нур қаласи яқинида, АБУ БАКР МУҲАММАД ИБН АБУС-САЙИР СУРМОРИЙ АЗ-ЗУШИЙ, АН-НУРИЙ, АБУ ҲАФС УМАР НАСАФИЙ шул зот шогирдлариурлар.

Аз-Зайнаний — АҲМАД ВОЛИС ИБН АБДУШУКУР ИБН ЗАЙНИ БУХОРИЙ, аз-Зайнаний Бухоро аҳлидан 201(816) йилда туғилганлар. Ўғиллари АБУЛ ФАЗЛ УБАЙДУЛЛОДУР. Ўзлари Муҳаммад ибн Салом Пайкандийдан таълим олмишлар. Имом Бухорий замонида яшаганлар. Ниҳоятда шиҷали эдилар, турклар билан урушда Ҳуқанча деган жойда 272(886) хижрий йил шаввол ойида шаҳид бўлганлар. Бу жой Фароб ва Пайканд ўртасида жойлашган (Ҳуқанча — ҳозирги Дўқончи деган қишлоқ).

Ас-Сиборий — Бухоро қишлоқларидан. Сабири, Исборий ва Сибори деб атади. АБУ МУҲАММАД АБДУМАЛИК ИБН АБДУРАҲМОН СИБОРИЙ Бухоро аҳлиданур. Ҳожа Фунжорийнинг «Тарихи Бухоро» китобини ривоят этишилар. Имом Зарангариш шул зотдан таълим олмишлар.

Ас-Сибадмуний — Бухородан ярим фарсаҳда жойлашган қишлоқ (хозирги 5-нохия яқинидаги Сафед-мўй қишлоғи) АБУ МУҲАММАД ИБН ЯЪҚУБ КАЛОБОДИЙ ФАҚИХ СИБАДМУНИЙ 258 хижрий йилда рабиъ-ул-соний ойида таваллуд топганлар. «Устоз» номи билан машхурдирлар. Ҳадисни жуда кўп билар эдилар. Устоз деб атамишлари Султон Исмоил Сомонийнинг фақиҳи, доруссалтаннатнинг олими эдилар. Ҳурсон, Ирок, Ҳижозда бўлиб жуда кўп олимлардан таълим олдилар. Муҳаммад ибн Язид Калободийдан ва бошқалардан таълим олмишлар. Вафотлари 340(952) хижрий йилнинг шаввол ойидир. АБУ СОЛИХ МАЪРУФ ИБН МАНСУР СИБАДМУНИЙ олдин ўтган олимлардан. Ул зот Ирок, Шом, Ҳижозда бўлиб, улуғ олимлардан таълим олганлар. АБУ БАКР АҲМАД ИБН АСАД СИБАДМУНИЙ Абдулло ибн Абу Ҳафсдан таълим олғондурлар.

Ас-Субизуғкий — Сибузугук Бухоро қишлоқларидан. МУҲАММАД ИБН ХОТАМ СУБИЗУҒУКИЙ имом Абу Ҳафс Кабири Бухорийдан ва бошқа олимлардан таълим олдилар.

Ас-Сабирий — Сабири Бухоро қишлоқлариданур. АБУ ҲАФС УМАР ИБН ҲАФС САБИРИЙ 294(908) хижрий йил сафар ойида вафот этганлар.

Ас-Сутиғағний — Сутиғағни (хозирги Сўғидеҳқон) Бухоро қишлоқлариданур. АБУ ИСҲОҚ ИБРОҲИМ ИБН УЖАЙФ СУТИҒАҒНИЙ, Муҳаммад ибн Абдулло Бамижкатийдан таълим олдилар. Абу Солих ал-Хайём Бухорий шул зотдан таълим олдилар. 313(926) хижрий йил рамазон ойида вафот этганлар.

Ас-Сутиқаний — Сутикан (хозирги Сўғидеҳқон) Бухоро қишлоқларидан. АБУ ЗАҲҲОК АЛ-ФАЗЛ ИБН ҲАССОН СУТИҚАНИЙ Бухоро аҳлиданур. Абу Ҳафси Кабири Бухорий, Муҳаммад ибн Салом ва бошқалардан таълим олганлар.

Ас-Сикорий — Бухородан 20 фарсан узоқликдаги Нур қишлоғи (хозирги Нурота, Жидор деб

аталган) АБУ ШУАЙБ СОЛИХ ИБН МУЖАММАД СИЖОРИЙ улуғ шайх солиҳ, зоҳид, фозил эдилар. 404(1014) ҳижрий йилда Бухорода вафот этгандар.

Ас-Сардарий — Сардари Бухоро қишлоқларидан. (Рометан туманида) Бу ердан улуғ олимлар жамоаси этишиб чиқмешлар. АБУ УБАЙДА УСОМА ИБН МУХАММАД АС-САРДАРИЙ БУХОРИЙ. Абу Сайд Идриси Ҳофиз айтадиларки 357(968) ҳижрий йилда ул зотдан бизлар китоб ёзил олдик. Бухорода вафот этгандар.

Ас-Сурморий — Сурмор Бухородан 3 фарсах узокликдаги қишлоқдур. АБУ АХМАД ФОЛИБ ИБН ШУ'БА АС-СУРМОРИЙ БУХОРИЙ шул қишлоқдандур. Жуда кўп уламолардан таълим олиб дурлар, тексиз шогирдлари бор эди. Машхур шижаотли имом Баҳодур Абу Исҳоқ Аҳмад ибн Исҳоқ ас-Сурморий зоҳид, ўз замонасининг ҳақгўй шижаотли қозилиаридан эди. Илмда бу киши билан бирор киши тенг кела олмас эди. Бу киши тўғрисида ёзилган қиссалар ниҳоятда кенг тарқалган эди. Беҳисоб уламолардан таълим олган эдилар. Имом Бухорийнинг устозларидан биридирилар.

Фарзандлари Абу Савфон Исҳоқ ибн Аҳмад ўз оталаридан ривоят этишилар. Ул кишининг шижаотли тўғрисида «Бухоро тарихи» китобида уч варақ битик борлигини таъкидлайди. 242(857) ҳижрий йил раббиъ-ус-соний ойида вафот этибдурлар, мен ул кишининг қабрларини зиёрат қилдим (муаллиф «Самъоний»). Абу Савфон Исҳоқ фарзандларини ёшлигидан бошлаб ўзлари билан бирга олиб юрганлар. Сафарларда юксак даражадаги олимлар билан сұхбатда бўлганлар. Фарзандларини юксак даражадаги илим соҳиби бўлишларини тарафдор бўлганлар. Имом Бухорийнинг шайхларидан Маккий ибн Иброҳим ва бошқалардан таълим олганлар.

Абу Савфон айтадиларки, Жабалда бир Шайх ҳадис ривоят қиласр эди. Бир киши чиқиб, Бухорода бир олим чиқибдур, ул кишини Аҳмад ибн Ҳафс демишлар, ул киши муржия тоифасидан, шунда мен ҳам ул кишининг шогирдиман, деганимда мен билан тортишида ва мен мунозара да тортишиб, ул кишидан ғолиб бўлдим. Ул зот 276(890) ҳижрий йил рамазон ойида вафот этдилар.

АБУ ТАЛХА МАНСУР ИБН САЛИМ АС-СУРМОРИЙ ҳам Абу Сафвоннинг шогирди ул зотнинг шогирди эса АБУ ҲУСАЙН МУХАММАД ИБН НАСР АС-СУРМОРИЙДИР.

Ас-Саъдоний — АБУ БАКР МУХАММАД ИБН АХМАД САЪДОНИЙ БУХОРИЙ. Бухоро қишлоқлариданур. АБУ МАНСУР АТИҚ ИБН АХМАД САЪДОНИЙ ҳам Бухоро аҳлидандур. Бухоро яшаган олимлардан қози Абул Ҳасан Али ибн Ҳумайн Суғдидур. Бу зот имом, олим, фозил, мунозара да илмида тенги йўқ эдилар. Бухорода 461(1069) ҳижрий йилда вафот этишилар.

Ас-Сикичкасий — Сикичкас Бухородан 4 фарсах узокликдаги Самарқанд йўлидаги жарж (чарх) қишлоғи яқинидандур. АБУ ЮСУФ ЯҶҚУБ ИБН ЮСУФ АС-СИКАЧКАСИЙ БУХОРИЙ Ҳожа Фунжорийни устозлариданур.

Ас-Саканий — АБУЛ ҲАСАН АМР ИБН ИСҲОҚ АС-САКАНИЙ АЛ-БУХОРИЙ ўз асрининг ҳадис олими эди. Ул кишининг вафоти илим аҳлига кўп йўқотиш бўлган. Улуғ олимлардан таълим олган зот вафотлари 344(965) ҳижрий йиллар.

Ас-Сулаймоний — АБУЛ ФАЗЛ АХМАД ИБН АЛИ-АЛ-ПАЙКАНДИЙ АС-СУЛАЙМОНИЙ Пайканд аҳлидандурлар. Кўп шаҳарларда бўлиб, кўп ҳадис ёдлаганлари ила машхур эдилар. Ниҳоятда кўп катта ва кичик таснифотлари ила машхур эдилар. Ҳар ҳафтада битта китоб ёзил, Пайканддан Бухорога олиб келиб, масжиди Калонда ўқиб берар эдилар. Бу зот 311(924) ҳижрий йилда туғилиб, 404(1014) ҳижрий йил зул-қаъда ойида Пайкандда вафот этдилар. У кишининг ўғиллари Абу Абдулло ал-Фаъиб ибн Абул Фозил Абул Аббос айтадиларки ўзлари ёзган «Тарих насаф» китобларида 405(1015) ҳижрий йили абул Фазл Насафга келдилар, мен у кишидан жуда кўп баҳра олдим ва у кишидан 2 та ҳадис ва ҳикоялар ёзил олдим. 413(1023) ҳижрий йилда Пайканда вафот этдилар. Аҳмад ибн Қосим ул кишининг неваралари бўладилар, бу киши ҳам кўп олимлардан таълим олганлар. Абу Ҷаъфар Муҳаммад ибн Ҳусайн ас-Сулаймоний Бухорий Имом Абу Саҳлдан Бухорода таълим олганлар.

Ас-Сутхоний — Сутхон Бухоро қишлоқларидан бири. АБУ КАСИР САЙФ ИБН ҲАФС АС-СУТХОНИЙ кўп уламолардан таълим олганлар.

Ас-Сиёзий — (Сиёз — ҳозирги Когон туманидаги Сиёзпоён қишлоғи). АБУ БАКР СИЁЗИЙ, АБУ КОМИЛ БАСИРИЙ ул зотнинг шогирдларирилар.

АБУЛ ҲАСАН АЛИ ИБН ҲУСАЙН АС-СИЁЗИЙ кўп уламолардан таълим олганлар. Абу Аҳмад Ҳомид ибн Мусо Бухорий ас-Сиёзий ва Хабиби куфий Қутайба ибн Муслим билан бирга Бухорага келгандар.

Ас-Симоружий — Симоруж сомонийларнинг кули бўлган, унинг авлодларидан амирлар, фозиллар дунёга келган. АМИР АБУЛ ҲАСАН МУҲАММАД ИБН ИБРОҲИМ АС-СИМОРУЖИЙ НОСИРУДДАВЛА номи билан машхур улуғ фозиллардан эдилар. У кишининг оталари Амир Иброҳим кўп уламолардан таълим олганлар, адиг, олим. Ҳурсоңдан турк шаҳарларигача курган бинолари машҳурдир. Бухорода амирик вазифасида ишлалганлар. 336(948) ҳижрий йил шаввол ойида вафот этгандар. Имом Абу Бакр ибн Ҳузайма бу киши — Иброҳим дин сиёсати билан Амир сиёсатини олиб борувчи эдилар. Аммо Амир Абул Ҳасан у кишидан кўп таълим олганлар, ниҳоятда олим эдилар ҳамда у киши амирлик пайтларида тиллари, қаламлари, қиличлари билан сиёсатни юргизардилар. Сижжостонда ва Нишопурда ўттиз йилдан кўпроқ Султон хизматида бўлдилар. У кишидан фуқаролар рози эдилар, тинч яшадилар. Олимларнинг қалби дунё сирларининг қабри дер эдилар. Улуғ олимлардан Абул Ҳасан Ҳошимий айтадиларки, одил Амир Абул Ҳасан: «Сизларга Оллоҳ таоло, яъни ҳурносонликларга одил амир тақдим қилган». Абул Бакри қафволи Шоший — Амир Абдул Ҳасан бўлмаганида эди ватаним Шошда яшай олмас эдим, — деб айтгандар.

Ас-Шавожий — АБУ ИСҲОҚ ИБРҲИМ ИБН ҲУЖАЙФ АШ-ШАВОЖИЙ Бухоро аҳлидандур. Муҳаммад ибн Абдулло Бамижкитийдан ва бошқалардан таълим олган зот, рамазон ойининг охирида 315(926) ҳижрий йилда вафот этгандар.

Аш-Шарғий — Шарғ (чарх) Бухородан 4 фарсах узоклиқдаги қишлоқ, уни Шарғ деб аташади. Самарқанд йўлидаги бу қишлоқдан кўп олимлар чиққанлар, қадимда ҳам, хозирда ҳам. Имом АБУ БАКР МУҲАММАД ИБН ИБРОХИМ АШ-ШАРҒИЙ Бухоро, Хурросон, Ирок, Ҳижоз ва бошқа шаҳарларда таълим олган зот. АБУ ҲАҚИМ ШАДДОТ АШ-ШАРҒИЙ утишининг ўғиллари Абу Амр олимларданурлар. АБУ СОЛИҲ ШУАЙБ ИБН ЛАЙС АШ-ШАРҒИЙ Самарқандда яшаган зотлардан. Имом Бухорийнинг устозлари Муҳаммад ибн Салом Пайкандий ва бошқа олимлардан таълим олганлар. 272(866) ҳижрий йил ражаб ойида Самарқандда вафот этдилар.

АБУ ҲАСАН АЛИ ИБН ҲАСАН АШ-ШАРҒИЙ Имом Бамижжатийдан таълим олганлар ва Миср, Шом мажойхлари билдишидан ҳадис ёзиб олганлар, вафотлари 323(936) ҳижрий йиллар.

АБУ УСМОН САЙД ИБН СУЛАЙМОН АШ-ШАРҒИЙ улуғ уламолардан 300(913) ҳижрий йилда вафот этдилар. У кишининг оталари Абу Сайд Сулаймон ибн Довуд аш-Шарғий Абу Ҳафси Кабирдан ва Муҳаммад ибн Салом Пайкандийдан таълим олган.

Аш-Шарафдоний — Шарафдон Бухоро қишлоқларидан бири. АБУ МУҲАММАД АБДУЛЛО ИБН МУҲАММАД АШ-ШАРАФДОНИЙ кўп уламолардан таълим олганлар. 346(958) ҳижрий йил рабиъ ул-аввал ойида вафот этдилар. АБУ АБДУЛЛО ИБН ФОЗИЛ АШ-ШАРАФДОНИЙ, Исо ибн Мусо Функорийнинг устозлари. Бухоронинг Ҳашшоби маҳалласидаги Ҳашшобин дарвозасида турар эдилар. У кишидан Бухоро мажойхлари таълим олар эдилар ва дорул мирзо (касалхона) яқинида дағн этилганлар.

АБУ ШИРОН ХОРУН ИБН АШЬАС АШ-ШАРАФДОНИЙ Бухоро уламолариданурлар.

АБДУ СОЛИҲ САЙФ ИБН СОЛИҲ АШ-ШАРАФДОНИЙ улуғ машойхлардан ва зоҳидлардан эдилар. 346(958) ҳижрий йилда вафот этдилар.

Ал-Хушномий — Шаъроний (ҳозирги Ҳушкон қишлоғи Жондор тумани). Зоҳидларидандур ва Бухородандур. Абдулло ибн Муборакдан таълим олмишлар.

АБУЛ ҲАСАН АЛИ ИБН ШУАЙБ БУХОРИЙ имм ахлиданурлар.

АБУЛ ҚОСИМ Шуайб «Ал-Фараҳ» баъдаи шидда» («Қийинчиликлардан кейинги енгиллик») китобининг муаллифи, 3 ўғиллари бор эди, улар ҳам имм ахлидан эдилар.

Аш-Шиконий — Шикон Бухоро қишлоқларидан (Пешкӯ туманинаги Ишкон қишлоғи). АБУ ИСХОҚ ИБРОХИМ ИБН СУЛАЙМОН АШ-ШИКОНИЙ, ўз асрининг пешволоваридан, имом Абул Фазл шогирдларидан, Бухорода имло айтардилар (шеърий рисолалар), 429 (1093) ҳижрий йилда вафот этдилар.

АЛ-ҲАҚИМ АБУ БАКР ИБН МУҲАММАД АШ-ШИКОНИЙ шамсул аимма Ҳалвоийнинг имлоларини ёзар эдилар. Кеш шаҳрида (Шаҳрисабз) 480 ҳижрий йилда вафот этганлар.

АБУЛ МУАЙЯН МУҲАММАД АШ-ШИКОНИЙ Самарқандда қози эдилар ва Кешда 30 йилдан ортиқроқ қозилик қилдилар. 448 (1057) йилда туғилиб, 520 (1127) ҳижрий йил ражаб ойи якшанба куни вафот этганлар.

Аш-Шужой — АБУ ТОҲИР МУҲАММАД ИБН АЛИ АШ-ШИЖОИЙ АЛ-БУХОРИЙ Бухоро олимларидан. 425 (1025) ҳижрий йилда вафот этганлар.

Аш-Шиёний — Шиё — Бухоро қишлоқларидан, 4 фарсах узоклиқдадир. АБУ НАИМ АБДУСАЛОМ ИБН АЛИ АШ-ШИЁИЙ факих, зоҳидлардан ва Сижорийнинг шогирдлариданурлар.

Аш-Ширғошуний — Ширғошун Бухоронинг обод қишлоқларидан, АБУ НАСР МУҲАММАД ИБН АБУ БАКР АБДУЛЛО АШ-ШИРҒОШУНИЙ Хурросон, Ирок сафарларида бўлиб, ул ердаги мажойхлардан дарс олганлар ва жиянлари Абу Аҳмад Муҳаммад ибн Аҳмад аш-Ширғошуний у кишининг шогирдлариданур. Вафотлари 346 (958) ҳижрий йилдадур.

Аш-Шировоний — Шировон Бухоро қишлоқларидан, Бамижжат кат яқинида. АБУ ҚОСИМ БАКР ИБН АМИР АШ-ШИРОВОНИЙ Бухоро ахлиданур. 314 (927) ҳижрий йил рамазон ойида вафот этганлар.

АБУЛ ҲАСАН, МУҲАММАД ИБН НУҲ АШ-ШИРОВОНИЙ шу қишлоқ ахлиданур. Бағдод уламоларидан таълим олганлар.

Ас-Сароний — АБУ ҲАСАН МУҲАММАД ИБН ҲАФС АЛ-ФАРОМОЗИЙ АС-САРОНИЙ Бухоро ахлидан. Хурросон ва Ирокда бўлиб, у ернинг олимларидан таълим олганлар. Шогирдлари АБУ БАКР МУҲАММАД ИБН ФАЗЛ БУХОРИЙ ва набиралари САЙД МУҲАММАД ИБН ҲАСАН ва бошқалардур. 316 (0919) ҳижрий йилда вафот этганлар (сароний — кавушларга темирдан нағал ясовчи).

Ас-Саффор — саффор лақаби мисдан идиш сотгани учун берилган. АБУ НАСР ИСХОҚ ИБН АҲМАД АС-САФОРАЛ БУХОРИЙ Бухоро ахлидан, булар олимлар хонадони. У кишининг авлодларидан кўп кишиларни кўрдим (Самъоний айтганлар), Бухорода бу кишидек олимни кўрмаганман. Ҳам адаб, ҳам шоир эдилар. АБУ НАСР Маккада яшайдилар ва кўп китоб ёзидилар ва илмларини тарқатдилар. Тоиф шаҳрида вафот этдилар. У кишининг ўғиллари АБУ ИБРОХИМ ИСМОИЛ ИБН АБУ НАСР САФФОР ниҳоятда олим, фозил, ҳақгўй эдилар. Бухоро ҳоқони Шамсул Маликка насиҳат қилганлари учун 471 (1070) ҳижрий йилда ул кишини шаҳид қилди. У кишининг ўғиллари АБУ ИСХОҚ ИБРОХИМ ИБН ИСМОИЛ САФФОРИ зоҳид номи или машҳур эдилар. Оталари каби олим, зоҳид, ҳақгўй эдилар. Султон Санжар ул кишини Маврга ўзига маслаҳатчи қилиб олган эди. У кишини Маврда учратдим, лекин сұхбатдош бўла олмадим. Бухорода вафот этдилар. У кишининг ўғиллари АБУ МУҲАММАД ҲОМИД ИБН ИБРОХИМ САФФОР Бухоро жомеъида имом эдилар. Адаб, усулда олим эдилар ва жума куни ўз рисолаларини ўқиб берар эдилар, кишилар ёзиб олар эдилар. Менинг ўғлими Абул Музаффар у кишидан таълим олди (муаллиф).

Аз-Зарманохий — Зарманох Бухородан бир фарсах узоклиқдаги қишлоқ (ҳозирги номи Зармик, Бухоро туманида). АБУ АБДУЛЛО МУҲАММАД ИБН ЮСУФ АЗ-ЗАРМАНОХИЙ Абдул-аввал ва Абу Ҳотом ва Жайхун ибн Абул Ҳасан ал-Фарғонийдан таълим олганлар. Вафотлари 356 (969) ҳижрий йил мухаррамидадур.

Ар-Разманохий — Разманох Бухоро қишлоқларидан бўлиб, ундан бир фарсах узоклиқдадур

(Зарманоҳ ва Разманоҳ худди Ҳасан-Хусанга ўхшаш номдир ва Зарманоҳ бирла яқиндур). АБУ САИД ИБН МУХАММАД АР-РАЗМАНОҲИЙ БУХОРИЙ шу кишлоказандурлар.

Ар-Регадмуний — Регадмун Бухоро кишлоказандурлардан бўлиб, Бухородан 4 фарсах узокликда жойлашган. КОЗИ НОСИР АХМАД ИБН АБДУРАҲМОН АР-РЕГАДМУНИЙ АЛ-БУХОРИЙ шул кишлоказандур, лақаблари кози Жамолдур. Ниҳоятда фозил, оқил, мурувватли киши эдилар. Бухорода қозилик мартабасига эришдилар ва амолийлар (шеърий рисолалар) ёзар эдилар ва шогирдлари уни ёзib олар ва тарқатар эдилар. Ушбу сатрлар муаллифи айтадиларки, мен бул кишини шогирдларини Нишопурда, Балҳда, Шомда ва Марвда кўриб, улардан баҳраманд бўлдим, мен ул зотнинг кўлёзмалари билан танишдим.

Ар-Романий — Романи Бухоро кишлоказандурларидан. Бухородан икки фарсах узокликдаги Хунбун (хозирги Жондор туманинаги Хумин қишлоғи) якинида жойлашган, хозир ҳароб бўлган. АБУ АХМАД ҲАКИМ ИБН ЛУКМОН АР-РОМАНИЙ Абу Абдулло ибн Абу Ҳафсдан таълим олибдурлар.

Ар-Ромитаний — Ромитан Бухоро кишлоказандурларидан, Армитана деб ҳам аталади. АБУ ИБРОҲИМ РАВҲ ИБН МУСТАНИР АР-РОМИТАНИЙ Абу Ҳафзи Кабирдан ривоят этибдурлар. Абу Абдулло Муҳаммад ибн Абу Ҳошим ар-Ромитаний Назр ибн Шумайлдан таълим олибдурлар. Неваралари АБУ АМР АБДУРАҲМОН ИБН АБДУЛЛО боболари ибн Абу Ҳошимдан таълим олиб ривоят килибдурлар.

АБДУЛЛО ҲАЗОҲАЗОИЙ (Хароҳарс қишлоғи Пешкӯ туманида)дан таълим олдилар 414 (1024) ҳижрий йил шаввол ойида таваллуд топган бўлиб, вафотлари 493 (1103) ҳижрий йил рамазон ойида воеъ бўлибдур. Ул зотнинг фарзандлари АБУ БАКР МУХАММАД ИБН АХМАД АР-РЕГАДМУНИЙ ниҳоятда олимни фозил, дину диённати зот эдилар. Бухоронинг масжиди Калонида имом ҳатиб мартабасида эдилар ва кишилар ул зотдан баҳраманд эдилар. Ул зот ўз боболари ва оталари ҳамда Абу Саъд Сулаймон Сарахсийдан таълим олдилар. Шогирдлари ниҳоятда кўпдир. Вафотлари 518 (1025) ҳижрий йил жумудод аввал ойида Бухорода воеъ бўлибдур.

Ар-Ревдий: Ревди Бухоро кишлоказандурларидан бўлиб, АБУ САИД БИШР ИБН ИЛЕС АР-РЕВДИЙ БУХОРИЙ ул кишлоказандурлар. Ҳомид ибн Шабиб ар-Аздиј ва Тайиб ибн Мукотилдан таълим олмисшар.

Ар-Реварсуний: Реварсун Бухоро кишлоказандурларидан бўлиб, ул кишлоказандур АБУ ИСХОҚ ИБРОҲИМ ИБН МУХАММАД АР-РЕВГАРИЙДУРЛАР, тилла ҳарир чачбандлар устаси эдилар. Ҳурсон ва Ироқка сафар қилиб Абу Али Зоҳир фақиҳ Сарахсий ва бошқа уламолардан таълим олдилар. АБДУЛАЗИЗ НАҲШАБИЙ ҮСМОН ФАЗЛИЙ ул зотнинг шогирдларидан дурлар.

Ар-Ревий: Бухоро шаҳрининг маҳаллалариридан. Рев дарвозаси деган дарвоза (хозирги Намозгоҳ дарвозаси) бўлган шунга яқин маҳалла бўлгани учун Рев маҳалласи дейилган. АБУ ИСХОҚ ИБРОҲИМ ИБН АХМАД АР-РЕВИЙ. Ул зот Муҳаммад ибн Мусо, Муҳаммад ибн Абдулло, Абу Солих Ҳалф ибн Муҳаммад ал-Ҳайём ва бошқалардан таълим олганлар. 417 (1027) ҳижрий йил зул-қаъда ойида Бухорода вафот этгандар.

Аз-Забагдувоний: Забагдун Бухоро кишлоказандурларидан бири, бальзи бир кишилар Сабағдувон ҳам дейишади. АБУ МУХАММАД АФЛАҲ ИБН БАССОМ АШ-ШАЙБОНИЙ АЗ-ЗАБАГДУВОНИЙ ахли ҳайдандурлар, дуолари мақбул эрди. Қиънаби ва Муҳаммад ибн Саломдан таълим олган эдилар ва Имом Бухорий ила ҳамасдурлар.

Аз-Зараҳиий: Зараҳ Бухоро кишлоказандурларидан, АБУ ДОВУД СУЛАЙМОН ИБН АЗ-ЗАРАҲШИЙ АЛ-БУХОРИЙ шул кишлоказандурлар. Абу Ҳафси Кабирнинг фарзандлари Абдуллодан таълим олган дурлар. Вафотлари 328 (941) ҳижрий йил. Чеваралари АБУ БАКР МУХАММАД ИБН САИД ҲАЙСАМ ИБН КУЛАЙБ АШ-ШОШИЙДАН таълим олганлар. Вафотлари 397 (1008) ҳижрий йил раЖаб ойида воеъ бўлибдур.

Аз-Заранжарийҳ Заранжари Бухоро кишлоказандурларидан. (Зарангари Гиждувон яқинидаги қишлоқ). АБУ СУЛАЙМОН ДОВУД ИБН ТАҲА АЗ-ЗАРАНЖАРИЙ ул кишлоказандурлар. Муҳаммад ибн Салом Пайкандийнинг шогирдларидан ва имом Бухорий ила ҳам аср зотдурлар. Яна шу мавзудан АБУЛ ФАЗЛ БАКР ИБН МУХАММАД АЗ-ЗАРАГЖИРИЙДУРЛАР. Бу зот ҳанафий мазҳабидаги ривоятларга қараганда ориф билимдон олим эдилар. Фатво ва воеотга ҳамма ул кишига тобеъ эдилар. Узок умр кўрдилар илмни ўз ахлига ўргатдилар, хадис илмида олим ва имлода тенги йўқ зот. Устозлари Шамсул аимма Ҳалвойи, Абу Бақр Муҳаммад ибн Сулаймон Коҳиштувоний (хозирги Қоқишиштубон) Муҳаммад ибн Абдулазиз Ҳазоҳазоийдир. Ўз замонасиининг ягона тенги йўқ олими эдилар, мана шул сатрлар эгаси айтадиларким, ул зот менга ҳамма ёзган ва эшигтан ривоятларига ҳати ижозат ёзib бердилар ва каминани шогирдликка қабул этдилар. Таваллудлари 427 (1097) ҳижрий йил, вафотлари пайшанба куни тонг отарда 19 рабиъ-ул-аввал ойи 512 (1119) ҳижрий йил воеъ бўлибдур. Қабрлари Калобод (Гулобод)дадур ва ул зотнинг қабрларини зиёрат этдим (ас-Самъоний), АБУ ЯҶУБ ЮСУФ ИБН ТАЛҲА ИБН ҚОБУС АЗ-ЗАРАНЖАРИЙ ҳам ўшал кишлоказандурлар.

Ат-Торобиий: Тороб Бухоро кишлоказандурларидан бири Хунбун (Хумин яқинидаги, хозирги Жондор туманида) АБУЛ ФАЗЛ ИБН АШҲАБ АТ-ТОРОБИЙ Торобда яшаганлар. Имом Бухорий билан ҳам аср, Муҳаммад ибн Салом Пайкандийдан таълим олганлар. Вафотлари 265 (879) ҳижрий йилда.

АБУ РАЖАБ АХМАД ИБН ЯҶУБ АЛ-ПАЙКАНДИЙ АТ-ТОРОБИЙ Торобда яшаганлар.

Ат-Турвохий: АБУ ФАЗЛ МУХАММАД ИБН МУХАММАД ТУРВОХИЙ Бухоро яқинидаги кишлоказандур. Турвоҳ 4 фарсах узокликда. Оддий ҳалқ тилида Туров дейилади. Шоғеъий мазҳабининг фақиҳларидан, «усули сиҳоҳ» (саҳиҳ ҳадислар усули) китобининг муаллифи. ЯҶУБ ибн Сүфённинг тафсирларини ривоят қилганлар.

Ат-Тағомий: Тағом Бухоро кишлоказандурларидан бири АБУЛ ҲАСАН АЛИ ИБН ИБРОҲИМ ТАҒОМИЙ, вафотлари 343 (955) ҳижрий йил шаввол ойидир.

Ат-Тусаний: Тусан Бухоро кишлоказандурларидан бири. АБУ ҲАФС ИМРОН ИБН РИЗВОТ АТ-ТУСАНИЙ АЛ-БУХОРИЙ.

Одилий: АБУ ИБРОҲИМ ИСМОИЛ ИБН АХМАД ОДИЛИЙ, Бухоро шаҳридан. Ўз тогалари Абу

Мұхаммад ўз асрининг уламоларидан таълим олганлар. У кишидан АБУ ТУРОБ НАВҚАДИЙ (Ўш яқинидаги катта қышлок) таълим олганлар. У киши Сағониён (Чагониён)га бормоқчи бўлиб кетаётгандан йўлда касал бўлиб, Кеш (Шахрисабз)га қайтиб келиб ўша ерда 409 (1019) хижрий йилда вафот этдилар.

Ал-Абикий: АБУ ИСҲОҚ ИСМОИЛ ИБН УМАР АЛ-АБИКИЙ АЛ-БУХОРИЙ Бухоро ахлидан. У киши Бағдода, Балҳда, Астрободда ва бошқа шаҳарларда бўлиб, у ердаги уламоларан таълим олганлар. Ўзларининг айтишларича «мен 333 (945) хижрий йилда туғилганман», 417 (1027) хижрий йилда вафот этганлар, 82 йил умр кўрганлар. Абу Комил Басирий Бухорий «Музоҳот» номли китобларида «Мен Абикийдан Суфиёни Савирийни «Муснад» китобини оғизларидан ёзиб олганман. Абул Ҳасон Исфаҳонийдан 2 жилдли китобларини ёзиб олганман». Ат-Тобиий: АБУ АБДУРАҲМОН АЛ-ҲАСАН ИБН УСМОН АТ-ТОБИИЙ. Бу киши Абу Убайд ибн Билолдан ривоят қилганлар. Бу кишидан Ҳафс ибн Довуд ривоят қилганлар.

Ал-Ажанасий: (Ажанас) Ота-боболарининг наасабларидан бири АБУ МУҲАММАД АҲМАД Бухоро ахлидан. У киши Ироққа сафар қилиб, Басра, Ҳижоз уламоларидан таълим олдилар. Исфаҳонда ва бошқа шаҳарларда таълим олдилар. 290 (903) хижрий йил шаъбон ойида вафот этдилар. У кишининг неваравлари АБУЛ ҲАСАН АҲМАД ИБН АБДУРАҲМОН ўз боболаридан фикъ, ҳадис имламидан таълим олганлар. Нишопурга бориб таълим олдилар ва ўша ерда йигитлигига вафот этдилар. Ажанасининг ўйлари АБУ АБДУЛЛО АБДУРАҲМОН ИБН АҲМАД АЖАНАСИЙ муаззин эдилар. Бухороли уламолардан дарс олган ва шу билан бирга боғдорчилик, узумчилик билан шугуулганланлар. 364 (976) хижрий йилда Бухорода вафот этдилар. Абул Ҳасан Али ибн Аҳмад ал-Ажанасий Абу Бакр Авданийдан таълим олдилар. Ниҳоятда покиза. Илмда мумтоз, тақвадор ва фозил эдилар. Бодияда, яъни Ҳижозда 395 (1006) хижрий йил зул-ҳижжа ойида вафот этдилар.

Изорий: АБУ БАКР МУҲАММАД ИБН ҲАМИД Бухоро шаҳридан, бу зот факих эдилар, Ўрта Осиёнинг йирик олимларидан таълим олганлар. 383 (976) хижрий йил ражаб ойида вафот этганлар.

Алоий: Алои Бухоронинг кўчаларидан бири. АБУ САЙД АЛ-КОТИБ АЛОИЙ соҳиби ҳарита эдилар. (Бухоро ҳокимининг ҳарита бошлиғи) Бағдод, Ироқ уламоларидан таълим олганлар.

АЛ-ИМОМ ЗОҲИД МУҲАММАД ИБН АБДУРАҲМОН АЛОИЙ Бухоро шаҳрининг воизлариданурлар. Тағсир илмида тенги йўқ эдилар. Фасоҳат бобида ягона. Барча ишлари мақбул эди. Бухоро ахли у киши ҳакида чиройли ривоятлар қиласр эдилар.

АБУ АБДУРАҲМОН МУСИЙЯБ ИБН ИСҲОҚ АЛ-АЛОИЙ Бухоро шаҳридан бўлиб, Ироқнинг улуғ уламоларидан таълим олганлар. Муҳаррам ойининг 15, 229 (844) хижрий йили Бухорода вафот этганлар.

Ал-Фиждувоний: Фиждувон энг катта қышлок бўлиб, Бухородан 6 фарсаҳ узоклиқда бўлган кичик шаҳарча (бозори бўлган жой шаҳар ҳисобланган). АБУ НАСР АҲМАД ИБН ЮСУФ Фиждувоннинг ахлидан бўлиб, тобеинлардан ривоят қилганлар (саҳобаларни кўрганларни тобеинлар дейишсан) Абу Наср ал-Маъруф сийратлари билан, ўзининг поклиги билан машҳур. Боболари АБУ БАКР ФИЖДУВОНИЙ ҳакида ривоят қиласр эдилар.

АБУ САЙД ХОТАМ ИБН НАСР АЛ-МАРВАЗИЙ АЛ-ФИЖДУВОНИЙ. Оталари марвлик бўлиб, ўзлари Фиждувонда туғилганлар. 264 (878) хижрий йил рамазон ойида вафот этганлар.

Ал-Ғазоний: Ғазон Бухоро қишлоқларидан биридири. АҲМАД ИБН ИСҲОҚ АЛ-ҒАЗОНИЙ Комил ас-Басирий билан бирга таълим олганлар.

Ал-Ғузоиши: Лакаблари Кардари бўлиб Кардари Бухоро қишлоқларидан бири (ҳозирги Фиждувондаги Чакдари қишлоғи) АБУ УМАР ҲАФС ИБН УМАР ЗУЗОИШ КАРДАРИЙ, Балҳ, Ҳурсон олимларидан таълим олган. 324 (939) хижрий йил сафар ойида вафот этганлар.

Ал-Ғиштий. Ғиши (ҳозирги Фиждувон туманидаги қишлоқлардан бири, иккинчи номи Ғашитий, икки ном ҳам бир маънени англатади) ИБРОҲИМ МУҲАММАД АЛ-ҒИШТИЙ.

АБУ ҲАМИД МАҲМУД ИБН ЮНУС ҒАШИДИЙ Бухоро уламоларидан.

Ал-Ғунжорий: Бу лақаб АБУ МУҲАММАД ИСО ИБН МУСО АЛ-ҒУНЖОРИЙ машҳур (икки юзлари қип-қизил бўлғанлиги учун Ғунжор деганлар) фозил, олим, содик, обид бўлганлар. Бухоро шаҳридан Ироқ, Ҳижоз, Миср уламоларидан дарс олганлар. Биринчи бўлиб Имом Моликдан таълим олганлар. Имом Бухорийнинг устозлари Муҳаммад ибн Салом Пайкандий бу кишидан таълим олганлар. Бу киши Сараҳо шаҳрида 186 (803) хижрий йилда вафот этганлар.

АБУ АБДУЛЛО МУҲАММАД ИБН АБУ БАКР АЛ-БУХОРИЙ АЛ ВАРОҚ АЛ-ҒУНЖОР лақаблари, яъни Ҳожа Ғунжорий деб атаганлар. Бу киши Исо ибн Мусодан ривоят қиласр эдилар. Лақаблари Ҳофиз эди, яъни қайси киши юз минг ҳадисни ёд билса, уни Ҳофиз деганлар. «Бухоро тарихи» ҳозирги «Тарихи Ҳожа Ғунжорий» номли китоблари бор. Китоби Фарзоили, Саҳобати Арба ва бошқа китобларининг муаллифидир. Марвга бориб, у ердаги уламолардан таълим олганлар. Бухорода 412 (1022) хижрий йилда вафот этганлар. (Мақбаралари Исмоил Сомоний хиёбонининг Фарбий-Жанубий томонидадур).

Ал-Ғишатий: Ғишати Бухоро қишлоқларидан. АБУЛ ИСҲОҚ ИБРОҲИМ ИБН МУҲАММАД АЛ-ҒИШАТИЙ лақаблари Имом билан машҳур, Бухоро ва Марвда таълим олганлар. 346 (958) хижрий йилда вафот этганлар.

АБУЛ ҲАСАН ИБН ТОЛИБ АЛ-ҒИШАТИЙ АБУ ҲАФСИ КАБИРДАН ривоят қиласр эдилар. У кишининг «Китобур-рад фи-ахлил ахво», яъни «Ҳар хил тўйгуларга берилган кишиларга рад китоби» бор. 320 (933) хижрий йилда вафот этганлар.

Ал-Форизий: Фориза маҳалла номи. Бухорода Қасри Фориза деган маҳалла бўлган. Регистондан ташқаридан жойлашган.

АБУ КУТАЙБА ИБН ҲАСАН АЛ-ФОРИЗИЙ.

АБУ БАКР ҲАМИД ИБН УБАЙДУЛЛО АЛ-ФОРИЗИЙ.

Воиз шайхлардан Юсуф ибн Муҳаммад АЛ-ФОРИЗИЙ. Ал-Форизий Бухоронинг Форизак дарвозасидан.

АБУЛ АШЬЯС АБДУЛАЗИЗ ИБН АБУ ХОРИС АН-НИЗОРИЙ АЛ-ФОРИЗИЙ, АБ-БУХОРИЙ АБУЛАЗИЗ АЛ-МАКТАБИЙ бул кишининг шогирлариридур.

Ал-Фоминий: Фомин Бухоро қишлоқларидан бирининг номи. АБУ АХМАД МУҲАММАД ИБН МАРДАК АЛ-ФОМИНИЙ АШ-ШАЙБОНИЙ, АБУ ЖАҲФАР МУСНАДИЙ ВА МУҲАММАД ИБН САЛОМ Пайкандидан дарс олганлар.

Ал-Фараҳший: Фараҳши (Вараҳша қишлоғи) АБУ БАКР МУҲАММАД ИБН ҲАМИД АЛ-ФАРАҲШИЙ Бухоро фуқароларидан. 155 (767) хижрий йил ражаб ойида вафот этгандар. Исо Фунжорийнинг устозлариридан.

АБУ МУСО ИБРОҲИМ ИБН КОСТАН АЛ-ФАРАҲШИЙ Бухоро уламоларидан.

АБУ БАКР МУҲАММАД ИБН ҲОТАМ АЛ-ФАРАҲШИЙ рамазон ойининг 363 (974) хижрий йилида вафот этгандар (100 ёшида ифмор пайтида вафот этгандар).

АЛ-ФАРМОНКИЙ: Бухоро шаҳридан, АБУ МУҲАММАД ИБН ҲУМАЙД ўғиллари. АБУ АБДУЛЛО МУҲАММАД ИБН ФАРМОНКИЙ икковлари ҳижратнинг 2-асрида яшаган уламолардан.

АЛ-ФОШИНИЙ: Фошина Бухоро қишлоқларидан (ҳозирги Лоша яқинидаги Фошун қишлоғи Бухоро туманида).

Абу Закриё: ЯХЁ ИБН ЗАКРИЁ АЛ-ФОШИНИЙ АБУ ҲАФСИ КАБИР БУХОРИЙНИНГ ўғилларидан таълим олганлар.

Ал-Фошидайзажий: ал-Фошидайда Бухоро қишлоқларининг номи. Абу Али ибн Ҳусайн ал-Фошидайзажий ал-Бухорий. Ўз асрининг уламоларидан. Бағдодда яшаганлар. Бухоролик олимлардан таълим олганлар. Бу кишининг жуда кўп шогирлари ва издошлари бўлган. Неваралари АБУ ҲАЙЁН АЛИ ИБН МУҲАММАД бу кишининг шогирларидан бўлганлар. 424 (1094) хижрий йил Бухорода сесанба куни вафот этгандар. Кабрлари Калободда.

Ал-Фазлий: АБУ БАКР ИБН МУҲАММАД ИБН ФАЗЛ БУХОРИЙ у кишининг авлодлариридан АБУ ҲУМАР ҲСМОН ИБРОҲИМ АЛ-БУХОРИЙ АЛ-ФАЗЛИЙ. Солих, покиза сийратлари билан ҳаммани ҳайратда қолдирган зот эдилар. Шогирлари сон-саноқсиз эди. 426 (1036) хижрий йилда туғилган. У кишининг ўғиллари АБУ МУҲАММАД АБДУЛАЗИЗ ИБН ҲСМОН Бухорода қози эдилар. У кишининг қозилик пайтларида ҳамма у кишидан рози эди. 515 (822) хижрий йилда ҳаж сафарида бўлиб қайтгандаридан сўнг, у кишининг ҳажлари тилларда достон бўлган. Бағдод ва Марв уламоларидан таълим олганлар. Мусанинай айтадилар. Мен у киши билан Марвда учрашганман, 533 (1149) йилнинг рабиъ-ул-аввал ойида вафот этгандар. Қозининг амакиларининг неваралари АБУ БАКР МУҲАММАД ИБН МУҲАММАД АЛ-ФАЗЛИЙ АЛ-БУХОРИЙДИР.

Бухоронинг жомеъ масжиди Калонида хатиб эдилар. Покиза, зоҳид эдилар. Юзлари ниҳоятда нурли эди. Мусанинай айтадиларки: Мен у кишидан бир китобни оғзаки ёзиб олдим. У кишининг ёнларида Пайғамбаримизнинг ҳассалари бор эди. У ҳассани ҳар бир келган киши зиёрат қилар эди. Вафотлари 549 (115) хижрий йили Бухоро шаҳрида.

Фағондизий: Фағондиза Бухоро қишлоқларидан бирининг номи. АБУ ИСҲОҚ ИБРОҲИМ ИБН ҲУҲ ФАҒОНДИЗИЙ.

Ал-Фағдирий: Фағдира Бухоро қишлоқларидан бирининг номи. АБУ АҲМАД НАБҲОН ИБН ҲАСАН ФАҒДИРИЙ Ҳожа Фунжорийнинг шогирларириданур.

АБУ ЯҲЁ ЮСУФ ИБН ЯҲҚУБ олимлардан ҳисобланаби 300 (913) хижрий йилнинг рабиъ-ул-аввал ойида Бухорода вафот этгандар.

Ал-Ғагиштий: АБУ АМИР ҲАФС ИБН МАНСУР ИБН ФАҒИШТ боболарининг номлари. Асли пайқандлик бўлиб, бу кишидан МУҲАММАД ИБН САЛОМ Пайкандий таълим олганлар. Муҳаммад ибн Салом Пайкандий тўрт ака-ука бўлиб, ҲАФ ҲАВОЗИН ва ФОЛИБ тўртовлари у кишининг таълимини олганлар. Муҳаммад ибн Салом айтадиларким: «Мен у кишидан тақводорлик, кишилар билан тез киришиб кетадиган ҳусусиятларни ўргандим».

Ал-Ғагитусиний: Бухоро қишлоқларидан. АБУ ИСҲОҚ ИБРОҲИМ ИБН ҲОРУН АЛ-ҒАҒИТУСИНИЙ 303 (916) хижрий йилда вафот этгандар.

АБУЛ ФАЗЛ МУҲАММАД ИБН НАИМ ҒАҒИТУСИНИЙ Ҳожа Фунжорийнинг устозлари. 372 (983) хижрий йилда вафот этгандар.

Фаёзасуний: Фаёзасун Бухоро қишлоқларидан бири. АБУ СОЛИҲ САЛАМА ИБН АН-НАЖИМ АЛФАҶЗАСУНИЙ, АН НАҲВИЙ Бухоро ахлидан. Қақаблари Салмаайхдур.

КУҲАНДЎЗИЙ. Бухоро шаҳрининг ичидағи қичик қалъа, уни ички шаҳар, яъни арабча ал-Мадитадут-Дохила деб юритилган.

АБУ АБДУРАҲМОН МУҲАММАД ИБН ҲОРУН АН-АНСОРИЙ АЛ-КУҲАНДЎЗИЙ Бухоро ахлидан бўлиб, Абдулло ибн Муборак Исо ибн Мусо Фунжорийдан таълим олганлар. Ирок ва Ҳижоз сафарида бўлиб, у ерларда таълим олганлар. Шогирлари САЙД ИБН ЖАНОК ВА АСБОТ ИБН АБСА. Булар бухороликлардир. АБУЛ ҲАСАН ИБН ҲАСАН АЛ-МУАЗЗИН, АЛ-КУҲАНДЎЗИЙ Бухоронинг ички шаҳриданур. Кўп уламолардан таълим олиб, Бухорода 346 (958) хижрий йилнинг жуводил аввал ойида вафот этдилар. АБУ АМР МУҲАММАД ИБН ҲОМИД АЛ-КУҲАНДЎЗИЙ МУАЗЗИН УЛ АБЯЗ (оппоқ Муаззин) лақаби билан машҳурдилар. 369 (980) хижрий йил Абул Ҳасан Наср ибн Аҳмад ибн Исмоил Сомоний озод қилган кулларириданур. Вафотлари 376 (987) хижрий йилдадур.

АЛ-ҚАЛЛОС. Қаллос арабча сўз бўлиб Қалс — арқон демакдир (кемаларга ишлатиладиган арқон). Арқон сотувчилари Қаллос деб аташганлар.

АБУ ИБРОҲИМ ИСҲОҚ ИБН АБДУЛЛО АЛ-ҚАЛЛОС Бухородандурлар. Бухоронинг улуғ уламолариридан Муҳаммад ибн Саломдан таълим олганлар.

Ал-Қоҳиштувоний: Қоҳиштувон (ҳозирги Қоқиштувон Ромитан туманида) Бухоро қишлоқлариридан. Ул ерда работ ҳам бордур. АБУ БАКР МУҲАММАД ИБН СУЛАЙМОН АЛ-ҚОҲИШТУВОНИЙ БУХОРИЙ, имом Заранжарийнинг устозларириданурлар. 449 (1058) йилда вафот этгандар.

Қоканий: Қокан Бухоро қишлоқларириданур (ҳозирги Когон). МУҲАММАД ИБН АЛИ АЛ-ҚОКАНИЙ ул кишининг ўғиллари МУҲАММАД ИБН МУҲАММАД АЛ-ҚОКАНИЙ, булар имом Юсуф ибн Ҳайдар

Хумайсанийдан таълим олганлар. АБУ МУХАММАД АБДУЛЛО ИБН БАКР АЛ-КОКАНИЙ имом Бухорийдан таълим олибдурлар.

Ал-Комди: Комдиқ (хозирги Бухоро туманидаги Кобдун қишлоғи) Бухоро қишлоқларидан. АБУ НАСР МУХАММАД ИБН АХМАД КОМДИДИ БУХОРИЙ оталари Абу Хомид. Комдиий неча вақт Насафда қозилик лавозимида ишлаганлар. Абу Наср 335 (947) ҳижрий йилда туғилиб, 412 (1022) ҳижрий йилда вафот этгандар.

Ал-Кояшканий: Кояшкан Бухоро қишлоқларидан. АБУ АХМАД АЛ-КОСИМ ИБН МУХАММАД АЛ-КОЯШКАНИЙ Бухоро аҳлидан бўлиб, кўп олимлардан таълим олмишлар.

Ал-Кассавий: Касса Бухоро қишлоқлариданур, 4 фарсаҳ узоқликда. АБУ АХМАД АЛ-КАССАВИЙ Абу Бакр Каффон Шошийдан таълим олибдурлар.

Ал-Кассий: АБУ АЛИ ҲУСАЙН ИБН ФОРИС АЛ ФАҚИХ АЛ-КАССИ кўп уламолардан таълим олган зот. 396 (1007) ҳижрий йил зул-қаъда ойида вафот этгандар.

Ал-Карминий: Кармания Мовароуннаҳар шаҳарларидан, Бухородан 15 фарсаҳдур. Араблар келганда бу ернинг хуш ҳаволиги, сувлари кўплигидан Арманияга ўхаш Ка-армания деганлар ва кармана бўлиб қолган.

АБУ АБДУЛЛО МУХАММАД ИБН ЗАВЬ АЛ-КАРМИНИЙ, АБУ ҲОМИД АХМАД ИБН ЛАЙС АЛ-КАРМИНИЙ Абу Абдуллонинг шогирдлариданур, устозлари ёзган китобни ривоят қилганлар. 282 (996) ҳижрий йилда вафот этгандар.

Абу Абдуллонинг бирорадлари АБУ БАКР АХМАД ИБН ЗАВЬ АЛ-КАРМИНИЙ ИМОМ Бухорийнинг кўп устозларидан таълим олганлар ва ул зот ила ҳамаср бўлганлар, аммо бин Махмуд ал-Карминий айтадиларки, тушимда бир варақ қофоз еру осмон ўртасида учиб юрибдур, олиб ўқисам, бу Оллоҳнинг хати. Оллоҳ таоло Аҳмад ибн Завъни дўзах азобидан ҳолос этди, деб ёзилган. Ул зот 265 (879) ҳижрий йил ражаб ойида вафот этгандар.

АЛ-МУСТАНИР ИБН МУХАММАД АЛ-КАРМИНИЙ машҳур мұхадисдурлар.

ИМОМ МУСАЙЯБ ИБН МУХАММАД АЛ-КАРМИНИЙ Бухоро ва Карманада Шофеъий мазҳабининг бошликларидан эдилар. АБУ ТУРОБ АЛИ ТОХИР АЛ КАРМИНИЙ ўз асрининг адаби ва лугатда тенги йўқ зот эдилар. Мен у киши билан Бухорода учрашим ва у кишидан кўп нарсаларни ёзид олдим (муаллиф).

АБУ СУЛАЙМОН МУХАММАД ИБН ЖАБРОИЛ АЛ-КАРМИНИЙ адаб, фозил, ишончли, диндор киши эдилар.

АБУ МУХАММАД СУХАЙБ ИБН ОСИМ АЛ-КАРМИНИЙ Шом, Ироқ томонга сафар қилган эдилар. Бу ернинг уламоларидан таълим олган эдилар.

АБУ БАКР МУХАММАД ИБН АБУ ЖАҲФАР АЛ-КАРМИНИЙ ул зотнинг шогирдларидан факиҳ эдилар.

Ал-Кафисавоний: Ҳозирги Қаҳқашон қишлоғи Бухоро тумани. АБУ ФАЗЛ ҲАМДОН ИБН ЯХЬЁ БУХОРИЙ АЛ-КАФИСАВОНИЙ Бухоро аҳлиданурлар.

Ал-Куфиний: Куфин Бухоро қишлоқларидан ёки Бухородаги маҳалла. АЛ-ҲАҚИМ ИМОМ АБУ МУХАММАД ИБН АБДУЛЛО АЛ-КУФИНИЙ бухоролик факиҳ фозил уламоларданур.

Ал-Калободий: Бухоронинг ўюқри қисмida жойлашган маҳалла (Гулобод). АБУ НАСР АХМАД ИБН МУХАММАД КАЛОБОДИЙ Бухоронинг улуғ уламоларидан юз мингдан кўпроқ ҳадисни ёддан билувчи зотлардан. Саҳихум Бухорийни ёддан билган ва унга шарҳ ёзган зотлардан.

АБУ НАСР КАЛОБОДИЙ 360 (972) ҳижрий йилда таваллуд топғанлар, вафотлари 398 (1008) ҳижрий йил жумодил-аввал ойи шанба кечаси. Мовароуннаҳра қозилик мартабасида эдилар. Абу Ҳафси Каримнинг ўғилларидан таълим олибдурлар, ўғиллари Абул Ҳосим Убайдулло Калободий ўз оталаридан ривоят эшитмишлар, 323 ҳижрий йил ражиб-аввал ойида вафот этгандар.

АБУ САХЛ АБДУЛ КАРИМ ИБН АБДУРАҲМОН КАЛОБОДИЙ БУХОРИЙ улуғ олимларданурлар.

АЛ-МОХИЙ: Моҳ исмли киши мажусийлардан, мусулмон бўлиб, масжид курди, унинг масжидини Моҳ деб атадилар ва унинг ёнида катта маҳалла ва бозор бор эди. Моҳ масжиди дарвозаси деб юритилар эди (ҳозирги Магоки Атторий масжиди). Шул маҳалладан АБУ АМР АХМАД ИБН МУХАММАД АЛ-ХУЗОИЙ АЛ-МОХИЙ «Мен Куръони Каримни Темир дарвоза маҳалласидаги масжидда отамдан таълим олдим», деб ёздиладилар.

АБУ КОМИЛ БАСИРИЙ айтадиларки ул зотнинг ўғиллари АЗ-ЗОХИД АБУ ҲАФС АХМАД ИБН АБУ БАКР АЛ-ХУЗОИЙ АЛ-МОХИЙ «мен ул кишидан Абу Абдулло ибн Абу Ҳафснинг «Китобул иймон» (иймон китоби) деган китобларидан таълим олганман». Ул зот жума куни вафот этдилар ва жомеъ масжидида жанозалари ўқилди. Мен шул масжидда жаноза ўқилишини биринчи марта кўришим.

АБУ МУХАММАД АБ-АБРАД ИБН ҲОМИД ИБН АБДУРАҲМОН ИБН МОҲ АЛ-БУХОРИЙ АЛ-МОХИЙ (масжиди Моҳни қурган кишининг чевараси) Бухоро аҳлидан. Исойи Фунжорийдан ривоят этишишлар.

Ал-Мостиний: Мостин Бухоро қишлоқларидан бўлиб, Катта қишлоқдир, лекин ҳозир ҳароб бўлган. Ҳунбун (Ҳумин) билан Бухоро ўртасида жойлашган. АБУ АБДУЛЛО МУХАММАД ИБН АБДУЛЛО АЛ-МОСТИНИЙ БУХОРИЙ 218 (834) ҳижрий йилда туғилган, 301 (914) ҳижрий йил шаввол ойида вафот этгандар. Шогирдларидан МУХАММАД ИБН УМАР АЛ-МОСТИНИЙ.

АБУ ИСҲОҚ ИБРОХИМ ИБН АХМАД АЛ-МОСТИНИЙ Насафда ҳукumat тепасида эди, кўп уламолардан таълим олган зот. Қўзлари ожиз бўлди. 384 (995) ҳижрий йилда вафот этдилар.

АБУ ҲОМИД АХМАД ИБН МУХАММАД АЛ-МОСТИНИЙ олимларданурлар. 364 (975) ҳижрий йилда вафот этгандар.

Ал-Мажубсатий — Мажубсат Бухоро қишлоқларидан. ТОҲИР ИБН ҲУСАЙН АЛ-ВОИЗ АЛ-МАЖУБСАТИЙ ва ўғиллари АБУ АЛИ шу қишлоқдан. АБУ КОМИЛ БАСИРИЙ ул зотдан таълим олибдурлар.

Ал-Мажбусий: Мажубса Бухоро қишлоқларидан. АБУ АБДУЛЛО МУХАММАД ИБН АБДУЛЛО АЛ-МАЖУБСИЙ шул қишлоқдан. Абу Ҳафси Кабирни ўғилларидан таълим олибдурлар.

Ал-Миждуни: Миждун Бухоро қишлоқларидан. Авом (оддий халқ) Сурдун деб атайди. АБУ МУХАММАД АБДУЛЛО ИБН МУХАММАД АЛ-МИЖДУНИЙ Калободда яшар эдилар. Фозил олимларданур. Муаззин лақаби ила машхурдир. Абдулло Симадмунийнинг шогирдлариандурлар. Хожа Фунжорий шул зотдан ривоят этишилар.

Ал-Махмудий: АБУ МУХАММАД АХМАД ИБН МУХАММАД АЛ-МАХМУДИЙ АЛ-МУАДДИЛ АЛ-БУХОРИЙ Бухоро аҳлидан бўлиб, 374 (985) хижрий йилда вафот этганлар.

АБУ ЗАКАРИЁ ЯХЬЁ ИБН ЯХЬЁ АЛ-БУХОРИЙ АЛ-МАХМУДИЙ Бухоро аҳлидан бўлиб Хурросон, Ироқ ва бошка минтақаларда бўлиб, ул маконнинг машойихларидан таълим олмишлар.

АБУ АБДУЛЛО АЛ-ҲАҚИМ АЛ-ҲОФИЗ улуг мухадис ҳам шул зот шогирдлариандурлар деб ёзганлар. Вафтлари Бухорода 384 (995) хижрий йил сафар ойида воқеъ бўлимиш.

Ал-Мадиний: АБУ АБДУЛЛО МУХАММАД ИБН АБУ БАКР АЛ-МАДИНИЙ АЛ-БАЗДАВИЙ СОЛИХ, тақвадор, доимо рӯзадор, кечалари таҳажҷуд намозини тарқ этмаган зотдурлар. Юсуф Ҳамадонийга доимо сұхбатдош бўлган зот ва биродарлари АБУ ҲАФС УМАР ИБН АБУ БАКР АЛ-МАДИНИЙ АС-СОБУНИЙ ниҳоятда саҳиҳ машойихларданурлар. Бухорода ул зотдан таълим олдим (муаллиф).

АБУ АҲМАД МАҲМУД ИБН АБУ БАКР АС-СОБУНИЙ АЛ-МАДАНИЙ солиҳ шайхлардан, кўп хайрли зот эдилар. Мен ул кишининг ҳовлисида Бухорода таълим олдим (муаллиф), таваллуди 485 (1093) хижрий йилда.

Ал-Мизёмақкятий: Мизёмажқат Кармина қишлоқларидан. АБУ МУХАММАД ЖАҲФАР ИБН МУХАММАД АЛ-МИЗЁМАЖҚАТИЙ ишончли зотлардан. Имом Бухорийга дўст эдилар. Даббусия қаъясига 257 (872) хижрий йилда келдилар ва ул зотдан кишилар ҳадислар таълимини олдилар. 360 (972) хижрий йилда вафот этдилар.

Ал-Музёнқалий: Музёнкан Бухоро қишлоқларидан. АБУ ХИЗР ИЛЁС ИБН ҲАФС АЛ-МУЗЁНКАНИЙ БУХОРИЙ кўп уламолардан таълим олган зотлар.

Ал-Маробитий: АБУ ИСҲОҚ ИБРОҲИМ ИБН АБУ БАКР АЛ-МАРОБИТИЙ АЛ-БУХОРИЙ Бухоро аҳлидан, имом Бухорийнинг ҳамаср сафдошларидан.

Ал-Марожилий: АҲМАД ИБН ҲУСАЙН АЛ-МАРОЖИЛИЙ Бухоро аҳлидан.

Ал-Мубзибоний: Мурзібон Бухоро қишлоқларидан. АБУ ҲАФС АҲМАД ИБН ФАЗЛ АЛ-МУРЗИБОНИЙ имом Бухорийдан олдин ўтган уламолардан. Исо Фунжорийнинг шогирдлариандан. 143 (853) хижрий йилда вафот этганлар.

Ал-Марғабуний: Марғабун Бухоро қишлоқларидан. АБУ ҲАФС АМР ИБН МУҒИРА АЛ-МАРҒАБУНИЙ Бамижкатда дарс бердилар (Бамижкат Фиждувонийнинг тавовис қишлоғига яқин қишлоқ). АБУ АБДУЛЛО МУХАММАД ИБН АҲМАД АЛ-МАРҒАБУНИЙ АЛ-БУХОРИЙ ва ФАЗЛ АЛ-МУРЗИБОНИЙ иккилиари кўп олимлардан таълим олибдурлар ва кўп шогирдлар чиқармишлар.

Ал-Марзанқаний: Марзанқан Бухоро қишлоқларидан. АБУ АБДУЛЛО МУХАММАД ИБН ҲАСАН АЛ-МАРЗАНКАНИЙ АЛ-БУХОРИЙ кўп уламолардан таълим олиб шогирдлар чиқармишлар. АБУ БАКР МУХАММАД ИБН ҲАФС БУХОРИЙ шул кишининг шогирдлариандурлар. 329 (942) хижрий йилда вафот этганлар.

Ал-Муснадий: «АБУ ЖАҲФАР АБДУЛЛО ИБН МУҲАММАД АЛ-МУСНАДИЙ БУХОРИЙ доимо ҳадисни санадини ривоят қилювчилиари ҳужжат билан талаб қылганлари учун муснадий лақаби билан машхур бўлдилар. Ўз замонасасининг машхур олимларидан таълим олиб, Имом Бухорийдек зотга ҳадисдан таълим берган зотдурлар. У кишининг боболари Имом Бухорийнинг боболари озод қилган кул бўлганлар. 229 (845) хижрий йил зул-қаъда ойида вафот этганлар. Қабрлари Чашмаи Айюб мозорининг иҷидадур.

Ал-Муаббир: АБУ УБАЙДУЛЛО МУҲАММАД ИБН АС-САРРИЙ АЛ-МУАББИР ал-Бухорий Бухоро олимлариандурлар. МУҲАММАД ИБН МУСО АЛ-МУАББИР АЛ-БУХОРИЙ ХАЙЁМ Бухорийнинг устоzlариандурлар.

Ал-Муғконий: Муғкон Бухоро қишлоқларидан. Бу қишлоқ қадимда ва ҳозир жуда кўп уламолар маскани бўлган. Камина (муаллиф) АБУ ҲАСАН АЛИ ИБН МУҲАММАД АЛ-ЖУВАЙНИЙДАН бориб бир неча ҳадислардан баҳраманд бўлдим.

АБУ ГОЛИБ ЗОҲИР ИБН АБДУЛЛО АЛ-МУҒКОНИЙ чиройли, тўғри, ишончли ҳадисларни ривоят қилювчи олимлардан. Ул зот тафсир, ҳадис ва бошка илмлардан мумтоз эдилар. 321 (993) хижрий йилда вафот этдилар. АБУ АЛИ ИСМОИЛ ИБН ИМРОН АЛ-МУҒКОНИЙ факиҳ, фозил, олим, ориф, лугат илмиди олим эдилар. 380 (991) хижрий йилда вафот этдилар.

АБУЛ ҲАСАН ИБН АЛ-МУҒКОНИЙ олимларданурлар 412 (1022) хижрий йилда вафот этганлар.

Ал-Мигий: Миг Бухоро қишлоқларидан (Ромитан тумани) АБУ МУҲАММАД АБДУЛ ИБН МУҲАММАД АЛ-БУХОРИЙ АЛ-МИГИЙ Ҳанафий мазҳабининг улуг олимларидан фатвода мумтоз тақвадор, ўз замонасида ул кишига тенг олим топилмас эди. 378 (989) хижрий йил жумодил-аввал ойида вафот этганлар.

Абдулмажид АЛ-МИГИЙ АБУ КОМИЛ БАСИРИЙНИНГ шайхлариандурлар.

Ал-нахлий: Нахл Бухоро қишлоқларидан. МАНИҲ ИБН САЙФ БУХОРИЙ АН-НАХЛИЙ Имом Бухорийнинг ҳамма Бухородаги устоzlаридан таълим олган зот. 264 (878) хижрий йилда вафот этганлар. Ул зотнинг фарзандлари АБУ АБДУРАҲМОН ИБН АБДУЛЛО АН-НАХЛИЙ ўз замонасасининг улуг олимларидан таълим олиб, кўп шогирдлар чиқармишлар. 317 (930) хижрий йил мухаррам ойида вафот этганлар.

АБУ ЯҲКУБ ЙОСУФ ИБН АҲМАД АН-НАХЛИЙ Бухорода таълим олган олимлардан. 440 (1049) йилда туғилган. 530 (1137) хижрий йилда Андхўйда вафот этганлар.

Ан-Наршахий: Наршах Бухоро қишлоқларидан бўлиб, Вобкентнинг яқинида жойлашган. АБУ НАСР МУҲАММАД ИБН АҲМАД АН-НАРШАХИЙ олим, фозил эдилар. Абу Комил Басирийнинг оталиши шул кишидан таълим олибдурлар.

АБУ АБДУЛЛО МУҲАММАД ИБН ҲАМДОН АН-НАРШАХИЙ Бухоро аҳлиданурлар. АБУ БАКР МУҲАММАД ИБН ЖАҲФАР АН-НАРШАХИЙ ҳам Бухоро аҳлидан. 280 (896) хижрий йил

туғилған. 348 (960) ҳижрий йил сафар ойида вафот этгандар (Бухоро тарихи китобининг муаллифи).

Ан-Нақбуний: Нақбун (Фурбун Бухоро туманидаги қишлоқ Нақбун деб аталади) Бухоро қишлоқларидан бири.

АБУЛ АББОС ЖАҲФАР ИБН МУҲАММАД АН-НАҚБУНИЙ Холид ибн Ҳафс Пайкандийдан таълим олган Ҳожа Фунжорийнинг устозларидан, 374 (985) ҳижрий йил 1-рамазон кунида вафот этгандар.

АБУ ЗАРИЁ ИБН ЖАҲФАР АЛ-ПАЙКАНДИЙ АН-НАҚБУНИЙ Пайканд ахлидан бўлиб, тафсир, савм (рўза), салот (намоз), маносиқ (ҳаж), байъ (савдо) тўғрисида китоблар ёзмишлар. Ирок, Ҳижозда бўлиб, энг улуғ олимлардан таълим олдилар ва имом Бухорий шул зотдан кўп ривоятлар килимишлар.

Ан-Навжободий: Навжобод Бухоро қишлоқларидан бири. АБУЛ МАҲОСИН МУҲАММАД ИБН АБУ НАСР ИБРОХИМ АН-НАВЖОБОДИЙ АЛ-БУХОРИЙ Ҳирот, Самарқандда бўлиб, ул жойдан кўп шогирдлар чиқармишлар, 470 ҳижрий йилда вафот этгандар.

Ан-Нурий: Нур Бухоро ва Самарқанд ўртасидаги кичик шахарчадур. Тоғ ёнида кўп мозорлари бордур, кишилар кўп зиёратга борурлар. АЛИ ИБН МУСТИДА АН-НУРИЙ АБУ ШУАЙБ СОЛИХ ИБН МУҲАММАД СИЖЖОРИЙ АН-НУРИЙ (Сижжор ва Нур ўртасидаги масофа бир фарсаҳдур).

АЛ-ҲАҚИМ АБУ НАСР АҲМАД ИБН ЖАҲФАР АН-НУРИЙ ул зот ўғиллари АЛ-ҲАҚИМ МУҲАММАД ИБН АҲМАД АН-НУРИЙ АБУ АЛИ ҲАСАН ИБН АЛИ ҚОЗИ НУРИЙ 451 (1060) ҳижрий йилда туғилған. 518 (1125) ҳижрий йил жумодил аввал ойида вафот этгандар.

АБУ МУСО ИМРОН ИБН АБДУЛЛО АН-НУРИЙ АЛ-ХОФИЗ (юз мингдан ортиқ ҳадис ёддан билган) Абу Ҳафси Кабир ва Мухаммад ибн Салом Пайкандийнинг устозларидан дурлар.

АБУ МУҚОТИЛ АҲАД ИБН МУҲАММАД АН-НУРИЙ Бухоро уламоларидан таълим олганлар ва ул киши шеърий рисола амолийлар айтиб турганлар ва шогирдлари ёзиб олганлар, 417 (1027) ҳижрий йил ражаб ойида вафот этгандар.

АБУЛ ҲАСАН МУҲАММАД ИБН МУҲАММАД ИБН МУҲАММАД АН-НУРИЙ улуғ машойихлардан. Юзларидан нур турванини тургани учун Нурий деб лақаб берилгандур (шул зот шарафларига Нурова деб аталган).

АЛ-ҲУСАЙН АҲМАД ИБН МУҲАММАД АН-НУРИЙ АБУЛ ҚОСИМ УБАЙДУЛЛО ИБН МУҲАММАДДАН — НУРИЙ 380 (991) ҳижрий йил раббиул-аввал ойида вафот этгандар.

Ан-Навозбодий: Навозбод Бухоро қишлоқларидан. АБУ АБДУЛЛО МУҲАММАД ИБН САИД АН-НАВОЗБОДИЙ 321 (934) ҳижрий йил муҳаррам ойида вафот этгандар.

АБУ НАСР АҲМАД ИБН МУҲАММАД НАЁЗКАНИЙ АЛ-КАРМИНИЙ имом Бухорийнинг «ал-Адаб ал-Муфшид» (ягона одоб) китобларини ривоят қилган зотлардан. Карминада 379 (990) ҳижрий йилда вафот этгандар.

Ал-Варзоний: Варзона (Варгонзе Шоғиркон туманида) Бухоро қишлоқларидан. АБУ САИД ХУМОИ ИБН ИДРИС АЛ-ВАРЗОНИЙ. АБУЛ ҲАСАН МУҲАММАД ФАТХ АЛ-ВАРЗОНИЙ Бухоро ахлидан дурлар. АБУ АБДУЛЛО МУҲАММАД ИБН ҲАСАН АЛ-ВАРЗОНИЙ 333 (945) ҳижрий йилда вафот этгандар. Ал-Варкулий: Варкуд Кармина қишлоқларидан. АБУ АҲМАД ИБН МУҲАММАД АЛ-ВАРКУДИЙ АЛ-КАРМИНИЙ имом Бухорийнинг «Саҳихул Бухорий» китобларини Мухаммад ибн Юсуф Фарабийдан ривоят қилимишлар.

Ал-Варқий: Варқ Бухоро қишлоқларидан (ҳозирги Ҳўжа Барги, Когон туманида) бўлиб, Насаф йўлида Бухородан 2 фарсах узоқликдаги қишлоқдур. Бу жойдан кўп олимлар чиқармишлар. Шулардан АБУ БАКР МУҲАММАД ИБН БАКР АЛ-ВАРҚИЙ солиҳ ва фозил машойихлардан эдилар. Кўп олим ва фозил шогирдлари бордур, 380 (991) ҳижрий йил раббиус-аввал ойида вафот этдилар.

АБУ ИСҲОК ИБРОХИМ ИБН МАНСУР АЛ-ВАРҚИЙ АБУЛ ЛАЙС ШОҚИР ИБН ҲАМДВАЙХ АЛ-ВАРҚИЙ АБУ СУЛАЙМОН ДОВУД ИБН ҲАСАН АЛ-ВАРҚИЙ зулхижжа ойининг охирида вафот этгандар 305 (918) ҳижрий йил.

АБУ МУҲАММАД АБДУЛ ВОҲИД ИБН АБДУРАҲМОН АЛ-ВАРҚИЙ фақиҳ, олим, зоҳид, узок умр кўрган олимлардан. 130 ёнда вафот этдилар. Ул зотдан кўп олимлар таълим олар эдилар. 495 (1003) ҳижрий йилда вафот этдилар, қабрлари Варқ қишлоғида, кўп фарзанд қолдирилар. Қабрларини бориб зиёрат қилдим (муаллиф).

Ал-Вазвиний: Вазвин Бухоро қишлоқларидан. АБУ МУҲАММАД ҲОЖИБ, ЗОҲИД АЛ-ВАЗВИНИЙ ўғиллари ИДРИС ИБН ҲОЖИБ, оталаридан таълим олибдурлар.

Ал-Вануғфогий: Вануғфаг Бухоро қишлоқларидан Тавовис қишлоғи ёнида. АБУ АМР ҲАМЗА ИБН ҮНАЙФ АЛ-ВАНУҒФОГИЙ АЛ-БУХОРИЙ Маккада ҳаж қилиб бўлганидан сўнг зулхижжа ойининг охирида 288 (902) ҳижрий йилда вафот этдилар.

Ал-Вануғфахий: Вануғфах (ҳозирги Ромитан тумани Нуғаж қишлоғи) Бухоро қишлоқларидан.

АБУ ХУРРА АБДУЛЛО ИБН ОФИЯ АЛ-ВАНУҒФАХИЙ АЛ-БУХОРИЙ кўп олимлардан таълим олиб, кўп шогирдлар чиқармишлар. 280 (844) ҳижрий йилда вафот этгандар.

Ал-Вибайдий: Вибайдий Бухоро қишлоқларидан. АБУ ЮСУФ ЯҶУБ ИБН ИСҲОҚ АЛ-ВИБАВДИЙ шул қишлоқдан бўлиб 375 (986) ҳижрий йилда вафот этгандар.

Ал-Ясорагий: АБУ АБДУЛЛО МУҲАММАД ИБН ХУАЙФ ЯСОРАГИЙ БУХОРОнинг Бамижкат қишлоғидан. Кўп олимлар, шу жумладан АБУ АБДУЛЛО МУҲАММАД ИБН АБУ ҲАФСдан таълим олибдурлар.

Ал-Юҳашуний: Юҳашун Бухоро қишлоқларидан (ҳозирги Юрун қишлоғи Бухоро тумани) АЛ ҚОЗИ АБУ НАСР АҲМАД ИБН МУҲАММАД ЮҲАШУНИЙ Кифада қози эдилар. Фақиҳ, фозил, олим эдилар. Абдулазиз Нахшабий шул зотнинг шогирдларидан дурлар. 438 (1047) ҳижрий йилда вафот этгандар.

АБУ БАКР МУҲАММАД ИБН ХОТАМ АЛ-ЮҲАШУНИЙ МУҲАММАД ИБН ЮСУФ Фарабийдан Саҳихул Бухорийни ривоят этибдурлар. 381 (992) ҳижрий йилда вафот этгандар.

МУНДАРИЖА

БУ КУННИНГ ГАПИ

Курбон Мұхаммадризо. Наъфинг агар халқа бешак эрур. 3

НАЗМ

Усмон Азим. Кичкириклар ва сукунатлар	6
Юсуф Жумаев. Кошингдай етәйми қароқларингга.	33
Олимжон Бўриев. Берар баҳт жавобин ҳар саволимга	34
Одил Хотамов. Юрагимни ойга бергайман	36
Умид Абдуазимова. Дилемда яшар хур нафассан	38
Ҳамид Норқул. Шу Ватаннинг томирисан.	56
Кувондиқ Сиддик. Ҳижрон чўғларига дилимни кўмдим	58

НАСР

Шойим Бўтаев. Бир кунлик мемон. <i>Кисса</i>	11
Тўлкин Хайит. Ҳаловат. <i>Кисса</i>	40
Кудрат Дўстмуҳаммад. Карвон. <i>Ҳикоя</i>	62
Асад Дилмурод. Фано даштидаги қуш. <i>Роман</i>	76

БУЛОҚ КЎЗ ОЧДИ

Акмал Икромов. Гулдек нурга чўмилдим 60

АЛИШЕР НАВОЙЙ ТАВАЛЛУДИННИНГ 560 ЙИЛЛИГИГА

Исмат Санаев. «Умид қанот багишлайди» 64

ЖАХОН АДАБИЁТИ ДУРДОНАЛАРИ

Ҳомер. Одиссея 66

ДАФТАРЛАРДА ҚОЛГАН САТРЛАР

Тилак Жўра. Соҳиllар саргайиб йўлим сўради 112

АДАБИЙ ТАНҚИД

Муҳайд Ҳамирова. Руҳиятдаги инқилоб	114
Шавкат Ҳасанов. Ишқ таважжухи	117
Салимаҳон Мирзаева. Оқиллар айирар сўзнинг фарқини	130
Сабоат Ўрунова. Қаҳрамон — оддий фуқароми ёки	133

ЁДНОМА

Турсунбой Адашбоев. Тоғларга термулиб қолган хаёл 119

САНЪАТ

Ҳамидулла Акбаров. Наби Фаниев суюнган ҳақиқат 135

МЕРОС ВА ҚАДРИЯТ

Абдулкарим ас-Самъоний. «Ал-Ансоб» 143

Безовчи' рассом Р. Кўнгирова

* Муаллифлар фикри таҳририят фикри деб қабул қилинmasин. Таҳририятга келган бир босма табоққача бўлган материаллар муаллифларга кайтарилмайди. * Таҳририят ўз тавсиясига кўра амалга оширилган таржима асарларини қабул қиласди. * Ойнома матбаасига оид нуқсонлар (саҳифалар, етишмаслиги, чалкаш босилгани) бўйича ушбу ташкилотга мурожаат килинг: Тошкент-29, Буюк Турон кўчаси, 41. «Шарқ» нашриёт-матбаа акциядорлик компанияси босмахонаси. * Обунага монеълик кўрсатилган ёки ойнома ўз вақтида етиб бормаган тақдирда Тошкент — 700000, Амир Темур тор кўчаси, 2. Жумхурият матбуот тарқатиши марказига мурожаат киласиз.

Теришга берилди 15.01.2001 й. Босишига руҳсат этилди 2.02.2001 й. Қоғоз формати 70x1081/16. Офсет босма усулида 2-көғозга босилди. Босма табоги 10. Шартли босма табоги 14. Шартли-рангли босма табоги 14,7. Нашриёт хисоб табоги 15,4. Адади 2700 нусха. Буюртма № 1006.

ЧАКАНА САВДОДА БАҲОСИ КЕЛИШИЛГАН НАРХДА
«Шарқ» нашриёт-матбаа акциядорлик компанияси босмахонаси,
700029, Тошкент шаҳри, Буюк Турон кўчаси, 41.

СИЗГА ХИЗМАТ – БУРЧИМИЗ

«Биз билан ҳамкорлигингиз хотиржамлигингизга гаровдир!» — дейди «Темирийлаудит» маслаҳат фирмаси директори Шермат Бегматов.

Республикамиз мустақиллик йўлига қадам кўйгач, барча соҳаларда ислоҳотлар амалга оширила бошлади. Жумладан, бозор иқтисодиёти шароитида тадбиркорликнинг асоси бўлмиш молия, назорат ва тафтиш соҳаларида ҳам. Шермат Бегматов бошқараётган аудиторлик маслаҳат фирмаси фаолияти бунга яқол мисолдир.

...1973 йил Тошкент ҳалқ ҳўжалиги институтини битирган Шермат Бегматов Тошкент чарм-мўйначилик заводида иқтисодчи-муҳандис бўлиб беш йил ишлади. Айни шу ерда ишлаб юрганида аспирантурага киради. Илмий иши мавзуси — темирийўл соҳасидаги ишли-хизматчиларнинг иш ҳақларини режалаштириш эди. Шу сабаб бўлди-ю, у темирийўлчилик касбига меҳр кўйди.

— Темирийўлдаги илк фаолиятимни катта тафтишилиқдан бошлаганман. У ерда 1987 йилгача ишладим, — дейди Шермат ака ўша даврларни эслаб. — Ўша йили темирийўл хизмат ташкилотларида барча назорат ва тафтиш соҳалари бошқарманинг молия хизматида уммалаштирилди. Янги хизматга ҳам катта тафтиши бўлиб ўтдим.

1996 йилнинг 8 августида Республика Президентининг ҳалқ ҳўжалиги тармоқларидағи тафтиш бўлимлари ўрнида Аудит фирмалари тузиш ҳақидаги фармони чиқди. Ушбу хужжат асосида 1997 йилда «Ўзбекистон темир йўллари» Давлат-акционерлик темирийўл компанияси кошида «Темирийлаудит» маслаҳат фирмаси ташкил этилди. Унинг директори этиб ўз соҳаси билимдони Шермат Бегматов тайинланди.

1. «ТЕМИРИЙЛАУДИТ» ФАОЛИЯТИДАН...

Хозирда «Ўзбекистон темир йўллари» ДАТК тасарруфида 173 корхона ва ташкилот мавжуд бўлиб, уларнинг 50 таси акционерлик жамиятларига айлантирилган. Уларнинг барчасини аудиторлик кўригидан ўтказиш асосан «Темирийлаудит» маслаҳат фирмаси жамоаси зиммасида. Шунингдек, фирма ҳозирги бозор иқтисодиёти муносабатлари ривожланаётган ва ҳар бир соҳа ўз ишини рақобат асосида ташкил этаётган бир даврда республикамиздаги барча кўшма корхоналарга, акционерлик ва масъулияти чекланган жамиятларга, давлат ва ҳалқ ҳўжалигининг барча тармоқларида фаолият юритаётган корхоналарга бухгалтерлик ҳисоботи, аудит кўригидан ўтказиш бўйича малакали хизмат кўрсата олади. Булардан ташқари, корхоналарда солиқ тизимини тўғри ташкил этиш, ҳисоб-китоб жараёнлари якуни бўйича уларнинг тўғрилигини тасдиқлаб бериш, меъёрий хужжатлар, турли молиявий фаолиятлар, корхоналарнинг рентабеллиги ва тўлов қобилиятини аниқлаш, тахлилдан ўтказиш бўйича маслаҳатлар беради.

Фирма хорижий ҳалқаро ташкилотлар берадиган инвестициялар — кредит, пул маблағлари юзасидан ҳалқаро стандарт талаблари даражасида аудит текширувлар ўтказиб бериш қобилиятига эга бўлган малакали мутахассисларга ҳам эга.

2. ШУ ЎРИНДА БИРГИНА МИСОЛ...

Ўзбекистон молия бозорида корхона ва ташкилотларни аудит текширувдан ўтказиб берадиган 600 дан зиёд аудит фирмалари мавжуд. Ушбу шароитда мижозни фирмага доимий мижоз сифатида жалб килишнинг ўзи бўлмайди. Ташкил бўлганига эндиғина уч йилдан ошган «Темирийлаудит» фирмаси жамоаси эса бунинг уддасидан чиқди. Улар факат темирийўл тизимидағи ва бошқа соҳалардаги мижозларнингина ўзига жалб қила қолмай, хорижий мижозлар ҳам топди.

Қўпчиликка маълумки, Осиё тараққиёт банки ва Европа тикланиш ва тараққиёт банки «Ўзбекистон темир йўллари» ДАТК билан иккита инвестиция лойиҳасини амалга оширишда ҳамкорлик қилмоқда. Осиё тараққиёт банки Чингелидан Бухорогача бўлган 320 км. темирийўлни қайтадан туб таъмирлаш учун 70 млн. АҚШ доллари микдорида, Европа тикланиш ва тараққиёт банки эса локомотивларни янгилаш учун 40 млн. АҚШ доллари микдорида сармоя ажратган. Бу ишлар хозирда амалга оширилмоқда. Дунёдаги бу икки кудратли молия ташкилотлари эса ким билан қачон ва қай тарика ҳамкорлик қилишини яхши билишади. Бунинг учун уларга, аввало, ишончли, яъни берган қарзларини ўз вақтида келишилган шартлар бўйича қайтара оладиган шерик керак. Улар бундай шерилликка бизнинг темирийўл компаниямизни танлаб олишган экан, унинг молиявий кудратини ҳам



*Шефкат Бегматов ўринбосафи
Рафкат Бағатбоев билан құндалик иш мүхокамасы*

амалда ҳисоб-китоблар орқали яхши билишлари лозим. Бундай ҳисоб-китобларни аудит фирмалари аниқлаб, ўз кафолатларини беради.

Худди ана шу — қайси аудиторлик фирмалари билан ишончли ҳамкорлик қилиш юзасидан бу икки банк эълон қилган халқаро тендерда жаҳон таниған аудиторлик фирмалари орасыда қатнашган «Темирйўлаудит» ютиб чиқди ва улар билан шартнома тузиб, шу асосда текширувлар олиб бориб, компанияяга катта даромад келтира бошлади.

Бу эса юқоридаги айтганимиздек, фирмада халқаро текширув ишларида ҳам ишлай оладиган юқори малакали аудит ходимлар етарлилигидан дарак беради. Демакки, фирма раҳбари кадрларни танлаш ва уларни жой-жойига кўйишда ҳам янглишмаган экан.

Умуман, фирма қисқа вақт ичида ўз фаолиятини такомиллаштириб, хизмат турларини кенгайтириб темирйўл компанияси билан тузилган икки йиллик бош шартнома асосида иш олиб бормоқда. Бир ойда фирмага 12–15 ташкилот мурожаат қиласи. Фирмадаги 21 киши Адлия вазирилиги қошида ташкил этилган Ўзбекистон аудиторлари ва бухгалтерлари Ассоциациясининг малака ошири курсларida ўқиган юқори тоифали мутахассислардир. Фирма директори ўринбосари Рафкат Баратбоев, бўлим бошликлари Равшан Рустамбеков, етакчи аудитлар Зокир Саъдуллаев, Қурбон Аннаев, биринчи тоифа аудитлар Ўрол Чоршанбаев, Рустам Комилловлар шулар жумласидандир. Уларнинг кўпчилиги темирйўл транспорти соҳасида 15–20 йил ва ундан ортиқ ишлаётган кадрлардир.

3. ИҚТИСОДИЙ КЎРСАТКИЧЛАРГА БИР НАЗАР

Фирманинг компанияяга келтираётган даромади ҳам йилдан-йилга ошиб бормоқда. Мисол учун жамоа 1997 йилда темирйўл корхоналари билан шартнома асосида аудит текширувлар олиб бориб 20 млн. сўм, 1998 йилда 25 млн. сўм, 1999 йилда 28 млн. сўм маблағ топган бўлса, 2000 йилнинг 9 ойи ичида 22 млн. сўм даромад қилди, йил охиригача фойдани 30 млн. сўмга етказишмоқчи.

— Биздан кўпгина корхона раҳбарлари соликлар ҳисоботининг тўғри^{*} ёки тўғри эмаслигини кўриб беришимизни сўрашади. Бундай мижозларимиз умумий мижозларимизнинг 80 фоизини ташкил этади, — дейди Шермат Бегматов. — Баъзи раҳбар ёки бош бухгалтерлар эса бизнинг аудит текширувларни навбатдаги молиявий тафтиш билан янгиштиришади. Аслида ундан эмас. Биз аввало мижознинг қизиқиши ва манфаатларидан келиб чиқиб, ўзаро ишонч, икки томонлама ҳамкорлик асосида иш олиб борамиз. Ҳар бир корхонадаги ўз вақтида ўтказилган аудит текширув ўша корхона ривожига ижобий таъсир қиласи, раҳбарларни солик ва ҳуқуқий ҳимоя қилиш органлари томонидан кўриладиган

келгусидаги қонуний санкциялардан ўз вақтида огоҳ этиб, уларни ҳимоя қилади. Корхонасининг ҳақиқий молиявий аҳволидан хабардор раҳбар чалкашликларни ўз вақтида тўғрилади. Чунки ҳозирги шароитда ҳар бир корхонанинг молиявий ва иктисадий кўрсаткичларини ҳақоний, ҳам малакали, ҳам ишончли, ҳам таҳлилий текшириб беришини факат аудит фирмаларгина амалга оширади. Буни ҳамма, айникса, корхона раҳбарлари яхши билишлари керак!

4. КЎНГИЛДАГИ ГАПЛАР

...Корхоналарни текшириш жараёнида уларнинг қийин аҳволга тушиб қолиш сабабларини ўрганишга тўғри келади. Масалан, байзи қонунларнинг бошқалари билан узвий боғланмаганлиги, яъни охирига етказиб ишланмаганлиги, баъзиларининг тез-тез ўзгариб туриши бунга сабаб бўлади. Мисол учун шу ўринда ҳозирги шароитдаги Темирийўл ва ҳалқ ҳўжалиги тармоқларидағи режалаштиришларни ҳамда улардан келиб тушадиган пул маблагларининг қарама-қаршилигига тўхтальсак, Темирийўл транспорти ўз олдига кўйган режани, дейлик, юқ ташиш режасини уddyалайди, аммо ҳазинасига бажарилган ишга яраша пул келиб тушмайди. Тўғри, мижозлар олдиндан 15 фоиз ҳақ тўлади, темирийўл эса 100 фоиз ишни бажаради. Аммо пул ўз вақтида келиб тушмайди. Агар бажарилган иш учун олдиндан пул тушираман дессангиз, белгиланган режадаги ташиш ҳажми бажарилмай қолади.

Демак, юқоридан — вазирликлардан қонунларни бир-бирига мос ҳолда бажарилишига эътибор бериш керак. Ахир пул бўлмагач, яъни бажарилган иш учун маблаг ўз вақтида келиб тушмагач, маошлар ўз вақтида берилмайди, бошқа мижозлар билан ишлаш қийинлашади, ишлаб чиқариш кўрсаткичлари бажарилмай қолади. Аслида булар тўғридан-тўғри қонунлар асосида бажарилиши шарт.

Мисол учун бирор вазирлик ёки концерннинг юки манзилга элтиб кўйилдими, бир хафта ичида қилинган ишга пули ўтказиб берилиши керак.

Хуллас, қонунчилик устивор демократик жамият кураётган эканмиз, чалкашликларга йўл кўймай қонунчиликка амал қилиб, уни янада мустаҳкамлаб боришимиш зарур.

5. ЯНГИЛАНИШ ЙЎЛИДА

Республикамизда МДҲ мамлакатлари ичида биринчилардан бўлиб Аудиторлик фаолияти тўғрисидаги Қонун қабул қилинган эди. Компания қошидаги «Темирийўлаудит» маслаҳат фирмаси ҳам ҳозирда самарали фаолият олиб бормоқда. Аммо ўтган йиллар орасида аудиторлик фаолиятига оид амалдаги меъёрий ҳужжатлар бир неча маротаба ўзгаририлиб тақомиллаштирилди. Шу йилнинг 22 сентябридаги Ўзбекистон Республикаси Вазирлар Маҳкамасининг 365-сонли «Аудиторлик фаолиятини тақомиллаштириш ва аудиторлик текширишларининг аҳамиятини ошириш тўғрисида»ги қарорига қўра ҳозирда «Темирийўлаудит» жамоаси ҳам замонга мос қадам ташлаб, ўз аудиторларини қайта ўқитиши ва сертификат олишга тайёрлайти. Чунки 2001 йилдан республикамиздаги ҳалқ ҳўжалиги тармоқлари ҳалқаро ҳисоб-китоб андозалари асосида иш олиб борадилар.

6. СЎНГГИ СЎЗ ЎРНИДА

Хайрлашаётib Шермат акадан сўрадим:

- «Аудит» сўзининг соғ ўзбекча маъноси қандай?
- «Аудит» сўзи асли лотинча, ўзбекчада «мен сизни эшитаман» дегани.
- «Мен сизнинг чўнтағингизни эшитаман», денг.

Кулишдик.

Хуллас, «Темирийўлаудит»га мурожаат килаверинг, улар Сизнинг дардингизни эшитиб, ундан Сизни ўз вақтида огоҳ этаверсин!

Мурожаат учун манзил: Тошкент шаҳри, Тарас Шевченко кўчаси, 7-ий, («Ўзбекистон темир йўллари» ДАТК биноси).

Адҳам Даминов